



BIBLIOTECA NAZ

Vittorio Emanuele II

XXVIII

G

31

NOV 1917



Marcelli Malpighii,
PHILOSOPHI
ET
MEDICI BONONIENSIS,
E
SOCIETATE REGIA,
OPERUM
Tomus Secundus.

Al. Malpighii
cat. adjectis
1712



Loc. Japa.
Pro hunc
1687



LONDINI,
 Prostant apud **ROBERTUM SCOTT,**
 Bibliopolam Regium.
MDC LXXXVI.

1900

1901

1902

1903

1904

1905

1906

1907

1908

1909

1910

1911

1912

1913

1914

M A G N Æ
SOCIETATI REGIÆ
A N G L I C A N Æ

MARCELLUS MALPIGHIVS S.P.

Natura rerum vis, atque majestas, ex Plinii monito, in omnibus momentis fide caret; si quis modò partes ejus, ac non totam complectatur animo. Quapropter & Plantarum ~~non~~ ^{non} universa ulterioribus agressionibus nobis fuit percurrenda. Hæ qualescunque sint, Vobis jure optima debentur, summi Viri: qui me obviâ humanitate vestrà, aliquo apud Vos, utcumque immerentem dignati loco, spectabili aded, & valido Philosophantium immixtum corpori voluistis: ac prisca, deque meliore metallo secula novis cumulata fulgoribus, tamquam postliminio revocastis. Enimvero si eodem referente præclaro Natura Mystâ: antea inclusis Gentium Imperiis intra ipsas, ideòque & ingeniis quadam sterilitate fortunæ necesse erat animi bona exercere: Regesque innumeri honore Artium colebantur, & in ostentatione has præferabant, opum immortalitatem sibi per illas propagari arbitantes; Vos laxato Imperio; diffusis per terrarum orbem Gentibus; profusis opibus potentes; bonas Artes servitutis jampridem jugo damnatas, nitore pristino, vindictis secundùm libertatem datis, restituitis: Dum Vos inter; & Reges, & Dynastæ (quod olim magno illi Semoni in Votis) philosophantes; promoveri eas, & excolere sibi laudis ducunt: Vosque ipsi externorum quoque nonnullorum consociatis laboribus, veluti auxiliaribus copiis virtute potissimum vestrà, scientiarum pomæria publico bono; nec sine ingenti, ac ut ominor, in ævum perennatura vestri nominis fama, feliciter indies proferre contenditis.

a

Vestro

Epistola Dedicatoria.

Vestro igitur iudicio opellam banc, reliquosque, id genus, si Deus dederit, ingenii nostri scimus, quod sentimus quam sit exiguum, in obsequiis gloriam, venerabundi sistimus. Recto hic omnia (quamquam id fortasse improbum: verum O utinam!) necne, italo sicut, quis potro exactius, quis candidius pronuntiaverit? Nobis satis interim fuerit levius, minusculum, subsociis vis horis (nec enim aliter licebat) rudi Minerva, ac soloce filo, non incariusse tamen concinnatum, Vobis in perpetuam observantiae tesseram obtulisse: inani baudquaquam, ni fallimur, spe; libenti illud à Vobis animo, nempe quorum id praefectum jussu perextitum sit; ac bilari, ut soletis, fronte exceptum iri. Sed nimirum Vos moror: odiosam aiunt Circensibus pompam. - Hoc ergo agite, Viri praestantissimi, & conatibus nostris favete. Nos ad rem ipsam aggrediemur.

PRÆ-

PRÆFATIO.

MIrum est, Plantarum genus, quod civilis nitidiorisque vitæ velut instrumentum præ manibus perpetuo habemus; & humani corporis structuram quotidianâ, largâque alimoniâ reparat, & componit, ad hæc usque tempora menti nostræ latuisse, & postremo sue compagis cognitione nos erudire tentasse: quasi ac fatale sit, quod olim inculcabatur antiquitæ, nihil omnino sapientiæ corpus nostrum conferre; sed excitato ab eodem tumultu, & perturbatione, mentem ità percelli; ut verum cernere nequeamus. Superioribus annis vegetantium organa, quatenus tenuitati meæ permissum fuit, lustrare tentavi; horumque rudes aliquot icones exhibui: quod verò supererat, ulteriori hac exercitatione addidi. Vegetantium Seminum argumentum longâ observationum serie mihi pertractandum erat in animo; sed quoniam hoc temporis diturnitatem exigat, ut emergentia phænomena sæpius repetita pateant, mihi quæ intra urbanam domum non successit diversas vegetantes alere plantas, eò quia loci angustia ventilatum aerem non admittit, ibique potius contabescunt plantæ, quàm late luxurient; foris autem diu commorari non licuit, tum ob domesticas curas, tum ob molestam medicinæ praxim; quæ tamen potui, tentavi & aliorum exercitationibus addita, aliquid fortasse lucis tam obscuro argumento præ se ferent. Gallarum materiam ad tedium usque protractam dubito: in hac tamen placuit recolligere segetem; ut plura simul congesta probabilem indicent Naturæ methodum. Minimarum plantarum longam disquisitionem exoptabam; & imperfectorum vegetantium præcipue marinorum mihi necessaria & perutilis indagatio erat; ut unus Naturæ operandi modus, simplexque, & patentior plantarum structura, & compages elucesceret: quoniam tamen à mari distamus, nec nobis otium est, ut singula rimemur; ideo aliorum industriam enixe exopto. In reliquis observationum seriem exhibui iconibus sociatam, ut quilibet pro arbitrio cuiusque systemati innixus philosophari valeat. Icones pariter meâ manu expressi, licet microscopii ope adactum representent obiectum:

PRÆFATIO.

objectum: non tamen omnes ejusdem partes signatim exprimunt, quales revera extant, cum in immensum serè excreseceret cujuscunque rei minima delineatio; sed servatâ aliquali & analogâ Naturæ metodo, eas tantùm delineavi partes, quæ Lectorem erudire valeat. Sicut Cosmographi locos insignes solùm designant, neglectis, vel saltem silentio præteritis, singulis domunculis, & arboribus: ità pariter ex tot à Natura expositis, aliquot tantùm ex his, quibus affluenter compaginantur plantæ, adumbrare potui; ut inde facilioris intelligentiæ gratiâ quælibet vasorum species, & ipsorum mutus nexus pateant. Eandem etiam ob causam figuras auctiores reddidi: situm quoque, divulsis partibus, interdum mutavi; non neglectâ tamen naturali integritate, quam licentiam quicunque etiam severiores Aristarchi, ut spero, benignè concedent.

DE

D E SEMINUM VEGETATIONE.

Viventium interitum adeò celerem, frequentemque Natura instituit, & hunc quasi ex animo præ reliquis sollicita perpetuò exoptat; ut: largo inde sobolis fœnore jacturam reparet: hinc pleraque herbarum genera pro sola fœtura vivere videntur. Plantarum igitur fœtus seu semina, quorum generationem in utero aliàs contemplati sumus, cum varios vitæ gradus fortiantur, alienamque altricem, & foventem exigant opem, ut sui juris facta, completis vitæ muneribus perfruantur longum (ut animalibus quibusdam accidit) sub ovi specie otium fortiantur: donec terreni uteri fotu, vel incubatu ipsorum partes magis explicitè manifestentur, & adolescant: unde diaria nobis veluti gallinacii ovi incubatio, vel fœtus in utero continuata lustratio exponenda occurrit. Ex pluribus itaque seminibus quædam selegi, ut inde reliqua analogicè pateant. Ab ovis igitur *Cucurbitæ* exordium capiemus: hæc enim (1.) fœtum, seu plantulam elegantem continet, quæ incubata citò vegetat. Et quoniam hujus varia phænomena exponenda assumimus, ideo ejus structura ante incubatum manifestanda venit. Geminis foliis *A* constat latis & candidis, seminis pulpam excitantibus: pendent hæc à minimo caule *B*, eique connectuntur fibrosis fasciculis, & tracheis, quorum progressum canaliculi quidam *C* in foliis indicant, inter quæ à caule *B* gemma minima *D*, complicatis foliolis contexta, fovetur. Illud mirabile est, quòd in secto per longum caule, & continuatà radice, fibrarum lignearum fasciculi *E* occurrunt, rotundos globulos *F*, futuras scilicet radices, hinc inde prominentes; patent autem hujusmodi radicum inchoamenta, si Soli obijciantur; diaphana enim sunt, & successivis incrementis manifestantur.

Hoc itaque ovum seu semen, postquam per diem integrum terræ commissum est, tumidum conspicitur, & exterior ejusdem secundina humorem compressa reddit: foramen in apice excitatum patet. Ab lato crassiori cortice, altera occurrit secundina, parum virefcens, ita madida, ut faciliè separari possit. Gemina folia *G* parum gibba protuberant. Custodita gemma *H* patentior fit, suis convoluta foliolis. Alterà transactà die, exterior secundina mollior apparet, eique subiectum involucrium, quasi lacerum & corruptum occurrit. Plantula pa-

B

rum

rūm elongata, tumida & superius globosa redditur: hæc secta per medium, lignearum fistularum, & trachearum productiones *I* exhibet, à quibus radicum inchoamenta evidentius emergunt. Exterius corticis utriculi ambiunt, intus verò medulla luxuriat. Subsequenti die, exterior secundina subfusca redditur, propriis turgentibus utriculis. Inclusæ plantulæ folia tument, & fistularum fasciculi extrà eminent. Plantulæ conica radix, excitatà in secundinis scissura, prope foramen foras eminet. Folia plantulæ sensim augentur, & manifesta redduntur: ipso quoque vasorum ptopagines quinque *K* elatiōres occurrunt. Continuatus caulis *L* solito turgidior redditur; quo secto medulla, & lignea portio *M* cum erumpentibus radiculis patent.

Transactà quartà die, intra secundinas turgida continetur plantula, folique radix extrà erumpit. Ablatis secundinis, quarum interior gracilis & absque succo est; folia *N* subalba, & flexibilia alicualemque fortita molliem, occurrunt, in his costulæ elatiōres producantur, & caulis *O* cum continuata radice elongatur & lanuginem emittit. In principio radicis corticalis quædam appendix *P* extuberat candida, & mollis: in producta radice erumpentium radicularum tumores *Q* manifestantur. Sectus caulis corticalem appendicem *P*, & intra ligneas fistulas medullam *R* offert.

Circa sextam diem, plantulæ folia *S*, majori excitato hiatu in secundinis, crassa emergunt, parūque mollia ad invicem diducta. Caulis *T* oblongior, & appendix, supra radicales *V* pilis conspersa, eminet. Totus insuper radicis processus, crispā & candidā lanugine ornat. Folia *S* subvitellina reddita, intusque concava, gemmam foveant, pilosque minimos croceos promunt, & in ipsis excitati, per longum interioris furculi costularum productiones designant. Gemmā adhuc ambiente, hocque laciniato fottolo ~~convolvulus~~.

Circa nonam diem, plantula geminis hiantibus foliis *X* sursum attollitur. Hæc in apice sublutca sunt: in reliquo viridia. Exterius ipso- rum costulæ eminent, invicem anastomizate. Utriculi, quibus folia componuntur, humore turgent subviridi, parūque flavescēte. Ipso- rum ordines horizontaliter situati videntur. Caulis *T* longitudinem indicis adeptus, ex albo virescit in sui extremitate: ultra appendicem promit radicem, à qua minores radiculæ erumpunt, pilis conspersæ. Hic sectus per transversum ovalem exhibet formam, & exterius acuminatos promit pilos. Variis fistularum lignearum fasciculis *Z* cum conditis tracheis componitur, qui in gyrum locati, disparati tamen, medullæ locum præstant: inferius autem in cylindrum congesti, radicis truncum efformant. A ligneis fistulis, corticis, & medullæ utriculorum ordines pendent, & à trunci apice gemma affurgit. Procerior indies redditur plantula; elongatusque caulis, interius fistulosus efficitur. Folia latiora, & viridia eā præcipue in parte, quā hiantia cælum aspiciunt, curvantur, & plicabilia fiunt. Gemma auctior attollitur; nondum tamen explicata.

Circa vigesimam primam diem, completa videtur, firmatæque planta; feminine enim folium *a* hanc, & majorem acquirit magnitudinem; viridi,

ridi, saturatōque pollet colore. Septem continet fibrarum fascicu-
los *b*; quæ interdum ultra medietatem, in rete *c* desinunt, à quibus pen-
dentes utriculorum ordines folii latitudinem complent. Patent autem
detractâ cuticulâ: elegans namque utriculorum rete *d* occurrit, quod
non tantum implicatione producit, secundum folii longitudinem;
sed etiam penes crassitiem; ita ut secto horizontaliter folio, ejusdem re-
tis productio etiam pateat. Pilis copiosis pars interior, horrida redditur.
Foliorum hujusmodi seminalium mirabile est augmentum, si naturali
magnitudini *e* comparatur. Pediculo brevi, & concavo *f* firmantur
hæc folia: à summitate etenim caulis, facto nodo, ipforum exortus
g eminet, quorum alterum hic detruncatum *h* indicatur. A foliorum
axilla reliquum caulis *i*, sub gemmæ specie diu latitans, assurgit; cris-
pum namque, & parum explicitum, stabile folium *k*, laciniatum, pilis
inferius & superius coopertum promit: reliquum verò sub gemma *l* ad-
huc custoditur. A nodo deorsum exporrigitur caulis *m* in spinis horri-
dus; hic horizontaliter sectus, quasi ovalem præ se fert formam *n*, in-
tus cavus est, sex fasciculis ligneis *o* in gyrum locatis componitur, &
intermedia spatia utriculorum ordinibus *p* replentur. Hæc omnia, sec-
to per longum caule, patent; fasciculi etenim fistularum *q* manifestan-
tur: appendix quoque corticalis *r* & radix *s* gracilior trunco occurrunt.
Exarati fistularum fasciculi in apice caulis, ubi seminalia folia pendent,
implicantur, ut in reliquis nodis accidit; ipforumque portiones in gem-
mam, reliqui in folia, absumuntur; horum tamen, ut potui, dimidia-
tum progressum indicavi. Tres igitur fasciculi *t* caulem excurrentes,
subdivisus fistulis, quibus componuntur, novam productionem germi-
nant, à quibus fasciculi septem *u* costulas folii excitantes exoriuntur.
Ab hoc eodem nodo interius alia germinationes fibrarum in gemmam
derivantur. Taliter adaucta Cucurbitæ planta tractu temporis suam
sortita magnitudinem, seminis productionem complet, & interim tem-
poranea, seu seminalia folia gracilescendo contabescunt. Consimili
progressu vegetant Raparum, Raphani, Lactucæ & similium semina,
quorum incubata caro in ingentem foliorum magnitudinem extuberrat.

Phaseolorum ova (2.) seu feminales plantulae, parum difformi mu-
tationum serie commissa terræ vegetant. Post diem integrum incuba-
tûs, ovum seu semen turget; nullæque rugæ in secundina supersunt:
fenestra hians turgidos offert inclusos utriculos. Mollis est secundina,
& macula fenestram ambiens, olim nigra, violacea redditur. Hac
avulsâ seminalis contenta plantula manifestatur, quæ subdulci pollet sa-
porē. Geminis foliis *A* seminalibus, & caule *B* conglobatur. Interius
gemma binis expansis foliis *C* sulphurei coloris custoditur, quæ ab ex-
tremo caulis, supra foliorum seminalium implantationem vegetat. In-
ferius caulis *D* cum continuata radice elongatur, qui per longum sec-
tus, ligneorum fasciculorum progressum *E* exhibet, intus verò medul-
lares utriculi conduntur.

Triduo elapso, radice apex *F*, factâ infra fenestram laceratione, crum-
pit. Radix alba in extremitate interdum virescit. Secundina mollis est,
& gra-

& gracilis, unde de facili laceratur, nullumque excitat saporem. Seminalia folia subalba interiùs concava *G*, rorido madent ichore, & glutinosi humoris guttas effundunt. Trunco *H* continuantur, qui tortuose ductus, deorsum fertur, intusque fasciculis ligneis, & utriculorum ordinibus *I* constat. Transacta quartà die, secundinae subrubris maculis inficiuntur, subjecti sacculi adhuc turgent, & plantulae caulis *K* crassior, & oblongior redditus, ex albo virefcit. Appensa feminalia folia *L* mollia gemmam sensim hiantem *M*, adhuc foveant. Truncus cum continuata radice, de more utriculorum seriebus, & fistularum, trachearumque fasciculis *N* turget. Circa septimam, procerior reddita planta, tortuosam emittit radicem *O*, à qua radicularum inchoamenta, & pili erumpunt. Caulis in superiori parte subluteus est, & sensim subalbus redditur. Gemina appensa feminalia folia, non parum adaucta, luteique coloris, erumpenti gemmae locum prebent. Secta plantula plurimum humoris reddit; impense enim turgent corticis, & medullae *P* utriculorum ordines. Caulis extremitas in gemina folia stabilia *Q* laxatur, quae clatis costulis, & utriculis tument. Nonà completà die sursum crumpit caulis, deorsumque revulsa secundinae, tabefactae subsident; ita ut nuda appareant feminalia folia *R*, quae mollia virefcunt, & ab horum hiatus emergunt gemmae folia *S*, quae olim crispae; sensim explicatur, & viridi colore inficiuntur. Radix tortuosa novas foboles, & pilos *T* emitit. In secto caule copiosi utriculorum ordines *V* turgent.

Post paucos dies, plantulae caulis turgidus sursum attollitur, & feminalia folia *X* adhuc haerent, parum crassa, & subviridia. Folia ascendentis caulis virore suffusa, sensim extenduntur. Radix *T* copiosas radículas, & pilos germinat, sectusque caulis plenus est, & utriculorum ordinibus repletus, productis exterius fistularum fasciculis *Z*, qui in radices diramantur.

Circa vigesimam diem, completà plantula folia *a* patula habet, viridi saturata colore, à quorum axilla reliquum caulis *b* sub gemmae specie attollitur. Seminalia folia *c* tabefacta, & rugosa adhuc haerent, nullumque ferè continent succum. Caulis viridis est, & solidus, & per longum sectus fistulosam concavitatem *d* exhibet: medullae enim utriculi tabescere incipiunt, & ita fistula excavatur. Post aliquot hebdomadas, adauctae plantae caulis solidior redditur, coloris viridis, cum rubicundis maculis. Pili quoque candidi exterius ambiunt. Supra cicatricem *e*, unde inserta olim pendebant feminalia jam collapsa; nodus *f* extat, à quo gemina folia stabilia *g* erumpunt: reliquum quoque caulis *h* cum binis emergentibus gemmis *i* attollitur. Sectus caulis figuram exhibet *k*, versus superiora fistulosus est *l*. Radicis truncus multiplices surculos promit, à quibus tumores in inaequales magnitudines erumpunt, qui utriculis congesti, quasi glandulas aemulantur, de quibus suo loco.

Fabae (quibusdam *Berberianae*) curiosa pariter est incubatio: hoc (3.) itaque semen, seu ovum, per diem integrum foverit terrà custoditum, tumidum redditur. Submollis secundina tactui cedit, & adhuc

huc integra, parumque crispa manet. Conclufa insuper durat fenestella, & vagina, quâ conditur plantulæ radix, utriculis est turgida, qui subamaro & adstringente scatent succo. Ablatis secundinis, plantula occurrit, cujus gemina folia *A* sublutea, & humefacta facile flectuntur; ipsorumque utriculi turgent, & conclusæ tracheæ manifestantur. Plantulæ radix conica *B* candida est; condita verò gemma, & caulis subluteus minimis complicatur foliolis. In secta per longum plantula, intra cylindrum fistularum fasciculis excitatum, mollis conditur substantia, medullæ loco. Completo biduo, totum semen turget. Secundina minimis, rotundisque tumoribus tentatur, & ejus fenestra nondum hiat: subjecti utriculorum ordines gracilescere videntur, & vaginæ humor leni suffunditur rubore, ejusque sapor subadstringens, & dulcis est. Denudatæ plantulæ gemina seminalia folia turgida, albâque occurrunt, plicabilia intrusque madida: hæc lacerata, glutinosum, & quasi resinofum reddunt humorem, qui in longum duci potest. Seminalibus foliis caulis pediculis *C* continuatur, adhuc propriâ vaginâ conditus, gemmâque conclufa manet. Secti caulis fibrarum, trachearumque fasciculi *D* per longum producti patent, & conclusi utriculi humorem fundunt, terebinthinæ analogum; hos ambiunt utriculi corticem constituentes. Radicis extremus conus *E* diaphonus est; non enim fistularum fasciculi, & utriculorum ordines usque ad extremum deduci videntur; sed quasi vaginula additur, lento turgida humore, qui veluti seminalis ichor à medulla effluens, extremum radicis complet.

Triduo completo, secundina æruginosi coloris, si comprimatur, reddit aquam; ipsius conditi utriculi exinanito ferè humore, vacuas interdum exhibent pelliculas, quæ sapore penè nullo pollent. Plantulæ radix *F* disruptis secundinis, propriâque vagina, non longè à fenestella foras eminent. crassior & procerior reddita. Seminalia folia *G* sublutea interdum, & quandoque alba, lividis maculis, ex secundinarum stigmatibus, inficiuntur, propriisque utriculis & vasculis lentum continent, & subdulcem humorem. Plantula patentiora habet stabilia folia *H*, & per longum secta, à fistulis circa medullam *I* glutinosum humorem, aerisque bullas fundit, & exaratus in apice diaphonus humor, pelliculâ conclusus adhuc perseverat.

Circa quintam diem secundinæ molles sunt, & friabiles, quare de facili lacerantur, earumque color fuscus est; quibus avulsis plantula emergit, cujus radix *K* oblongior jam in apice lutea, sensim virescit; reliquum verò album est. Pediculi *L* foliorum subalbi, curvatique elongantur, & diducuntur; ita ut pederentim caulis, & gemma exerantur. Seminalia folia subalba reddita; lævia, & lucida sunt, & interius rore madida consistentiam habent, laceratâque glutinosum reddunt humorem, qui eundem possidet saporem, qualem in viridi semine experimur. Caulis *M* sensim augetur, ejusque gemma sublutea, & auctior, in folia laxari incipit. Sectâ per longum radice, fibrarum fasciculi per rectum ducti in foliorum pediculos *L* exporriguntur. Extremus ejusdem apex *N* (prout obscure attingitur) taliter componitur. Cylindricum corpus *O* fistulis, & tracheis coagmentatum, corticis utriculis *P* lateraliter

teraliter circumdatum, non extremum radicis attingit; sed conica quasi vaginulâ, & appendice *Q* glutinosa referta humore terminatur, & ambitur.

Completâ septimâ die, secundinæ plantulam adhuc ambiunt, & erumpentem radicem, caulêmq; admittunt. Utriculorum vestigium vix superest, præterquam in Vagina. Plantulæ radix *R* longitudinem indicis adepta, tortuosè ducitur: exterius utriculorum ordinibus perpendiculariter locatis contegitur, qui inæqualiter in fine terminantur, corumque color subviridis est: pili sensim erumpunt. Caulis *S* erigitur, & folium *T* sublateum, gemmam olim custodiens, extenditur. Seminalia folia sublatea cauli continuantur pediculis, qui fibrosis fasciculis coagmentantur, & utriculorum ordinibus, unde videtur eadem foliorum continuata crassa substantia: Patent autem fistulæ, & trachæ a caule in folia productæ, laceratione media. A caule in pediculorum axilla, & quandoque ab iisdem, elongatis pediculis, geminæ erumpunt gemmæ *V* sulphurei coloris; minimis, & gracilibus coagmentatæ foliolis.

Post septimam diem caulis supra terram apparet, & folia *X* viridia sensim latiora hiant. Secundinæ semiputridæ seminalibus foliis hærent: hæc *T* frequenter viridia, & in extremitatibus sublutea, & alba sunt, crassa & turgida: ipsorum utriculorum ordines versus pediculum diriguntur: secta per transversum fistularum, & trachearum fasciculos *Z* exhibent, quorum ramificatio patet, ablata sensim cultri ope, vel extremis unguibus utriculorum portione; à caule enim *a* fistularum fasciculus per medium pediculi exporrigitur, qui laxatus propagines *b* multiplices promit per totam folii latitudinem, à quibus pendentes utriculorum ordines & tota folii crassities constantur. Interius perpendiculariter radix exporrigitur oblonga, hinc inde radículas *c* germinans, & lanuginem. In hac, per longum ~~folium~~, ~~interius~~ observatur cylindricum fibrarum, & trachearum corpus *d*, modullam ambiens, à quo radicularum quoque erumpentes productiones *e* patent: nam circa ligneas fibras, & tracheas corticis portio, minimis excitata utriculis, elongatur; unde ex his conflata radícula, exteriorem corticem grandioribus utriculis turgidum, postremò urget, & facta sibi viâ foras erumpit; & huic postremò idem exterior cortex accrescit, & pili enascuntur.

Exactâ decimâ quartâ die, plantulæ folia *f* expanduntur in geminas partes, inter quas styliformis appendicula *g* mediat: inferius foliolum *h* gemmam olim custodiens, parùm rubescens, eminet. Caulis sursum attollitur, cujus partes sub gemmæ speciei *i* conduntur; in extremitate caulis, sub terra adhuc crassa, manententur seminalia folia *k*, succo subamaro, & adstringente turgida: vasa quoque lacerata glutinosum fundunt humorem. Radix procerior reddita, ultra radículas novos indies emittit tumores *l*, quæ in minimas prodeunt radices. Caulis interea procerior redditur; & ipsius utriculi, qui exterius in cortice turgent, rubore suffunduntur. Diverfa erumpunt folia, alternatim emanantia; interius tabescentibus medullæ utriculis, concavitas excitatur. Seminalia folia pedetentim absumpto ipsorum humore, corrugantur, & gracilescunt: eorum quoque pediculi contorquentur in spiram. Radix solidior,

solidior; & interiùs lignosa redditur. Completo mense, perfecta jam plana, rotunda gaudet radice, à qua copiose radicle erumpunt, & tuberculi *m*, qui hiant cortice, ab interioribus prodeunt utriculis congesti. Seminalia quoque folia *n* lutea, crispa & arida suis pediculis trunco radicis hærent. Caulis *o* quadratus sursum effertur: obtusos namque angulos *p* possidet, in quibus sub cortice lignei fasciculi *q*, cum tracheis, locantur; interiùs verò loco medullæ concavitas excitatur.

Incubata *Pisorum* (4.) femina pari vegetatione gaudent: post diem enim integrum, ipsorum foetus insigni mole excrevit, & exterior secunda alba mollis, & lævis redditur: fenestra tamen adhuc conclusa manet, eique proximum foramen tantum patet. Detractis secundinis, plantula occurrit, cujus folia *A* lævia exteriùs sunt, & subluta. Plantulae radix conica *B* alba est, suisque pediculis, appensis foliis *A* continuatur, quibus diductis caulis *C* cum gemma manifestatur. Plantula per longum scissa, corticem *D* utriculis excitatum exhibet; interiùs verò lignea portio *E* Diaphana, & humore turgida conditur.

Secunda completà die, laceratis secundinis, & tumefactis seminalibus foliis *F*, plantula foras erumpit; & diductis non parum eorundem foliorum pediculis *G*, caulis & gemma latent. Radix *H* candida procerior redditur, & seminalia folia, interiùs concava, extremo limbo *I* parum attolluntur; cujus ope sibi invicem uniuntur. Transacto triduo, auctior radix *K* disruptis secundinis exeritur: hæc candida est præter apicem, parum luteum & virentem, pilosque copiose emittit. Seminalia folia nonnihil hiant, & sensim conditus caulis *L* cum propria gemma manifestatur: hujus folia patentiora redduntur, & radicis truncus *M* crasso cortice, contentique intus lignea portione turget.

Circa quintam diem caulis *M* candidus assurgit, & recurva gemma *N* subviridis, elongatis internodiis explicari incipit. Radix procerior radigulas *O* promit. Seminalia folia turgida manutententur, & solida, & à laceratis secundinis adhuc ambiuntur.

Septimà completà die, caulis adauctis, & distinctis internodiis *P* procerior est: unde ejus apex latis, & viridibus foliis *Q*, nondum tamen explicitis, condecoratur; reliqui verò nodi minimis foliolis indicantur. Exaratus caulis crasso constat cortice, quo ligneus cylindrus subluteus custoditur, seminalibus foliis continuatur, & in axilla pediculi minimam emittit gemmam *R*. Seminalium foliorum substantia adhuc solida est; & compressa humorem reddit, qui subamarus est. Radix elongatur, & copiosas, appensas habet radículas *S*, quæ à ligneo fasciculo fistulas & tracheas recipiunt.

Post nonam diem, completà plantà caulis erigitur, & folia *T* expanduntur, quæ gemina sunt. Folia seminalia adhuc vigent; minora tamen reddita. Caulis totus intus plenus est; & continuata radix capillamentis, & pilis ditatur. Ità vegetat exposita planta, & novas propagines emittit, & in altum attollitur. Transacto mense, seminalia folia *V* crispa, & gracilia redduntur; exhausto ipsorum succo; caulis continuatus totus plenus est. Exteriùs copiosis utriculis *X* componitur: in

cento

centro verò lignum *I* conditur, quod multiplicibus tracheis, versùs centrum statutis ordinibus (ut reliquis lignis accidit) affabrè componitur; lignea zona *Z* viridis humorem copiosum reddens circumlocatur; in qua peculiararia extant vasa.

Tritici seminis (5.) quod præ reliquis citissimè vegetat, incubatus occurrit. Hoc postquam factum est; unicà die turgescit, & circa plantulam secundina exiguis hiatibus solvitur. Plantulæ corpus *A* conglobato folio, quod seminis caro dicitur, continuum tumet, non tantum gemma, hoc est futuro caule *B*, quæ sensim apperitur, & virefcit; sed laterales quoque radices *C* nonnihil protuberant; & humilior pariter radix *D* conica, viridisque eminet; unde ambiens involucrium, seu placentula *E* hiatu laxatur. Totum exaratum plantulæ corpus, umbilicali nodo *F*, conglobato farinaceo folio, continuatur, & necitur; à quo vegetationis materia ministratur. Circa biduum disrumpà secundina *G*, caulis, seu futuri culmi apex *H* foras eminet, parùmque extremitate à continuato folio distat; & sensim sursum erigitur. Placentula *I* radices custodiens, utriculis turgida, candidam lanuginem emittit; hæc avulsà, denudata plantulæ radix occurrit, in qua elongata radícula *K* patet, & geminæ radices *L* adhuc minimæ apparent. Plantulæ caulis extremus *H* curvatur; & intus gemma futuræque folia & culmus conduntur. Inter radices truncum, & ascendentem caulem, appendice, seu nodo necitur *M* subiecto folio, aut seminis carni; quod totum madet, & candorem servat, nec adhuc extrancum redolet saporem.

Ante triduum, folii conglobati caro admissa, & fermentato succo turgescit. Continuata plantula auctior est: hujus gemma, seu caulis *N* procerior factus, subalbus virore inficitur; laterales radices *O* ex hianti involucrio *P*, quod arctè necitur plantulæ, foras prorumpunt subvirides, & acuminatæ. Inferior radix *Q* longior redditur, pilis conspersa. Eodem pariter tempore, in vegetioribus seminibus, & ovis radix *R* auctior est: extremo apice virefcens, & laterales radices à custodiente vagina *S* exeruntur: hæc candidis, & crassioribus excitata utriculis, veluti cortex, cum exteriori ambientèque substantia, continuatur. Pili copiosi pendent à toto radicum tractu, præter apicem: & qui circa basim luxuriant, proceriores sunt, sensimque minores fiunt. Hujusmodi pili, ut inferius habebitur, rectà utriculorum serie constantur: hi circa salinas particulas, & terrena frustula contorquentur; & ipsa, hederæ instar, ambiunt, unde crispi redduntur. Placentula *I* sensim tabescit, & supra laterales radices *S* minimæ, geminæque radices *V* crumpunt. Caulis *X* subrotundus, auctior factus, perpendiculariter sursum erigitur.

Elabente triduo, caulis *I* sursum directus, cum jacente horizontaliter semineo folio *Z*, angulum quasi rectum efformat: gracilior est, & oblongior; & exterius ejusdem involucrium candidum, & diaphanum; gracilem & virefcentem gemmam custodit. Postremæ radices *a* magis eminent; reliquæ verò tres auctiores, lanugine circumambiantur, quæ terræ frustula arctè amplexatur: hæc, ubi præcipue vacuum occurrit, adeo luxuriat, ut pili ex mutua anastomosi recte efficiant. Conglobatum

globatum folium, seu feminis caro *Z* mollius est, & quasi lacteum; unde compressum pitam candidam, & subdulcem reddit. In avulsa plantula exaratae radices, & caulis patent: intermedius quoque umbilicalis nodus *b* occurrit, cujus exterior, & ambiens portio, quasi cortex solidior est; interior verò, veluti medulla mollior existit. Completà quartà die, culmus superiora versus directus, laxato exteriore, seu vaginali folio *c*, stabile folium *d* viride, & convolutum in lucum exeat. Inferius jam descriptae radices emanant, in longius productae; & novus, quandoque geminus, futurae radices tumor *e* apparet. Appensum quoque feminine folium *f* extenuari incipit, cujus superstes succus lacteus est, nondum corruptus. Secto caule; tennelli culmi *g* exortus à nodo patet, à quo radices pariter principium capiunt; exterius quoque vaginale involucrium *c* observatur, quo culmus, ejusque folia, & radicum exortus ambiuntur.

Circa sextam diem, plantula, laxato stabili folio *b*, attollitur, haerente adhuc corticali involucrio *i* crasso. Seminale folium *k* exterius sinuosum est, & tabidum: hoc secto, & à secundinis denudato, caro, seu pericarpium non eodem modo se habet; exterior namque portio, quo feminis, seu grani extrema pars excutitur; solidior est, & videtur quasi concavum folium: idem etiam observatur ea in parte, quà nodo umbilicali haeret, & continuatur: reliquum verò, quod interiorē occupat regionem, fistulosum est, & humore refertum; in ea praecipue parte, quae umbilicali nodo proxima est. Avulsis foliis, laceratis radicibus, ablatoque farinaceo folio truncus occurrit, in quo non longe à radicibus umbilicalis nodus *l* eminet, qui solidus est, & difficulter cultro scinditur: superius vestigia supersunt avulsi folii caducti, seu vaginalis *j* sub hoc, veluti in axilla, gemma *m* frequenter conditur, ultra quam nodus pariter extat, cum lacerati folii cicatrice *n*, & in apice gemmula mollis *o* custoditur; & ita tota futuri culmi moles compendio hoc habetur. Postica quoque plantulae pars radicum eruptiones exhibet; placentalam quoque tabefactam *p*, & vaginalis folii *i* cicatricem, cum subsequētibz nodis, & gemmula *o*.

Post undecimam diem, frequenter feminine folium *q* adhuc plantulae haerens, crispum, & fere corruptum est; apertum enim humorem reddit, cum bullis aëreis: intus cavum est, & circa secundinas mucosa, candidaque substantia feminis, usque ad umbilicalem nodum continuata, concavitatem efficit. Radices omnes oblongiores reddita, novas promunt lateraliter propagantes; & caulis seu culmus, licet proceriora habeat folia; non tamen, ut plurimum, longior est delineato superius trunco: nodi enim, & gemmae adhuc sibi proximae, non multum distant ab umbilicali nodo. Interdum progrediente vegetatione, internodia elongantur, & revulso ad latus vaginali folio *r*, nodus *s* manifestatur, à quo erumpit folium *t* ascendentem caulem fovens. Interea feminine folium, seu granum contabescit, & interius exinanitur, solamque aqua compressum reddit. Internodium album, & solidum elongatur, novaeque gem-

mæ manifestantur, & radix media, quandoque ad longitudinem pedis Bononienfis, extenditur.

Elapso mense, radicibus, & culmo procerioribus redditis; novæ gemmæ *a*, à primo nodo erumpentes, manifestantur, minimisque tumores *x* eminent, qui tandem in radices prorumpunt: tam facile namque radices pullulant, ut interdum avulsis, & laceratis primævis radicibus, novæ turmatim oriantur. Eodem pariter tempore caulis, foliis radicibus firmatus, novas *y* emittit, disrupto etiam foveatæ folio: internodio quoque intus pleno, & candido assurgit. Supra radices ab eodem nodo binæ gemmæ, seu soboles *z*, propriis custodiæ foliis, enascuntur; & intermedius culmus sursum effertur.

Mili femina (6.) parem vegetationem sortiuntur, concredita terræ: post diem etenim, disrupta corticis cartilaginei portione prope insertionem pediculi; inclusa plantulæ conica radix erumpit. Detraçto hujusmodi cortice, qui in geminas solvitur partes, ovum, seu seminalis planta manifestatur, conglobatum scilicet folium *A* exterius sublateum, cui non longè ab insertionem pediculi, ut in tritico, plantula *B* nectitur umbilicali nodo *C* medio. Hæc radice *D* constat, quæ placentula ambitur; caule *E* pariter pollet, qui cutaneo folio, quasi vaginâ, custoditur. Alterâ completa die, & interdum ante quadraginta horas; radix *F* subvitellina, laceratâ placentulâ *G*, albis utriculis congesta, elongatur; gemma quoque *H* procerior redditur, & continuatum seminale folium *I* adhuc solidum manet.

Transacto triduo, auctior est planta: radix namque *K* subalba crispis pilis ditata, oblongior est; hæc cortice exterius ambitur, intus verò ligneâ portione firmatur: reliquum in gemmam *L* attollitur, quæ vaginali involucri ~~quasi~~ diaphano, adhuc integro ambitur; longo constat internodio, & viridi gemma apicem tenente. Seminale folium suo cortice munitum, plantulæ continuatur umbilicalis nodi *M* ope, qui molli, farinaceâque constat substantiâ. Circa quintam diem, lacerato vaginali folio *N* stabile folium *O* hians, viride, & pilis hirtum manifestatur: intus verò reliquum caulis sub minimæ gemmæ specie à nodo *P* erumpens conditur. Seminale folium *Q* molle, & aquosum sensim absumitur: radix verò candida, crispis oblita pilis, elongatur.

Post septimam diem, caulis sursum erectus, nodum *R* turgidum exhibet, à quo vaginale folium *S* emergit, quod sensim contabescit; ab eodem pariter latum folium viride *T* cum reliquo caule erumpit. Seminale folium *V* crispum, compressione corruptum reddit ichorem. Radix emissis capillamentis, & pilis latè luxuriat. Prope decimam quartam diem, caulis geminis hiat foliis *X* viridibus, hinc inde pilis conspersis; inferius à nodo *Y* vaginale folium exortum, tabidum jacet: radices pariter à nodo *Z*, & continuato quandoque internodio, usque ad seminale folium *Z* erumpunt. Solet autem hujusmodi articulatio frequenter longior esse. Seminale folium intra secundinas vacuum omnino est. Radix auctior radículas premit.

Circa

Circa vigesimam primam diem, completus caulis firmus erigitur, & primævo nodo assurgit. Prima folia *a b* arida sunt; reliqua *c d* crassa, & viridia caulem ambiunt. Ab eodem pariter nodo primitiva radix *e* gracilis, & tabida pendet; cui adhuc cartilagineus cortex cum corrugatis secundinis seminalis folii *f* hæret: reliquæ radices *g* atque plurimum crassæ, & varicosæ; crispis pilis conspersæ erumpunt, contabescensibus primitivis radiculis.

Hæc, & similia phænomena passim in reliquis plantarum feminibus, seu ovis, dum fovente terrâ incubantur, occurrunt: quare superfluum duxi aliorum exponere vegetationem, & progressum. Nonnulla tamen tentavi, varios reddendo ovis incubarus: diversos namque humores, & menstrua, cotyledones subingressos, terrenumque uterum variis mineralibus, & fossilibus turgidum reddidi; ut lucis scintillula clucesceret, nobisque aperiret, quodnam sit illud, quod aquo menstruo solutum, ab utero in ovum translatum, plantulæ vegetationem citius, & felicius excitat. Fabarum igitur, & Phaseolorum semina Aprilis mense, per quatuor dies, in exarandis inferius mensuris infusa volui, & mutationes in feminibus subsequutas observare tentavi. Primò itaque *Fabarum* semina, in aqua incubata, in qua nitrum solutum erat, submollia erant; ipsorumque cortex subfuscus, rimulis & ulcusculis, reticulariter productis, exasperabatur. *Phaseolorum* verò ova, parum immutata erant. In tartaro pariter aquæ commixto eadem semina, subrubrum adepta colorem, tangebant. Sulphurata quoque aqua nullam inferebat in feminibus mutationem. Fuligo camini aquâ diluta, corticem inficiebat, inductâ molliæ. Sal marinum aquâ solutum, fabarum corticem crispum, & rugosum reddebat, molliæque *Phaseolorum* semina efficiebat. Vitrolo quoque feminum corpora tenera fiebant; nigro reddito fabæ præcipue cortice. In antimonio rigeabant semina, & cinereo suffusa colore tangebant. Sal gemmæ, corrugato cortice, feminum molem minuebat. Ex sale armeniaco saturatior fiebat color, amplior moles, licet cortex corrugaretur. Aqua quoque cervino cornu turgida, feminum molem augebat; servatâ corticis levitate. Calx viva aquâ soluta, fuligineo inficiebat colore; auctiori reddito feminum ovo. Vinum turgentiam excitabat, & *Phaseolorum* semina macerabat. Acetum pariter feminum molem impense adaugebat; cinereo excitato colore. In lixivio femina duritiem acquirabant; colorque viridis efficiebatur. Humana urina, corrugato cortice inducto virore, adauetique parum mole, tendellum reddebat semen. Spiritu tandem vini, subato emergente colore; parum immutabantur feminum corpora. Hæc interea semina terræ concredita fuere, ut succedente debito terreni utri incubatu pateret, quænam prius & quæ posterius vegetarent. Semina itaque macerata lixivio, & calce, transactâ quartâ die, plantulam supra terram emergentem dedere. Quæ fuligine, & antimonii activitatem passa erant, post octavam diem erupere. Quæ in tartaro macerata erant, undecimâ die vegetarunt; & sequenti die, quæ in cornu cervi infusa erant. Quæ vino tangebant, usque ad vigesi-

vigesimam quartam diem protractâ germinatione, pullularunt; & tandem femina nitro soluto madida, vigesimâ octavâ die plantulam manifestarunt.

Quoniam tamen feminalium plantularum varia est vegetatio, nec perpetuò eodem tempore succedit (licet idem uterus consimile ovum foveat) ideo placuit Maii mense eadem femina, absque prævia tamen maceratione, in exaratis menstruis in terra ferere: in cujus superiori parte diversa mineralia, & fossilia condidi; ut pertransiens aqua tincturas raperet, & contentis ovis communicaret, & ita variè vegetationem excitaret. Quæ igitur in antimonio fovebam, post quartam diem germinarunt: quæ vero in vitriolo, fuligine, lixivio communi, & cornu cervino plantata erant, sexta die emerferunt. Incubata sulphure, & vino, septimâ die pullularunt. Idem accidit transactâ octavâ, feminibus in tartaro, & calce vivâ conditis: & tandem post undecimam diem vegetarunt aceto, & nitro circumdata.

Placuit ulterius circa medietatem Augusti, *Rapari*, *Lactucæ*, *Endivie* & *Raphani* femina in diversis vâculis plantare; irrorando singulo, vel saltem altero die diversis menstruis; ut vegetationis progressum observarem. Primò igitur femina, quæ urinae humanæ aspersione irrorabantur, non vegetabant. Idem pariter accidebat iis quæ soluto sale communi, & lixivio madefiebant. In vase irrorato vitrioli aquâ, nulla femina vegetabant; præter Fabæ semen fortuito conditum, cujus plantula minima remansit. In nitro, & antimonio vegetatio succedebat per aliquod tempus: plantæ tamen contabuerunt. Quæ cervino cornu & fuligine alteratâ aquâ madebant, vegetatione diu durabant. Calcis vivæ usui, præ cæteris excreverant plantæ: & raphanus altè elatus, ~~bulbum tamen non dabat~~ exarata verò plantula, sub tecto condita erant; nè pluviali aquâ irrorarentur: & bulbosæ nunquam redditæ sunt luxuriantibus foliis: quin & quæ in aperto cælo eodem tempore terrâ simili condita fuerunt; letiori vegetatione excreverunt. Circa finem Augusti Lactucæ semen in aquâ antimonij per horas duodecim infusi; deinde in aprico quodam colle sevi. Hujus itaque vegetatio protracta est, præter morem, usque ad decimum diem. Idem semen non alteratum, terræ tamen commissum, eadem antimonij aquâ humectatum, citius vegetavit: plantula tamen gracilia, pallidæque emisit folia: & intra octavam diem radices putrescere ceperunt. Alia pariter Lactucæ, & Endivie femina scortim sita irroravi aquâ calcis vivæ, sulphuris, nitri, spumæ ferri, & urinæ humanæ; nec ulla vegetarunt, præter ea, quæ maduerant aquâ spumæ ferri. Betæ & Spinaccorum femina, exaratis aquis conspersa, pullularunt quidem; sed pallore suffusa fuere ipsorum folia. Eadem quoque femina aqua, multo nitro turgida, irrorata, nunquam vegetarunt. Rapari femina, antimonij, & spumæ ferri aquis perfusa, plantulas faciliè ediderunt, quæ minimæ remanserunt, & convulsæ, ac pallidæ: acci autem usu, eorundem seminum plantula felicius vegetavit; sed productus flos complementum non est sortitus. Hæc pariter femina, aquarum nitri, & urinæ incubatu nunquam pullularunt.

runt. Feniculi femina, antimonii, & spumæ ferri aquarum usu fecunda reddita sunt; completo tamen octo dierum spatio, radiculæ circa superficiem terræ marcuerunt. Cardui femina, usu urinæ, acetii, & aquarum, quæ exarata mineralia recipiunt, madida: plantas quidem reddiderunt; sed ita graciles, ut sola quatuor vegetarent folia, & continuatâ irroratione brevi contabuerunt. Eadem quoque tentamina, Septembris mense, repetii in aprico, & aperto solo, Raphani, & Lactucæ femina distinctis in locis plantando: & quæ solâ pluviali aquâ maduerunt; feliciores, & proceriores dedere plantas: quæ verò irroratæ sunt aquâ fuligine turgida, longè minores mole fuerunt: sicut, & quæ solutâ calce maduerunt plantæ, graciliores fuere: & nulla ferè vegetavit planta in terra, nitro soluto madefacta. Scio hoc argumentum longè potiora exigere tentamina: sed quæ otium, & tenuitas mea permisere, pro nunc curavi.

Incubatum ovorum plantarum, extra terrenum uterum tentavi: & præcipuè in aqua vitreo vase conclusa, addito superius oleo. Plura itaque Junii mense, reposui femina Fabæ, Tritici, Ervi, Phascolorum, Raphani & Lactucæ. Quarta completâ die, aqua turbida erat, & commota fursum aeris bullas exprimebat, quæ oleum superabant, & ipso superius irretiebantur: subridebant verò Tritici, Ervi & Rapharum femina; & supra Fabas, imum tenentes aeris bullæ cortici, quasi margaritæ, seu argentei globuli hærebant. In aliquibus Fabarum ovis disrupto cortice, plantulæ radices extremitate emergebant, hæcque femina de facili ascendebant & descendebant. Circa octavam diem aqua magis turbata, opaca ferè erat; minimis ovorum fragmentis referta. Fabarum femina, corrupto cortice, ulteriorem vegetationem non erant adepta; sed in fundo subsidebant, & veluti carie macerabantur. Vigesima transactâ die, aqua fortentissima erat, conclusiq; femina corrupta, absque vegetatione. Phaseoli ova putrefacta, farinaceæque erant: Fabæ quoque femina mollia, & putrida jacebant. Eandem pariter observationem tentavi hyeme, & vere; nec unquam femina in aqua conclusa vegetarunt.

Non solum terrenus uterus, & percolatus ab eodem succus, in plantarum incubato ovo vegetationem excitat; sed necessariò cotyledones, seu placentulæ, quæ seminalia folia appellavimus, exiguntur; quorum pariter ope, plantulæ nutritio, & auctio promoventur. Horum igitur indigentiam, & activitatem indicare videntur tentamina, a me sæpius repetita. Primo itaque vere, Fabarum plurimas plantulas sevi; detractis prius cotyledonibus, seu farinaceo pericarpio: ex his binæ tantum plantulæ, reliquis corruptis, parum vegetarunt: gemma scilicet fursum excreverat, immotâ hærente conicâ radice. Circa undecimam diem, gemma non expandebatur; sed foliola in extremitate arefcebant: caulisque non elongabatur: sed maculis in atrum tendentibus inficiebatur. Transactâ vigesimâ primâ, totus caulis minimus, nigrefactus tandem contabuit; corruptâ prius radice, quæ nullum augmentum omnino erat experta. Mense quoque Maii,

alias feminales plantulas Fabarum, & Phaseolorum, ablatis pariter binis feminalibus foliis, seu cotyledonibus, incubandas posui; è quibus unica Fabæ plantula vegetavit; elatâ supra terram minimâ gemmâ, productâque parùm infra radicem; itâ ut tota plantulæ longitudo semidigitum non excederet. Hæc transectâ vigesimâ primâ, nigrescentâ radicem, & exsiccatis foliis gemmæ, seu futuri caulis, contabuit. Alias denuo pluries feminales Fabarum plantulas, detractis omnino cotyledonibus, plantavi; quarum nullæ penitus vegetârunt. Idem expertus sum in plantulis Cucurbitæ, Peponum, Lupinorum & Phaseolorum; qui insigni pollent trunco, & gemmâ.

Hanc eandem observationem progrediente incubatu, & post inchoatam vegetationem tentavi; dum scilicet cotyledones, sub specie feminalium foliorum, supra terram emergebant. In Cucurbitæ itaque plantulis vegetantibus, discussio cortice, ablatis binis feminalibus foliis, protraheretur quidem vegetatio; sed gemmâ, seu relictis caulis nullum ferè augmentum capiebat: hocque sæpius mihi accidebat. Idem contingebat in Lupinis; quorum cotyledones in ampla, & crassâ extuberabant folia. In Peponibus quoque, in Lactuca, Endivia, Raphano & Rapis; quorum plantulæ cotyledonibus orbatæ, vegetationis incrementa non fortiebantur; sed vel citò exstinguebantur, vel minimâ absque vegetatione, tabida subsistebant. Plantulis verò à primordiis vegetantibus, unico detracto folio; altero autem superstitè, germinatio producebatur: non tantâ tamen felicitate, qualis in non mutilatis observatur.

Vegetantium cotyledonum vim, & durationem exploraturus; plura feci Lupinorum, Cucurbitæ & Fabarum ova: à quibus plantulis, dum supra terram erumpebant, singulo die feminalia folia abstuli. In Lupinis quartâ die, è terra emergentibus, laceravi folia. In Cucurbita pariter quinta die, primò apparente plantâ, idem molitus sum: & septimâ die in Faba vegetante cotyledones abstuli; & itâ subsequenter diebus idem tentavi in consimilibus plantis, per spatium dierum decem. Lupinorum igitur tres primæ plantæ, cotyledonibus mutilatæ, nullum ferè fortitæ incrementum; post mensem contabuerunt: reliquæ verò longè minores perdurârunt: Cucurbitæ verò quatuor primæ, reliquis vegetantibus, extinctæ sunt. Fabarum plantæ cotyledonibus orbatæ, plures quidem vegetârunt; sed gracillimæ, & minimæ.

Ex his igitur conjectari licet, plantarum ova, è materno ovario delapsa, ulteriorem exigentia forum, & incubatum ventorum ministerio, vel hominum industriâ terræ committi; taliterque incubata statò tempore vegetare, eorûmq; partes explicitas manifestari, & adolescere: magna tamen Mater tellus non solum incubatum suo sinu exhibet, halituosis scilicet evaporationibus, & radiorum solis tepore; sed, quæ fecundo ovo defunt; abundè, & sensim suppeditat. Plantulæ enim feminali hærent quidem gemina, ut plurimum, crassâ folia, quæ albumini ovi analoga; uterinæ placentæ, vel cotyledonum vices explent: hæc humorem exposcunt, à terreno utero emanantem;

namque; quo soluti fermentativi, & spermatici succi, per propria umbilicalia vascula plantulae quotidianam suppeditant alimoniam, & auctivam materiam: unde plantulae foetus ex fermentatis, & in motum actis particulis, in placentis, scilicet, in feminalibus foliis, jam concretis, non solum laxatis meatulis augetur; sed ad vegetandum excitatur. Necesse est igitur fluidum quoddam, à terreno utero emanans; quod feminalium foliorum acetabula, & cotyledones subingressum vegetationem promoveat. Quid simile in animalibus viviparis, evidentius Natura molitur: uterus namque sinuosus plerumque appendices germinat, in quibus radicitur placenta, seu cotyledones, & acetabula: quare d. latus à materno utero succus, in cotyledonibus cribratus, mox intimè commixtus cum alimento, per arterias mediis umbilicalibus vasis derivato; in foetum tandem deferitur pro nutritione, & auctione. Terra itaque uteri vices supit; in ea namque exculpi sunt canaliculi, & sinuosi meatus à subterraneis halitibus. & à particulis aquae fontis, vel pluvialis sese insinuantibus, & praeterlabentibus: unde intercepti terreni lobuli minimi, & angulati excitantur; ex vitrefactis particulis, frustulisque plantarum corruptis, quibus metallorum, & fossilium ramenta ab interfluente aqua praecipitata affocantur. Ex horum salium mixtura, & ex halitibus intercurrentibus, fermentationes probabiliter excitantur; quibus necessatio praecipitationes succedunt; novaeque tincturae aquae communicantur. Sales etenim, terrae frustulis haerentes, facilliter, & sensim abraduntur, & solvuntur: unde praeparatum alimentum secundo ovo, seu feminali plantulae, abunde subministratur.

Inter plantarum ovum, & terrenum uterum cortex mediat: cujus structuram alias exposuimus. Haec frequenter horizontalibus siphonibus, & fistulis conflatur, quae in subiectos utriculos hiant. Extinctus in his succus, diu subidet: quare emanans à terreno utero humidum, siphonibus, & fenestella admissum concretos solvit succos, secumque rapit, & occurrentibus cotyledonibus, seu feminalibus foliis primò subministrat, & tandem conice radici, velut animalis ori exhibet. Exarati cotyledones, umbilicalibus vasis, & transversalium utriculorum seriebus compacti; admissi à terreno utero humore per corticem percolato; proprio contentoque jam diu succo intimè miscent: unde nova fermentatio, & ita praeparatus succus per umbilicale vas iterum plantulae trunco, continuataeque gemmae transductus affunditur; unde partium manifestatio, & vegetatio. Hoc indicatur ex phenomenis in hisce cotyledonibus, seu feminalibus foliis, apparentibus. Primò namque color immutatur, & plerumque, quod mirum est, in ingentem crescunt molem. Humor quoque proprius contentus vasculis lentus, & glutinosus redditur; quo tandem exhausto, & plantulae affuso, tota cotyledonis compages contabescit, & decedit. Variè tamen, ut ex descriptis observationibus colligere licet, Natura cotyledones locat: plerumque enim ascendente caule attolluntur à terra, ut in Phaeolis & Cucurbita: interdum radicibus haerent, terraeque coopriuntur, eam fortè ob causam; ut crassus in aliquibus cotyledonibus succus terteno fotu maceretur, & digeratur:

in

in reliquis verò, in quibus facilis est solutio, & corruptio; ut scilicet humor digeratur, & volatilizetur; longè à terra locantur, & post primos incubationis dies humor à terreno utero per caulem communicatur: ni velimus suspicari ab ambiente aere is subministrari.

Tam necessaria est cotyledonum actio; ut his avulsis, & separatis, plantulae fortis vegetare nequeat: vel saltem inchoata incubatio non perficiatur; sed manca perpetuò subsistat plantula. Hoc abunde, inductione ex recitis observationibus, colligitur. Cujus autem naturae sit humor, à terreno utero in cotyledones, & placentulas percolatus pro vegetatione feliciter promovenda; non ita facile attingi potest. Variæ enim plantulae, intra semen condusæ, suis peculiaribus cotyledonibus constant, quæ diversum fortisque analogum succum subministrant: quare sicuti Fabarum feminea caro differt ab Ordei semine, Mili, &c. ita quoque liquor, à terreno utero in cotyledones instillatus, probabiliter varietatem sortitur. Plura sunt quæ aqua soluta, terræ meatus excurrunt, & plantularum nutritioni incongrua sunt; ut ex observationibus factis elici potest; qualia sunt vitriolum, sal marinum, urina humana, &c. alia quoque in largiori quantitate exhibita vegetationem vitiant: ut nitrum, calx viva, &c. Scio amicium diversis in agris fuisse, stato tempore, Triticum, per noctem infusum in aqua, in qua ebullitione solum fuerat sterco columbinum, & caprile: addita deinde paucâ nitri quantitate; & in pinguibus arvis ita vegetasse; ut unicum semen triginta, & ultra soboles progenierit, quas ipse vidi propriis ditatas spici. Probabile igitur est sales, præcipue volatiles, quibus exarata animalium excrementa scatent; plurimum vegetationi conferre: cum reliquæ etiam animalium partes, & præcipue cutis, ejusque ramenta, hujusmodi nutritioni conferant. Juvant pariter generationem, & actionem sales plantarum ipsarum; unde herbarum concrematione arva fertiliora readuntur, & eandem etiam ob causam, camini fortasse fuligo, sublimatos plantarum sales continens, vegetationem excitat: sicut & calx viva, quibus addere possumus fragmenta lini macerata, quæ nil aliud sunt, quam plantæ cortex. Humor à terreno utero cotyledonibus communicatus, cum necessario fermentationem excitet in placentâ, & partium manifestationem efficiat; probabiliter volatilibus salibus, vel saltem motu polentibus turget, à quibus vitæ radix. Scio motum in particulis corporum pluribus excitari posse; inter quæ nobis nota est diversorum salium mixtura, ut in acidis, & falsis contingit: quare non incongruum fortè est censere, in placentulis recipi, & excitari incubatu principium vividum motus in volatili quodam sale: vel saltem fieri miscellam contrariorum salium; ita ut ex mutua pugna principium motus excitetur, & perpetuetur in plantarum vegetatione.

D E GALLIS.

A Nimalium vita, cùm perpetuo effluvio manuteneatur; talem corporis compagem exigit, quã jam recepta largo dispendio reddat; alienaque denuo, & quotidie admittat: ita ut vitæ chorea continuato introitu, & egressu perennet. Hinc nescio an duris inopiæ legibus, an satius munificentie munere ita viventium ordines statuerit Natura; ut mutuo vivant morticinio, & assiduïs cladibus instarentur, & consistant. Nec solis perfectis animalibus hoc ipsa indixit, ut vicissim scilicet in mutuam sibi cadant alimoniam; sed insectis, immundisque animalculis, parato ipsis quasi opimo plantarum patrimonio, talem largita est solertiam; ut non solum ab ipsis quotidianum exigant victum; sed expositis propriis foetibus vicarios uteros, indeque altrices quasi mammas, plantas ipsas præbere cogant. Tale igitur plantarum famulitium non nisi sui mutilatione succedit; ita ut exacto hoc insectorum vectigali, privata plantarum œconomia invertatur, vitiatisque alimenti viis, & corrupto ipsarum succo, nova partium configuratio succedat: morbosus frequenter subcrefcentibus tumoribus, quos *Gallarum* nominibus exponemus. Et licet antiquum Gallæ nomen pilulis quibusdam, in glandiferis præcipue arboribus enatis, proprie competat; attentâ tamen generationis ipsarum methodo, & perenni animalium in illis nutritione; licebit Gallæ hoc nomine abusive uti: usurpatâ hujus nomenclaturâ in reliquis, dissimilibusque tumoribus, & plantarum syderationibus. Relictis interea, quæ antiquitus fabulosè, & superstitiosè de hujusmodi excrecentiis prolata fuere: morbosas hæc affectiones, & emergentes inde tumores in singulis plantarum partibus, animalium gratiâ, breviter exarando, lustrabimus: ut inde Gallarum exortus, & historia, saltem probabilis, pateat. Folia itaque, quibus tam abunde luxuriant plantæ, cùm copiosis scateant succo; insectorum usibus peropportuna sunt, & morbosis hujusmodi affectionibus pariter obnoxia; ideo primò perquirenda veniunt.

Eunymis folia æstate innumeris fere ovīs cooperiuntur, à quibus animalia sensim emergunt; & horum contactu non parum foliorum color immutatur. In quibusdam foliis *Quercis* vere, & æstate in humiliori, inferiorique ipsorum parte, frequentissimæ observantur cicatrices, seu tabefactæ, & arefactæ folii portiones, seminis milii magnitudinem parum excedentes: quibus hærent gemina, & interdum tria muscarum sublutea ova, quorum halitu subjectæ partes contabescunt,

F

• & non

& non raro tota folii latitudo marasmo afficitur. Pomorum pariter folia, sicut *Vitis*, *Pruni* & *Quercus*; excitato in iis arancarum nido, seu crucarum folliculis, convelluntur; & tandem excicata intereunt; ut nil frequentius occurrat. Mirabilis est, quod passim ex relicto uno, vel altero muscæ minimo ovo, in foliis *Vitis*, *Quercus*, & similium accidit: convulsis enim fibris, totum folium circa expositum ovum in spiram contortum contabescit: quin tanta est depositi ovi vis, ut non solum subjectum folium, sed communicata pediculo labe, indeque continuato surculo, & appenda foliis, rotas tendulus ramus in spiram contortus, summâ colorum jacturâ arefcat. Hoc passim experimur etiam in *Pyris*, (7.) quarum folia A circa ovum contorta, sese invicem amplexantia, in cylindrum volutantur; proptique emergentibus pediculis B, quibus adhuc ab arbore pendent. Tractu temporis eruca erumpens, viam sibi parat, & à convulsis pariter hujusmodi foliis minimus papilio evadit; cujus venter annulis distinctus, plumis, & pilis tegitur. Ova hæc humiliori foliorum superficiem inter pilos hærent: diaphana sunt, & minima; tandemque lutea redduntur & auctiora, ovalémque figuram possident: unde in *Vite* semel adauctum hujusmodi ovum C vidi, cujus apex aliud minimum D, quod non excreverat, adhuc servabat.

Minori plantarum dispendio, insectorum quidam focus mirè fovetur; ut passim in *Lauro*, & *Quercu* ipsa (8.) intuemur; cujus folia, licet interdum à primæva deturbentur forma; adhuc tamen vegetare non desinunt, & reflexis denticulatis apicibus A versus folii partem terram spectantem, ejusmodi focus fovent. Reflexa interea folii portio, turgentibus utriculorum scriebus, crassior redditur, & decorat. In aliquibus tota folii latitudo, pro incubandis ovis curvata, subcrevit. Ità (9.) in *Perforata*, & *Chymoni Martioli* foliis A contingit: quorum oeconomia expositi vergiculi missimè parùm invertitur; alimenti enim materia, quæ in laxiorem folii latitudinem assumi solet; inductâ crassitie, curvatisque fibris, ita ut extremi foliorum fines contigui in unam crassescens naturam, concamerationem interius efficiant; animal ita custodit, & alit; donec excitato, velut in reliquis Gallis accidit, foramine B, extra erumpat.

Vulgares sunt tumores, & excrecentiæ in plantarum foliis primo vere excitata, quibus recepta copiosissima animalia & ova aluntur; ita ut nil frequentius occurrat. In *Cicerbitæ* foliis (10.) prope æstatem multiplices lenticulares attolluntur tumores A in superiori folii parte: separata etenim cuticulâ, inferiorem folii superficiem ambiente; pericarpium cum ligneis fibris concavum redditur, & superius inæquales eminent tumores: spatium verò, quod inter pericarpium curvatum, & cuticulam excitatur; vermibus B occupat, qui solo halitu subjectæ cuticulæ, & pericarpii colorem immutat. In foliis pariter *Quercus*, vere & æstate, spatium quoddam inter utramque cuticulam succedit; depascente contento verme folii pericarpium. Debita succedente mutatione, varia oriuntur animalia: quandoque quasi minimi papilionis plumis cooperi erumpunt: interdum muscæ, cartilaginosis contextæ annulis, excitantur; quæ tandem foras evolant.

In

In *Pyracantha* (11.) folia quædam innumeris fere tuberculis labo-
rant, quæ subrubicunda sunt, & indiscriminatim ab humilioris, superio-
riorive folii parte eminent: tali autem constant formâ. Cucurbitæ
medicæ speciem æmulantur, cum hoc tamen; ut in summitate *A* gib-
bositates quasdam præ se ferant; in opposita verò parte, hoc est, sub
folii extenta horizontaliter latitudine *B*, hiatus à primordiis patet; cir-
cumducto labio *C*, à quo pili copiosi erumpunt: intus tota concame-
ratiō patet, pro fovendis lacteis vermiculis.

Idem accidit *Opio* (12.) cujus folia copiosissimis conspersa ovis, in
minima curvantur tubercula; nullo servato ordine, vel dispositione:
cum frequenter plura congerantur tumultuariè in unum. Quælibet
autem latiori gibbositate *A*, à superiori foliorum superficie erumpen-
tia, intrâ pilos unum, vel alterum cubantem vermiculum custodiunt:
inferius verò hiatus *B* perpetuò patet, eleganti interdum circumda-
tus excrecentiâ: tota autem tuberculi tunica, licet ex curvata folii sub-
stantia fiat, ipsa tamen crassior est, & utriculorum seriebus *C* con-
flatur: ab excurrente etiam costula *D* copiosus subministratur humor,
qui ex depositi focûs halitu concitator redditus, folii particulam, cui
insidet ovum, primò incurvat, & sensim deductâ alimoniam concame-
rationem effingit: unde costula etiam ipsa circumcirca turgidior red-
ditur.

Famosi pariter *Ulm*i tumores, analogâ productione, gignuntur.
In inferiori enim hujus folii (13.) parte *A*, ut primo vere, & prope
Juli finem observavi; hiatus *B* minimus patet ex curvata folii sub-
stantia, quæ in superiori parte folii *C* tumorem exiguum exhibet. In
aliis autem grandioribus vesiculis, in prona pariter folii portione *D*,
circa hiatum *E*, qui triangularis efficitur; labia *F* attolluntur, pilis
hirta: horum aliqua, temporis tractu sensim excrecentia, angustato
foramine *G*, in rotundum curvantur tumorem *H*; qui superius quo-
que, in rotundum conglobatur tumorem *I*: hic non ulterius patitur
augmentum, ob siccitatem fortem, & caloris activitatem: reliqui
verò, hiantes præcipuè vere prognati, ita in ingentem excrecunt mo-
lem; ut parùm distent à pugni magnitudine. Hi primævum hiatum
K servant, in humiliori folii parte excitatum. Exterius gibbi sunt,
pluribus protuberantiis *L* deformati: horum color rubicundus est,
immixtis subviridibus particulis. Pilis & fungis *M* candidis cooperi-
untur. Ipsorum substantia eadem est cum folio: quoniam tamen
grandioribus pollent utriculis, ideo crassiores sunt eorum parietes,
& quandoque foliorum fibræ, turgidiores redditæ, ita curvantur; ut
tota fere folii latitudo in concamerationem definat, quæ cellulatum
colori æmuletur. Intus cavernosum spatium innumeris quasi ani-
malculis repletur, quæ interdum liquore innatant.

Sanguinea virga (14.) folia suis quoque non carent tumoribus; à
costula enim ut plurimum *A* tubercula variæ figuræ elevantur, mola-
res dentes æmulantia; quorum capitulum *B* superiori folii parte emi-
net: inferius verò longior, & gracilior, & quasi dentatus processus
C elongatur. Crassa & solidâ constant formâ; irregularémque ser-
vant situm, & formam. Hoc unum perpetuò habent, ut de more
com-

commissum vermem *D* foveant: & circa hyemis principium, inclusum vidi ovum, quasi segmentis divisum, in quo nigra includitur musca, circumhaerentibus ichore; & luteo humore.

Nec minus Quercina folia, copiosi, stipiticique succi ope, quo polent; hujusmodi morboris excrecentiis tentantur, & insectorum alendis fortibus opportuna redduntur: unde innumeræ penè observantur erumpentium hujusmodi Gallarum species, & formæ. Simplicior itaque, nec minus elegans tumor est, quem, sub fungi specie, intuemur ab inferiori folii parte in Quercu (15.) emergentem. Brevis constat petiolo *A*, cui coextenditur, umbellæ instar, latum & gracile capitulum *B*, à quo pili erumpunt subvitellini: unico enim exorti folliculo, in quinque, vel sex dividuntur filamenta *C*: in centro foetus conditus *D* alitur, & sub umbella plures quoque aureliæ, & vermes cubant.

Parum abfimilem formam servant nonnulli tumores, Gallæ capillatæ dicti, ab iisdem foliis assurgentes; (16.) qui à prona folii parte pendentes, superius rotundo quasi labio *A* ornantur, quod umbilicum ambit; cujus centrum, minimum interdum assurgens capitulum occupat. Ab hoc, comæ instar leonini pendent pili *B*, quasi holoserici introreflexi. In centro hujus elegantis tumoris, concavitas *C* adest pro animali.

Famosum est uvæ Quercinæ genus, quo tenella Quercus folia, primo vere, consperguntur, & non raro ita hoc morbo deturpantur; ut propriam amittant speciem. Et quoniam hujusmodi Gallarum, seu pilularum, & tumorum natura obscura videbatur; opportunum duxi, rem ab ovo rimari: unde diu sollicitus fui circa horum primævæ generationem; & nē fallor, eam me invenisse puto. Vigente igitur vere, dum primo ~~gemma Quercus~~ ^{gemma} ~~aperiuntur~~, uvæ quercinæ prima patet productio; nam laxatâ gemmâ, futuri furculi apex tenellus adhuc, vegetare incipit, & parum emergere. In hujus foliolis, quæ sensim explicari, & augeri incipiunt; patentibus tantum costulis, minimi tumores apparent, à substantia folii excitati, hoc est utriculorum seriebus, & costulis: ita ut absumptâ, & immutatâ multiplici folii substantiâ in hujusmodi tumores, mancum, & mutilatum reddatur folium. In his enascentibus tuberculis cicatrix, adhuc hians, observatur; quâ mediâ jam condita sunt animalium ova. Placuit interea figuram addere erumpentis quercinæ uvæ (1.) Gemma itaque *A*, elongatis in apice foliolis *B* caducis, laxatur; ita ut stabilia folia *C* sese prodant patentibus costulis, complicatâ adhuc permanente folii structurâ: in his frequenter tumores ut plurimum ovals *D* observantur, pilis conspersi utriculorum, molli graciliq; excitati contexturâ; & perpetuò hiatus *E* vulneris insiti à parente musca apparet; ita ut compressus tumor per vulnus humorem reddat; & interdum labium quoddam *F* attollitur, quo vulnus circumducitur. Intus vermis minimus, vel ovum latet, & conditur. Ablatis ab exarata gemma ambientibus caducis foliolis; stabilium foliorum structura, & uvæ inchoamentum occurrit; complicata etenim folia solas costulas *G* conspicuas, & turgidas exhibent. Enascentes

tes

tes tumores, expanso folio, sensim crassiores fiunt, & rotundi; à reliquoque folii pendent, brevi firmati pediculo. Sæpius observavi minimum, stabileque foliolum *H* adhuc informe, in quo nullus emergebat tumor; sed cicatrix *I* tantum insidiæ vulneris: hoc leviter laceratum, contentum ovum *K* exhibebat, cum gracili quadam appendice: unde ex his deduci potest uvæ quercinæ, & conditi animalis historia.

Uvæ quercinæ, & consimilium è foliis erumpentium tuberculorum, variae sunt formæ; unde principales lustrabimus. Frequentior uvæ configuratio occurrit vere, in tenellis adhuc foliis *Quercus* (18.) rotundi namque tumores; velut uvæ acini *A*, observantur brevi pediculo à prona ut plurimum folii parte *B* pendentes. Exoriuntur indiscriminatum; frequenter tamen à costulis, vel ab arcibus, reticularibus plexibus irrigatis; earum figura quasi orbicularis est. Secti concavitatem ostendunt, in qua ovum, vel vermis *C* fovetur, donec evolvendo viam sibi faciat. Componitur uvæ quercinæ corpus ligneis fibris *D*, & utriculorum sericibus *E*, talem servantibus inclinationem.

Pari formâ gaudet aliud tuberculi genus (19.) quod eodem ritu erumpens, utriculis, & ligneis contextum fasciculis, contentum animal custodit: exterius tamen non omnino læve, vel eodem insicitur colore subviridi; sed vermiculares quasdam productiones *A* quasi anaglypta, coloris viridis habet: reliquum verò *B* subjæctæ Gallæ rubicundis punctis maculatum extat.

In quercino quoque folio (20.) semel vidi non inegantes tres acinos, seu Gallas, & pilulas, quæ à costula *A*, inferiorem folii partem excurrente, pendebant: hæc fibroso exortu à costula *B*, ibidem crassifaccta, exoriebantur. Harum prior *C* ovali fere constabat formâ: in apice concavitatem habebat, labio *D* circumdatam; à cujus medio conica appendix *E* assurgebat. Gracili gaudebat corpore, quod exterius striatur, *F* videbatur; ligneis fibris *G*, & utriculis coagmentabatur. Interior concavitas vermem *H* fovebat, qui longum post tempus, in muscam conversus, evolavit. Reliquæ Gallæ *I*, & *K* recurvo corpore constantes, à priori formâ parum declinabant.

In *Fago* (21.) pariter consimiles Gallæ conspiciuntur. In hujus foliis à superiori parte prope costulas *A* conici tumores *B* attolluntur, subrubri, qui interius concavi; gracili excitantur substantiâ, utriculis congestâ, quam per longum lignæ fibræ excurrunt: intus minimus, candidusque vermis *C* conditur.

Parum absimilem Gallam (22.) interdum miratus sum in folio *Quercus*, à fibrarum costula per medium excurrente. Hæc ligneo exorta pediculo, figuram *A* acquirit, & in apice concavitate, quasi calix *B*, seu umbilicus hiat; cujus centrum obtusa quædam eminentia *C* tenet: tota corporis moles ligneis fibris, & appensis utriculis compaginatur; & in sui centro, contentum vermem *D* custodit.

Rubi catini quoque folia (23.) frequentissime muscarum fecibus defœdata, varias promunt Gallas. Non semel in petiolo folii *A*, à parte scilicet superiori (quod in aliis frequentius in inferiori accidit)

G

pilula

pilula rubicunda *B* eminet, styliformibus processibus *C* condecorata; nam deficiente alimentitio succo, quæ alias in ramosas fibras vegetaret, sub styli specie subsidet. Ventre subrotundo turget, interius concavitate donato; quo candidus custoditur vermis. Altera pariter pilula, seu gemma pendet ab humiliore folii parte *D*, eandem sortita structuram. Aliud insuper fibrosum corpus *E* attollitur à superiori folii parte, quod in ramos excrescit, & folliculo vermes fovet. Rosarum quoque folia, variis quasi tuberculis suos foventibus vermiculos, non raro teguntur.

Nec folis arborum foliis familiaris est huiusmodi morbus; sed herbis etiam contingit & præcipue *Hedera terrestris* (24.) quæ in montibus, & collibus præsertim, enascitur. In hujus igitur foliis copiosi acini observantur, indiscriminatim erumpentes: nam quandoque plures coacervatim *A* eminent, sese urgentes; ita ut interdum tota folii latitudo in hos infumatur. Aliquando una tantum pendet, veluti orbicularis Galla *B*. Ipsarum figura rotunda est; dummodo aliarum conglomeratione non deturbetur. Exterius pili copiosi attolluntur. Intus mirâ constant structurâ: harum enim centrum concavitas tenet, in qua vermis *C* cubat, qui tandem perforatâ Gallâ, in peculiare animal conversus evolat: reliquum fibris ligneis *D* colligatur; intercepta verò spatia utriculorum seriebus occupantur, quæ cucurbitæ pericarpium æmulantur.

Inæqualibus pariter tumoribus tentantur foliorum costule, seu lignearum fistularum fasciculi, quibus folia irrigantur; ita ut quasi strumas præ se ferant: etenim ex multiplicibus ejectis ovis circum affusus humor tumorum congeriem ab utraque folii parte emergentem excitat: ita in folio *Quercus* (25.) gemini tumores contigui *A* frequenter occurrunt, in quibus musca alitur, quæ brevi erumpit. In arceis pariter folii *Quercus* vegetantis (26.) ex utriculorum seriebus tumores *A* excitantur, quasi Gallæ parùm assurgentes. In quibus adhuc tenellis cicatrix *B* patet, condito intus ovo.

Eadem labe coafficiuntur foliorum pediculi; dum enim adhuc vegetant, ex infecto vulnere immixtis ovis tubercula nullo ordine assurgenti observantur: ita in pediculo folii *Quercus* (27.) molli *A* plures vidi frequenter tumores *B* exiguos cum cicatricibus, intus latentibus minutis ovis à primordiis usque: hæc in vermem immutantur, qui tandem adeptâ muscæ specie, cerebrâ munius, evolat. Interdum vidi in iisdem pediculis excitatum exterius subrotundum foramen, intus verò segmenta, seu minima stercorea; unde fortasse vermis, non expectatâ ulteriori mutatione, viam sibi facit.

Frequenter tanta ovorum congeries pediculis committitur; ut ipsi in insignem tumorem excrescant, & folia, interruptâ alimenti viâ, debitam non fortiantur magnitudinem. Itâ ab apice surculi *Quercus* (28.) tria erumpentia folia tuberosis constant pediculis *A*, in quibus infectorum vulnorum excrescens cicatrix *B* situm indicat, & interius ovum reconditur. Taliter urgent huiusmodi strumosa tubercula; ut loco folii breves quædam appendices *C* tantum erumpant.

Mirabile est, quod pcciolis foliorum *Populi* (29.) frequenter accidit. In his unus vel alter, & interdum tres producuntur tumores insignes. Mollis namque pediculi substantia *A*, receptis animalium copiosissimis ovis, crassior redditur, & turgentibus, supercrescentibusque transversalibus utriculis, fibrarum, & trachearum fasciculi curvantur, & contorquentur; unde gemina Galla *B* & *C*, quæ non undequaque continua est, sed oblongo hiatus *D*, solvitur.

Mollis gemmarum structura insectorum famulatio peropportuna, non leves inde patitur ærumnas. Interdum enim *Quercuum* gemmæ (30.) adhuc conclusæ, receptis muscarum ovis, morbidæ redduntur; nam in aliquibus tumore *A* à latere carinæ futuri furculi *B* excitatur, à quo caducum folium *C*, & stabile *D*, attolluntur; in hoc, mense Junii aureliam candidam, quandoque nigram muscam inveni. Taliter affectæ gemmæ raro aperiuntur, nec furculi apex *E* ut plurimum germinat; sed frequenter mollis lignea portio animal ambiens, ovalem adeptæ formam *F*, & duritiem à reliquo carinæ *G* separatur, quæ curvata contabescit; remanentibus adhuc caducis foliis, quibus tota occluditur exsiccata gemma. Tractu temporis conditum animal excitato foramine *H*, viam sibi facit.

Non unus, sed multiplices etiam tumores in gemmarum carina non raro observantur; quandoque gemini, & interdum tres numerantur. Ità in *Quercus* gemma (31.) ablatis foliis caducis, carina in tres inæquales tumores *A* excreverat, à quibus furculi apex *B*, & caduca foliola *C* promebantur. In his tria pariter fovebantur animalia, quæ tandem excitato foramine, foras evolabant. Hujusmodi quoque gemmæ nullo recepto incremento contabescunt; unde in ramis jam elongatis gemmæ, quæ aridæ observantur, ferè semper hujusmodi morbosâ affectione tentatas facile est invenire.

Gallæ, quæ primo vere in *Quercubus* copiosæ luxuriant, eandem agnoscunt causam. Et quoniam tam alienam, & deformem à primæva origine postremo induunt speciem; ideo necessarium duxi ipsarum productionem altius rimari; & quæ sæpius ac sæpius licet attingere, brevibus exarare. Aprilis itaque mense in quibusdam gemmis *Quercuum* (32.) tumor *A* minimus emergere incipit, caducis foliis *B* adhuc circumdatus; in apice autem usdem foliis conica congesta congeries *C*, eà parte, quâ tumorem, seu nascentem Gallam *A* contingit, putrida & crosa videtur: unde detractis caducis gemmæ foliis *B*, Gallæ corpus *D* liberum occutrit; tota namque materia, quæ in furculi carinam, & folia absumi debebat, in hujusmodi corpus molle, & spongiosum conglobatur. Hoc unum mirabile interdum observavi, & amicis etiam ostendi; ovorum scilicet cumulam *E* sub apice lacerati furculi *C* adhuc exteriorem Gallæ superficiem tenere, quæ amisso jam proprio humore non parum exsiccata conspiciuntur; horum pariter insignis copia *F* circa basim intra caduca gemmæ foliola *B* exterius Gallæ rã hærent; ut ipsorum aliqua *G* exsudante humore auctiora reddita, in veterem immutentur; reliqua verò *H* remotius extantia tandem marasmo conficiantur. Quare sedâ per longum hujusmodi tenellâ Gallâ, ex rectitudine ovo-

rum extrâ locatorum *F*, interiùs multa quoque ova *I* exhibet, quæ utriculorum, & fibrarum *K* humore fota; tandem in aureliam, indèque in muscam immutantur: ejectorum pariter ovorum figuram, prout observare licuit, sub specie *L* delineavimus.

Laxatis foliorum caducorum repagulis *M*, temporis tractu gibbosa, ut plurimum, Galla *N* augmentum indies capit, & frequenter inficti olim vulneris cicatrix *O* subest; hærentibus adhuc exteriùs quibusdam tabefactis ovis *P*, quæ intra carinæ corpus condi, & pelli à parente musca nequiverunt.

Ultimum tandem sortita augmentum (33.) quamplurimis foraminulis *A* ab exeuntibus muscis excitati pervia redditur. Gallarum hujusmodi non una est magnitudo & forma: aliquæ enim cerasi fructum non excedunt; nonnullæ pomum æmulantur. Quæ majores sunt; gibbositates *B* habent, & frequenter altis exasperantur incisuris ex lacerata & disrupta t. nella pericarpii substantia. Mollis est exteriùs præcipuè, Gallarum hujusmodi substantia; nam exsiccatis utriculis laxiora fiunt spacia, à reticulari opere relicta; unde prementibus facillè cedit. Sectâ Gallâ, lignearum fibrarum *C*, quæ in furculum, & folia elongari debebant, subobscurus occurrit progressus; receptis enim ovis; affluentis succi motus invertitur; unde fibræ, & trachæ *C* ad latera curvantur, & productis transversalium utriculorum ordinibus *D*, circumaccrescit pericarpium, quo contenta ova, indèque emergentia animalia foveantur, & aluntur: unde utriculorum portiones, fibræque lignæ circa vermes, & ova locatæ, à primordiis quidem molles sunt, sensim absumpto humore ex appulso halitu exsiccatae duritiæ acquirunt; interiùs verò ex continuo vermibus motu in ovalem concavitatem lævem, & æqualem *E* efformantur. Pericarpii structura, dum adhuc vegeta, utriculorum seriebus *D* reticulariter inofculatis componitur. Erumpunt autem à lateribus fibrarum lignearum *F*, ita ut sint quasi minimæ ipsarum productiones. Utriculi, dum adhuc molles sunt, contento succo vitrum æmulantur; in exsiccatis verò Gallis sublutei sunt. Adultum jam animal, eroso continente pericarpio, factaque sinuosa viâ, tandem evolat. Non unus est numerus ovorum, vel vermium; sed interdum ultra centum numeravi: quandoque in minoribus infra triginta vidi: ipsorum pariter situs nullo ordine disponitur; sed omnino irregularis est. Emergentium pariter muscarum variae sunt species in eadem Galla, & in pluribus ab una, eademque arbore productis; nam frequenter subnigræ sunt muscæ b. vi munitæ terebrâ. Inter has aliquæ observantur aureæ, levi viridis tincturâ suffusæ, oblongâ pollentes terebrâ. Diverso pariter erumpunt tempore: plerumque enim circa Junium evolant muscæ, relictis aliquibus ovis, & aurelius, quæ post multos menses tandem immutatæ, viam sibi faciunt.

Quercuum gemmæ, licet ovorum contagio afficiantur, non eadem tamen tumoris specie tentantur; sed variè vigente vegetarione configurantur; unde in Quercu (34.) ramosam quandam Gallam, ab aliquibus capillatam dictam, passim est observare. In furculo etenim *A* gemmæ foliola caduæ *B* supersunt, à quorum umbilico ascendit conglò-

conglobatum Gallæ corpus *C*; quod utriculorum seriebus, & ligneis fibris contextitur: in centro autem, quasi ovum *D* locatur; quo lacerato vermis *E* sese offert. *A conglobato Gallæ corpore, veluti à trunco, hinc inde promuntur ramosæ appendices *F*, quæ pluribus fibrarum fasciculis compaginatae, in hos velut in villos aculeatos *G* dividuntur & solvuntur, qui implicatione factâ, quasi echinatum corpus constituunt.

In eadem pariter Quercu (35.) frequenter discussis caducis foliis globosum exiguae magnitudinis corpus *A* excitatur; quod intus vermem alit; appendices verò, quasi laciniata folia *B* viridia, eadem excitatâ substantiâ, promit.

In Populo pariter (36.) interdum tota futuri furculi carina *A* in insignem conglobatur vesicam *B*, papillares prominentem appendices *C*, patentibus orificiis hiantes. Hujus substantia crassis corticis utriculis, & ligneis fibris interferitur, veluti crassum folium: intus innumera foventur animalia.

Non tota perpetuò gemmarum structura in Gallarum tumores immutata monstruosam, morbosamque induit naturam; sed retentâ interdum aequaliter antiquâ furculi naturâ, variis in locis vitiata insectorum foetibus simulatur. Itâ passim in Quercu (37.) non raro mutilatus occurrit furculus, in cujus basi caduca foliola *A* adhuc subsistunt: hic autem crassior redditur ex materia, quæ in longitudinem absumi debebat; unde brevia sunt internodii spatia, scilicet inter foliorum *B* exortum: apex verò *C* temporis tractu, deficiente, vel corrupto alimento contabescit, & decidit: quare mutilata remanet furculi forma. In hoc itaque per longum secto, lignæ occurrunt fibræ *D* ad foliorum pediculos pariter productæ, & ad apicem furculi. In conclusa medulla vermis *E* conditur: superior tamen furculi portio *F* obliteratâ medullâ, vacuum relinquit spatium.

Media quoque vegetantis gemmæ portio quandoque morbida redditur. In Quercu (38.) non semel elongata gemmæ carina *A* in naturam furculi, emissisq; foliis stabilibus *B*, à latere tumor *C* emergit, ex conditis muscarum ovis: reliquum verò furculi *D* tandem contabescit.

In ipsa pariter Quercu (39.) quandoq; à gemmæ basi caducis foliis *A* circumdata, furculus *B* attollitur, qui stabilia folia *C* promendo, contabescente apice, in Gallam *D* vertitur viridem & mollem; quæ tubulosa superius reddita, quasi in folium laciniatur; servato intus in basi vermiculo.

Frequentissimè tenelli furculi extremus apex in sui generis Gallam morbosè vertitur. Itâ mensibus Junii & Maii intuemur in Quercu (40.) cujus quædam gemmæ, discussis caducis foliis *A*, furculique carinâ *B* crassiori redditâ, stabilia folia *C* emittunt, quæ suo petiolo novâ fovent gemmas *D*; apex autem turgidior, & ovalis fere redditus, perennia quoque folia *E* inter caduca mittit, in quibus interdum uvæ quercinæ inchoamentum *F* miratus sum. Hujus extremitas, quæ in longiorem extendi debebat furculum, in foliola *G*, tamquam in lacinias, dividitur: intus conduntur animalia. Et quoniam varia est hujus Gallæ forma; ideo placuit alteram addere figuram, in qua ab extremo furculo *H* ovalis attollitur tumor ligneus *I*, à quo folia *K*, & gemmæ *L* exortum trahunt, suoque tempore vegetant; licet tamen

parum excrescant, & facta cum reliquis comparatione, minima existant. Semel vidi à basi gemmæ *L* exortam postremo Gallam *M*, longo firmatam pediculo; à qua tandem musca evolavit. Secta hæc Galla, quæ ligneis fibris, & cortice constat, ex corrupta medulla concavitatem *N* exhibet; inferius verò cubantes vermes *O* indicat.

Tota tandem interdum in *Quercu* (41.) gemmæ structura, adeptâ compendiariâ quasi furculi formâ, emissisque foliis stabilibus *A*, & productis novellis gemmis *B*, crassior efficitur; & brevissima: intus verò tubulosa redditur ex verme medullam depascente, qui tandem facto foramine, viam sibi querit in basi *C*, & postremo furculus huiusmodi, superflite cortice, & ligneis quibusdam fistulis, frequenter marasmo deficit.

Recentes pariter gemmæ, à tenellis proximi veris furculis exortæ, quas secundas appellare licebit; ex intrusis muscarum ovis in sui generis Gallas, quas capitula squamata dicunt Neoterici, conversæ agrotant. In furculis etenim interdum *Quercus* (42.) Junii mense gemmæ quædam turgidiores fiunt, & elongatis caducis foliis *A*, subrotundum primò fit corpus, quod per medium sectum, dilatatum gemmæ basim *B* exhibet, foliorumque caducorum exortum *C* indicat: In cæteris namque sanis gemmis, secundum Naturam vegetantibus, extremorum foliorum exortus, & implantatio sub diversis planis contingit; ita ut ellipsis, vel conus indicetur; in illis autem crassifactâ basi *B*, ab eodem horizontali plano reliqua carinæ folia *D* emergunt. In horum medio minima eminet appendicula *E*, à lignea substantia exorta. Hæc in globosa sui parte *F* vermem unum vel alterum *G* custodit: interdum tamen quatuordecim vermiculos in ipsa numeravi. Sensim augetur gemma hæc; ita ut oblongior reddita, in apice laxetur, & ~~caduca foliola~~ *H* proceriora fiant. In hac per longum secta, immutato foliorum exortu, media carinæ pars *I* fursum attollitur; & condita Galla *K* grandior reddita, conicâ appendice *L* assurgit. Tandem singuli caducorum foliorum ordines, vegetando excrescunt; nullo erumpente stabili folio, & laxata gemma, quasi flos apparet: condita verò Galla *M*, procerior reddita, quercinum fructum æmulatur; interius autem concavitate *N* vermem custodit. Interdum Galla hæc à contento verme, & à conditis inter foliola copiosis animalculis eroditur; ita ut nullum ipsius subsit vestigium. In nemorensibus *Quercubus* adhuc tenellis, confimiles frequenter gemmæ Gallæ occurrunt. Ab extremitate namque novelli rami, cui hærent gemmæ *O*, novus assurgit striatus furculus *P*, hinc inde folia promens, & gemmas: hic in gemmatum foliorum contextum *Q* absumitur, qui cum exaratis Gallis eandem omnino naturam sapit. In hoc itaque appendix interius custoditur, à qua suus vermis fovetur. Ab eodem pariter ramo interdum alterius naturæ Galla *R* erumpit, quæ produncnte muscâ perforatur. Placuit interea Gallæ gemmæ iconem addere, quæ exterius alias Gallas *S* promebat. Interius hæc quasi calix concavus hiabat; nam mutato plano, à quo folia exoriebantur, mediæ futuri furculi partes *T* fursum excreverant; portio verò *V*, quæ aliàs in apicem elongari debebat, ex morbo tabefacta,

befacta, humilis jacebat, nec Gallæ X adhuc continuabatur: hæc enim lacerata, & putrefacta, eâ parte, qua necitebatur V, urgentium foliorum impetu sursum pellebatur; unde frequenter inter lustrandum hujusmodi Galla facile excidebat. A lignea portione gemmæ hujus exortas casu vidi Gallas S, fuosque condebant vermiculos. Hoc unum monendum in exaratis gemmatis Gallis; non perpetuò vermem ligneo cortice circumdatum reperiri; sed vacuitatem in centro, ubi gallula aliàs assurgit, excitari: nam crosso fortasse tenello olim gemmæ apice, turgente adhuc vegetatione, Gallæ corpus adauctis caducis foliolis, in latum extuberat.

In *Salicibus* (43.) novi furculi extremitas, seu secunda gemma frequenter consimili pariter tentatur Gallâ: ampla namque fit, quasi gemma foliorum A, contextu excitata; quæ deorsum pendula, elegantem penè florem æmulatur; nec ulterius acquirit augmentum, sed tandem exsiccat. In secta hac Galla gemmata, furculi portio contorta B, utplurimum occurrit, quæ dilatata in ligneam substantiam C, foliola D premit. In centro, hoc est, in situ apicis, futuri furculi vermis luteus E continetur, qui suo halitu, & transpiratu, perturbatâ succi via morbosam hanc Gallam efficit.

In novis pariter gemmis *Quercus*, Junii mense emergentibus, (44.) laxatis caducis foliis A, Galla B attollitur. Hæc seminis hordei magnitudinem parum excedit, & cristatis costulis C turget; ut seminum recham æmuletur: intus concava est, & binos sovet vermes. Ab iisdem secundis gemmis in *Quercu* (45.) frequentissimè ante Julii mensem copiose erumpunt Gallæ, quarum exortum placuit indagare. A furculo igitur novello A supra folii stabilis implantationem B, minimâ locatur gemma, binis cooperta caducis foliolis C: ab hujus basi erumpit Gallæ inchoamentum D, quod recurvo apice eminet; interdum quasi stylus acuminiatur. Intus concavitas adest, copiosis ovis E referta; duodecim enim à principio numeravi. Temporis progressu auctior reddita Galla F, à grandioris gemmæ G basi exorta, tumidiori ventre turget, & apice H lenissimè ascendit: tandem rotundo penè ventre I, conicòque apice K sursum dirigitur, & compressa postremo gemma in rotundum excrefcit corpus nobis notum, in quo utplurimum unicum conditur animal: interdum multiplicitas disparatus in locis custodiuntur; donec in muscas conversæ, foras viam sibi querant.

Parem exortum sortiuntur Gallæ, quæ ab humilioribus *Quercubus* (46.) circa Augusti initium oriuntur: Frequenter etenim extremus furculus tenellus A, inter foliorum axillas B, ubi plurimum humoris stagnat, copiosas promit gemmas C; à quarum basi Gallæ D exeruntur, & à primordiis curvatum stylum æmulantur.

Exaratarum Gallarum structura, si reliquis primo vere subortis comparetur, longè solidior, & compactior extat (47.) A brevi peculiolo lignæ fibræ A sub cylindri forma congestæ, producuntur, quæ exteriorem Gallæ regionem B, reticulari excitato opere, percurrentes ramos C, versùs centrum propagant; à quibus hinc inde pericarpium sublutum sub utriculorum specie D pendet: hoc ubi laxatur, reticularem

larem exhibet contexturam: ubi verò versùs centrum angustatur; graciles stirias *E*, utriculorum transversalium ordinibus perfimiles, promit. In centro frequentissimè cubat vermis candidus, & pars circumambiens *F* addensatur, & subalba redditur. In quibusdam Gallis, quæ oblongiori præcipuè constant corpore, multiplices conduntur vermes; nam circa centrum plura spatia *G* observantur, quæ à tot vermiculis occupantur. In pericarpio pariter irregulariter conduntur alii vermiculi *H*; ità ut quatuordecim sæpius numeraverim. In aliis insuper totum pericarpium copiosis vermiculis *I* scateret, nullo servato ordine sitis; & ferè semper, dum contentus in centro vermis in muscam conversus, mox erupturus est; reliqui adhuc molles, & minimi jacent. Interdum diversæ speciei vermes, Gallam ipsam devorantes, habitant. Variam quoque maturitatem acquirunt contentæ muscæ; nam non rarò in eodem spatio prope muscam, brevi evasuram; mollis & minimus cubat vermiculus.

Insignem, & prægrandem Gallam (48.) non rarò apud nos miramur, quæ orbiculata maxima dicitur. Hæc pediculo ligneo *A* à furculo emergens, in rotundum extuberat corpus *B*, quod in apice appendices *C* habet, & circa superiora papillaribus eminentiis *D* sub uno segmento ornatur. In basi Gallæ pericarpium non immediatè contingit peciolum; sed umbilicalis quædam excitatur concavitas *E*. Hæc secta per medium, protractas ligneas fibras *F* exhibet, à quibus pericarpium pendet, quod temporis tractu in foveas, & scissuras inæquales solvitur; in quarum centro, quasi ovum *G*, gracili cortice excitatum, castanæ fructum referens, continetur; quo disrupto vermis occurrit.

Parem figuram deprehendimus in quercinis Gallis (49.) quæ consimili rotundo excitato corpore *A*, continuatâ quasi coronâ *B* cinguntur. Ab his contentus vermis in muscam conversus, per inducendum foramen *C* foras evolat.

In humilioribus insuper Quercubus (50.) exiguæ quædam Gallæ gignuntur, quarum superior portio *A* in aream extenditur, à cujus centro papilla *B* eminet: extremis autem finibus in quatuor recurvas appendices, quasi cornua *C*, definit: ab hac pariter exit contenta diu musca.

Declinante insuper æstate; interdum in Quercu (51.) subrotunda occurrit Galla *A*, à cujus peripheria exiguæ radiofæ appendices *B*, quasi ramorum inchoamenta, erumpunt. In hujus centro insignis concavitas adest, in qua copiosa foverentur ova *C*.

In Quercu pariter (52.) circa finem Septembris echinatham quasi Gallam observavi. Ab hac appendices *A* subviridis coloris, variis præditæ figuris, emergunt; à quibus melleus penè succus exsudat. In hac secta plures, & plures cellulae, suis refertæ verminibus *B*, conspiciuntur: & interdum ab extrâ novus irruens vermis, Gallæ pericarpium, & conditos quoque vermes enecat.

Circa eadem tempora in tenella Quercus plantula (53.) infra ramos, & gemmas, plures echinatas Gallas pariter lustravi. Hæ curvas appendices *A*, versùs superiora directas, emittunt; quæ rubore quodam

quodam suffunduntur, & temporis diuturnitate lignæ redduntur: intus verò in basi vermis conditur, qui tandem muscæ speciem adipiscitur.

In humiliori Quercu (54.) declinante æstate, vel irruente autumnno, copiosæ quoque emanant Gallæ; quandoque ab ipsa gemma, interdum à gemmæ basi *A*, dum adhuc minimæ vegetant, geminis appendicibus *B* attolluntur, quæ sensim turgente Gallæ corpore *C*, ferè obscurantur. His sectis copiosos intus ali vermes *D* observavi, qui multo interjecto tempore, in muscas conversi, foras erumpunt. Variæ insuper Gallarum formæ, casu ortæ, passim obviæ fiunt; quæ diversa pariter æmulantes corpora; ab iisdem denominationem fortuntur: quæ cum apud Botánicos fuscæ habeantur, nostrâ non egent indagine.

Flores, seu uteri insectorum familiæ, non mellea tantum parant alimentum; sed ad fovendos, alendosque ipsorum fœtus interdum damnantur. Ità in floribus Lauri (55.) frequenter observamus: revulsis enim foliis concavis *A*, morbosus quidam tumor, seu Galla, occurrit, à cuius exteriori periphæria staminum capitula *B* eminent: totus verò tumor *C*, filamentosâ quâdam lanugine, in solidum corpus contextâ, compaginatur; quo secto innumeri vermiculi, vix microscopio visibiles, patent.

Amentum & ipsum in arboribus quibusdam, multiplicatis flosculis contextum, muscarum ovis deturpatum, in peculiarem excrescit molem. Hoc non rarò in Quercu (56.) vidimus. A situ foliorum gemmæ *A*, quibus olim tenellum amentum condebatur, pecioli quidam *B* extenduntur: quorum apex amentacis flosculis *C*, ornatur. Circa huiusmodi pediculos lignæ excrescentiæ *D*, in ovorum formam extuberantes, emergunt, quæ in summitate à contento animali lace rantur. A lateribus huiusmodi ovalium Gallarum; gracilia erumpunt innumera ferè capillamenta *E*, quæ in longum extensa, mollia, & crispa reddita; lanuginosum globulum efficiunt, quo conditæ Gallæ custodiuntur. Exarata capillamenta tubulosâ membranâ, humore vacuâ, constant; unde ferè diaphana sunt: copiosus namque, & halituosus humor, qui in flores confluit, in pilos absumitur, & per papillas expirat: mutatâ ex affusis ovis directione; in oblongos quali pilos netur, à quibus exarata conglobatio.

Fructus, seu fœcundi uteri, à plantis passim pendentes, vermium quoque, seu muscarum commodo inservire videntur: unde frequentissime pericarpium, reliquæque seminum integumenta, & ipse etiam feminalis plantulæ partes & fovent, & suo dispendio animalia nutriunt. Non rarò etiam tumores nascuntur Gallis analogi, quibus vermes conduntur. In Quercu (57.) interdum pendet à fructu *A*, qui debita magnitudine privatur, sui generis Galla *B*: à secundina etenim *C*, semen ambiente, & ab ipso pariter calice tumor quidam erumpit, qui exterius cristatas promit appendices *D*, quæ melleum reddunt ichorem. Utriculis, tracheis & fibris constat; unde sectus, in concavitate contentum exhibet vermem *E*. Gallæ apex *F* concavus est, & in singulis non eandem servat configurationem.

In *Avellanis* pariter nux inter initia tenello cortice munitur, qui inflicti vulneris cicatricem servat; circa quam, crassiore reddito nucleo, labia interdum attolluntur: contiguum verò, contentumque pericarpium, subnigrum redditum, vermem custodit; unde feminis futura materia syderatur, vel saltem infumitur. Interdum in iisdem uteris, & tenellis fructibus solam cicatricem turgidam, & intus exsiccata ova observavimus.

In *Pisi*, & similibus filiquis, per sepe exterius strumosi eminent tumores cum cicatricum vestigiis, crassefacto ibidem pericarpio: intus verò copiosi vermiculi conduntur, qui semen etiam vorantes, tandem foras viam sibi faciunt. Maii mense *Pomorum* pericarpium frequenter rotundam vulneris cicatricem in exteriori superficie exhibet, quæ, nullo subcrescente tumore, interdum patula est; quandoque frustulis, & segmentis obturatur, vel ipsius extrema non semel connivent. Ab hac itaque horizontaliter intra pericarpium excavatur fistulosum foramen, cujus extremitatem ovum occupat, quod tenui circumdatum membrana, diaphanum, candidumque perlucet, & oblonga pollet figurâ. Idem observare licet in *Prunis* quæ rotundis iisdem vulneribus tentantur: horum hiatus, & continuatum foramen gummi repletur: in penitiori verò inflicti vulneris sinu ovum fovetur candidum pariter. In eodem quoque pericarpio quandoque exterius copiosa deprehenduntur foramina adhuc parula, quæ sinuosis quasi cuniculis, totam carnem pervadentibus, continuantur. Hos vegetus quidam vermis percurrit, à quo tota tandem fructus caro absumitur. Quare sicut evidens est, ova iq hujusmodi pericarpis reperta illic deponi, & foveri, donec in vermem immutentur: ita probabile est, postremum hoc animalculum non deponi sub specie ovi; sed viam erodendo sibi facere, & foras iterum sub eadem forma erumpere.

Capr. oli, & ipsi præcipue in *Vite* (58.) à muscarum contagio nequaquam immunes degunt; quandoquidem non semel in ipsis geminos ovaes tumores *A* utriculis rubicundi corticis excitatos observavi, in quibus foramina *B* conclusis animalibus exitum concessere.

* Popularis exaratorum tumorum morbus non solas gemmas, folia, & flores afficit; sed reliquas plantarum partes, dummodo vegetando intumescere possint, indiscriminatim tentare solet: Ità in furculo *Quercus* (59.) infra extrema folia *A*, quorum pecioli in tumores monstruosos *B* degenerant, vermes custodientes; irregulares, & multiplices tumores *C* à furculi tenella substantia interdum emergunt, qui angulari apice ut plurimum terminantur; ventre verò turgent, & contentos tot vermiculos fovent.

Mirabiliorem, & elegantiorum tumorum structuram non semel in *Quercu* (60.) admiratus sum. Hujus ramus *A* cum appenso furculo *B*, hinc inde erumpentibus exiguis *Gallis* *C*, exasperatus, pulchrum exhibet spectaculum: nam hinc inde turmatim, & indiscriminatim oriuntur *Gallæ* hiantæ cortice. Harum aliquæ à ramo *A* emergentes transactæ hyemis rigiditate non parum deformatæ, foramine hiant ab evolante musca excitato. In furculo verò *B* recentiores sunt *Gallæ*; & in plerisque adhuc musca conditur, quæ oblonga, gracilique conitat

constat carinâ, qua venter & thorax quasi lineâ connectitur. Quælibet Galla conico, papillarique exortu *E* à ligneis fibris propè medullam emergit; & receptis fistulis à lignea substantia, & utriculorum seriebus in rotundum corpus *F* conglobatur: & hinc inde à supercrefcente ligno, & cortice rami occultatur, & custoditur: unde avulsa Galla, continuatam corticis portionem *G* laceratam secum rapit. Pars superior, quæ extra eminet *H*, aeris injuriæ exposita, extenso olim molli corticis operimento privatur; solumque superest striatum corpus, exsiccatis utriculis contextum, cujus canaliculi *I* excurrentium jam ligneorum fibrarum sinum indicant: intus concavitas adest, quæ hiante foramine *K* patet. Easdem Gallas in radice Quercus supra terram serpente observavi, inter quas aliquæ consumptæ pariter jacebant; reliquæ verò, adhuc tenellæ, integram servabant structuram; & exterius rubicundæ papillari apice *L* terminabantur, sensim ventre *M* turgebant fasciculis ligneis, & utriculis contexto, qui striatus parum erat, & reliquo sui nectebatur ligno *N*: unde detracto cortice, ligneæ fibræ *O* patebant. Præter exaratas conspicuas Gallas *C*, in ramo *A* minima pariter tubercula *P* observantur, inchoamenta Gallarum; ex asperis etenim copiosis ovis tenellæ partes vegetando intumescere incipiunt, deficiente tamen humore nullum ulterius capiunt augmentum: unde & contentum ovum exsiccatum, & Galla inchoata non absolvitur.

Rubi partes alendis & incubandis insectis satis idoneæ hujusmodi tumores de facili emittunt, qui non unâ constant formâ; sed ex varia vegetantis humoris copia, & motu indito diversimodè figurantur. In ramo itaque (61.) frequenter tota internodi portio in tumorem *A* attollitur, à quo exterius spinæ *B* erumpunt: levis est exterior superficies præter minima quædam stigmata & cicatrices. In scæta per longum Galla, lignea portio *C*, quæ furculus excitatur & insigniter curvata sub cortice exterius producitur; unde amplum relinquitur contentæ medullæ *D* spatium, quæ utriculorum horizontalibus ordinibus componitur. In hoc itaque copiosissimæ concavitates observantur, à candidis occupatæ vermiculis *E*.

In Rubo pariter canino (62.) frequentissimæ Gallæ ramosæ indiscriminatum pullulant in foliorum pediculis, in furculis, & gemmis: ex copiosis etenim relictis ovis ita turbatur affluens succus, ut strumosa fiant complura tubercula *A* simul confusè congesta, quæ utriculorum seriebus, & fibrarum implicatione contexta, ramosas propagines *B* germinant; ita ut minima quasi sylva appareat. Quælibet propago *B* ramos, hinc inde villosos *C*, edit, quorum apex capitulo *D* ornatur; seu conchâ rubicundâ terebinthinâ refertâ: Hinc inde pili *E* pariter erumpunt. Hujusmodi ramosæ productiones interdum desinunt in exiguum, & minimum folium subviride *F* terebinthinæ papillis, & pilis ornatum; quasi ac Natura in tam morbofa aberratione foliorum generationem non dediscat. A conglobato pariter Gallarum tumore stabilia *Rubi* folia *G* erumpunt, productionibus ramosis *B* non parum obscurata; quibus laceratis, & abrafis, foli superfunt Gallarum tumores *H*, simul congesti, qui à contentis muscis tandem evolan-

evolantibus lacerantur, excitatis foraminibus *L*. Semel in cujusdam Rubi canini ramo Gallarum *K* congeriem vidi: hæc subrotundâ pol-
lentes formâ invicem continuantur; ut conglomeratum fiat corpus.
Læves exteriùs sunt, lignæque constant substantiâ: foramine *L* pervia
sunt; conditum namque animal viam sibi facit.

In Populo (63.) frequenter à ramis, & à trunco ipso æstate vigen-
te, morbosæ quædam excrecentiæ prorumpunt: laxato etenim cortice
gemmarum minimarum congeries pullulat; unde tumor excitatur.
Harum portionem minimam delineare placuit. A subjecto igitur
trunco lignea portio *A*, adhuc mollis, emergit; fibris *B*, & utriculis
contexta. Hæc in foliola variæ magnitudinis, & formæ *C*, rubicun-
di coloris solvitur, quæ pilis cooperiuntur. Intercepta spatia innu-
meris ferè vermiculis *D* luteis, & ovis replentur. Gallarum hoc ge-
nus albæ quoque Populo familiare est. Hujus tenelli furculi facilè
tentantur; & ex continuo hilitu, à contentis vermibus expirante,
exarata foliola *C*, nullum capiunt augmentum; sed tandem convul-
sa contabescunt. Idem accidit *Fraxino*, à cujus tenellis partibus, &
præcipuè foliorum peciolis, monstruosi emergunt tumores; qui in
gemmarum foliola dividuntur, pilisque cooperiuntur; & ita animalia
custodiuntur.

Tam variè ludit casus in Gallarum productione, ut eadem planta,
& furculus varias ipsarum species producat, & diversas alat muscas;
unde non rarò in Quercu (64.) autumnò vidi furculum, cujus extre-
mitas Galla foliatâ *A* ornabatur: & ab ejusdem basî geminæ rotundæ
Gallæ *B* pendebant. Infra verò gemmata Galla *C* erumpebat; & ab
opposito emergens folium, plures pariter fungiformes Gallas *D* emit-
tebat.

Plantarum quoque radices, licèt terrâ condantur, plerumque tu-
moribus laborant, quibus vermes foventur. In Quercu (65.) non
rarò, dum lustrarem unius, vel alterius pedis longitudine humatas
radices, in extremis radiculis excitatas vidi Gallas *A*, quæ interdum
turmatim erumpunt. Hæc exteriùs, non undequaque læves sunt, sed
exsiccata fragmenta quasi furfures servant. Harum color vitellinus
est. Utriculis, & fibris in solidum corpus compactis de more con-
stant: & insignis intus, excitata concavitas *B*, folliculum papyrace-
um continet, in quo candidus cubat vermiculus. Non semel mon-
struosam hujusmodi Gallarum congeriem in radicibus pariter Quer-
cûs, terrâ conditis deprehendi. Hæc igitur ab unica, tenellâque ra-
dice *C*, hinc indè erumpentes, brevi firmatæ pediculo, quadratum
corpus Gallis *D* congestum efformant. Quadraginta interdum enu-
meravi Gallas, in racemum colligatas. Variam fortiuntur figuram
ex mutua compressione: unde Pini fructum, seu conglomeratam
glandulam æmulantur. In harum centro candidus fovetur vermis.
Aliquando in ejusdem Quercûs radicibus acri expositis insignes Gallæ
protuberant; persimiles iis, quæ primo vere observantur, in quibus
quamplurima conduntur animalia: In hoc tamen differunt, quòd ex
affuso ligneo succo solida redduntur hujusmodi Gallæ.

In radice pariter *Tithymali cyparissæ* (66.) non semel ingentem vidi Gallam *A*, quæ à lateribus radicis erumpens, futuri caulis materiam in sui compagem infumit: unde lignea constat substantia, pluribus quasi nodis *B* distincta, à quibus gemma *C*, foliaque erumpunt, & futuri caulis apex *D* attollitur. Intus concavitas excitatur, in qua vermis intra cartilagineum corticem *E* conditur.

Brassica (67.) præ cæteris alendis vermibus peropportuno abundat succo; unde in principio radicis, seu in ea caulis parte, quæ parùm à superficie foli elevatur, vel sub ipsa occultatur, copiosæ Gallæ *A*, diversæ figuræ erumpunt, quæ à primordiis minimæ sunt; & tandem in ceraforum formam, & magnitudinem frequenter excrescunt. Sæpius plurium Gallarum conglomeratio excitatur; unde monstruosa succedit forma. In singulis tumoribus vermis insignis *B* alitur, qui facto foramine, foras erumpit.

In leguminibus & confimilibus plantis appendices, Gallarum speciem referentes, passim obviæ sunt; in quibus, cum hucusque frequenter vermes, & ipsorum continuatam ab ovo animalium generationem, ob tenellam ipsarum compagem observare non licuerit, ideo non asseveranter pro Gallis describam: cum tamen probabiliter eas tales esse censcam. In *Ruta capraria* (68.) crassior radicis cylindrus *A*, hinc inde ultra radículas, Gallas *B* sui generis oblongas, & subrotundas, parùmque depressas emittit, quæ variâ constant formâ. Hæ exterius corticis utriculis componuntur, quibus radix excitatur. Intus varia conditur substantia, utriculis coercita. In novellis enim tumoribus roscum refert colorem contentus succus; & aliqualem sapit soliditatem. In grandioribus tamen, laceratâ exteriori, corticalique portione, ichor erumpit; & interdum vermes occurrunt. A radiculis *C* pariter eadem Gallæ *D*, licet minores, pendent, quæ parem fortiuntur structuram.

Fabæ radices (69.) minores promunt, quasi ramulos, qui in radículas solvantur. Ab his igitur pendent Gallæ *A*, utriculis subalbis exterius excitatæ. Harum interiora tenent utriculorum ordines, viridem referentes colorem, per longum statuti. Interdum perforatas vidi hæc Gallas; & adhuc dubito, an à condito interiùs verme, an ab exteriori animalculo, ingressum tentante.

Cicerum (70.) quoque radix *A*, Gallis *B*, diversas habentibus species, huc inde ornatur, quæ interiùs subvirides sunt; nec in ipsis vermiculos vidi: In *Vetia* pariter monstruosam reperii Gallam *C*; quæ diversis appendicibus ditata, tuberosa reddebatur.

Placuit interea erumpentes adhuc Gallas lustrare. In radice itaque Fabæ (71.) vegetantis, hiantæ cortice *A*, Galla *B* promitur; sensimque in longum extenditur. Plures frequenter pullulant simul congestæ *C*, disrupto corticis involucrio, quod circa crescentes tumores labio *D* attollitur; unde Gallarum exortus à penitiori cortice, ligneum cylindrum ambiente, contingit.

In expositis Gallis, reliquisque exaratis morbofis tumoribus varias foveri muscas hucusque indicavimus. Et quoniam ipsarum structura

elegans est, multumque lucis affert pro eruenda germana Gallarum productione, insectorumque ibidem cubantium; ideo circa ipsarum nonnullas partes immorandum duxi. Muscam (72.) igitur, quæ à quercinis Gallis Augusti mense prognatis erumpit, delineavi, prout etiam nudis oculis occurrit. Caput habet *A*, à quo articulatæ enascuntur antennæ. Thorax sex pedibus *B* armatur; qui stylis & unguibus muniuntur. Alæ quoque quatuor *C* inæqualis magnitudinis adstant. Succedit abdomen *D*, quod diversis cartilagineis corporibus, quasi loricatum corpus, componitur. Ut autem facilius pateat ipsius compages, varios seorsum delineavi situs. Nescitur thoraci in *E*, & cartilagineis lamellis *F* constare; quæ gracilitate & luciditate specularem lapidem æmulantur. Et quoniam animalis arbitrio contorqueatur venter; cum interdum gracilior & brevior reddatur, mox tumidior; & ut condita exerantur, coagmentatæ partes non perpetuam servant compagem & situm; ideo cartilagineæ lamellæ *F* non explent continuatum circulum; sed in *G* suum fortiuntur finem: & retractæ sese invicem obscurant & tegunt. Harum extremitas pilis ornatur: ipsarumque color subvitellinus extat. Reliquum ventris gibbosæ pariter constat cartilagine *H*, quæ glabrâ quadam munitur appendice *I*: hæc subjectâ tegitur terebra, cujus condens vagina *K* parum erumpit, non longè ab ano. Dum exeritur itaque exarata terebra, mutatur abdominis situs; & cartilagineum corpus *H* foras rapitur, curvatæque olim terebra *L* erectior redditur, & custodiens jam vaginæ extremitas *K* eminet. Quâ ratione autem contingat; ruditer adumbrare tentavi. Dum igitur terebra *L* evaginatur, ventris segmenta, seu lamellæ versùs dorsum *M* retrahuntur & obscurantur: foras verò alterâ extremitate extrahuntur; & ità circulare corpus *N* subiectum, cujus extremitas ~~conditæ~~ *conditæ* terebræ, manifestari incipit: & sic terebræ situs horizontalis efficitur. Separatum circulare corpus *N*, membranâ excitatum, speciem galeæ exhibet: concavum est; & ovarium, reliquaque continet viscera. Per longum cristata quadam appendix *O* excurrit, quæ parum hians, veluti vagina, terebram condit; unde in altera extremitate separatæ geminæ partes *P* obliquantur & flectuntur: hisque terebræ apex custoditur, pilisque condecoratur. Ab opposita autem galeati corporis parte *N*, terebræ radix ortum habet. Hæc tribus constat corporibus; latiori scilicet basi *Q*, & geminis stylis, hinc inde adiacentibus: hic verò divulsis, ut pateant. Radix multiplices promit appendices, quæ parum eminentes, varias delineant areas *R*; reliqui verò styli in arcum *S* curvati, iisdem hærent, & ibidem ab invicem parum diducuntur: mox uniti, supra basim *Q* excurrunt. Terebræ substantia ossea est, vel saltem cartilaginea; melliumque refert colorem: curvatur, & tensa manet animalis arbitrio, & recurvo apice munitur. Muscardum terebra, cum ob sui exiguitatem, & simplicitatem, non ità pateat; aliarum consimilium eget luce, vel faltem analogiâ.

In Cicadis (73.) insignis magnitudinis terebra extat, quam olim pro pene, ità deceptus, delineavi. Hujus structura miram Naturæ sagacitatem patefacit. Hæc horizontaliter locata supra ventrem, excurrit,

curnt, & apice, ipsius extremum attingit. Inter geminas cartilagineas *A* locatur, intra quas loco movetur, hisque custoditur. Hæ extremitate *B* in semicirculum quasi curvantur, & reflexæ basi *C*, firmantur: iisdem flexibile appenditur vaginæ caput *D*, quo terebræ apex custoditur. Alia insuper cartilaginea corpora *E* terebræ radicem muniant, eidemque ligamentis, & ossis processibus adnectuntur. Terebra *F* de more tribus coagmentatur partibus; quæ unitæ, angulare caput *G* efformant; & in basi *H* diductæ, radicem statuunt. Ut autem mira huius organi structura pateat, scorsim partes lustrandæ veniant: & primò basilare corpus *I*, quod totius terebræ fulcrimentum est, occurrit. Hoc itaque ossæ, dentium instar, substantiâ compactum in basi *K*, & in lateribus *L* striatum est: canaliculis enim, & quasi sulcis *M*, & interpositis quibusdam, parùm assurgentibus, particulis obliquè, & penè spiritaliter ductis, distinguitur. In basi *K* exaratae striæ superius ductæ patent; sensim verò per latera productæ obscurantur. Reliquæ terebræ partes, eadem ossæ substantiâ excitatæ, basilari corpori hærent; ipsique, quasi per harmoniam unitæ, antè, & retrò loco moventur, excurrentibus elatis partibus *O*, canaliculos, & fulculos *P*; unde in basi muscûli locantur, & in pluribus terebris diverforum insectorum curvatur radix excurrentium geminarum partium; ut immotâ basi expositæ partes loco moveri possint. Quælibet pars mobilis angulari capitulo *Q* constat, quod geminâ quasi particulâ coagmentatur: Nam in superiori parte levis, & sub-lucei coloris portio *R* occurrit; à lateribus autem mirabilis, quasi lima *S*, observatur, in acutum desinens. Eminent enim veluti dentes diversæ figuræ, quibus plantarum, & similium fragmenta teruntur: Qui versus apicem sese exerunt, angulares sunt; reliqui verò *T*, latâ acie pollent, quæ lineam variè curvatam delineat. Quare satius fortasse nomine limæ insignienda esset. Quoniam tamen Insecta hac mediâ, attritis plantarum frustulis, foramina excitant; ideo quasi terebra dicitur. Exaratarum partium motus patet evidenter, non tantum diductis, & digitis variè motis geminis partibus supra basilare corpus; sed vivente etiam animali præcipuè Gallarum muscâ celer ipsarum motus deprehenditur, qui in extremo apice manifestatur, dum laterales partes ultra basilare corpus variè producuntur, & retrahuntur.

Nec sat fuit Naturæ tam miro artificio terebram, seu limam condidisse; Ad inflicto vulnere, vel excitato foramine infundendum exinde liquorem intra terebram condidit: quare fractâ per transversum muscarum terebrâ frequentissimè, vivente animali, guttæ aliquos diaphani humoris effluunt, intra basilare corpus contenti. In Apibus, reliquisque consimilibus (74.) terebra, seu aculeus, à galeato corpore *A* exortus, tribus pariter partibus componitur; hic separatis, & distinctis, ut facilius pateant. Basilare igitur corpus *B* osseum, gibbosâ, & peramplâ donatur cavitate *C*, quæ diaphano turget humore; qui versus apicem eructatus, sub guttarum *D* specie erumpit, & tractu temporis concrevit.

Ex hucusque instituta indagine patet, exaratos quarundam plantarum tumores, reliquaq; syderatas partes, Muscas & diversa Insectorum genera fovere, & alere, donec emancipata viam sibi faciant. Plura enim Insecta sua edunt ova, omni ferè auctivo succo destituta; quorum aliqua cortice privantur; ità ut mollis primæva partium compages occurrat, sub specie quasi vermis. Ut igitur inclusum animal debitam acquirat partium manifestationem & soliditatem; utrum, vel saltem ipsius vicariam opem exigit, quam in plantis sagax Insectorum natura perquirir: Quare ex diversa ovorum, contentorumque animalium indigentia à Parentibus Muscis variè diversis plantarum partibus ova committuntur, vel deponuntur; quæ enim robusto cortice muniuntur, & alimoniam unà cum animali claudunt, quâcumque arborum parte, etiam tabefactâ, opportunè custodiuntur; unde in pluribus fructibus, & arboribus, præcipuè in Ulmo, & Virgâ sanguinâ (etiam aridâ) ovorum congeriem turmatim locatorum hærentem vidis à quorum duro & perforato cortice contenta olim eruperant animalia. Quæ verò molliora sunt, in foliis ipsis deponuntur: vel si copiosius exigant humidum, majorémque tutelam, intra gemmæ tenellum corpus; intra furculos, flores, amentum, pericarpium, semina, lignum, radices, & singulas ferè vegetantium partes conduntur ope terebræ, quâ Gallarum muscæ præ cæteris pollent. Hoc indicant exaratarum Gallarum series, & ordo, delineatæque terebræ conformatio: Hujus namque radix ovario nectitur; ità ut dispersa per-multiplices tubas ova per communem ductum, quasi per uterum, seu vaginam, foras à basi terebræ propellantur. His conjecturis sensuum fidem addere liceat. Semel propè Junii finem vidi muscam, qualem superius delineavi, insidentem quercinæ gemmæ, adhuc germinanti: hærebat etenim foliolo stabili ab apice hiantis gemmæ erumpenti; & convulso in arcum corpore, terebram evaginabat, ipsamque tensam immittebat; & tumefacto ventre circa terebræ radicem tumorem excitabat, quem interpolatis vicibus remittebat. In folio igitur, avulsâ muscâ, minima & diaphana reperii ejecta ova, simillima iis, quæ adhuc in tubis supererant. Non licuit iterum idem admirari spectaculum, quamvis inclusis diu servaverim in vitreo vase muscas, quibus tenellas gemmas, furculósque exhibueram: longo namque tempore absque cibo vixere, ejectis postremò ovis quæ contrabuerunt. Nec novum est Naturæ hujusmodi terebræ ministerio in operibus insectorum uti. In cicadis, tam sœminis quàm masculis, ab ima facie quasi mentum, oblonga quadam pendet vagina, quæ in geminas hiat partes, pilis cooperta: hac inquam terebra, tribus ossis, vel cartilagineis stylis compaginata custoditur, quæ eandem omnino cum delineata muscarum terebra organizationem fortitur. Exarati styli ad libitum tenduntur, & curvantur: quare probabile est, hujusmodi tenellas leviter vulnerando plantas humorem exhaurire; ut insectis passim familiare est. Tam ferax itaque muscarum familia è Gallis erumpentium, sic dictante Naturâ, terebræ, seti duplicis limæ usu vulnerat, & perfodit molles plantarum partes; ità ut ex diversa ipsarum natura, & compage variæ pariter emergant morbosæ

bosæ excreſcentiæ, & tumores. Ex infuſo namque liquore, à terebræ extremo effluente, qui ſummè activus, & fermentativus eſt, nova in tenellis vegetantibus particulis excitatur fermentatio, ſeu inteſtinus motus; ita ut appellens nutritivus ſuccus, & in tranſverſalibus recollectus utriculis peregrinà aurâ inſpiratus fermentari incipiat, & turgere; ut frequenter in nobis, & ſanguineis quibuſdam perfectis animalibus, ex apum inſiſto vulnere, & ſubinde infuſo ichore experimur. Novus itaque humorum morus turgendo, tranſverſalium utriculorum probabiliter ſeriem auget. Conjecturam hanc firmant crebri tumores in foliis exaratarum plantarum excitati, qui ex multiplicatis tranſverſalium utriculorum ordinibus, ipſorumque adauctâ magnitudine aſſurgunt; cùm frequenter fibroſi faſciculi, & tracheæ, vel breviores ſiant, vel ſaltem à naturali forma deturbentur. Hi licet conſuetam retineant formam, & longitudinem; ubi tamen interiùs vermis, vel muſca conditur, lignea portione in ovalem extuberant formam; elongatis & adauctis tranſverſalibus utriculis ligni, & medullæ foventis animal. Declinati pariter tumores in ſurculis Quercus, adhuc vegetantibus, extrà erumpentes, ſolâſque muſcas foventes, tranſverſalium utriculorum ſucco contenti, ſerinam turgentiam ex aſuſo ichore, & ovis indicant: unde probabile eſt, immutato nutritii ſucci motu, communicatâque novâ fermentatione, plerumque viam inverti; & lateralem quali germinationem, & celerem vegetationem excitari; quæ quantò ex aſuſo fermentativo terebræ ſucco, & ex energia recipientis varii plantarum ſucci potentior eſt; tantò inſigniores excitat appendices, & eruptiones morboſas, quarum varias ſpecies percurramus. In pluribus rudis tumor appenditur ſolo tranſverſalium utriculorum augmento. In aliis, ſuccedente vegetatione ex inclinatis, & curvatis fiſtuloſis tubulis, totus ſerè humor in tranſverſales appendices exoneratur; & ita ſubrotundum conglobatur corpus, diverſas Gallarum ſpecies efformans: Unde frequenter deſtinatus alimenticius humor, qui in ſurculum extendi debebat; in latum productus, in Gallas deſinit. Natura tamen, licet morboſà hac turgentia, quaſi aberrer, ſui ſinis non oblivifcitur; ſed, ut vidimus, interdum Gallas, reliquosque morboſos tumores ſub foliorum ſpecie efformat: Quandoque quaſi minimorum ſurculorum congeriem ex laciniatis utriculorum tranſverſalium ſeriebus effingit, & quaſi luxuriantis vegetationis turgentem impetum arguit.

Succedunt autem, & excitantur faciliùs Gallæ in quercino genere, ac in reliquis plantis: vitrioli enim portio, quæ in Quercubus luxuriat, infuſo terebræ ichore, turgentiam concipit, & motum: unde, eroſione factâ, reliquum alimenti ſecum rapit; & ita ad latera etiam deſluendo, & concreſcendo, morboſos tumores excitat. Quid ſimile in nobis experimur, ubi ex acidis humoribus, falſis commixtis, non tantum internum excitatum patimur fervorem; ſed laceratâ partium continentium compage, novis laboramus tumoribus, qui nulla coerciti figura, in morboſis excreſcentias luxuriant. Exaratam turgentiam non parum juvat halitus, qui ex depositis ovis non raro eſſit: Quercus namque folia non cā tantum parte, quæ ſubjicitur ovo vel

L

vermi-

vermiculo, amisso proprio virore, sensim albescunt, & frequenter convulsa distorquentur, sed tanta vis est & empyreuma exhalans, ut non solum proximum, Vitis præcipue folium, convulsam, tabidumque reddatur, sed & furculus cui appenditur, totus contabescat & convellatur. Hoc tamen non ita perpetuum est in natura, ut non raro ova ab insectis conclusa nullum sui vestigium exigant subrescente tumore, vel partium atrophiam: memini enim in Populi furculo casu diffracti oblongum reperiisse condicum ovum candida testa circumdatum. Hoc horizontaliter locabatur, & extremitate inter ligneas fibras custodiebatur, altero autem fine parum exsiccatum extremum corticis contangebatur. Alia insuper ova probabiliter conduntur intra varias plantarum partes, quæ nullum sui documentum exhibent, cum integra plantarum vita adhuc manuteneatur. Tam varius est Naturæ genius & insectorum exigentia, ut sicut plures fetus & ova extraneo egent, non solum vegetantium incubatu, sed transudante ichore, qui auctorem & manifestationem perficit, ita quædam solâ turelâ contenta, humorem averferunt, & intra siccum condantur, unde in aridis lignis, in testaceis, & in marmoribus ipsis occultantur & foveantur.

Condita ova inter furculos, gemmas & corticem, non omnia animal promunt; in Gallis enim licet copiosa intrudantur, unum tamen vel alterum intra eandem concavitatem vegetat, reliqua tabe consumpta obliterantur: augentur autem subeunte plantarum ichore cutis seu corticis poros, & tandem patentem oris viam. Erunt itaque Gallæ & reliqui plantarum tumores morbosæ excrecentiæ vi depositi ovi à turbata plantarum compage, & vitiato humorum motu excitata, quibus inclusa ova & animalcula, velut in utero, foveantur & augentur, donec manifestatis, firmatisque propriis partibus, quasi exoriantur novam exoptantiam auram.

DE VARIIS
PLANTARUM
TUMORIBUS
 ET
EXCRESCENTIIS.

Hucusque Gallarum tumores, in multiplicibus plantarum partibus Muscarum, & consimilium Insectorum contagio erumpentes, lustravimus. Quoniam tamen alimentum non perpetuo debitos excurrit tubulos; sed interdum aberrando, in Tumores figitur, vel in monstruosas excrescit formas; ideo circa has aliquantulum immorabimur.

In *Pruni* radicibus frequentes excitantur strumosi Tumores, & tori; ita ut radicis, & caudicis vegetatio in hos quasi desinat, & absumatur. Inaquali & varicosa constant forma, crassoque ambiuntur cortice, in quo insignes tartarei tophi observantur, quibus lignæ fistulae curvantur. Inter hos pariter erumpentes, à ligno radiculæ coercentur: ita ut ipsarum progressus impediatur. Lignearum fistularum, & trachearum productio ex impedita, vitiataque eruptione; tortuosa, & morbosa redditur; ut vorticem æmuletur. In subiecto quoque ligno fistulae, & trachæ in orbem ductæ, & in spiram quandoque contortæ, tumorum congeriem efformant; in quibus transversalium utriculorum ordines præ reliquis turgent.

In *Pomorum* pariter & *Pyrorum* radicibus (75.) consimiles passim occurrunt tumores; tenella etenim radix delineatæ crassitiei *A*, sensim protuberat; ita ut oblongum, crassumque tumorem *B* producat, qui exterius fusco inficitur colore, & corticis exigua tubercula *C* emittit; ab hoc pariter molles radiculæ *D* erumpunt. Gracilescit iterum, & primævam servans tenuitatem *E*, novâs promit radices *F*; & denuo turgendo, in ovale *G* extuberat corpus, à quo ulterior radicis progressus *H* extenditur. Horum tumorum cortex crassus valde est, fibris ligneis, & utriculorum copiâ congestus: intus crassa coeretur lignea portio, cujus exteriores præcipue fibræ, & trachæ non omnes rectæ sunt; sed ipsarum pleræque in spiram contorquentur, & horizontaliter circumducuntur.

In

In *Vitis* trunco passim tumores, & tori Gallarum speciem referentes, excitantur. Ab hujus lateribus fibrosi fasciculi contorquentur, & conglobantur; circa quos copiosus congestus succus affunditur; unde coloni trunci hujus partem terrâ cooperiunt, ut à tumoribus radices facilius profiliant.

Frequentes occurrunt in arboribus tumores, contracti, & coacti tenello furculo. Ità miramur in *Opio* & *Pruno* (76.) cujus ramus contingente *Vitis* capreolo *B*, arcte constringitur; unde superior portio in insignem tumorem *C* extuberat. In hoc secto exterius ambiens cortex *D* utriculorum horizontalibus fasciis *A* contractis, impensè turget: contentum pariter lignum *F* fistulis excitatum, circa medullam *G* tumet: in situ verò *H*, ubi ab urgente capreolo coercetur; angustius est: hujus autem tumoris causas inferius exponemus.

Oxyacanthæ pariter furculi tenelli (77.) non raro oblongo tentantur tumore *A*, qui turgente circa lignum hinc inde substantia, excitatur. Ab hoc interdum novæ quasi appendices *B* promittuntur, quæ in spinas *C* acuminantur. Ab exteriori tumoris superficie eminent laciniatæ membranæ, in speciem hiantium florum *D* contextæ, quæ elegans efficiunt spectaculum. Ab umbilico exaratorum florum erumpit pulvis rubiginosi coloris. Sectus hujusmodi tumor dilatatam ligneam portionem *E* exhibet, quæ medullæ ordinibus *F* per longum ductis, repletur. Exterius crassus affunditur cortex, utriculis *G* contextus: in hoc membranosi quasi tubuli *H* conduntur, ligneam portionem *E* interdum perforantes: horumque situs à medulla ad peripheriam, quasi horizontalis est. Tenui constant tubulosâ membranâ, quæ obtuso sine *I* interius; oppositâ verò extremitate laciniatur, quasi flos in folia *K*. Totus tubulus farinaceo pulvere repletur; qui in imo candidus est; non longè autem ab hiatu, æruginosus est. Eandem morbosam constitutionem frequenter in *Oxyacanthæ* foliis, & sæpissimè in *Vite* albâ deprehendi: quibus propria deformatur species. In exaratis autem tumoribus & tubulosis corporibus, hucusque nec ova, nec vermes conditos observavi.

In *Urtica* consimiles excrecentiæ, primo vere familiares sunt; variæque ipsius partes vitiant: frequentius tamen foliorum pediculi, & ipsorum continuata substantia in morbosum excrecit tumorem, à quo delineati superius quasi flosculi eminent, luteumque pulverem tantum fundunt.

In *Fruventi* culmo, per longum tumor eminet; turgentibus utriculis atro, & æruginoso intus contento pulvere, qui tandem laceratâ cuticulâ foras dispergitur, & gemina quasi vulnere labia, parum distantia, & secundum rectitudinem sibi correspondentiâ erumpunt; intermedia verò fistulæ pars, non parum gracilescit.

Tanta est foliorum mollities, ut vigente vegetatione, de facili alienam induant formam, & extraneis tententur eruptionibus. Ità passim in *Populo* (78.) à prona folii parte frequenter, & quandoque ab opposita, levis quedam attollitur excrecentia lutei coloris, quæ in brevem pilos *A* solvitur, & fit quasi sericum villosum. Hæc folii formam

nam deturpat, quod frequentiffimè concavum ibi redditur, colorque remittitur. Irregularis eſt hujusmodi tumorum forma, & erupcio; indifcriminatim enim ortum trahit: modò à coſtulis, ſicut & à reliquis folii partibus. Quoniam tamen non omnibus contingit, & temporis diuturnitate affecta folii pars contabefcit; ideo probabiliter à morbo contingere reor.

Quid ſimile in Vite (79.) contemplamur. In hujus foliis non raro tumores eminent, & concavitates variæ excitantur, indifcriminatim locatæ. Ab inferiori namque folii parte, pilorum (ſeu filamentorum) congeries *A* erumpit. Hi colore vitrum æmulantur, & à lateribus ramosas quaſi appendices *B* promunt. Molles ſunt, & criſpi; unde invicem implicantur.

Mira eſt in *Salice* (80.) morboſa quædam germinatio, & quaſi luxuries, ſeu excreſcentia, quam interdum miramur; à ramo etenim craſſior furculus, longitudinem palmarem æquans, ſtriatus attollitur. Ab hoc è qualibet folii axilla tres, vel quatuor novelli furculi, breves tamen, emergunt, in quibus in nodorum ſitu, folia varias habentia appendices, cum minimis Excreſcentiis ſubrubicundis obſervantur. Quodlibet folium hæc, vel ſaltem analogà conſtat formâ. Craſſo pollet pediculo *A*, à quo quatuor, ut plurimum, appendices *B* erumpunt, rubicundi coloris, cinereis coopertæ pilis, quæ & ipſæ ulterius novas excreſcentias *C* quaſi foliorum inchoamenta proferunt. Non hiant autem hujusmodi appendices *B*; ſed intrò convulſæ, cum reliquo folii conglobantur. Succedit lacinjatam folium *D*, quod in partes *E* diviſum, novas promit appendiculas *F*, rubicundas: reliquum verò *G* pilis hirtum, viridem reſert colorem. Exarata ſpecies non in omnibus eadem eluſcit; ſed quid analogum producit; nam frequentiffimè excreſcentiæ, vel criſtatæ appendiculæ à diverſis folii partibus erumpunt. In his igitur, licet turgentem vegetationis impetum, & turbatam quaſi œconomiam manifeſtò deprehenderim; conditos tamen vermes, vel ova nunquam adinveni.

Flores quoque, & uteri morboſis excreſcentiis interdum tentantur; in *Rofa* enim (81.) loco calicis, quinque folia *A* pendent, quæ proprio exortu concham *B* efformant: hoc tribus idem completur foliis, quorum gemina *C* minora ſunt; reliquum verò *D* amplum. Intrâ calicem de more ſlos in folia *E* copioſa aperitur, quæ rubicundo colore prædita, nativum ſpirant odorem; ab horum medio, ſtylorum loco ligneus caudex *F*, tenellus tamen aſurgit, à quo molle folium *G* emanat eodem colore infectum, quo reliqua ſloris folia. Ab apice prodeunt foliola & gemmæ *H*, rubore ſuffuſæ; in hoc itaque ſlore nec ſtamina, nec ſtyli adſunt; in aliis verò Roſis conſimilis occurrat ſlos, in quo calix, folia ſubalba, ſtamina cum capitulis, ſtyli copioſi abſque ſemine inſunt, & ab horum medio aſcendit furculus, cum foliis, gemmiſque inſignibus.

Plantarum igitur alimentitius ſuccus interdum in tranſverſalibus utriculis coarctetur; nam ab externo vinculo non raro impeditus, ulteriori propagatione per propria vaſa non gaudet; vel turbatâ compage, vitiatâque fluiditate hæret. Ex qua in variis plantarum parti-

bus tumores enascuntur: ab opposito autem exaratus humor liberiori viâ per propria refluit vasa, & copiosius derivatur à transversalibus utriculis: unde factâ irruptione, novæ gignuntur excrescentiæ, ut accidit in musculis animalium, ulcere tentatis; in quibus, vasorum meatibus adhuc hiantibus, ex appellente copioso alimento, carnes succedunt appendices; quæ tandem medicam exigunt manum. Et sicut in animalibus, contractis, vel obstructis ab acidis, venis & glandularum cribris, hujusmodi viscera in tumorem extuberant; ita frequenter ex tartarizato, concretoque plantarum succo in propriis fistulis corticem, vel tenellam alburni partem constituentibus collectiones fiunt, quæ quasi abscessus excitant.

D E

D E

PILIS & SPINIS.

Purimæ plantarum partes in ipso præcipuè vegetationis limine Pilorum copiâ condecorantur, & emergentibus aculeis armantur; unde videtur Natura, pro conciliando decore, comata reddidisse plura vegetantia, ipsisque ad robur Spinâs addidisse. Horum igitur indago nos rapit; unde à Pilis exorientes, ad Spinâs exercitationem producemus.

In herbaceis itaque præ cæteris luxuriant Pili, ut patet in *Salvia* (82.) cujus humilior, & prona foliorum portio copiosissimis Pilis referta est. Horum aliqui *A* breves sunt & curvi, & quasi nodis distingui videntur: inter hos albi quidam minimique fungi conduntur. A costulis pariter & foliorum pediculo oblongi attolluntur pili *B*, qui contorti, itâ variè flectuntur, ut lanuginem præ se ferant.

In *Cichorea* quoque (83.) ab humiliori foliorum superficie, ipsisque costulis candidi erumpunt Pili *A*, lato exortu in mucronem desinentes: horum compages mollibus utriculis *B* excitatur; à primordiis autem ipsorum extremitas terebinthinæ capsulâ condecoratur, quæ statim contabescit. In floris calice ejusdem *Cichoreæ*, & alibi etiam, tenelli pullulant Pili *C*, qui in rubicundam terebinthinæ capsulam *D* terminantur.

Amentaceus *Cucurbitæ* flos (84.) interiùs præcipuè, pluribus elegantibus conspergitur Pilis; inæqualis tamen magnitudinis. Hi itaque utriculis *A* componuntur, non unam perpetuò servantibus formam, & croceo quodam succo replentur; in apice pariter, dum adhuc molles vegetant; subrotunda eminet terebinthinæ capsula *B*, luteo quoque succo referta, quæ evanescente humore obliteratur.

Nec arboribus ipsis, & fruticibus defunt comæ; sed passim in ipsarum partibus luxuriant. Itâ in *Virga sanguinea* (85.) miramur, hujus foliorum superior portio brevibus, & minimis condecoratur Pilis: prona verò oblongis, & mollibus *A*. His insuper pediculus & furculus ornantur; & temporis diuturnitate, ipsorum, candidus olim color, in cervinum vertitur.

Avellana (86.) tenelli furculi, & folia copiosos promunt Pilos *A*; inter quos alii pariter rubicundi eminent; quorum apex *B* semisphærica concha, terebinthinâ turgidâ oratur; adaucto autem furculo, brevi omnia contabescunt.

In *Vite* (87.) folia præcipuè copiosissimos Pilos candidos & crispas *A* exerunt ab humiliori ipsorum parte. A costulis autem breves, & aculeati Pili *B* prorumpunt, Spinarum naturam amulantes.

In

In *Urtæ Spina* furculis, & præcipuè in foliorum pediculis (88.) elegantes, & quasi arborecentes Pili eminent, qui lato exortu *A*, veluti trunco assurgunt; & hinc inde ramulos *B* proferunt candidos, & molles, qui sensim arefcunt: his adstant minimi Pili & fungi *C*.

Pilorum productio in *Cicerbita* (89.) præ cæteris patet; hyeme etenim, circa vegetantia foliola, orbiculorum series *A* sensim erumpit humore turgida; progrediente autem vegetatione orbiculares utriculi pedetentim elongantur, & hanc acquirunt formam *B*, *C*, & postremo evanescente humore obliterantur.

Pilorum hucusque exarata conformatio adeò Spinis ipsis affinis est; ut in plerisque plantis pili rigescentes in Spinas facessant, velut & in *Boraginis* caule (90.) ac superiori præcipue foliorum portione observare est. Quælibet Spina basi constat *A*, quæ oblongis conglobatur utriculis, qui in tenello caule rubicundi sunt; in reliquis verò viorem referunt. Spinæ hastula *B* tubulosa est, & diaphano humore turgida, qui lacerato apice erumpit. Aliæ pariter adstant circumlocatæ Spinæ *C*, quæ curvatæ parùm attolluntur.

Cucurbitæ quoque capulis, flores, & folia (91.) suis muniuntur Spinis. Utriculorum minimorum congeries *A* Spinæ basim excitat, à qua sensim gracilescens, acuminata exoritur Spina *B*, quæ quasi internodiis distinguitur; intus diaphanus luxuriat humor, qui in uno, vel altero internodio flavescit: aliæ quoque minimæ interfseruntur Spinæ, quarum aliquæ *C* diaphana coronantur capitulo.

Ab *Urtica* multiplex erumpit Spinatum genus: mollis etenim, nullamque adeptâ soliditatem in urticis vulgo mortuis (92.) adhuc tenellis a foliis, caule, & floribus eminet Spina. Hæc horizontaliter situata nodosa, & quasi articulata *A* conspicitur: utriculi namque, quibus primò coagmentatur, ex varia contenti humoris turgentia, & copia, diversimodè figurantur.

Solidiorem substantiam, & ad feriendum aptiorem experimur in *Urtica aculeata* (93.) hæc enim à cauliculo hinc inde plures profert Spinas, molles tamen, & inertes, inter quas quidam aculei *A* proceriores eminent, diversam inclinationem sortiti; nam sursum apicem respiciunt frequenter; quandoque horizontaliter diriguntur. Inferuntur in solida quadam basi *B* ligneam caulis naturam referente, & sursum erecti sensim in styli formam gracilescendo desinunt, quasi in infundibulum. Intus cava est hæc Spina, & succo referta; inducta cicatrice, penetrando, uriginem, & tumorem fermentatione mediâ, velut infusa aqua regia, excitat.

Veneris labrum, & *Bardana* (94.) recurvis quoque stipantur Spinis: horum folia in superiori superficie, & in pronis costulis, Spinis horrida redduntur, quæ latiori exortæ basi *A*, recurvo muniuntur apice *B*: foliorum verò pediculus, & caulis ipse minoribus conspergitur Spinis *C*, quæ horizontaliter erumpentes, deorsum curvantur, & pertractant manus feriant, vestibusque hærent.

In *Hieraci* flore & facie *Taraxaci* (95.) circa caulem & folia copiosè luxuriat Spinæ *A* præ inæquali magnitudine, geminis finibus *B*, hisque

hisque recurvis, muniuntur. Temporis tractu contabescuntibus Spinis unci exolvuntur & exsiccantur.

Anonis quoque (96.) suis stipatur Spinis, quæ aculei nomen potius merentur; cum spiculorum more, vulnera infligant. Ab hujus caule *A* hinc inde à foliorum axilla *B* germen, & quasi furculus erumpit, qui & consimilem *C* producere solet. Ulteriori progressu à foliis hic detruncati axilla semen *D* prominet; reliquum furculi hinc inde folia *E* emitit, quæ circa ipsius apicem contabescunt, & postremo oblitterata vegetatione, in aculeum penè ossum acuminatur.

Ab herbis ad frutices & arbores transitum faciamus. In *Rosis* (97.) tenellis folia, & furculi multiplicibus Spinis muniuntur, minores etenim *A* molles pyramidaliter assurgentes, capitulo pollent, à quo terbinthina funditur: reliquæ solidiores, & lignæ *B* curvantur.

In *Oxyacantha* (98.) Spinæ præ cæteris eminent: hæ furculorum more, ab annotino erumpunt furculo *A* supra delapsi folii situm *B*, & diu sub gemmæ specie foliolis contextæ *C* latitant. Vegetatione autem in aculeum excrefcunt, à quo hinc inde foliola *E* brevi casura emergunt. Exterius mollis obducitur cortex sanguineis, & diaphanis contextus utriculis: contenta verò lignea portio solida redditur, & in ossum ferè mucronem occallefcit: in basi Spinæ sub caudicis foliolis *F*, non raro altera conditur Spina, quæ consimile fortitur augmentum.

Malus quoque *limonia* & *aurantia* (99.) suas promunt Spinæ. In apice igitur tenellis furculi, gemina insurgunt folia *A*, gemmas custodiencia, à quorum basi conici sese efferunt tumores *B*, qui in Spinæ excrefcunt. In eorum pariter furculo, in axilla (100.) avulsi folii *A* à latere cubantis gemmæ Spina insuper *B* erinet: hæc tractu temporis, in basi *C* latior reddita; sursum erecta incrementum capit.

Tenellas igitur vegetantium partes, pilis hirtas, ita mirati sumus; ut adhuc nos lateat, an plantas tutelæ gratiâ pilosas reddiderit Natura; an verò turgentis alimonie incongrua portio, sub harum forma erumpat, & digeratur. Gemmarum itaque foliola (ut alias observavimus) ita mollibus pilis cooperiuntur; ut probabile sit, ipsorum formam de facili custodiri; dum autem vegetando auctiora fiunt, pili quoque proceriores redditi, ut plurimum contabescunt; unde satius videtur, plures hujusmodi pilos foliorum vegetationi inservire. Perdurant autem fortasse in nonnullis plantis exarati pili; ob materiæ conditionem, qua excitantur. Cum enim probabile sit, pilos esse appendices transversalium utriculorum, cumque ipsorum quasi catena videantur; ideo contentus in his humor, acri expositus, cum liberè pateat, si naturâ suâ volatilis sit, vel aquosus; facillimè exhalat, & digeritur: unde membranæ utriculorum superstites laxam, & mollem compagem relinquunt. Ubi verò lentus & acidus extat humor, in pilos rigescit, vel in Spinæ obdurefcit, diuque aeris injuriam sustinet. Quare pili, & analogæ Spinæ vegetantis materiæ copiam, & energiam indicare videntur: idem de Spinis rigentibus, & aculeis philosophari licet: horum namque plures à gemmarum basi, vel circa nodum erumpunt: materia etenim, quæ gemmarum & furculorum auctiorem promo-

vere debet, cum debitam volatilitatem & fermentationem in transversalibus utriculis non acquirat, nec consequenter in proceriores ramos vegetando absumatur; necessario à gemmarum basi, & ab axilla, utpote vegetationis nativo situ, emergit, & in furculi speciem germinat: unde cum merum sit diverticulum; deficiente alimonia, sensim gracilefcit, & ita fit ligneus aculeus. Quare si longà cultura (ut aiunt) hujusmodi succus excoquatur & attenuetur, ita ut debita partium transpiratio contingat, & laxatis canalibus procerior reddatur plantulae moles; singulis feliciter germinantibus furculis, postremo obliterantur Spinæ. Hanc pariter conjecturam firmat foliorum & furculorum angustia, & parvitas, quæ nutritii succi inertiam, & hebetem, tardamque fermentationem indicant, & fructibus, qui exigua pollent mole austericas, & stipticitas dominantur, quæ volatillum partium inopiam indicant.

DE

DE
CAPREOLIS
ET
CONSIMILIBUS VINCULIS.

Plantæ, quibus non multum roboris inest, sed proceriores redditæ alieno egent auxilio, vel in crebros contortæ amplexus, ita consulente Naturâ, proximis firmantur arboribus, ut passim in *Convulvulo*, *Faseolis*, *Nasturtio* & *Clematide* admiramur; vel ejusdem Naturæ munere Capreolis, & consimilibus vinculis in hunc finem donantur: de quibus præfens occurrit investigatio. Capreoli igitur flagella, coliculi, seu cincinni intorti frequentes in plantis observantur, in quibus vegetatio plurimum luxuriat: unde infirmiores redditæ externis quasi pedaminibus fulciri exigunt. Ità in *Vite*, *Clematide* & *Cucurbita* (101.) contingit; in qua à nodis inter foliorum exortus crumpunt: pediculo *A* rotundo & firmo constant, à quo hinc inde pili, & fungi promuntur. Hujusmodi pediculus styliformes appendices, seu flagella *B* exerit modò tria, frequenter quatuor & non rarò etiam sex. Hæc à primordiis tenella & parùm obliqua producantur; temporis tractu solidiora reddita, in spiram *C* contorquentur, unde occurrentes plantarum ramos arcè amplexantur. Capreolorum color viridis est & fistulis, tracheis & interpositis utriculorum ordinibus compaginantur.

Quid simile in *Clymeno Mattioli* (102.) molitur Natura in quo frequentes sunt à ramis emergentes Capreoli, qui pediculo *A* constant; tres autem emittit processus, seu cincinnos *B*, in quorum exortu cineræ quædam protuberantiæ *C* eminent. Appendix media ulteriùs in tres solvitur cincinnos *D*, seu flagella, quibus tota fulcitur planta. Analogam structuram in *Vitis* Capreolis rimamur: hi à nodo contra foliorum eruptionem frequentem sortiuntur exortum, per totum furculorum tractum, & præcipuè circa apicem; ubi crebriores sunt, nec ità faciliè constabescunt; sed temporis diuturnitate, lignei redduntur & spirales: unde iisdem compaginantur partibus, quas possidet lignum.

Eadem sollicitudine nonnullas firmavit Natura plantas; mira clavigendo mechanica. In *Hedera* (103.) furculi, & rami *A* hinc inde claviculos, quasi radículas *B* emittunt, quæ parietibus, vel occurrentibus arboribus veluti digitis firmantur, & in altum suspenduntur. Hujusmodi radiculæ subrotundæ sunt, & pilis cooperiuntur; & quod mirum est, glutinosum fundunt humorem, seu terebinthinam, qua arcè

arctè lapidibus nectuntur & agglutinantur. Expositæ radiculae fistulas & tracheas in fasciculum *C* congestas, fortiantur, quæ à lignea portione furculi medullam *D* ambiente derivantur: à cortice verò utriculorum ordines communicantur, quibus omnibus cylindrica radix constituitur.

Non minori industria Natura utitur in *Vite Canadensi quinquefolia* (104.) Capreolos elargiendo, quibus firmata excelsa petio. *A* ramis igitur, & furculis *A* in nodo contra folii eruptionem capreolus exoritur; Hic quasi trunco *B* constat, cujus color rubescit & longâ vegetatione lignescit. *A* trunco, hinc inde, appendices *C*, & quasi digiti, mediis nodis erumpunt, qui diuturnitate temporis, circinnis instar in spiram contorquentur. Horum extremitas, dum tenelli sunt, acuminata *D* extat: sensim curvatur, & reflectitur; tandem verò laxatur in corpus *E*, quod papillis, seu minimis siphonibus refertum, terebinthinam fundit: unde parietibus hærens, concretam quasi cuticulam *F* efformat, quæ nisi summa cum vi, à muro, vel subiecto ligno evelli nequit.

D E P L A N T I S

Quæ in aliis vegetant.

Viventium officia adeò ex Naturæ legibus sibi invicem mutua sunt; ut non solum animalia diversa animâcula alant, & foveant; sed & plantæ ipsæ alias quoque extraneas enutrient, & quasi sui mutilatione vivificent. Id passim in *Visco quercino* (105.) occurrit, cujus anatome exponenda venit. Hic igitur, ut plurimum, à Pomi ramis *A* ortum trahit. Varias delineavi plantulas, & primo tenellam adhuc, quæ à minimo trunco geminas gemmas *B* promit concavo folio *C* olim custoditas; Huic proxima adest minima gemma, binis foliis *D* conglobata. Succedit grandior plantula, quæ ab unico trunco duplices ramos rotundos *E* emittit, à quibus gemina pendent crassa folia *F* fistulis, & utriculis coagmentata. Exarati rami *E* ulteriùs furculos *G* edunt, quibus pariter aliæ adnascuntur gemmæ *H*. Hujus plantæ ferax est fructificatio: nam à radicibus brevis assurgit, rotundus caudex, qui frequenter in nodo geminos dat ramos; quorum quilibet binas, interdum tres emittit propaggines: hæ medio nodo quandoque sex ramos proferunt, quorum nonnulli septem gignunt furculos, horumque extremi apices geminis foliis, vel floribus condecorantur. Planta hæc in altera vegetat, altâque inserit radices: ità in Pomi ramo, hic horizontaliter situato, caudex emergens *I* observatur, in quo per transversum secto, patet utriculosus cortex; lignea quoque compages fistulis & tracheis excitata, quas transversales ordines *K* à cortice in medullam producti, veluti rotarum radia interfecant. Expositus truncus suis radicibus firmatur; sub cortice enim per longum inter libri involucria radices *L* disseminantur, quæ horizontales hic delineantur. Hæ cortice conteguntur, & tracheis, ligneisque fistulis *M* excitantur: ab his minores aliæ exoriuntur radices, lignum penetrantes; & unâ cum transversalium utriculorum ordinibus *N* in medullam deducuntur, quæ fistulis *O*, orbiculorum serie coagmentatis, componuntur. Tanta est vis hujusmodi insitæ, ut ità dicam, plantæ; ut subjecti rami exhaustâ alimonîâ, vitiatâque structura; vel monstruosi reddantur, vel temporis diuturnitate exsiccentur. Ità Pomi ramus *P*, in quo geminæ *Visci quercini* plantæ *Q* radicanur, in tumorem excrescit, impedito humoris ulteriori progressu; unde pars *R*, quæ in ramumadolescere consuevit; plcis exasperata, marasmo contabescit. Planta hæc fecunda semine, sui propagationem promovet, copiosos etenim fructus *S* gignit magnitudine ciceres parum excedentes. Ex-

ternus color subalbus est, & diaphanus; ita ut appareant lignæ fibræ *T* per pericarpium dispersæ, quod utriculis componitur lento & viscoso succo refertis. In centro semen *V* custoditur; ita tamen ut plantulæ bini apices *X* emergant. Semen in geminas dividitur partes, quæ utriculis viridi succo turgidis congestæ, seminalem plantulam fovent, quæ in geminos expansa furculos *Z*, in crassa folia solvitur.

Frequentissima est vegetatio *Pulmonaria arborea* (106.) supra corticem Pyri, Vitis, Pomi & Pruni: est enim folium laciniatum *A*, quod inferius (eâ scilicet parte, quâ subiectæ hæret plantæ) fibras quasi radículas *B* copiosas emittit; à superiori ejusdem parte fungos *C* promittit, inæqualis magnitudinis, inter quos nonnulli corallosum specie *D* vegetant. Hujus plantulæ color primò cinereus est, & subalbus: tractu temporis subviridis, & postremò vitellinus efficitur. Enascitur præcipuè in locis, qui septentrionalem plagam respiciunt. Ejus exortus talis est, ut non semel contemplari liceat in putrescente Pomi cortice: primò namque minimum foliolum emergit; interdum viride; quandoque caruleum subrotundum *E*, & crassum, quod Telephii substantiam æmulat: postmodum ab hoc globoso corpore alia erumpunt; ita ut fiant augmenta *F*: donec tandem folii latitudo habeatur. Exaratum folium non rarò in muscum coralloidem attollitur. Caulis hic *G* tubulosus est, colore margaritas referens; intermixtis quibusdam subviridibus particulis. Ramificatur in minores furculos *H*, & interdum promere videtur quasi folia *I*. Extremi furculorum apices fungo *K* condecorantur mellei coloris: hi autem inæquali gaudent magnitudine, & quandoque tres fungi *L* in unum concurrunt. Qua ratione hujusmodi plantulæ propagentur, adhuc obscurum. Observavi frequenter in folio hujusmodi *Pulmonariæ A* excitari rimulas *M*, à quibus cinerei globuli effunduntur; unde conjectari licet, hujusmodi semina esse. In *Hepatica* humi serpente semina evidentius observavi. Hæc crasso pollet folio, viridi & laciniato: à pronæque ejus parte capillares radiculæ subalbæ prominent, quæ per solum disperguntur. In superiori folii parte prominent minimi tumores *M*, veluti glandulæ, foramine perviæ. Ab hac pariter parte semilunaris quadam fascia *N* attollitur, qua concha excitatur, varia semina *O* custodiens; hæc minima sunt & compressa, Ulmiquæ semina æmulantur.

Nec multum ab expositis plantulis differt *Muscus* (107.) qui varius serpit, & in arboribus enascitur. Hic igitur minores primò promittit ramulos *A*, à communi exortus trunco *B*, qui oblonga radice *C* firmantur, in fibras *D* solutæ. Enarrati rami furculos emittunt, eorundemque structura tot globulis aquâ diaphanâ turgidis, seu nodis excitari videtur. Ramorum structura ex contento succo varia est. Interdum unicus turget globulus *F*, qui viridi concluso liquore, pediculoque assurgit: quandoque oblongi fiunt tubuli *G*, invicem hiantes, eodem succo referti; reliqui rami corallum æmulantur. Eadem quoque varietas in vegetantibus adhuc tenellis Musci plantulis occurrit; nam frequenter orbiculi *H* seriatim positi, plantam excitant; aliquando

aliquando conica vesicula *I*, vel ovalis *K*, vel tandem rotunda *L* Muscum constituit. Circa hujusmodi plantulas procerior Muscus, *Polytricum* scilicet aureum *Apulei*, assurgit, qui diversis nodis excitatur, à quibus pixidatim folia *M* erumpunt. Ab his stylus *N* effertur, capitulo *O* donatus: locus hic operculo *P* tegitur, quo avulso, flos *Q* apparet, folium scilicet molle, in filamenta laciniatum: subiecta vero capsula pulvere subviridi repletur. An hujusmodi sint femina, quæ plantulæ generationem perpetuent, probabile est; sicut & in reliquis exaratis Muscis, cum semina non appareant, rationi consonum est, radicibus per humum, vel per plantarum corticem dispersis, regenerationem, & vegetationem succedere.

Inter plantas, quæ aliis interdum infunt, *Mucedo* occurrit, cujus natura adeò obscura est ob sui exiguitatem, & varias quas subit formas; ut penè sensum & mentis aciem effugiat: quæ tamen rudibus meis opticis instrumentis observavi in diversis rebus, Mucorem contrahentibus, exponam. In secundario casu post plures dies, exterior superficies tota (108.) quasi ingens sylva plantulis cooperitur: hæ minimæ sunt, & candidæ, inter quas primò eminent fungi *A*, longo assurgentes pediculo, qui quasi tot nodis, vel saltem orbiculis componi videntur. Horum extremitatem tenet capitulum *B* diaphanum; deinde viride, & postremò nigrum. Interferuntur minimæ quoque plantulæ; quarum aliæ *C* ramosæ sunt, tenues, & diaphanæ, & veluti florem *D* emittunt, vel quasi muscum pixidatis spoliis conflatum.

In Cucurbitæ putrescente pericarpio easdem Mucedinis plantulas observavi: diu enim Cucurbitæ frustula in fictili vase plano servavi, quæ temporis tractu innumeris Mucedinis plantis erumpentibus, obscurata sunt. Circa hujusmodi frustula corrupta & mucida non longè à superficie vasis, fungi assurgebant ab elongatis fortasse radicibus plantarum, in frustulis corrupti pericarpii vegetantium; vel à seminibus orti: hujusmodi autem plantulæ elegantissimæ; modò quinque, interdum tres, & non rarò geminæ attollebantur, sub fungi forma à communi nodo *E* erumpentes: firmabantur autem radicibus minimis horizontaliter supra vasis extimam superficiem productis: curvo pariter pediculo *F* assurgebant, & semisphærico capitulo *G* terminabantur.

In Limonio, & Aurantio pomo post aliquot dies rotundus sensim eminet in cortice tumor *H*, à quo echini instar, pili, seu minimæ plantulæ erumpunt. Progrediente vegetatione, veluti pratum florum, & nonnulla exposita filamenta tandem capitulo *I* donantur, & in fungos immutantur. Quædam quasi flores *K* laxantur in apice; interdum ut obscurè mihi licuit observare, minimæ plantulæ tres furculos seu propagines *L* promunt; tribus ovalibus capitulis, seu flosculis ditatos. Interdum septem crystallini & lucidi globuli *M* pendent, & horum quilibet minimis ulterius orbiculis *N* coagmentari videtur. Delineatæ plantulæ caule firmantur, qui utriculorum seriebus *O* componitur. Exarati fungi hiant capitulo *P* tandem donantur, quod ex cinereo subviride, & postremò cæruleum redditur; & exsiccatum

in tot lacinias, seu minima frustula *Q* solvitur. Interea luxuriante vegetatione, sic fibrosum rete *R*, cum angularibus arcibus; & extremi filamentorum apices, flores, seu crystallinos globulos *S* emittunt. Hujusmodi reticularis plexus subjectos fungos, reliquarumque plantarum sylvam circumambit, & lateraliter obtruncatos quasi ramos promit.

Elegantem pariter Mucedinis plantulam intra lignorum, & caulium medullam; in pane quoque intra rimulas, & spatia non raro observavimus. Hæc communi caule *T* attollitur, & ramulos hinc inde emittit, qui furculos pariter prominent; quorum aliqui mutuâ factâ anastomosi *V* implicantur, & interdum circa globulos ludunt ramorum extremitates. Plantulæ color violaceus est, & interdum crystallinus. Hæc sunt, quæ rudibus instrumentis circa Mucedinem contemplari potuimus, quæ aliorum solertiam, & industriam exposcunt.

Quoniam inter Mucedinis plantulas *Fungi* copiosi numerantur; ideo de Fungis, qui ex arboribus, tum viridibus, tum arefactis, maceratisque frustulis nascuntur, sermo hic esset habendus; tam varia tamen est Fungorum species, & forma; ut distincta, & peculiari potius egeat historia, quam brevi & transcurrit recitatione. Obscurissimus mihi est ipsorum exortus, & adhuc post multos conatus ignotus: ut pauca tantum cursim enunciare possim ad excitandum aliorum potius solertiam; quam ad certa & vera aperienda. A putrido igitur ligno (109.) nascentes minimos Fungos adnotavimus; hi colore primo pollent subalbo; in apice capitulo *A* decorantur, nondum tamen hiantes; exterius pilis, seu papillis *B* cooperiuntur diaphanis, & ferè pyramidalibus, quarum extremus apex rotundâ quadam guttulâ ornatur. Crasso firmatur pediculo *C*, qui radices non emittit; sed gracili principio ortum trahit à filamentosa quadam membrana *D*, cujus lacinie intra terræ, vel ligni frustula producantur. Eandem speciem, minimam tamen, in eodem ligno observavi, quæ ultra capitulum *E* subrotundum, latumque pediculi exortum *F* habet, & filamentis firmatur. Hujusmodi Fungi citum fortiuntur augmentum. Capitulum itaque striatum *G*, interdum pilis gracilibus, & crispis cingitur. Pediculus procerior factus; candido pollens colore, pilos jam arefactos exhibet: in exortu appendices *H*, quasi exiguæ radices, erumpunt, quæ per lutum, seu corrupta ligni fragmenta, propagantur.

Plantulas igitur, è diversis vegetantibus assurgentes, lustravimus. Hæ quasi insitione unitæ, à contiguis vasculis, & utriculis communem materiam exhauriunt, & in propriam vertunt alimoniam. Inter hæc quadam editis ovibus, seu feminibus diutinam sui propagationem extendunt, ut in Visco quercino admirati sumus: reliquæ verò ignotâ adhuc nobis viâ multiplicantur, & nascuntur; inter quas præcipuè sunt Fungi, & Mucedo. Varia est materies, à qua passim Fungi oriuntur: & ut videre potui, vel à ligno, vel ab ejus frustulis, ut plurimum elevantur, & in exortu, filamentorum ingens contextus luxuriat, à quibus tandem in fasciculum unitis, fit caulis; Quare vel Fungi, Mucedo, & Muscus propriis feminibus gaudent, quibus ipsorum species perpe-

perpetuatur; vel ex frustulorum vegetatione pullulant, ut in aliis plantis contingit: etenim contentus in utriculis transversalibus adhuc fucus; superveniente exteriori humiditate fermentatur, & extraturgendo quasi necur; effluvia namque, pilorum instar concreta, contextum probabiliter efficiunt; unde ulteriori subsequente fermentatione, & quasi vegetatione (urgente exterioris aeris elastica vi) congesta sursum in caulem eriguntur; & deficiente vi effluviarum, prementæque aeris gravitate, quasi reflexa, in capitulum desinunt. Plantularum igitur hæc frustula ventis deferuntur, & in locis septentrionali oræ expositis vegetant: in opposito autem situ difficulter radicanter: nam solis radius fovens humor dissipatur.

P

D E

D E RADICIBUS PLANTARUM.

Arborum, herbarumque genus, cum debitam partium auctorem, & nutritionem exigit, cumque loco moveri nequeat, non exiguam sui partem in alimenti capturam, quasi tot manus emittit, quæ per subiectum solum alimentum quarunt & immobilitatem plantæ stabilunt; hæque *Radices* appellantur. Patent itaque, singulisque innotescunt Radices; sunt enim caulis, vel caudicis ut plurimum productio & elongatio in subiectum solum; ita ut lignea trunci substantia, cortice circumdata, in majores frequenter quasi ramos dividatur; qui ulterius minores progerminantes furculos, tandem in radículas, & capillamenta desinunt & solvuntur. In quibusdam verò herbis solet Natura materiam, quam in caule, vel caudice custodire consuevit, in radice variè protuberante artificiosè condere, novosque focus ibidem promere, & alere, quorum omnium indaginem, prout tenuitati meæ licebit, prosequar. Interim facilioris intelligentiæ gratiâ, arborum Radices primo lustrabimus. Hæ itaque variè à trunco terræ affixo producuntur; nam in aliquibus perpendiculariter elongatæ, radículas hinc inde promunt; quod pluribus herbarum generibus familiare est: in plerisque verò productus truncus in multiplices dividitur insignes Radices, quæ ferè horizontaliter; deorsum tamen propagatæ, in inferiores radículas solutæ, rotundam peripheriam, non ablimilem ei, quæ ab extremitate ramorum describitur, graphicè efformant. In nonnullis divisæ Radices, varias æmulantur formas, Glandium, Olivarum, & similia; quorum omnium rudis delineatio per potiora capita inferius habebitur.

Arborum igitur Radices, & præcipuè truncus, iisdem vasorum generibus implicatis constat, ut in caudice; ita ut superfluum sit eisdem icones iterum effingere; quare furculos tantum rimabimur. In *Moro* itaque (110.) furculum, annularem digitum crassitie æquantem, observavi, & horizontale semidiametrum ruditer delineavi. Hujus exterior superficies colorem vitellinum præ se fert, & copiosæ membranae utriculorum transversalibus ordinibus excitata, exteriorem corticis regionem occupant; in quibus horizontales tumores, quasi zonæ eminent; quibus laceratis, minimus quidam pulvis, crocum metallorum æmulatus erumpit. Sub his alia pariter succedunt tenuia involucra

lucra, & postremò lignearum fibrarum reticularis contextura, à quibus utriculorum ordines pendent, & tandem prope lignum liber luxuriat. Crassius valde cortex est, & lactifera vasa *A*, erumpente succo, patent. Ligni contextura transversalium utriculorum seriebus *B* à cortice versus medullam deductis, primò excitatur; intercepta verò spatia trachearum tubis *C*, & ligneis fistulis cum minoribus utriculorum seriebus horizontalibus intricatis replentur; Hoc tamen videtur quasi perpetuum, tracheas majores esse, & magis patentes, ac in trunco, ac ramis existant. Loco pariter medullæ trachearum congeries *D* observatur, quæ transversalium utriculorum centrum extat. Ligna igitur portio *E*, quæ crassior est, borealem respicit regionem; opposita autem meridionalem plagam attingit.

Arborum Radices in capillamenta, & minimas radículas laciniari diximus, quarum speciem à *Populo nigra* (111.) desumptam delineavi. Ab exigua itaque Radice *A*, quæ crassitiem auricularis unguis non attingit, exoritur; hujus color è cinereo in subvitellinum tendit, varicosa est, & hinc indè cirròs, & radículas *B* emittit, quæ copiosis pilis conteguntur. Tenui & crispo, laceròque interdum cortice cooperiuntur: & intus fibræ & trachæ custodiuntur.

Ab exatatis Radicibus adhuc tenellis appendices quædam eminent, quæ racematim interdum pendent; hæcque gemmas esse futurarum Radicum probabiliter censo. Occurrunt autem in singulis arboribus, plerisque plantis, & præcipuè in *Ulmo* (112.) Extremæ namque Radicum propagines *A* hinc indè globosa corpora *B* parùm, & in apice interdum acuminata promunt; quæ quandoque alba, frequenter sublutea, non rarò saturatum charabem æmulantia, luxuriant; parùmque diaphana sunt. Pilis exterius minimis cooperiuntur: intus fibrarum fasciculi molles conduntur, affuso glutinoso humore. Sæpe, ubi externorum occurrit obstaculum, proceriores redduntur, & curvantur; ipforùmque quasi racemi pendent; & extremitas subrubro, vel intense vitellino succo inficitur. Interior gemmarum structura mollis est, & informis; solusque mucosus occurrit succus, hyeme autem nonnullæ contabescunt; reliquæ proceriores redditæ, lignæ sensim redduntur; ipsarum etenim cortex exsiccatu oblongis solvitur rimulis; intus verò candidus cylindrus custoditur, qui exterius albo, utriculis congesto corticè, cooperitur: sub hoc lignæ portio latitat fistulis contexta, à quibus nonnulli tubuli excavantur, pro excurrentibus tracheis.

Expositæ radiculae, seu gemmæ, non à foliis minimis Radicibus terrâ conditis erumpunt; sed frequenter ab extremis quibusdam arbutorum furculis, & ramis pullulant; consimilem speciem referentes. Ità observamus in repente extremo *Rubi* furculo (113.) Hic humi hærens, in ovale corpus *A* protuberat, & copiosas radículas emittit: urgidiior namque cortex *B* redditus, & laxatus, erumpentibus radiculis *C* exitum permittit. Hæ conicam servantes figuram, tenui cortice excitantur, intus verò medulla, & lignæ portio luxuriat: unde in secta hujusmodi appendice utriculorum series, medullam *D* constituentes, occurrunt, quam lignæ fibræ *E* aniplexantur, in radículas *F* elongatæ.

Mirabilior

Mirabilior est Radicum exortus in ramo *Salicis* (114.) trium annorum; hic à trunco primo vere abscissus, & crassiori parte perpendiculariter in foveas aquà repletas, quasi plantatus, elegantes emittit Radices. In parte igitur humata nullas ut plurimum promittit Radices; sed in ea tantum portione, quæ proxima est superficiei ambientis aquæ. In hac itaque tumores in cortice primo eminent, & tandem scissuræ excitantur, macerata cuticulâ, & subiectis corticis utriculis: unde fit ulcus circumassurgente cortice, quasi obducto labio; quod erumpentibus ligneis fibris, & medulla, in Radices congestis, aditum permittit. Perpendicularem interea sectionem delineavi, ut facilius singula pateant. In hac exterior cortex *A* occurrit, qui labium *B* efformat; interior tenuior ejusdem corticis portio *C* custoditur, quæ & ipsa ad extrâ derivata, Radicum exortum custodit. Succedunt fibræ lignæ, & tracheæ tortuosæ, & varicosæ redditæ *D*, quæ in tres divisæ cylindros, totidem efformant radículas; quarum centrum medulla, seu transversales urticulorum ordines occupant. Hoc tamen notatu dignum occurrit, quòd horizontalium urticulorum ordines *E*, erumpentibus Radicibus continuati, turgidiores redduntur: unde super-equantantes fibræ rectæ *F* necessario obliquantur, & hujusmodi tumor versus medullam propagatur; insigniter tamen est prope corticem.

Frequens pariter est Radicum emanatio in *Gramine* (115.) non in solo radicum trunco, & appendis propaginibus; sed in caule, & continuatis ramis, ubi nodus excitatur, quotiescunque subiecti folii humore madent. Nodus itaque geminis foliis intercipitur, quorum inferius *A* detruncatum hic indicatur; alterum verò *B* sursum attollitur, caulem *C* ambiens, & ab ipso Radices *D* emergunt. Interdum à basi novellæ gemmæ radix *E* erumpit: harum primævus exortus minimos exhibet tumores *F*.

Consimilem Radicum eruptionem miramur in *Pentaphyllo*, *Fragaria*, & *Ranunculo repente* (116.) cujus caulis horizontaliter productæ portiones, humique serpentes, radículas promunt. In primo igitur nodo gemma prominet, cujus inferius folium, seu pediculus *A* tantum cum erumpentibus pilis *B* occurrit; reliquum verò *C* sursum attollitur; à subiecto autem nodo perpendiculariter productæ Radices *D* pendent. Aliæ insuper Radices supra nodum, laceratis gemmæ foliis, manifestantur. In subsequenti pariter nodo geminæ tenellæque Radices *E* infra erumpunt, supra quas folium *F* exortum trahit: & gemma quoque *G*, cujus folia mutila delineavi, effertur, & ab hac lacerata novæ Radices *H* profiliunt.

In Radicibus ultra radicularum, & pilorum eruptiones, gemmæ quoque singulo anno observantur, quæ in caudices, vel caules excrescunt; & harum icones sparsim inferius dabimus: pro nunc autem sufficient illæ, quæ à *Convolvulo* (117.) erumpunt; tres enim contiguae, lacerato albo cortice *A*, eminent laciniosis foliis *B* contextæ: unde qualibet ipsarum secta, ligneas fibras, & tracheas, in cylindrum congestas *C*, exhibet; quem cortex *D* in folia divisus circumdat, & ambit.

Luſtratis his, quæ in Arboribus ad Radicum compagem attinent, & quibuſdam phænomenis circa Radicum in Plantis vegetationem; fas eſt proſequi varias Radicum formas. In quibuſdam itaque herbis, Radicem non multum ab exarata in arboribus ſpecie excitat Natura: ita patet præcipuè in *Boragine* (118.) cujus Radicis truncus perpendiculariter ſectus, exteriorem exhibet corticem *A* valde craſſum, qui horizontalium utriculorum ſeriebus, cum ligneis fibris per longum ductis, de more implicitis, componitur: peculiare quoque aderit vaſculum, quod ob ſucci inconſpicuitatem adhuc nos latet. Succedit lignea portio in cylindrum congeſta, cujus potiorem molem excitant tracheæ *B* varicoſæ, & quaſi reticulariter per longum ductæ. Inter has fibræ lignæ rectæ, & horizontalium utriculorum ſtrix *C* locantur; & in centro medulla ultra medietatem, inferiora verſus, minima cuſtoditur. Tota hæc lignea portio identidem minores Radices promit *D*; quæ & ipſæ cortice cooperiuntur, à quibus pili poſtremo erumpunt. Prope terræ ſuperficiem, ubi caulis aſſurgit; lignea portio dilatatur, & interiùs tubuloſa redditur; ita ut tranſverſalium utriculorum ordinibus, qui medullam conſtituunt, locum præſtet. Varia eſt utriculorum forma, & ſitus; nam nonnulli ordines ab horizontali declinant; alii curvati attolluntur. In pleriqueſque tenellis caulibus continua adhuc eſt medulla: in proveſtoribus autem (hoc eſt inclinante anno) concavitas *E* excitatur, corrupta utriculorum continuitate: reliquum autem gracileſcentis ligni *F* in fiſtuloſum corpus compacti, unà cum ambiente cortice *G* in caulem, & ramos *H* abſumitur.

In *Cichoreo* (119.) conſimilis emergit ſtructura: hujus ſecta per longum Radix, gemmam *A* in apice cum erumpentibus foliis offert, quæ à ſubjecto cortice *B*, & ligneis propaginibus *C* exortum ducunt. Non longe à foliorum eruptione, ligneus cylindrus concavus redditus, medullam continet *D* utriculis albis congeſtam, quæ deſcendendo ſerè obliteratur: lignea tamen portio tracheis *E*, & tranſverſalibus utriculis cum ligneis fiſtulis *F* implicitis, componitur; & hinc inde ligneas propagines emittendo, in radículas ſolvitur. Craſſius pariter cortex horizontalium utriculorum ordinibus, & fiſtulis completur; inter quas lactea vaſa, in ſeneſcente Cichoreo, evidenter obſervantur.

Mos quoque Naturæ eſt plantarum, & præcipuè quarundam herbarum Radicis truncum ſerè horizontaliter elongare, à quo radiculæ, quaſi perpendiculariter productæ, emanant. Placuit autem in *Conſolida majori* (120.) in qua ſecta per longum tracheæ mirabilis contextura propagatur. Tota igitur Radicis portio non valdè craſſo cortice *A* circumdata fiſtulis rectis, & tranſverſalibus utriculis *B* conſtat: interſeruntur tracheæ, quæ flexuoſæ, & varicoſe redditæ, inſignes areas *C* efformant: & frequenter in faſciculum recollectæ, iterum ſeparantur; mox ulteriori unione aliis affociantur.

In *Arundine* (121.) Radicis truncus horizontaliter fertur, multiſque propaginibus coagmentatur; ſimplicior tamen ſtructuram exponere placuit: in hac curvatus Radicis truncus *A* occurrit frequentibus quaſi annulis, ſeu internodiis *B* coagmentatus; in ſitu enim *C* avulſi

Q

folii

folii cicatrix adhuc subest, & lignæ fibræ interdum superfunt à gemmarum basi, crasso, luteoque cortice conteguntur; intus verò cylindrus lignæus, multiplices continens tracheas, conditur. Radix *A* elongatis internodiis, caudicem *E* attollit, à quo gemmæ *F* pullulant. Idem pariter Radicis truncus *A*, sub terra conditus, copiosas gemmas *G* emittit, quæ pluribus contextæ foliis, tandem in caudices excreverunt. Radicis truncus *A* exteriùs cortice ambitur, qui utriculis, & ligneis fistulis constat: multis perfoditur foraminibus, quibus foras Radicum exitus admittitur; reliquum fasciculis fistulosis coagmentatur, qui ligneis fibris conflati, tracheas continent, modò unam, interdum duplicem, & quandoque tres deprehenduntur, latà & spirali zonâ constantes: sepe prope tracheas vidi aliud vas hians, sortè peculiarem succum continens. Fibrosi fasciculi non paralleli ducuntur; sed flexuose progredientis implicantur: identidem promunt ramos, qui ad latera declinantes, contiguos per superequitationem impliciti fasciculis, tandem (manipulo quasi factò) in Radices perforato cortice absumuntur; taliter implicantur, ut delineatam olim in nodo grani Turcici speciem præ se ferant. In Radicum bifurcationibus, & gemmarum eruptionibus eadem declinatio fasciculorum observatur, horizontali factâ cum rectis intuciatione. Circa fasciculos hujusmodi medullæ sacculi ampli locantur, quibus interstitia replentur: unde ex his videtur Radicis truncus continuatus, & humatus caudex; ità tamen, ut in caudice fibrosi fasciculi tubum efficiant, rariores excitando nodos; in Radice autem luxuriantibus medullæ utriculis, integrum corpus, frequentibus nodis implicitum, constituent.

Consuevit insuper Natura emanantes à Radicis trunco propagines, turgidas, & globosas reddere; ut trunci gracilitas harum crassitie compenfetur. Ità in *Filipendula* (122.) à productò penè horizontaliter trunco *A* Radices *B* hinc inde pendent, quæ nodosas, seu tuberosas appendices *C* promunt, olivares à forma dictas. Hæ itaque per longum sectæ, dispersos lignearum fistularum, & trachearum fasciculos *D* exhibent: reliquum appensis utriculis *E* completur. Non longè à terræ superficie, in autumno novæ erumpunt Radices *F* horizontaliter ductæ.

Analogam quoque structuram miramur in aliis herbaceis, quorum radicales trunci ut plurimum horizontaliter locati, non longè à terræ superficie humanantur, à quibus caules, & Radices exordium capiunt: Exiguæ tamen magnitudinis extant hujusmodi trunci si cum appensis Radicibus comparentur: unde quasi nodi dici possunt. Hoc in *vestri Asparago* (123.) occurrat, cujus truncus gracilis *A* cortice circumdatus, luteis fistulis & tracheis *B* interiùs conditis, coagmentatur. Ab hoc gemmæ *C* erumpunt, quæ plurium foliorum contexturâ constantur. Inferiùs pendent crassæ, & oblongæ Radices *D* subrotundæ, & turgidæ, crispis pilis consperse; minimas ulteriùs radículas *E* prominentes. Exarata Radices, denso satis cortice exteriùs ambiuntur, succedens verò portio in secta perpendiculariter Radice grandioribus utriculis *F* excitatur; & centrum à ligno fasciculo *G*, in radículas diviso, occupatur; qui ad Radicis extremum deductus, nullo obducto cortice

cortice cooperitur; sed diaphanus tantum ichor, cuticulâ contentus, apicem explet.

In *Chelidonio minori*, seu *Scrofularia* (124.) truncus, seu Radicum nodus *A* minimus est, sursum folia cructans, quibus corruptis, lignee fibrae *B* superfunt; inferius autem producantur tuberosae Radices *G*, diversis constantes figuris, à quibus pili erumpunt. Harum medium ligneus cylindrus *D* cum tracheis & fistulis perreptat, & utriculorum striae *E* reliquum expleant. Circa Septembris finem gemmae *F* manifestantur; & tenellae, novaeque Radices *G*, pilis consperse à gemmae basi erumpunt. In principio Maii elongatus caulis humi repens non raro in singulis nodis novas quoque emittit tuberosas Radices. In axilla etenim ex lato folio *F* geminae frequenter erumpit Radix *G*, quarum altera solet etiam folii implantationem lacerare. Subsequitur nodus *H*, à quo folia & cauliculi elongantur, & ab horum axilla copiosae quoque Radices *I* emergunt, tandem ab ulteriori nodo *K* supra folii *L* implantationem gemmae radiculae pullulant.

Con similem structuram deprehendimus in *hortensi Ranunculo* (125.) à cuius minimo trunci nodo tres emergunt gemmae *A*, suas pariter emittentes albas radículas *B*. Deorsum pendulae protuberant tuberosae Radices *C*, racematim collectae. Varias fortiantur formas, & magnitudines, lignaeque cylindro ipsarum centrum excurrente & utriculis conflantur.

Palmae Christi Radix (126.) pari proportionem vegetat. Hac caulem *A* à trunci nodo attollit, cuius basi haeret gemma *B*: non longe erumpunt sex vermiculares Radices *C*, pilis consperse; inferius vero pendet tuber antiquum *D*, quod jam tabescendo in novum bulbum *E* absumitur: hic in geminas definit Radices *F* pilosas. Totum tuberosum corpus fistularum lignearum, & trachearum contexturâ investitur; intus vero candidis utriculis repletur.

In *Anemone* (127.) appendices pariter trunco continuatae quasi ejusdem laciniationes videntur. Hujus varia est magnitudo, & species; trium autem annorum Radicem non ineleganter delineavi. A summitate gemma *A* erumpit multiplicibus foliolis contexta; reliquum *B* coloris aeruginosi asperum, & furfuraceum, parumque depressum, Radices emittit *C* graciles. Singulae exaratae appendices novis Radicibus in recentem vegetant plantam.

Elegantissima praeter ceteris est *Asteris Attici Peruviani Farnesiani* Radix (128.) Hac lignea est, & perpendiculariter elongatur; unde lateraliter minores germinat Radices, quae non admodum durae sunt, à quibus gemmae prominent, & in tam vastas excrescunt appendices; ut monitruosae reddantur. Placuit autem simpliciorum delineare Radicem. Hac à ligneo Radicis trunco *A* exoriens horizontaliter productas gemmas *B* hinc inde germinat; & interdum minores radículas *C*. Gemmarum magnitudo varia est, ut intuenti patet: prope enim exortum elongata gemma, seu altera Radicis propago *D* occurrit, quae in apice tuberosa reddita, latentes quoque gemmas *E* custodit; in hac foliorum exortus, seu fines *F*, quibus olim gemma compaginabatur, adhuc superfunt, & si per longum secessu, trachearum progressum

gressum *G* manifestat; reliquum verò rectis fibris mollibus, & transversalium utriculorum ordinibus completur. Eandem structuram in extremo Radicis observamus: hæc in monstruosam adaugeta molem, turgentes hinc inde gemmas *H* emittit, quarum aliquæ *I* ramorum instar, novas pariter gemmas pullulant: ipsius color cinereus est, & cicatrices *K* caducorum foliorum adhuc servans; gemmæ verò mitralibus excitatæ foliolis, rubicundo suffunduntur colore.

Aconiti pardalianche (129.) quoque Radix mira est, quæ circa finem Maii examinata, antiquum tuber, seu bulbum *A*, jam tabescentem exhibet; hic enim sensim gracilior redditur, vegetante novâ bulbosâ gemmâ *B*. Viridis est, & foliorum adhuc vestigia *C* supersunt; radiculae jam corruptæ delitescunt. Ab hoc Radicis surculus *D* elongatus in gemmam *B* definit: hæc primò gracillima est, turgente materno tubere *A*; paulatim autem vegetatione, emissis Radicibus *E*, & surculis *F* tuberosa redditur; caulémque & folia *G* promit. Exterior viridis est, lignëo; involucri ambitur: intus subalbis scatet utriculis.

Ceparum ingens genus, quibus multiplices herbæ donantur; analogâ hæc pollent structurâ: harum enim infimam basim, solidum quoddam corpus occupat, quod trunci vices gerit; hocque in folia & caulem attollitur; hinc inde verò appendices in varias foliorum formas emittit. Hoc apprime in *Lilio albo* (130.) occurrit. A bulbi inferiori parte *A* plerumque in autumnno pendent folia, seu laciniatæ appendices sublateæ, quæ concepto succo contabescunt. Succedunt varii quoque foliorum ordines *B*, quæ exterius gibba sunt; interiori autem parum concava: ita ut invicem adaptata, bulbum efforment. Exortum trahunt à radicali trunco *C*, à cuius basi Radices *D* sublateæ prominentur, quæ ulterius radículas emittunt *E*, candidis conspersas pilis. A radicali cylindro *C* sub diversis planis folia oriuntur, inter quæ novæ quoque Radices *F* manifestantur, & in apice folia *G* germinant, caulem *H* ambientia, qui intra gemmam pluribus contextam foliolis, florem *I* fovet, & stamina præ reliquis manifestantur. Exarata folia utriculis, succo turgidis, constantur & ligneis fasciculis tracheas continentibus.

Brevior, minorque truncus in reliquis bulbosis occurrit, ut patet in *Hyacintho Martioli* (131.) cuius Radix crassiss foliis, seu involucri *A* à communi trunco *B* exortis, conglobatur. Crassa hæc folia exterius non undequaque subiecta ambiunt involucria, sed relicto angulari spatio hiant, quod interioribus non accedit, quæ ex toto subiecta investiant folia. A trunci basi plura folia circa finem æstatis tabida collabuntur; unde cicatrices *C* supersunt. Exaratus truncus, à quo singula folia *A* exortum trahunt, superius rotundus est, & in summitate gemmam *D* custodit, à latere antiqui caulis emergentem: hæc viridibus constat foliolis, florem in centro custodientibus; hisque avulsis, florum congeries, seu racemus (pini fructum amulatus) *E* occurrit; & quilibet laceratis foliolis *F*, stamina insignia *G*, & stylum *H* offert. Truncus *B* à lateribus novas fovet Radices *I*, fibrisque, tracheis & utriculis constat.

Parem structuram in *hortensibus Cepis* (133.) deprehendimus: basis enim *A* coronæ instar loco trunci est; unde inferius Radices *B* crum-

punt:

punt: circumcirca verò folia, hic avulsa, emergunt, quæ crassâ suâ corporaturâ concava, universum Cepæ corpus ambiunt: sunt enim continua sese invicem amplexantia; unde Cepæ notum omnibus corpus efficitur. Quælibet folia, seu crassâ hæc involucria, variis partibus de more componuntur. Primò namque cuticula occurrit, sub qua diversi ordines utriculorum locantur; qui variam magnitudinem, & figuram fortiuntur: ipsorum series fibroso reti appenduntur, quod diversis vasorum generibus constat: plures etenim fasciculi *C* foliorum, mediam regionem occupantes à trunco *A* erumpentes, sursum recti feruntur: componuntur autem pluribus ligneis fistulis, in fasciculum congestis, cujus centrum trachea occupat, & peculiare vas; unde secti ichorem, quasi lac fundunt. Ab hujusmodi fasciculis identidem separantur nonnullæ fibræ *D*, quæ aliis associata, delineatum rete efficiunt, cujus areas *E* pendentes utriculorum catenæ replent. In exaratis arcis supra descriptos utriculos rete minimum *F* extenditur à ligneis fistulis productum, quo singuli utriculi colligantur. Inter exposita folia plures gemmæ *G* circa autumnum à trunco assurgentes, custodiuntur, quæ tandem in novas Cepas excrefcunt: suis pariter foliis componuntur, quorum exteriora candida sunt; interiora autem viridia. Harum exortus in secto caudice patet: hic namque fasciculis fibrosis *H*, & tracheis constat, ita implicitis; ut ipsatum progressus attingi nequeat. Ab his utriculorum ordines *I* pendent. Hæc omnia inferius in novas Radices *K* elongantur, superius autem in gemmarum folia *L* vegetant.

Majorem pariter gemmarum eruptionem à minimo subjecto trunco in *hortensi Allio* (134.) admiramur. Æstate etenim ex foliis, & intro-turgentibus copiosis gemmis, quæ soboles quibusdam dicuntur, Allii corpus protuberat; singula autem patent, factâ per longum sectione. Inferius igitur truncus *A* locatur, utriculis, fistulis & tracheis *B* constat, à quo Radices *C* pendent; superius autem folia, seu involucria *D*, minùs tamen gracilia sunt, ac in exaratis Cepis occurrant, quæ invicem convoluta, calamum efficiunt, & quasi caulem: hæc temporis diuturnitate, adactis gemmis, contabescunt. Inter hæc itaque folia gemmæ *E* attolluntur, quæ à trunco *A* separata in novum Allium extuberant. Quælibet gemma propriâ constat formâ; quatenus scilicet contiguis gemmis, & foliis angustatur & comprimitur. Exterius gibba *F*; interius verò parùm concava, & à subjecto trunco *G* ortum trahit. Secta per longum exteriora involucria *H* exhibet, sub quibus pericarpium, seu caro utriculorum, seriebus *I* per longum statutis, coagmentatur. Scissura *K* per longum ducitur, & in bali à trunco *L* germen, seu gemmula *M* assurgit. Avulsa hæc gemmula ab ambiente pericarpio talem secundum latiore prospectum, speciem *M* exhibet, à cujus basi minimæ radiculae N adhuc pericarpio custoditæ, erumpunt; interius verò plurium foliorum contextura *O* luxuriat, quæ secta gemmula patet.

Non minori feracitate luxuriant exarati trunci in Cepis sub terra conditis, ac in aperto aere arborum rami, qui singulo anno plures emittunt gemmas; unde interdum bulbi turgente vegetatione, novâ acquisita formâ, non unam promunt gemmam, sed multiplicem. Ita

in Belgico hyacintho (135.) non semel observavi. Hujus Cepa latâ basi, à qua radices emergunt, turgido attollitur corpore: quod sensim gracilescendo in conum definit. Placuit tamen grandiorē, & quasi monstruosam rimari, cujus exterior forma oblonga est; in basi namque protuberat, & striatum est exterius involucrium *A*, radículas emittens, turgido terminatur capitulo *B*, quod in apice *C* hiat: sectum autem per longum elegantem offert structuram. Exterius itaque involucrum, seu folium *D* concavum interiora versus, varias promit appendices, & quasi folia *E* acuminata, quæ sese invicem amplexantur, reliquarum Ceparum more. Minora hæc folia, non à basi, seu trunco exoriuntur; sed in diversis planis ab interiori folii *D* parte, non horizontali; sed spirali principio crumpentia, sursum attolluntur; unde in ipsorum axillis gemmæ, seu soboles *F* cum radicibus *G*, & exteriori involucrio *H*, custodiuntur. A basi Cephæ grandior assurgit gemma, involucrio *I* obvoluta, quæ suis pariter foliis *K* coarctatur, & radículas *L* emittit. Analogam igitur trunci, seu caulis speciem in exaratis Cepis admirari licet, inversa tamen viâ; cum in arboribus ab exteriori ambitu crumpant: in his autem intra quasi fistulam inclusæ custodiuntur. Et sicut in vulgaribus Cepis, & bulbis inter folia ab unico nodo, scilicet à subiecto trunco exoriuntur folia; ita in hac ab unico tubuloso folio immediate diversas pullulante appendices, variegatè emergunt gemmæ. Ex his itaque nil mirum si in *Scille* foliis in frustula redactis, gemmarum vegetatio contingat: in his enim cum vasorum fasciculi præexistant, à quibus utriculorum ordines pendent; quasi divisorum truncorum, seu caulium vis adhuc manuteneatur.

Hucusque bulborum formas, quos Natura in diversa folia laciniat, percurramus: modò fas est ut bulbos, seu tubera quæ in continuatum corpus conglomerant, brevi examinemus. Inter hæc elegans occurrit *Gladioli* (136.) bulbus; hic Julii mense observatus assurgentem caulem *A* exhibet. Inferius pendet antiquus bulbus *B* in rugosum folliculum exsiccatus, à quo Radices *C* crumpentes horizontaliter producuntur. Tuberis seu bulbi exterior superficies foliolis, & involucris denudata, varias gemmas *D* offert, & non longè ab harum exortu folia inferius de more crumpunt, quæ hic avulsa, sola fistularum fragmenta *E* relinquunt: unde quasi caulis, seu trunci species occurrit: à basi pariter tuberis gemmæ *F*, seu soboles pendent fibroso pediculo *G* firmate. In secto hujusmodi bulboso trunco fistularum & trachearum fasciculus excurrentes *H* apparet; ejusque ramificationes *I*, quibus utriculi appenduntur. Circa autumnum vegetatione validior gemma, recepto à trunco, seu bulbo nutritio humore protuberat, sursumque erigitur, novasque à basi emittit Radices & sensim parentis bulbi succum absorbit.

Avon quoque (137.) in principio æstatis insigni pollet bulbo, seu tubere, à quo in extremitate pendent corrugate membranæ *A*, & loco turgentis olim corporis, minimi quasi globuli supersunt. Subsequens tuberis portio *B* æruginosi coloris membraneo involucrio, crispo, corruptoque ambitur. Hæc circularem promit Radicum *C* coronam gemino, vel triplici contextam ordine. Non longè plures soboles *D* crum-

erumpunt, quæ caducis foliis, gemmarum instar, custodiuntur: pediculo firmantur; quo lacerato, emancipatæ separantur. In apice caulis *E* attollitur. Ab hujus basi gemma *F* erumpit. Sectus hujusmodi bulbus candidis utriculis mucosâ materiâ repletis constat unâ cum fibrarum implicationibus.

Conglobatam pariter trunci, vel caulis naturam in *Orobanche* (138.) sufficienter admiramur; cujus bulbus, seu tuber ab inferioribus varicosas promit Radices *A*, quæ minores edunt radículas; reliquum bulbi copiosas producit gemmas, quæ exteriori, calucôque folio *B* custodiuntur: harum aliquæ in caulem *C* excrescunt. Interius non longè à cuticula lignæ fibræ, cum tracheis, globosum corpus ambiunt, & in gemmas derivantur: contenta verò bulbi interior area, variis transversalium utriculorum ordinibus occupatur.

Exposita Radicum natura in *Rapis* quoque (139.) elucescit. Placuit harum compositionem attentius rimari; & prout licuit in re tam obscura, hujus speciem adumbrare tentavi. In secto igitur *Rapæ* bulbo tracheæ *A* ad latera curvatæ, sursum varicosæ producuntur; & ubi summitatem attingunt, ad extra curvari videntur; unde area *B* transversalibus utriculis repleta excitatur. Non longè ab exteriori superficie, quasi sub cortice, ipsarum quoque manipuli *C* deducuntur, qui in folia *D*, & caulem disperguntur. Reliquum spatii, fistulis lignæis (mollibus tamen) cum transversalibus utriculorum ordinibus *E* implicitis repletur: horizontales autem utriculorum ordines, varium situm *F* tenere videntur.

Elegans est trachearum rãtã, quod in *Rapis* & *Raphano* (140.) observamus. Avulso bulbi cortice candidæ occurrunt tracheæ sursum per pericarpium productæ. Hæ non rarò varicosæ sunt, argenteoq; polente colore: in fasciculos quoque *A* colliguntur; unde tres vel quatuor numerantur congestæ tracheæ. Interdum ut videre licuit, novæ promuntur ramificationes. Ex varia itaque trachearum productione, diversæ area *B* excitantur. Nonnullæ tamen tracheæ *C* relicto exteriori rete, quod sub cortice pericarpium, seu bulbi carnem ambit; interioribus elongantur, & aliis reticularibus trachearum implicationibus associantur: ita ut fiat colligantia inter omnia plana trachearum.

Non minori implicatione gaudent lignæ fibræ in eodem *Raphano* & *Rapis* (141.) si præcipue in cortice lustrentur. Plures fasciculi *A* sursum producuntur, qui copiosis congesti, fistulis, proximis; associantur manipulis; unde area *B* excitantur, quæ transversalium utriculorum seriebus *C* occupantur. Quælibet ulterius area gracillimis fibræ in funiculos quasi congestis, & reticulariter implicitis, repletur. Ab insignioribus etenim fasciculis *D* hinc, inde minores, & graciliores promuntur manipuli *E*, quæ ulteriori implicatione factâ; rete efficiunt: quin & angustiores cenfeo reddi areas ex ulteriori factâ implicatione: quare ex horizontalibus seriebus, quæ hæc spatia occupant, & ex fibrarum perpendiculari opere, fit exaratum superius rete.

Eandem partium compagem in *Raphani Radice* (142.) perpendiculariter secta, observare licet. Exteriorius obducitur quasi cortex *A*, sub quo tracheæ productiones *B* custodiantur, varias efformantes areas,* & in

in folia *C*, & Radices *D* derivantur. In summitate spatium *E* efformatur, quod medullæ utriculis repletur; ambiens verò (exterior scilicet portio *F*) tracheis, & fibris irrigata, in folia *C* laxatur; totum autem Raphani corpus horizontalibus ordinibus *G*, & rectis, mollibusque fistulis, per superequitationem *H* implicitis, complectitur. Facta pariter horizontali sectione, trachearum ora *I* à cortice: *K* versus medullam situata apparent: spatia verò horizontalibus utriculorum scriebus *M*, & detruncatis liguleis fibris replentur.

Viventium ordines Natura, variis in regionibus, ita disposuit; ut in his, & sibi quarant alimoniam; & si quando moveri oporteat, divergentur. Ità homines, & innumera animalium genera, in humillima aeris regione viventia, supra terræ superficiem vagantur. Pisces quoque profundius locati in aqua victitant; aves in aere sublimius habitant; & frequens viliorum animalium & insectorum turba terrā conditur. Quædam pariter ventia, non unicā contenta regione varias amant; ita ut ex aere, & aqua, vitæ elementa percipiant. Plantarum igitur genus motu orbatum, adeò stabile figitur in familiari, & amica regione; ut ex proxima, sibi quæ ambiente sphaera vitæ & auctioris principia hauriat: cā tamen ratione, ut plures exigat oras; unde ferè semper in terra immergitur; trunco verò, vel caudice assurgens; aerem vel aquam inhabitat: quapropter rationi consonum videtur, Radices plantis datas esse, ut ipsarum præcipua portio, sub terra condita, alimentum sibi adificet, & in aliquibus diu præparatum, conservet pro germinatione. Hoc apprime in quibusdam plantis deprehendimus, quæ insigni quasi trunco, sub terra condito, pollent; à cujus lateribus & extremitate elongantur radicle. In trunci, & appendicæ Radicum medio, plures utriculorum ordines custodiuntur, qui à radiculis (hæ sibi æ antiquis dictæ) delatæ succum fovent, & servant; ipsæque ab ambientis aeris filinis particulis, seu variâ caloris & frigoris injuria tutantur: unde conditus diu humor luxuriante terrâ; in folia; & caudicem, seu uterum germinat. Hic progressus in bulbis & tuberibus evidentius pariter patuit; in quibus interdum conglobatum corpus, tenellas fibras perpendiculares, tracheas varicosas, & horizontales utriculorum ordines conglomerat: & à lateribus, & quasi dorso gemmas emittit, quæ in caulem excrecentes, vegetant. Eadem lege Cepas, & bulbos Natura fabricavit; quasi sepultos laciniatosque truncos, quorum medium licet frequenter perpendicularis truncus non occupet; nodus tamen perpetuò extat; fibrarum scilicet trachearum, & utriculorum implicatio: à quo crassa modò involucria; modò appendices pendent, cui pariter emanantes Radices alimentum ministrant. Hanc conjecturam firmant exorientes à bulbis gemmæ, quæ ab exarato trunco pullulantes, inter involucria custodiuntur, & quasi in foliorum axillis conditæ; suum exortum & incrementum capiunt: unde contentus in bulbosis foliis humor, adventante vegetatione, turget, & per propria vasa in gemmæ Radicem derivatur, & non parùm absumitur: quod in plerisque bulbis, & præcipuè in hortensibus Cepis, in aere appensis; nullo adveniente exteriori humore germinantibus, occurrit. Quin & in *Taxi*, *lila*, *Gladiali* & similibus, soboles quamplurimæ, ut vidimus, inæqua-

libus

libus pediculis trunco continuantur; quibus tabescentibus emancipantur; unde quasi pendulae gemmae videntur. Haec itaque gemmae novas emittunt Radices; & sui juris factae, propriis praesunt muneribus. Recolligitur ergo in tuberculis, crassisque Ceparum foliis alimentitius succus, qui à radiculis transductus, & propriis utriculis congestus; adventante vere in novum caulem, flores, & semina ferè absumitur: ulteriori autem in vegetatione, novus iterum cumulatatur humor in tenello bulbo, sensum augescente; qui aestate & autumnò, licet augmentum non capiat; longa tamen hac morà fermentatur, & excoquitur: unde recenti subministrato à solo humore, vel ex seipso in novae gemmae caulem deductus; vegetationem iterum inchoat, non dispari vià; ac in trunco, & caule supra terram luxuriante accidit: in his enim probabiliter folia & cortex excoctum succum furculo, cui inferuntur, remittunt; qui in horizontalibus utriculis fermentatus, vegetanti tandem gemmae in axilla praestò est, una cum reliquo humore; qui in grandioribus ramis & trunco ipso custoditur.

Nec in vegetatione ipsa discrepant Radix, tuber & bulbus, ab elongato in aere trunco. Sicut enim tenelli furculi annotini, & interdum turgente alimento, antiquiores rami, & truncus ipse, novas in vere exerunt gemmas, quae in furculos, & uteros prorumpunt; ita in arborum Radicibus, à tenellis fibris delineatae olim gemmae in radículas producuntur, & in bulbis erumpentes tandem radices (corruptis antiquioribus) alimentitium succum suppeditant. In plerisque herbis à basi pariter emergentes gemmae, Radices quoque emittunt; prioribus sensim tabescentibus. His accedat, quod licet arborum trunci aliquot, reliquique rami excisi, frequenter novas exerunt gemmas, quae in furculos attolluntur, suasque promunt Radices; idem & in tuborum & bulborum frustulis accidit: fibrarum etenim fasciculi per tuberosum producti corpus, ex adveniente ab appensis utriculis copioso succo, turgidi; in gemmam indeque in caulem luxuriant, & radículas emittunt.

Qua ratione autem alimentum Radices subingrediarur; meos adhuc sensus fallit. Ut probabiliter tamen conjectari licet; aquae particulae solutos sales, & reliqua mineralia per terram dispersa, sibi associant, ac fluida reddunt: appellensque huiusmodi heterogeneum corpus ad plantarum radículas, veluti per cribrum trajectum; in ligneas fistulas exprimitur. Solum etenim, ut plurimum vitrefactis frustulis, salinis particulis, metallorumque portiunculis coagmentatur: unde pluvialis aqua, veluti per emporaceam chartam percolata, solutisque mineralibus impregnata; proprio pondere, & urgentis aeris clatere impellitur, & occurrentes plantarum fistulas subit, à quibus in transversales ordines exoneratur. In animalium ventriculis cibaria variae naturae, & aliqualem sortita soliditatem, menstrui ope in fluorem reducuntur: intercedente namque fermentatione, ad quam minima intima miscella invicem adaptantur, & incongruorum tandem praecipitatio succedit, talis partium compages ex innumeris ferè commixtis subsequitur, ut sola hiantium vasorum vel saltem glandularum lactearum ope chyli separatio, & in lactea vasa introitu succedat. Ita in terra (quae ventriculi loco vegetantibus est) sales varii, & mineralia aqua soluta, aëreque turgida;

radiis solaribus in fermentationem adacta, varijs subeunt adaptationes & precipitationes; dum per vitrea solidaque terræ frustula transducuntur: ita ut ipsi, superficialium cognatione, plura hæreant: reliqua verò frequentium Radicum tubis præstito sint & intro pellantur.

Quænam sint portæ, seu hiantia orificia, quæ propulsum fluidum erigunt, & determinatè admittant; adhuc dubium. Circa ten illas Radices pili copiosè luxuriant, hinc inde: sunt autem pili candidæ fistulæ, & gracillimæ, minimis orbiculis, invicem hiantibus, coagmentatæ; unde horum orificiis determinatæ figuræ analogam fluidi partem ambientium vi expressam, admittunt, & ligneis fistulis reddunt. Ubique Radices à proxima terra per spatium aliquod distant; pili hujusmodi in rete implicantur; & circa frustula luxuriant, & quodammodo tensi manent. Quoniam tamen non quæcunque bulbosæ, & Radicum genera pilis patenter ditantur; ideo dubitandum occurrit, an in hujusmodi bulbosis percolatio subingredientis liquoris fiat ab exteriori ambiente cuticula; ita ut ab hac in contiguos utriculos, quibus Ceparum involucra coagmentantur, transitus succedat. In *Rapis*, & similibus geminæ occurrunt partes, quibus externum alimentum admitti potest; fibræ scilicet rectæ, & molles, quæ cum horizontalibus utriculis in cruciatæ; non ad unum deducuntur punctum, seu radicularum nodum; sed quasi perpendiculares, obscurum in cortice finem, mihi; adhuc ignotum, fortiuntur: transversalibus item utriculorum fasciæ, in exteriorem corticis regionem desinentes; quibus omnibus probabiliter succi ingressus succedere potest. Si enim per extrema fistularum ora alimentum rapitur; illico transversalibus ministratur, ut in minimis radiculis, quæ fibræ appellantur, probabiliter accidit; in quibus ad extrema usque fistulæ deducuntur, transversalibus utriculis parùm luxuriantibus. Sin autem utriculis hoc munus à Natura datum sit, cum plures ipsorum ordines bulbos, & Radices arborum ambiant horizontalibus fasciis, externus humor sensim communicabitur utriculis, & ab his in contiguas fistulas derivabitur; quod totum sensibus explorandum relinquo. Non rarò circa leguminum Radices, ubi præcipuè solum non ita proximè hæret, sed parùm laxius distat; humoris guttulæ rotundæ, & minimæ, à Radicibus pendent. In plantato *Vitis*, *Salicis*, *Populi*que ramo alimentum non solum obtruncatas, & hiantes ligneas fibras tubintrat; sed probabiliter per corticem; ut in humatis plurium arborum ramis, quæ propagines dicuntur, accidere passim observamus, in quibus à parentibus plantis adhuc continuati rami per inflexos arcus supprimuntur, & ex circumaffusâ tertâ novus appellens humor corticis poros aperit: & partim in ascendentes fistulas propagatur; partim transversalium utriculorum ordines ingreditur: quare & ut facilius subeat; incisiones frequenter infliguntur; & ut uberius penetret humor, & citius Radices emittantur; cortex horizontaliter secatur, annulusque corticis, satis latus evellitur; ita ut pateat lignum. Emittuntur autem Radices ultra sectionem prope nodum, seu situm gemmæ; & ita annotinus ramus in novam plantam emancipatur. E-rumpunt verò Radices, ut in plantata *Salice* observavimus; quia, externus humor horizontalium utriculorum fascias ingressus, ibique fermentatus,

mentatus, hujusmodi ordines turgidiores reddit: quare rectæ fistulæ non parum comprimuntur; ita ut ascendens succi per ipsas motus nonnihil impediatur; & ita fistulæ lignæ tracheas ambientes, varicosæ reddite, ad extra curvantur, & novis elongatis productionibus urgente intus succo & aere intra tracheas) Radices horizontales, quasi appendices promuntur: In furculis autem, ubi nodi vel alternatim gemmæ manifestantur, Radices infra nodum emergunt; eò quia ad gemmas fibrarum plexus derivatur, & angustata succo viâ ex fistulari curvitate, lateralis eruptio necessariò succedit: & in humatis Viris furculis non raro à tenellæ gemmæ basi Radices erumpunt ex turgente humore; qui in gemmæ molem absumi debebat; ipsâ tandem contabescente.

Transductus itaque quomodocunque succus in Radicum, & bulborum horizontalibus utriculis, coacervatur: donec vel in radículas erumpat; vel sursum delatus, in gemmas absumatur. Prouberant autem in tuberibus & in hujusmodi analogis Radicibus horizontales utriculi, & fortè ipsorum ordines multiplicantur; quia in ipsorum summitate, ut in Raps observatur, quasi nodus implicatur, ubi fibræ & tracheæ in folia derivantur: quare succus non ita facile ascendit; sed gravitando, in appensos utriculos exoneratur, qui curvatis propriis fibris, quibus appenduntur; corpus in latum extendunt, & globosum reddunt Radices truncum. Erit igitur Radix in plerisque plantis truncus pro gemmarum vegetatione; in omnibus autem, ut alimentitius succus subingredietur, custodiatur & conchyatur.

Rudi igitur, prout licuit, indagine præcipuas partes, quibus plantæ integrantur, scrutati sumus; & attentâ analogiâ, quæ in animalium, & vegetantium organis clucescit, actiones, & usus particulatum cursum indicavimus. Patuit itaque arbores, & quasdam herbas, animalium instar, exteriori amictu, & cortice circumdari, & custodiri; ita ut ab externis aeris, & ventorum injuriis arceantur. Cortex hic in caudicibus, & ramis præcipuè, gemina integratur membrana: exteriori scilicet, & interiori ligno contigua: Exterior rarior est, & quasi lignum fistulis rectis, seu fibris, vasculis lactiferis, & resinosis componitur; intercepta verò spatia, utriculorum seriebus horizontaliter locatis replentur: unde ex vario contextu, & superquitatione elegantes implicationes contingunt. Succedit altera profundior corticis portio, seu liber, qui veluti tactus est, cujus partes omnes adhuc tenellæ, & rudes simul congestæ, molem efformant exteriori cortice custoditam: harum aliquæ proximiores ligno, sensim eidem agglutinatae, quolibet anno productæ, & multiplicatis horizontalibus ordinibus extenduntur; & succo ligneo protusæ terruminantur. In hoc interea arborco foetu pulmones, seu tracheæ, adhuc inconspiciæ sunt, nec suo funguntur munere, ut in animalibus intra uterum conclusis, accidit; & solâ conversione corticis in ligneam naturam manifestantur, & patent. Firmatur caulium & caudicum moles lignea compage, quæ in arboribus in tot circulos, vel involucria, juxta annorum numerum sese invicem amplexantia dividitur: in herbaceis verò, vel sub cortice in fasciculos divisi lignum circumlocatur, vel discriminatis in locis per medullam disper-

dispargitur. Arctior est partium compages in ligno, ac in cortice præcipue exteriori. Eadem sunt vasa, fistulæ scilicet lignæ, lactiferum, seu peculiare vas & tracheæ, quarum structuram indicavimus. Interdum dubitavi an vesiculæ, quæ copiosè observantur, quasi congesti pulmones, intra tracheas præcipue Castaneæ, & Quercus, sint insectorum ova ibidem relicta, ut in lignis aridis interdum observavi. Quoniam tamen in sectis ramis sex annorum, in trunco, & radice ingentis Quercus illico recisis observavi exaratas vesiculas, ideo loco pulmonum extare arbitror. Plantarum tracheæ spirali zonâ constantur, ut curvari possint absque fractura: ventorum enim impetu, proprioque pondere ita agitantur; ut varios fortiantur situs, atque obliquitates. Alimenticius itaque humor in radicibus percolatus, fistulas lignæ ingressus, orbiculos hiantes invicem subit, ambientis aeris pondere sursum propulsus; minima enim guttula probabiliter, urgente non solum aere externo, sed etiam concluso intra tracheas, sursum pellitur; & ex plano inclinato orbiculorum facile suspenditur, donec adveniente novo motu, & compressione in superiorem orbiculum protrudatur, vel in horizontales utriculorum ordines deriveretur. In animalium venis quid simile miramur: non enim unus rectusque tubulus tantum observatur; sed à lateribus insignium ramorum horizontales furculi producuntur reticulariter inosculati; ita ut cum oppositis, longèque distantibus ramis communio horizontalis succedat, & ita musculorum, & cutis compressione sanguinis motus per carnes adjutus, sensim reticulares productiones parum ab horizontali obliquatas, subit, & pederentem in ramum exoneratur; ita ut facilius sursum propellatur. Reticularem hanc utriculorum transversalium productionem exhibent pariter gallæ, pericarpium, & foliorum compages, quæ sunt lignæ expansiones: unde fortasse in horizontalibus ligni ordinibus probabiliter aderunt. Et sicut in pennatorum ovis colliquamentum, seu volatile quoddam relictum in umbilicali *Harvei* limbo affluens, sensim ab albumine alimentum, incubatu in sanguinis naturam immutat; & completâ generatione, adhuc alimenti, & auctivi succi productio vi præexistentis humoris in vasis perpetuatur; ita in plantarum incubatis ovis coryledonum utriculis congestus succus, adveniens alimentum in sui naturam exaltat; & in adultis plantis relictus, intra transversales utriculos ligni, corticis, medullæ, & foliorum, fermentationis ope, in novam alimoniam evahit. Taliter concoctus hujusmodi succus ab exaratis utriculis in peculiare vas, reticulariter productum exprimitur; ita ut singulis particulis affundi possit. Interpositæ tracheæ succi concoctioni conferunt, compressione factâ ab incluso, contentoque aere; ut in sanguineorum animalium pulmonibus aliàs indicavimus. Eiusdem quoque propagationem, & motum excitant, dum interpolato noctis frigore, & dici calore rarefactus, & condensatus intra ipsas aer, contiguas, & interceptas urget modoque laxat fistulas; & ita contentus succus exprimitur. Separantur quoque probabiliter ex concluso aere particule, quibus perpetuatur fermentatio, & motus, à quo vitæ radix: in insectis enim tracheæ, non tantum viscera, & carnes, vasorum instar, irrigant, & excurrunt, sed veluti promptuaria aeris intra partes conduuntur: ita

in Cervo volante intra ossea integumenta, quibus molliores alae cooperiuntur, & teguntur; ingens & elegans trachearum acervus locatur; quæ postquam in pulmonares vesicas laxatæ sunt, tandem in minimas vasorum soboles, quasi radículas dividuntur.

Quenam sit alimenti semita, & an ab extremis plantarum apicibus refluat succus ad imas partes; & juxta indigentiam in omnem peripheriam sursum, & deorsum protrudatur, dubium est. Radices ab extremis ramorum apicibus erumpentes, contento succo inversum iter, novumque motum præscribunt: nullæ enim interferuntur valvulae, determinatum inducentes motum. Aliquid tamen lucis præbent ea, quæ in diversis arboribus tentavi: In variis itaque furculis, & ramis, horizontalem sectionem in cortice feci, ablata ejusdem, & libri annulari portione; ita ut subjectum lignum denudatum pateret. In Opii ramis, Prunorum, mali Cydoniæ, Quercus, Salicis, Populi, Avellanae, &c. excitata hujusmodi circulari sectione pars superior furculi, seu caudicis supra sectionem brevi vegetans ita excrescit, ut longè turgida reddatur: cortex enim, in Quercu præcipuè, in Prunis, & Cydonia malo horizontales utriculorum ordines ita elongat, ut frequenter appendices promantur, quibus denudata ligni portio cooperitur: & facta denuo mutuâ anastomosi cum inferiori secti corticis labio continuus redditur cortex: rami quoque portio ultra sectionem ligno superexcrescente citculo, & involucri impensè crassa protuberat: Denudata verò lignea portio gracilis adhuc subsistit nullo vigente incremento; quod reliquo quoque furculi infra sectionem contingit. Idem mihi sæpius accidit, facta spirali sectione in Pomis & Prunis. Hoc unum peculiare observavi in hujusmodi inferiori parte, non longè scilicet à sectione, quod interdum plures gemmae ætate præcipuè erumpunt indiscriminatim, quæ in novum furculum attolluntur. Ex adaucta igitur mole in furculo ultra sectionem dubitare fas est nutrimentum succum à superioribus partibus inferiora versus reflucere: secta namque corticis, & libri vasa, ulteriorem alimenti progressum inferiora versus perpetuare nequeuntia; in corticis, & ligni novum involucrum erogant. Portio quoque succi, qui per corticis præcipuè vasa deferitur, & in transversalibus utriculorum seriebus infra sectionem excoquitur; facta eruptione à libro, & cortice in gemmas erumpit, & tandem in ramulos neglecta corticis auctione, & nova ligni involucri extensione. Ex his quoque patet non omnem alimoniam, nutrimentumque succum per libri, & corticis vasa à Radicibus in truncum, & ramos extremos propagari.

Quandoque dubitavi, an expositus tumor, ultra circularem sectionem in superioribus ramorum partibus excitatus, ab impetu succi sursum propulsi contingeret: secto namque cortice, per solas lignas fistulas ascendens alimentum, quasi ab angusto, & arcto loco, laxiorem corticis campum ultra sectionem inveniens, ad extrâ dilatari posset: unde herendo, nutritionem in proximis partibus promovere valeret. Quoniam tamen in novellis, præcipuè Quercus, facta corticis laceratione, si exigua rami portio ultra sectionem circularem superstit, amputata scilicet rami extremitate, nullus fere tumor sub-

T

crescit;

crefcit; & in arboribus, in quibus excitatâ pariter horizontali corticis fectione; itâ tamen, ut portio ejufdem corticis minimi unguis latitudinem æquans, adhuc integra fuperfit, & corticis continuatio manuteneatur; certum eft nutritionis augmentum fequitur in relicta corticis parte, & in fuperiori portione: quare ex his probabilius conje-
 tritii fucci motum à fuperioribus etiam ad inferiora promoveri.

Singulis menfibus fectiones horizontales in variis arboribus tentavi; ut inde certior fierem, an nutritio, & auctio quocumque tempore contingat. Menfe Maii in ramo Opii trium annorum, in malo Cydonia, in Prunis, in Quercu, & in Ulmo, factâ fectione, brevi intumuit pars fuperior. Idem accidit, & fortius Junii, & Julii menfibus: Augufti autem menfe plures rami, præcipuè Ulmi, Opii & Populi, in quibus Vere fectio factâ fuerat, contabuerunt: Prunorum verò, & Cydoniorum furculi aliqui, eodem menfe fecti, brevî monftruofam in fuperiori parte auctiorem exhibuerunt: Septembris quoque menfe plures arbores itâ fectæ, extinctæ funt: & fupercitites, non multum excreverunt in fuperiori tantum parte; inferiori penitus gracilefcente. Idem quoque Octobris menfe contigit, fumma vig. nte foli ariditate: parvus enim in Oxyacantha excitatus eft tumor ultra fectionem: in Prunis major, qui tamen primævum veris augmentum non æquabat. Menfibus quoque Novembris atque Decembris nullum augmentum fuccellit, nec fupra nec infra fectionem; licet factâ fuerit in diverfis arboribus, & præcipuè in Lauro. Januarii pariter, & Februarii menfibus, nulla innotuit mutatio, fed pars lignea (denudatâ cortice) vi frigoris rigida reddita nullum augmentum fortita eft. Circa finem Martii, turgente terrâ, pars fuperior fectionum arborum parum intumuit, & gemmæ eruperunt. Eodem pariter tempore trunci, & rami quamplurimi, in quibus Autumno, vel æftate horizontalis corticis fectio factâ fuerat, ultra fectionem emarcuerunt; & inferius gemmæ laxatæ vegetarunt. Hoc accidit annotinis præcipuè ramis, & caudicibus tenellis Quercus, Pomorum, Rosarum, Prunorum, Oxyacanthæ, mali Cydoniæ, &c. caudices autem infignes, & rami plurium annorum Opii, Oxyacanthæ, Pomorum, & limilium (fuperatâ frigoris activitate) parum turgendo, in fuperiori parte, & gemmas, & flores emifere. Aprilis tandem menfe, in Ulmis & Prunis, & in quibus celer contingit vegetatio; pars ultra fectionem fenfibiliter excrevit: in Quercu verò, & aliis, quarum gemmæ feriùs aperiuntur; minimum apparuit in fuperiori parte augmentum.

Caudices, & caules exaratis partibus compaginati, turgente alimonia, in tranfverfalibus utriculis cultoditi, fui extensionem & propagationem tentant, quolibet anno gemmas promentes; quæ funt antiqui rami, vel caulis appendices, feu manifefte emanationes partium; quæ alias in tenella planta figillationem, & rudem delinfectionem habebant, ut in infectis fuccedit. Rami igitur, feu futuri caules, per plures menfes compendiaria quadam fub fpecie crumpunt, in arboribus ab annotino furculo, & luxuriante alimonia, ab antiquiori ramo, & trunco ipfo: in herbis verò, & bulbosis, à condita mollique radice, vel bulbo exeruntur. In his delineatæ cufodiuntur futuri rami partes:

ut

ut patet in Quercu, & Fraxino; lignea scilicet portio internodiis figurata, in qua futurorum foliorum inchoamenta occurrunt: laterales quoque furculi sub gemmularum specie leviter eminent; totique tenella, & minima moles, caducis foliis squammatim dispositis custodita, diu durat; calorisque, & frigoris vim sustinet; donec ut plurimum in Vere, turgente succo, laxetur; & ulteriori vegetatione, elongatis internodiis, emergentibus foliis in ramum manifestetur. Gemmae, tenellique furculi, pilis condecorantur; à quibus frequenter in plenisque vegetantibus terebinthina funditur. Quid simile in animalibus, & præcipue in homine, circa nares Natura glandulas in cute locavit. Hæc vase excretorio satis amplo donantur; quod subdividitur in plures, disparatosque ductus, qui in rotundos folliculos desinunt. A centro excretorii vasis pilus erumpit, & circumcirca luxuriat lentus humor, butyri instar, à miliaribus glandulis recollectus, qui per exaratum pilum foras extillat, & contiguas faciei regiones contra aeris injurias illinit.

Taliter vegetant rami, & furculi; ita ut novo manifestato ovario, vel utero sub specie florum; ova, seu semina edantur. Florum partes, folia scilicet, tenello utero, custodiæ gratiâ, adsunt, & unâ cum staminibus, præparatum jam pro ovis, & in uterum erupiturum succum deputant: & ubi ferax est staminum eruptio, ut in Lapatio, Cataputia majore, & in Castaneis, aberrans quasi Natura parvos uteros, & ova excitat. Interdum, luxuriante alimonia, loco uteri, & ovorum, furculus à centro floris assurgit, pluribus foliis decoratus. Plantarum ova intra ovarium, vel tubas gignuntur, non dispersa, ac in animalibus perfectis succedit; percolatis ab ambientibus membranis corii, & amnii humoribus, qui ab excitata, & completa plantula absorbuntur: hæc radice, trunco, & foliis integrata, ut plurimum placentalis geminis prædita est, quæ alimentum incubatione subministratum alterant, & plantula reddunt. Variis integumentis munitur ovarium; inter quæ fructuum pericarpium enumeratur, quod nil aliud est, quàm congeries transversalium utriculorum à propagatis fasciculis fibrarum, hinc inde erumpentium: unde est quasi molle, laxumque lignum. Interdum uteri tegumenta petrifico succo ossa redduntur, vel lignescunt. Perfectæ & absoluta hæc plantarum ova, statim tempore incubata, fetum reddunt: non dispari ritu, ac in ovis intra uterum conclusis: à fovenæ enim terra, velut ab utero, extillat ichor; qui cotyledonibus receptus, præexistentis volatilis succi jam concreti fermentationem, & fluiditatem excitat: unde plantula redditus, omnium ejusdem partium manifestationem, & aucionem promovel, quæ variè succedit, prout à solo diversus subministratur humor, mineralibus, & fossilibus turgidus. Oleum autem feminibus affusum, interdum vegetationem tollit; ut plurimum autem in longius protrahit.

An omnis vegetatio, & generatio solis ovis peragatur; vel saltem Radicum, & ramorum plantatis frustulis: an verò terra ipsa nullo fecundata femine, familiares regionibus plantas promat; apud quosdam dubitatur. Pro horum investigatione, terram è profundo erutam vitreo vase conclusi, cujus orificio multiplex sericum velum superextendi; ut aer, & affusa aqua admitteretur, exclusis minimis feminibus, quæ

quæ vento rapiuntur: in hac itaque nulla omnino planta vegetavit.

Plantæ non solum pro animalium usibus passim succiduntur, & macerantur; sed adhuc vegetantes, ad fovendos, cnutriendosque insectorum præcipuè fetus damnantur: unde, facto aditu ex inflicto vulnere, intra tenella plantarum viscera conduntur ova; quæ sui præsentia, adeo vitiant humorum motum, & structuram; ut morbosi inde excitentur tumores: & turbata partium directione, atrophia succedat: vel loco furculorum monstruosæ suboriantur appendices; quales sunt diversa gallarum genera. Humor etenim, qui ex Naturæ legibus compagem gemmæ laxare debebat; elongando internodia, ex laceratis vasculis, & fermento turgidior, & effrænis redditus; in transversales appendices exoneratur, & infumitur: unde fibrosi fasciculi, qui paralleli in longum extendi debebant, pro rami productione; illico ex vulnere, & condito ovo ad latera curvantur; & sensim rectitudinem affectantes, semicirculum efformant: unde unitim sphaericum gallæ corpus excitant. Interdum non tota vitiatur compages, motusque humoris invertitur; sed progrediente vegetatione, monstruosus quidem excitatur tumor; à quo tamen naturalium partium inchoamenta erumpunt.


Tota plantarum mola, quæ caule, vel caudice assurgit, radicibus, tubere, vel bulbo terræ conditis, firmatur. In bulbis, & herbaceis, solet frequenter Natura caulem attollere, & simul non longè novas emittere Radices; quasi ac vis illa vegetandi per gemmam sursum erumpat; partim vero deorsum sese exerat; & fere semper ab horizontali linea declinant Radices: idem accidit in plantulis, in ovis vegetantibus. Probabile namque est, vi aeris inclusi intra tracheas, gemmas sursum erigi, & in caulem attolli: reliquum autem impetum infra exerceri intra radículas; ita ut nec attollantur, nec perpetuò perpendiculariter deprimantur; sed mediâ viâ non parùm obstante vi subiecti foli producantur.


Exigua hæc à tam vasto Naturæ penu selecta, dum, Amice Lector, disquisis, ex *Sophoclis* præcepto, aliena discam; & reliqua à Superis optanda precibus obtinere contendam.

F I N I S.

F. I.


TAB. I.







TAB. II.

F. 2.









F. 4.


TAB. III.






F. 5.

TAB. V.






12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

TAB. VI










F. 16.



F. 17.




F. 18.



F. 19.




F. 20.



F. 21.



F. 22.




F. 23.





F. 24.



F. 25.



TAB. IX.


F. 26.




F. 27.



F. 28.



F. 29.



F. 30.



E.




F. 31.








TAB. X.

F. 32.




F. 33.




121

F.34.




F.35.



F.37.




F.36.




F. 38.




F. 39.



F. 41.




F. 40.



TAB. XIII.

F. 42.




G





TAB. XIV.

F. 43.




F. 44.



F. 45.




F. 47.




F. 46.











F. 48. C



F. 50. B



F. 49



F. 51.



F. 52.





F. 53.




F. 54.




F. 55.



F. 56.




F. 58.



F. 57.



F. 59.







Fig. 62







Fig. 63.




Fig. 65.








Fig. 64.








F. 67.




F. 66.



F. 68.




F. 69.







TAB. XX



F. 71.




F. 72.



TAB XXI


F73




F75.




F74.




F.76.




F.77.



TAB. X XII




F.78.




F.79.



F.81.




F.80.



F. 82.



F. 83.



F. 85.




F. 86.




F. 87.




F. 89.



F. 88.




F. 90.



F. 94.




F. 91.



F. 93.



F. 92.






F. 95.






TAB. XXIV.






TAB. XXV.


F. 104.







F. 103.




F. 102.












F. 106.



F. 107.



1. 1. 1. 1.

6. 2. 2.

6. 1. 1.

11

1.

11

11

11

1

1. 1. 1.


1

1


1


1

F. 108.






F. 109.






F. 111. TAB. XXIX




F. 114.



F. 112.




F. 115.




F. 116.


TAB. XXX.



F. 118.




F. 119.




F. 117.



F. 120.




F. 121.







F. 122.



F. 123.




F. 124.









F. 125.




F. 126.




F. 127.






F. 128.







F. 129.



F. 130.





F. 132.






F. 133.



F. 134.








Fig. 135




Fig. 136.







F. 137.




F. 139.




F. 140.




F. 138.







F. 141.



F. 142.





1881

Q

1881

Q

1881

EPISTOLÆ ANATOMICÆ

VIRI CLARISSIMI

Marcelli Malpighii,

VIDELICET,

De Lingua.

De Cerebro.

De Externo Tactus Organo.

De Omento, Pinguedine & Adiposis Ductibus.

A

FACTS
FROM

WILLIAM

THE

THE

Marcelli Malpighii

EXERCITATIO EPISTOLICA

DE

C E R E B R O.

Clarissimo & Amicissimo VIRO
CAROLO FRACASSATO,
Pisus Medicinæ Professori Ordinario,
MARCELLUS MALPIGHIUS S.P.D.

Templa olim marmoribus distincta, auro, picturis, cæterisque humani ingenii artificiis nitida, & ditata construere solebant Ægyptii; horum tamen intima, post tot impensos labores, ridiculum occupabat Numen, Simia scilicet, Hircus & Cæpa; Unde cessit in adagium, Ægyptium Templum. Non absimile, ut sæpè per jocum inculcabat Andreas Marianus, æternæ memoriæ Præceptor, antiquiores Anatomici in celsiori animalis parte, Capite scilicet, cerebrum substruxere; sensuum enim undique organis stipatum, osseo cranio, meningibus, vasorum mirabili induto pleu, nobile conditum diceres Templum: Si autem requiras, quid sub tot concamerationibus in tripode colendum occurrat, non tam ridicula, quam obscena reperies, de quibus cum Hofmanno meminisse pudet; nates enim, penem, anum, vulvam, & testes variis situatos locis admirandos finxere, totumque negotium in lustrandis, & describendis finibus, & rimulis, illis faceſcebat, neglecta interiorum Cerebri mole, & intestina parietum structura. Ne horum igitur pulchritudo mutilata jaceat, paucas hæc lineas, sensibus ipsis non in totum vacillantibus, veluti umbratilis iconis tabellam, exaratas tibi committo, ut fecundissimo ingenio tuo Palladi concinnum restituas Templum.

Cerebrum ergo propriis denudatum involucris apud Antiquos in
 anterior & posterius divisum extitit; unde Cerebrum, & Cerebellum
 B tactu,

tactu, forma, & visu diversa exitere; His non infelicitè tertiam addidit partem famigeratissimus *Varolius*, Principium scilicet spinalis medullæ, intra adhuc calvariam contentum. Quenam autem horum sit substantiæ ratio, non facile ex hucusquæ dictis elicies; dum in diversa distractos, vel saltem in obscuro convenientes, & concordēs videbis auctores: *Hippocrates enim lib. de Gland.* Cerebrum inter glandulas recenset, eò quia cum ipsis album, & friabile sit, humiditatem recipiat, & ableget, capillos procreat, & morbis glandulis ipsis contingentibus, tenetur: Alii ex Platone inter medullam reponere, hoc mollitiæ, friabilitate, & ossium circumductis concamerationibus: Hoc autem pluribus non arrisit, quoniam vulgaris ossium medulla ignem concipit, nec ipsò solidior sit, ut in Cerebro accidit, quare hi cum *Galeno* visceris naturam Cerebro tribuerunt, cujus quidem confusa caro nullis distincta delineationibus veluti stebe firmaret, & fulciret vavorum diramificationes. Quoniam tamen aliquibus remotæ valdè videbantur hæc substantiæ acceptiones, docuerunt Cerebri eam peculiarem esse; qualis in reliquo corpore non reperitur. Quæ sit autem hæc peculiaritas, & quibus notis à cæteris distinguatur, non hucusque assignarunt. Interpretes Galeni in Arte parva supra particulam, *Igitur subtilem Cerebri substantiam*, plura commentati sunt circa Cerebri substantiæ conditiones, & proprietates: *Haly* enim hanc statuit perviam, & claram; *Solanus* sinceram ex non crassa, & turbulenta materia excitatam; & postremò ingeniosissimus *Sanctorius*, his rejectis, censuit diaphanam esse, paucissimis scilicet superficiebus constantem, ut spiritus animales diffundi possint à centro Cerebri ad sensoria; ex multiplicitate namque superficierum refrangerentur, simulque admitterent vires. Hæc autem licet ingeniosa sint, non congruunt tamen sensatis; nam Cerebri substantia, si septum lucidum demas, nullam sapit diaphancitatem, quin ex coagmentatione diversæ substantiæ, & intima configuratione, ut infra patebit, pluribus constat superficiebus, nec in Cerebro exoptabilis est vitri diaphancitas, quia animales spiritus cum lumine nequaquam conveniunt.

Inter Anatomicos visus est præ cæteris *Piccolomineus* Cerebri substantiam indagasse; hic enim licet vulgatum apud antiquos admittat, Cerebri corpus partem similem esse, tamen ex diligenti indagine primus, ni fallor, observavit differentiam, quin, & divisionem in parietibus, seu Cerebri mole; corpus namque cineritium, seu in albo livescens, quod exterius primo occurrit, Cerebrum propriè appellavit: inclusum autem candidum, & solidius, medullam vocavit; has verò colore, soliditate, & interstitiis, seu lineis discriminatas substantias in recenter enecatis summa dexteritate separavit; quam observationem clarissimi *Baubin*, *Lindenius*, *Bartholin*, cæterique omnes anatomici, iisdem serè transcriptis verbis confirmarunt, ita ut inconcussum videatur, exterius Cerebrum usque ad callosum corpus productum corticis instar esse, interius autem medullam sapere, in qua siti sunt ventriculi, spinalis medullæ principium, & nervorum portiones.

His igitur de singulis exercitatio nostra procedet, addendo insuper quæ ex variis sectionibus, microscopii usu, colligere potuimus. Et primò certum quidem est, in animalibus sanguineis perfectioribus, & in grandioribus etiam Piscibus, quos hucusque observare licuit, cineritiam hanc substantiam quæ cortex appellatur, observari; hæc verò non exterius tantum circumaffunditur, veluti cortex arboris, qui medullium solum exterius involvit, ut hucusque dictum est, sed hujus portio in sanguineis circa extimas appendices callosi corporis locatur; residuum autem in ipsis etiam ventriculis præcipuè ad exortum spinalis medullæ dispergitur, ubi medullaris, & albæ substantiæ Cerebri laciniatas particulas disseminari, & occludi videbis, & eminentiæ, quæ falcatos reddunt ventriculos, cortice fiunt; quin & in oblongo spinalis medullæ extra Cerebrum tractu, hanc eandem cineritiam substantiam observabis, non in exteriori, quidem ambitu locatam, sed in interiori, ubi sinus à pluribus est observatus, undique medullari, & alba Cerebri substantia circumvolutam, quod in sanguineis perfectioribus omnibus, aliisque ferè observatur. In Piscibus etiam in amplioribus ventriculis interiùs involucrum, & testudo partim fit ex medullari substantia, partim ex cineritia, seu cortice; ea enim pars, quæ necitur varicosis appendicibus, à quibus primum vulgò habetur spinalis medullæ principium, versùs partem Cerebri anteriorem protracta, cineritia est, mox alba substantia, quæ sub cortice latitabat, erumpit, & totam ferè medietatem ventriculi occupat, denuò obtegatur subinduta iterum corticis substantia, ubi miri sanguinei vasis plexus habentur. In eodem etiam piscium cerebro ad principium spinalis medullæ, ubi binæ appendices intestinorum formam amulantes hinc inde locantur, cortex ibidem cum medulla ferè commiscetur.

Cineritia hæc substantia in perfectionibus exteriorem Cerebri regionem varicosis ductibus, ad instar intestinorum complet: Cum enim medullaris substantia post excitatos in se ventriculos in callosum coagmentetur corpus, appendices extra erumpentes non absimiles denuo ab intestinis mesenterio promit, circa quas affunditur cinericius cortex, unde cum varicosas has appendices æqualiter hinc inde tegat, intestinorum protractum gyrum amulat. In Cerebello autem, quia ejus productiones veluti superpositæ laminæ propagantur, & emanantes rami hinc inde æqualiter versus exteriora promuntur, ideo circumadjacens cortex sub semicirculi figura locatur.

Cujus naturæ sit hæc cineritia substantia, difficillimum est determinare: nam non videtur quid solidum ex rubro concreto sanguine; nec sensus etiam organisationem attingit; probabile tamen est ex infra dicendis, meatus saltem minimos habere, quibus à sanguineis particulis pervadatur, & cum mollior, mucosiorque appareat, valde differre à Cerebri medulla, cui circumaffunditur: & si Cerebro unquam parenchymatosa caro tribuenda esset, qua vasa, aliæque organica per Cerebrum propagata fulcirentur, corticis caro opportuna occurreret, quandoquidem referre videtur muscum saturata argilla commixtum.

De Cerebri medulla, seu calloso corpore illud exaratum extat, cortice solidius esse, venis, & arteriis circumaffundi, ad replenda scilicet intercepta spatia, quod tamen, prout evidenter in piscium Cerebro, & subobscurè in aliis perfectioribus microscopio observare potui, falsum deprehenditur: nam constat evidenter totam hanc Cerebri albam portionem divisam esse in fibrulas depressè rotundas, non absimiles albis illis corporibus, seu intestinulis, quibus testiculorum moles conflatur. Hæc in piscium cerebri ventriculis ita evidentes sunt, ut si adverso lumine observentur, eburneum pectinem, vel vulgatum in Ecclesiis organum cannulis conflatum, repræsentent; & ut major emergat horum corporum distinctio, in ventriculis circa extrema affusi corticis sanguinea vasa enata inter fibras spatia subintrant. Eandem fibrosam naturam, in pecudis bovis, & similibus, tum crudo, tum elixato Cerebro observavi; sed evidentiore præ cæteris emergit in parte postica spinalis medullæ intra cranium contentæ, quin &, ut superius innui, ad latera ejusdem principii spinalis medullæ albas hæc fibras Cerebri protractas per medium affusi copiosi corticis videbis: eandem etiam structuram in extremis appendicibus callosi corporis observabis; nam fibrosa corpora, quibus ventriculorum testudo contextitur, tandem desinunt veluti lacinatis simbris, seu productionibus in gyrum ductis, quæ immerguntur, & implantantur, non secus ac copiose plantarum radices, in cortice, qui soli, seu terræ vicem gerere videtur. Quem progressum habeant hæc fibrosa corpora, quibus medullaris Cerebri moles conflatur, non est ita facile assignare, quia ob ventriculorum tortuosas cavitates, & corticis implicitam substantiam in sanguineis perfectioribus, accedente propria exilitate, multiplicitate, & triabilitate, non ita facile sensum cadunt; & in piscibus quidem aliqua evidentiore sunt, alia ob exiguitatem obscuriora: ex utrisque tamen facta collatione talis censeripotest probabilis progressus: A spinalis medullæ trunco intra calvariam contento, veluti ab insigni fibrarum collectione egressum videntur habere omnes fibræ per Cerebrum & Cerebellum dispersæ; à quatuor enim medullæ reflexis cruribus hinc inde ramificantur, donec ramosis terminationibus in corticem desinant: Hujus progressus in Cerebello evidentiore est; fit enim ex fibris in arboris formam ductis, cujus extremis ramis, & quasi foliis, affunditur eleganter cortex, solutus tamen ab adjacentibus, ita ut referat liberum folium. In Cerebro autem concameratio, seu ventriculorum testudo constat fibris versus latera inclinatæ, & in fornacem extructis, ut in Piscium icone apparet, in quibus etiam observatur fibrarum portio, quæ supra ventriculos versus corticem excurrit inversa via, ita ut fiat superequitatio, & intricatio cum inferioribus superius descriptis. Hæc omnes continuitatem cum principio anteriori spinalis medullæ probabiliter habere censentur. In sanguineis ipsis perfectioribus idem est progressus ad latera in ventriculis superioribus, & ex his, & aliis à posteriori Cerebri parte deductis, fit callosi corporis structura, in quo, prout sensus subobscurè ostendit, ex erumpentibus fibrarum sinibus fiunt varicosa corpora non dissimilia intestinis, quibus coaffunditur cortex: ex iisdem etiam ab anteriori Cerebri parte erumpentibus fit septum lucidum:

Hoc

Hoc enim licet asserat *Columbus* membraneum esse, evidenter tamen constat fibris rectis, per longum ab anterioribus ad posteriora ductis, quod idem etiam de *Arantii* Hypocampis verificatur: & si rudem aliquam extensarum in Cerebro fibrarum similitudinem exoptes, non incongrua ex *Brassica*, vel consimilibus haberi potest, fibræ enim ab unico spinæ trunco exortæ repræsentant caudicem, à quo erumpentes disperguntur in folia, quæ flexuose circumducta concavitatem non longe absimilem ventriculis efformant. Ducuntur autem hæ Cerebri fibræ in longum, non parallelæ; sed identidem sibi occurrunt, & videntur recolligi in fasciculum, mox iterum dividi, & ex post laterales alias superequire, ita ut laxum repræsentent rete, quod præ cæteris in *Carcharia* pisce observatur. Unum observavit, quod adhuc ingenium torquet, insignem fibrarum fasciculum, anteriorem spinalis medullæ partem per transversum excurrere, ipsamque arcuè amplexari veluti cingulum & tandem desinere, binis radicibus, per latera Cerebelli productis.

An eadem numero fibræ, quæ in Cerebro radicanter, in spinalem medullam protrahantur, & ibi intimè unitæ solidiorem truncum efficiant, an verò spinalis medulla sit tantum partialis Cerebri propago, sensus nequit attingere; ex quorundam tamen piscium Anatome, cum ingentis sit magnitudinis spinalis medulla, solidior item, & compactior, Cerebrum autem exiguum, mollius, & ejus fibræ sub laxiori structura locentur, probabile est easdem numero esse spinalis medullæ, Cerebelli & Cerebri protractas fibras. Unde consonum est antiquum illud, Cerebrum appendicem esse spinalis medullæ, quod in lucem revocavit, firmavitque famigeratissimus *Bartholinus*, vel saltem nervorum truncum spina contentum radices tortuose per Cerebrum, & Cerebellum ductas in affuso cortice propagare, ramos autem sub nervorum forma à dorso, & capite emanantium in universum corpus promere.

An hæc fibrosa corpora cava sint, vel saltem in fasciculum collecta porulis, & interstitiis inde enatis succum peculiarem in continuatos nervos transmittant, egeret longa indagine: hoc enim problemate præcipua hujus sæculi Ingenia torquentur. Nam post *Fortium* nervosus *Bachius*, & famigeratissima Anglicana Schola, nerveum succum à Cerebro per novos nervos propagavit, mirisque propugnavit rationibus, quas hic recensere supervacaneum esset. Et quoniam ob exilitatem, & molliem, cæteraque impossibilia in Cerebri fibrulis nequeunt administrari ligaturæ, & consimilia, nec sensus ipsarum attingit concavitatem, ideo solis conjecturis remanet locus. Non leve autem videtur argumentum separati in Cerebro humoris, & inde in nervos propagati, fibrarum extremitas, quibus Cerebrum integratur; nam extremis capitulis seu radicibus immergitur in cortice, per quem copiosissima sanguinea vasa diramificantur; & ex affusis particulis saturatum concipit colorem. Hanc radiationem evidenter conspicimus in Calloso corpore, evidentissime in Cerebello, ubi medullaris substantia extremitate ramosas arbores repræsentat, ut primus observavit *Cottæ* famigeratissimus Prædecessor meus, quod & post affirmavit *Clarissimus*

rimissimi *Sylvius*, *Bartholinus* & *Lindenius*, cæterique subsequentes Anatomici. Ab arteriis autem sanguineum serum, vel quid simile delatum, hac corticis carne, veluti filtro separari, simulque in implantatas fibras veluti in radices propagari, non est absolum rationi, cum interrupto naturæ ordine ex morbosa aliqua constitutione aberrantem copiosam feri hujus collectionem in ventriculis, Cerebri substantia, & sub ipsis menyngibus sæpius observemus. Famofus *Guido Patinus*, ut refert famigerat *Bartholin* in dissectione Campani Cerebro per ejus substantiam, & medallam ipsam serum copiosum, non dissimile sero lactis, innatus observavit: *Jacotius* & *Hollerii Scholiasies* in capitis quibusdam affectionibus contentum serum in posteriori Cerebro observarunt, & passim in Hydrocephalis hujus feri collectionem in pueris præcipue ad multiplices libras, ut in Augustana Puella vidit *Vesalius*, ob facile in his fortasse Cerebri vitium, ex nimia mollitie compertam legimus, & praxi etiam confirmamus. Mirabilis extat historia apud *Jacobum Carpentem*, qui in nepote Cardinalis Histrigonienfis capite vehementer vulnerato copiosam aquam in ampla fovea in Cerebri substantia excitata per vices coacervatam evacuat: Sexagesimo autem die hujus portio de novo collecta, & coercita Epilepsiam cum totius tremore, & rigore excitavit, qua evacuata, & consolidato vulnere æger pristina restitutus est sanitati. Quare cum in vulneribus Cerebri passim copiosum serum recolligi videamus, valde consonum rationi videtur, vulnere impediri, & labefactari meatus, per quos eructatum, & cribratum hujusmodi serum ulterius propagari debet, & jam vulnere Cerebri tentatos marasmo tandem interiisse frequenter observamus.

Nec desunt sanguinea vasa, quibus tota Cerebri substantia pervadatur; nam si fiat cum universo corpore comparatio, si non dimidia, saltem tertia pars sanguinis in caput deferretur, ubi cum ob visceris exilitatem nequaquam absumatur, valde probabile est percolatum conrescibile serum per fibrulas Cerebri inde in elongatos nervos derivari, residuum autem sinibus recollectum appensis venis iterum ad præcordia refluere.

Unum non indignum observatione in Piscium ventriculis inspexi; portio enim alba fibris contexta exiguas vasorum propaggines, subintrantes tamen, & non subextenses habet, & in perfectioribus sanguineis plexus choroidis non intime amplexatur albas ventriculorum fibras, sed liberè absque infectione extenditur, ita ut tota vasorum ramificatio, per alteram scilicet cineritiam dispergatur portionem, ut patet evidenter in Piscium ventriculis, & in exteriori ambitu Cerebri, ubi copiosissima est reticularis propago vasorum, ut serè totum tegat subjectum corticem, quin, & in iisdem piscium ventriculis, ubi vasorum rami evidenter, & distinctè conspiciuntur, unum tantum vasorum genus propagatur, quod in sanguineis *Fallopianis* arteriosum credidit. *Riolanus* autem venosum, & si viduum hic Natura alterum tantum locasset vas, non producto exterius altero, probabilius censerem arteriosum esse, qui extremitatibus tandem hoc in remotam etiam corticis venam, vel membranæ sinus, residuum sanguinis eructare potest;



potest; quibus omnibus iterum dubitandi ansa habetur, corticem, seu cineritiam substantiam, appulsum à vasis imbrem intima structura in fibras derivare.

Sed audire quosdam mihi videor, regiam viam (si quis tamen à Cerebro humor in nervos propagetur) indigentes, amplitudinem scilicet ventriculorum, eorundem continuitatem cum spinalis medullæ descendente sinu, quibus mirificè simulque propagari potest, in elongatos nervos, cum præcipuè in aliquibus etiam cadaveribus succi vestigia ibidem reperiantur. Sed plura me ab hoc alioquin probabili dogmate arcent, inter quæ non leviter urget copiosos, & insignes nervos à Cerebello ortum trahere, & tamen in ipso nullam observari cavitatem, præter Arantii Cisternam quæ omnium consensu interstitium est inter Cerebellum, & descendentem spinam: Ulteriùs, prima nervorum capita, & exortus in cortice supra callosum corpus extra ventriculos in Cerebro, in Cerebello autem in extremitate, ubi ramofæ dictæ arbores cortice circumambiuntur, evidenter habentur. Ad ventriculos nulla, quod sciam, hiat nervorum, vel Cerebri fibrularum propago; & in spinali ipsa medulla oblongus sinus non in medullari, sed cineritia excitatur substantia, ità ut inter fibras albâs, nervorum parentes, necessariò mediet corticis non exigua portio.

Figura hæc exprimit Ventriculos ampliores Cerebri Piscis apertos & diductos.

- A. Fibræ albæ ventriculorum medius excurrentes.
- B. Corticis superextensa portiones, per quas ramificatur sanguineum vas.
- C. Albæ Cerebri fibræ sub cortice, laceratæ tamen.
- D. Vas sanguineum, quæ producitur plexus choroides.

An cum cruditiſſimo *Morio* censendum, Cerebri ventriculos nullius usus gratia, sed per accidens à Nátura fuisse efformatos?

Non abhorrerem, nam ut ipse innuit, ni totum cerebrum continuum quoddam esset, sola membrana involutum, levi concussionem subfideret, partes internæ, vasa ipsa, ab externis premerentur, & ità continuis morbis agrocaret animal: quare addit, non tantum fibris à dura matre propagatis, suspendi Cerebrum, verum altè divisum esse menyngibus, & meandris, ut facilius Cerebri motus suspendatur, & tutior via intercurrentibus vasis paretur. Hoc unum tamen necessariò admittendum videtur, tam insignes Cerebri cavitates aliquo repleti corpore, & si via, quæ multorum placitò acri interceptur in huiusmodi cavitare adesset, putarem multa quidem haberi posse beneficio inclusi aeris, non ea tamen, quæ antiquitus de Spirituum animalium generatione, & reparatione ex aere fieri docuerunt, sed ex elastica vi ventriculorum parietes premente, unde major, & minor constringeret fibrarum tensio, & laxatio; à quibus prima roboris radix, & enervatio: quandoquidem videmus, aeris vitia natura Cerebrum præ cæteris illico affici, ut in fodinis, carbonum fumo, & similibus frequenter accidit. Sed hæc, & similia, quæ tui ingenii perspicuitatem exigunt, inquirenda tibi relinquo, & ad Nervos opticos transitum facio: Cum enim his Cerebrum intinè continetur, illorumque structura

structura apud Anatomicos dubia reperiatur, nonnulla quæ in Piscibus ipsis ingentis magnitudinis ex repetitis sectionibus superiori anno collegi, tibi communicanda duxi, ut tuo fecundata ingenio longè majorem segetem Posteris largiantur.

Vulgatum est, nervum opticum in singulis animalibus constare multiplici substantia, binis scilicet membranis, ex quarum terminatione efformantur Cornea, & Uvea, & medullari in Retinam desinente; palam autem est, hanc à Cerebro propagari, ita ut si eadem Cerebri medulla compactior, magisque densata. *Vesalius* & *Coiter* plures in funiculos resolvi docuerunt, quos nonnulli peripatetici coarctatus arterias credidere. Quæ tamen ab exarata structura dissona observavi, paucis accipe.

In *Xiphia*, qui ingentem oculum fortitus est, opticus nervus solitis quidem membranis involutus, sed non intimè solidus, & continuus, nec nerveis fibrulis, vel funiculis distinctus non ad sensum porosus, vel insigni cavitate donatus observatur; sed ab his longè diversa conspicitur structura: Hujus enim medullarium nil aliud est, quàm alba Cerebri substantia, non leviter compressa, in extensam veluti placentam, vel mavis crassiorem laminam piâ matre contentam, & in plicis insignes circumducta, quæ totam quandoque nervi diametrum recto processu excurrunt, quandoque tortuose in gyros flectuntur, ut in exarata icone conspiciere poteris.

Nervus Opticus Xiphie Piscis.

- A. Membrana investiens nervum opticum.
- B. Membrana tenuissima investiens nervi vermiculares propagines: vasa sanguinea referta.
- C. Duplicatura substantiæ optici per transversam scissâ.
- D. Eiusdem per longam continuatio.
- E. Filamenta, & vasa, quibus scissâ nervus extenditur, quasi in amplam membranam.

Singulæ autem plicarum circumvolutiones hinc inde tenui obvelantur matre; per quam excurrunt sanguinea vasa satis conspicua: quæ undiquè propagines mittunt, ita ut non leviter his firmetur. Investitur tota hæc moles durâ matre, à qua optici figura, & robur emergit, & velut in fasciculum recolligitur: Unde si hæc per longum secetur, & vasorum ramuli, simulque nerveæ fibrulæ membranas necèsses lacerentur, totus opticus nervus in insigni latitudinis placentulam, vel mavis crassiorem membranam vasculis irrigatam extenditur; ex hac in postica oculi parte extensa efformatur retina, unde mihi cum antiquo *Vassæo* dubitandum venit, retinam non membranam, sed potius Cerebri expansionem censendam esse. Hoc in *Xiphia* sapius expertus sum, in *Tynno* pariter, cæterisque grandioribus piscibus, qui mihi secandi occurrerunt; quare hoc in omnibus piscibus, perpetuum probabiliter censeo.

His vestigiis ductus in sanguines animalibus consimile me reperiendum sperabam, at in *Bovis*, *Capræ*, *Suis*, &c. optico leviter elixato, ut facilius, & distinctius microscopio perscrutarer, non insignie foramen, seu circumvolutiones adinveni, sed protuberantes veluti





Fig. 1. in tractate cerebro pag. 8



veluti distinctas, ac sejunctas papillas; hæ autem repræsentabant virgularum acervum, vel extimum digitorum pugillum, & compressæ rotundo oræ eructabant mollem Cerebri substantiam: propria membrana, à pia matre communicata, investiantur, & secum ferunt sanguinea vasa; unde si in recens mactato animali opticus comprimat, sanguinis guttæ ab interstitiis horum corporum manifestè erumpunt. Nectuntur ad invicem, tum vasis, tum fortè etiam membranosis filamentis ob contiguitatem invicem sibi communicatis, colligantur veluti in fasciculum durâ continente matre, ut in piscibus observatur, & tandem extenduntur cum vasis in Retinæ propaginem.

Non parùm miratus sum hanc naturæ diversam operandi rationem, cum soleat simpliciori, & unica ut plurimum methodo procedere; & diu pro hoc solvendo incassum laboravi. Ex eleganti tamen Piscis Latî structura occurrit fortè probabilis solutio. Constat enim in piscibus opticorum molem fieri ex extensa quasi area, quæ à radice spinalis medullæ sub ventriculis in gyrum flexa versus anteriorem partem progressa, ac si manibus comprimeretur, tandem in fasciculum recolligitur, & ita circumducta menyngibus in oculos desinit: Unde nil mirum, si plicæ copiosæ necessariò contingant, nam cum in Xiphia, & similibus, oculus ingentem sit sortitus magnitudinem, pro complendo Retinæ hemisphæro multa eguit materia, quare tantus fibrarum contextus in ambitum quasi ventriculi extensus in solius opici structuram necessariò cessit, & compressus menyngum circumvolutione veluti linteolum manibus coarctatum necessariò plicis locum dedit. In sanguineis autem perfectioribus, ubi opticorum exortus inferior est, solum spinalis medullæ principio continuatus, & Retinæ pauca est expansio, exigua naturæ fibrarum sufficit fasciculus, quin & membranula, quæ in piscibus extensas fibras hinc inde in placentulæ modum continebat, eadem fortè in perfectioribus divisas aliquot fibras, tubi instar, investit, ut majus contingat robur, & intima arteriarum, & venarum fiat per nervos propagatio, & inde in continuatam Retinam æqualis expansio.

Ex his omnibus aliquid colligere poteris ad solvendum illud, quod antiquos, & neotericos diù vexavit, num scilicet opici perforati sint: antiquum enim est *Herophyli* accuratissimi sectoris dogma, hos pervios esse foramine insigni, unde poros, vel meatus opticos appellabat, quod postmodum propagavit *Galenus* 7. de *Placit.* • Quia tamen difficulter observari contingeat, idè inspectionem in magnis, & nuper extinctis animalibus faciendam monet, tribus ad hoc ritè peragendum observatis, ut scilicet acutissimo cultro secetur, non distorqueatur ejus substantia, & tandem sectio ultra coirum fiat, & hoc quidem aere existente claro, & lucido. Hunc sequuti sunt non incelebres Anatomici, *Riolanus*, *Arantius*, *Cortesius*, *Gemma*, & inter novissimos *Glissonius*, *Charleton*, *Marchetti*, *Plempius*, &c. In oppositum tamen militarunt, qui omnimodam cavitatem negant, inter quos fuit *Vesalius* qui nec in Canibus adhuc viventibus, nec in mox decollatis observare potuit; hunc sequuti sunt *Valverde*, *Aquapend.* *Columbus*, *Coiter*, *Fallopianus*, & novissimè *Deusfingius*, ità ut in Democriti pa-

teo veritas latitare videatur. Si expositas tamen opticeorum structuras exploremus, non unicam cavitatem, & interstitium ex plicarum adaptatione, & intestinulorum in perfectionibus adhesionem reperimus, sed plura & plura solius structurae necessitate, & in nullum fortasse usum efformatae, veluti & superius de Cerebri ventriculis dubitatum est: Rotunda enim intestinula, & circumvolutiones, non ita intimè sibi adaptari possunt, ut spatiola, & oblongae etiam, & irregulares intercapedines non suboriantur, in quibus tamen nullus ductuum naturam recognoscat. Dubitabit aliquis, an interstitium in optici centro quandoque efformatum à circumductione plicarum, vel intestinulorum, sit meatus insignis à natura intentus pro delatione animalis spiritus, eo præcipuè, quia observarunt aliqui cavos opticos in exortu propè spinalem medullam: quod quidem frivolum videtur, quoniam spirituum generatio, & propagatio à ventriculis Cerebri in nervos suspecta apud saniores censetur. Contingit autem huiusmodi intercapedo ex sola necessitate, ut scilicet medullaris optici substantia jam in fasciculum collecta in hemisphaerium dilatari possit: & quandoque tria observantur insignia spatia ad latera optici à varia plicarum circumductione; unde non nisi casualem indicant ipsorum productionem.

An verò in nervo optico exigui meatus, & canaliculi, non absimiles sanguineis vasibus, insint inculpti in medullio cuiuscunque intestinuli, & complicatae in piscibus medullae, veluti in arborum libro observamus, ambigi potest: Ex dictis autem, cum sensus hucusque manifestam, qualis in arteriis observatur, vel in arundinum filamentis conspicitur, non indicet cavitatem, probabile est, poros tantum, & interstitia in medullari substantia enata, admittenda esse, quibus medius nutriendus, & vivificans succus propagetur.

In quem finem fabrefacti sint optici, in propatulo videtur, ut scilicet visioni inserviant: unde visorios spiritus extra ferre, & objectorum species in Cerebrum revehere communiter edocemur. Plausibile est inventum famigeratissimi *Cartesii*, in Dioptric. exaratum. Hic enim supponit tribus constare nervum opticum; primò quidem membranarum exterioribus à Cerebro propagatis, quae tubi instar efformantur, & elongentur ad oculos: Secundò tenuibus filamentis, non adinvicem de pendentibus, quae cavos huiusmodi tubos impleant: & postremò spiritibus animalibus, qui venti instar è ventriculis Cerebri progressi in oculos ferantur, & tensa & libera servant exarata filamenta. His positus determinat, animam imaginibus non egere ab objectis in Cerebrum transmissis, sed sufficienter visionem excitari diversimodè motis filamentis in Retinam expansis ab externo lumine, quae cum continuo tramite ad interiorem Cerebri superficiem terminantur, in ultima extremitate, consimili motu etiam tentantur, & impelluntur, ubi nova mediis spiritibus impressa pinali glandulae motio, velut animae solio communicatur.

Haec licet ingeniosissimè sint excogitata, suis tamen scatent difficultatibus; nam prout spectat ad Anatomem, in exarato piscium optico exteriorem quidem membranam, in tubuli formam reductam observamus;

vamus; sed ad colligandam medullarem substantiam, in multiplicibus circumductam: filamenta autem libera, soluta & tensa spiritibus circumdata sensus nequaquam attingit, cum fibræ videantur quasi contextæ sub forma mucosæ placentulæ, hinc inde membranis continuatæ, ut in his omnia fere imaginari possimus, præter staminum libertatem, distinctionem, & forte concussionis, vel tremoris motum. In perfectioribus autem Cerebri substantia intestinulis conclusa, fibrosam licet adhuc retineat naturam, orta tamen inde Retina mucosa valde est, ignique exposita non in capillamenta crispatur, sed in tenuem concrevit membranam. Ulterius, antequam Retinæ fiat expansio, tam arctè constringitur extrema optici latitudo, ut necessariò, intestinulorum, & fibrarum, si quæ sint, intima fiat connexio, & nodus, & cæteri nervi, qui à dorso erumpunt, docente *Baubino* licet ex funiculis à medullari substantia exortis fiant, ad vertebrarum foramina junguntur, nodum efficientes; & ego hunc, veluti oblongum, & ovale corpus glandulosæ naturæ nerveis fibris immixtum sæpius observavi. Si autem singula illa intestinula unici filamenti vicem gererent, paucas & numero determinatas tantum objecti partes intueremur, & continuo inter videndum plures partes, veluti deductam lineam ejusdem coloris à centro objecti ad peripheriam necessariò videremus; cum hujusmodi fibræ, ut supponitur, à nervi expansione in Retinam recta via in hemisphærium producantur; unde à diversis particulis objecti eodem tempore tangi possunt, & consequenter unicam, & communem promere motionem.

Nec minùs dubitandum venit de altera motione in ventriculis Cerebri excitata; nam nervi optici, ut optime observavit in *Miscellaneis Doctiss. Corneſius*, non ad anteriores ventriculos, ut icone exprimit ingeniosissimus *Cartesius*, sed ad latiora spinalis medullæ crura terminatur; nec probabile est imaginata opticorum filamenta desinere in extimam superficiem quatuor crurum: nam, ut superius innui, quatuor reflexa corpora ulteriorem habent progressum, & si unquam ibi adesset opticorum terminatio in corticis particulas circumaffusas, & non in pinealis glandulæ basim desinerent: & licet Piscium opticus fibrosis corporibus veluti in pariete extensis componatur, eorum tamen primus exortus non est in ipsis ventriculis, sed medio principio spinalis medullæ altior est, & intimior in Cerebri, vel Cerebelli productionibus: Quare si externorum motibus medio nervorum tremore & retractione consentiret Cerebrum, vel hoc in prima nervorum complicatione ad principium spinalis medullæ cum *Piccolomineo* famoso *Italo*, contingeret, vel satius adderem ego, in ultima fibrularum Cerebri terminatione, hoc est, in affuso cortice, ubi nervorum retractiones, & motiones sensibiliores fieri possent, & forte etiam sanguineis particulis illuc affluentibus concussio, & novus intestinus motus communicari posset, ex quo sensuum passionem emergent: Docebat enim *Hippocrat.* mutato sanguine, ejusque intestino motu prudentiam permutari, & peregrinas accedere opiniones, & nos ipsi sensuum motiones tandem cum sanguine, & inde cum præcordiis consentire quotidie experimur.

Omitto,

Omitto, quæ de spirituum animalium in ventriculis Cerebri præcipue existentia objici possunt, simulque de primaria animæ sede, pineali scilicet glandula, quam famigeratissimus *Thomas Bartholinus* nervosè concussit.

An aliis usibus vacet nervus opticus, ambigitur apud aliquos: Angelus enim *Fortius* Anno 1543. docuit in Libello de mirabilibus Vitæ humanæ fundamentis, per cavos opticos in oculorum orbem receptaculorum depressione pelli aquosum quiddam, quod pinguedine mixtum perluceat, & oculorum humores constituat; hoc autem excrementum censuit portionem esse succi cujusdam ab ore, & ventriculo, per nervorum radices in Cerebrum delati, pro Cerebro, ipsorumque nutritione. Priorem positionem firmavit acutissimus *Andreas Casalpinus*, cui tamen illud contrarium occurrit, oculorum humores determinatam exigere molem, ut debita intercedat distantia; unde si aquosa illuvie irruerent excrementa, ex irregulari horum generatione continuo morbosa constitutione conflictaretur animal: Accedat, vitreum quidem humorem, cum ignis ope in aquam fundetur, si quis flueret aqueus humor, eo reparari posse; Christallinum verò, cum sensibilem calore concretionem, patiatur, nunquam aqueo humore augeri, & nutrirî posse.

Exigua hæc de tam arduis excipe, & licet aliqua non dissimilia de Cerebri substantia apud Cartesianam Scholam jam prolata videas, scias tamen illa per hypothesein, sola ratione, non verò sensuum ministerio ad exponenda phænomena, ut optimè innuit laudatus *Bartholinus*, prolata fuisse. Majora interim acutissima ingenii tui, & cultri acie promere non graveris, & præclarissimum, nostrique amantissimum *Borellium* contulato. Vale Messanz.

Pridie Kal. Novemb. 1664.

Marcelli

Marcelli Malpighii
EXERCITATIO EPISTOLICA
DE
L I N G U A.

Præclarissimo & Eruditissimo VIRO
JO. ALPHONSO BORELLIO,
PISIS Matheſeos Profeſſori Celeberrimo,
MARCELLUS MALPIGHIUS S.P.D.

N Eſcio an improbae forti, vel potiùs occultae cuidam majeſtati ſit referendum, Linguam qua Artis, & Naturae panduntur arcana in ignota & obſcura ſui compoſitione latitare: De hac enim divinus Veſalius habuit: *Quandoquidem verò univerſam linguae fabricam cæterarum corporis partium conſtructione mihi minùs, ut verum fatear, cognitam neceſſario, ac ſerie quadam complexi ſumus.* Unde nihil mirum, ſi apud Anatomicos varia, & oppoſita in hac pertractanda occurrant placita, dum alii Linguae carnem, molem laxam, ſpongiae inſtar, ſtatuunt, nonnulli glanduloſam naturam ei attribunt, aliqui muſculoſo, & glanduloſo componunt corpore, & tandem cæteri ad peculiarem ſubſtantiam, qualem in reliquo corpore nullam reperies, reducere conantur. Non minora etiam deprehenduntur Anatomicorum diſſidia in ſtatuenda peculiari guſtus particula: plerique enim linguae parenchymatis munus credidere; nonnulli nerveae propaginis; aliqui extenſae, & circumvolventis membranae: & vulgatum eſt noviffimè tonſillas ad linguae radicem locatas guſtus primarium organum ſibi vindicare. Omitto, quae de linguae diſſiſione, muſculorum linguam moventium numero, & ejuſdem uſibus copioſè paſſim controvertuntur, ità ut in tanta fluctuatione ſi quid minimum firmàſſe licuerit, non undequaque inutilis contingeret labor. Nonnulla itaque ad aliqualem huiusce partis ſtructuram habendam obſervavi, quae tibi ut ad majora philoſophandum incitamento eſſent,

E

commu-

communicanda duxi. Ut paucis hæc igitur perstringam, quæ in bubula lingua, cæterisque consimilibus elixatis observavi, hæc habeas: In exteriori Linguae parte, superiori scilicet regione, quæ respicit ab apice versus extremam linguæ radicem, exposita sunt quædam corpora, serie quadam disposita, ab extrema linguæ superficie foras erumpunt, & modicè incurvata unanimiter versus posteriorem linguæ partem inclinationem, positionemque habent, ita ut simul hunc perficerent carminatorium; unde si leviter à radice versus apicem digitis pertactemus linguam, lacerationem quandam ex contrectatis hujusmodi corporibus perentiamus: Hæc autem corpora cartilaginosa in bove præcipuè videntur eam referre figuram, quam in aprino dente, & similibus observamus, & in parte inferiore concavitatem quandam exhibent præcipuè ad radicem. Componuntur densa, & tenaci materia fibrosa; quæ quasi virgularum aggeries videtur; unde & in exteriori apice ex attritione, & continuo usu inæqualiter in aliquibus prominent: Circa linguæ latera ita gracilescunt, ut ferè obliuerentur, & in basi eorum loco membranosa quædam corpora locantur; quæ conum, mox obtusorem papillam amulantur: Singula exposita cornua exteriori linguæ membrana involvantur, in ut avulsa hujusmodi membrana externum secum rapiatur cornuum involutum. In Piscium quorundam lingua eadem observantur, ossæ tamen circa extremum apicem copiose disseminata; in medio autem huiusmodi locantur in gyrum disposita versus exteriorem partem inclinata, ita ut hiantem, & quasi apertum florem exhibeant.

An hæc boum cartilaginosa corpora intus cava sint, sensus nequit ob exiguitatem attingere, in quibusdam extremitas, quæ in mucosa substantia immergitur, concava, & non dissimilis calamo scriptorio videtur; conica autem, & obtusa illa corpora, quæ cornuum loco in linguæ basi locantur, evidenter cava sunt, quin & eorum substantia usque ad medietatem ita gracilescit, & dilatatur, ut non solum det locum subintranti nervæ papillæ, sed quasi diaphana evadat. Exarata cornua erumpunt, seu potius firmiter implantantur in tenaciori quadam linguæ tunica, & subiecta mucosa, seu nervacea substantia, ut præcipuè in locis, ubi insignes foveæ pari ordine dispositæ observantur, ita ut in parte interiori non exigua eorum portio emineat; quæ in mucoso quodam corpore tenaciter implantantur.

Præcitata hæc membrana totam investiens linguam in superiori ejusdem area inserta; & convoluta habet exarata cornua, & quibus in locis grandiores infra exponendæ papillæ foras protuberant, attentantur, & gracilescit, & in minimæ cucurbitulæ figuram excavatur, eminentibus in interiori parte circumductis veluti orificiis labiis; minimi in hoc efformato tubere observantur poruli, & meatus, qui etiam in cæteris linguæ partibus, ubi desinunt cæteræ papillæ, probabiliter coexistunt, & præcipuè ad cornuum radices.

Hæc detracta, unguibusque avulsa, sese offert glutinosa quædam substantia per superiorum linguæ præcipuæ partem extensa, quæ crassitie mediocri posset, hæc alba est ea portio, quæ nequitur exarata membrana; subnigra autem, ubi partem interiorem tangit. Per modum

modum membranae, seu crassioris retis extenditur; conspicua enim foamina singulis exaratis cornibus correspondentia habet, inter quae innumeri etiam microscopio deteguntur exigui meatus, diversae figurae, qui hiant ad extimam linguae superficiem, unde si per transversum laceretur, vel opposita luce microscopio lustretur, evidenter emergunt; & quia, ut acuratus fert intuitus, in parte interiori delineatum rete fusci coloris representat, quale inquam in cochlearum externo ambitu eodem colore infecto quotidie videmus, idcirco cribroso & reticulari corpori assimilandum censeo. In singulis grandioribus foraminibus in hac nervosa & glutinosa substantia excitatus, circa latera concava, observantur portiones ejusdem reticularis vel cribrosae substantiae, ita ut in hac majora foramina hiant etiam meatus ducti à cornuum radice, & circumadjacenti exteriori membrana. Extenditur glutinosa substantia per totam linguae superiorem arcem, & in lateribus nigra portio fere obliteratur, in palato etiam in buccis hujus vestigia videntur.

Hac examinata, in conspectum sese offert nervosum, & papillare corpus subflavum, & subalbum, per totam praecipue superioris areae portionem, membranae instar, excurrent, considerabilis etiam altitudinis: Hoc interiori superficie, qua nectitur subjectis linguae carnis, leve & aequale videtur, praeter quasdam connexiones, seu propagines nerveas, inter carneas linguae fibras disseminatas, quibus nectitur, vel magis adnascitur: exteriori vero parte inaequale est, papillas enim nerveas insignes miro ordine dispositas promit; haec in bove, capra, ovis, & ipso etiam homine, ex configuratione, & magnitudine sunt in triplici discrimine; observantur enim aliquae grandiores, quae ad latera praecipue apicis linguae situantur inter infra exarandas, in area etiam superiori linguae quadrato ordine disponuntur, circa mediam regionem, ubi albescit lingua, raras observantur; in basis autem lateribus aliquae, & insigniores: Haec substantia, & figura videntur annulari cornua epissilia, & conductilia, quae in limacibus conspiciuntur: altiori enim pollent pedunculo, qui superata mucosa substantia in rotundum desinit capitulum, quod in concava quadam attenuatae exterioris membranae cavitate locatur: Exordium habent à nervoso & papillari corpore, continuas enim, eadem accidentia, & substantiae modus in utrisque consimilis observatur; hoc autem peculiare habent, ut audio etiam observatum hoc tempore ab amicissimo D. Fracassato Pisis Professore egregio, ut in basi propaginem nerveam habeant, cui appenduntur, vel potius adnascuntur. Succedunt alterius ordinis papillae copiosiores exaratis; quot enim cornua exterius linguam tegunt, tot etiam hujus generis nerveae papillae intus reperiuntur: haec exorta à communi papillari corpore, in mediocrem altitudinem elevantur, & ab extremo capite nerveas propagines ulterius emittunt, quae subintrant jam exaratos sinus, & cornuum radicibus occurrunt; circa has innumerae fere conspiciuntur papillae idem exordium sortitae, & ad eandem altitudinem elevatae, graciliores tamen, quae corni figuram referentes, proprios sinus in jam exarata mucosa substantia excitatos subintrantes, tandem desinunt versus extimam membranam:

Circæ

Circa basim linguæ in cornuum situ papillæ nervæ enarratæ foras eminentes mutant figuram, & obtusiores, mox subrotundæ, & depressiores fiunt, & harum insigniores non valde absimiles sunt iis, quæ ad radices dentium in buccis observantur. Sciendum tamen idem papillare corpus, & utrumque subextensum involucrum, licet valde gracile, in palato, & buccis reperiri, hac tamen conditione, ut his in locis papillæ grandiores foras erumpant, conicam figuram referentes, propè quas observantur excretoria vasa in subjectis glandulis implantata, & inter hæc perpauculæ & minimæ nervosæ papillæ difseminantur. A quam parte exortum ducat hujusmodi nervaceum, & papillare corpus, videtur dubium; in singulis enim partibus, licet curiosè prima quæraturs origo, non tutò tamen determinatur: Plausibilis est *Columbi* sententia, membranarum palati, linguæ, &c. exortum à dura matre calvariam egressa deducens. Quoniam autem arctè adhaeret quibusdam nerveis propaginibus, quibus tota fibrarum moles contextitur, & continetur, & plures nervorum propagines à trunco germinantes in nervaceum hoc corpus desinunt, non absolum idèò erit censere, ab his exordium sumere, cum & in cæteris sensorii nervi ministerio sensuum destinati ut plurimum in membranam ultimò extendantur.

De Linguæ substantia, qua universa ejus confatur moles, ex his, quæ sensu colliguntur, probabiliter determinari potest, musculosam potius esse, quam glandulosam, vel, ut agebat *Theophilus*, linguam consistare musculosa materia; immèdiatè enim sub exaratis membranis, & papilloso corpore rectè observantur fibræ carnes musculorum propagines, quibus retrahitur, & abbreviatur lingua. Centrum autem linguæ multiplici fibrarum genere constar, longis, transversis & obliquis, quæ identidem invicem per superequirentem intextæ colliguntur, ita ut fiat veluti teges, ut ex variis iconibus apparet.

Mollior, & sapidior est hæc interna fibrarum caro, non quia, ut probabiliter censeo, sit alterius naturæ, & extra genus musculosæ carnis, sed quia sapido quodam pingui conditur, & laxatur; interstitia enim hujusmodi fibrarum ab basim præcipuè copiosa pinguedine replentur, & in lateribus fibrarum ejusdem basis glandulas milii instar disseminari videbis, quibus gratus sapor etiam conciliatur. Nec obstat fibrarum diversitas, ut è musculorum cœtu arceatur: multiplicitas enim motuum modificatur structuram, ut in corde, œsophago, Septo transverso, & similibus observamus; idèò cum lingua ad loquelam, & cibi motum retrahi, & elongari debeat, secundum omnem dimensionem, diversis carnes fibris, diverso situ locatis, eguit. Cætera, quæ solent objici soluta videbis à præclarissimo *Warthonio*, & tu ipse in tuo desideratissimo de animalium motu potiora philosopharis.

De Usibus, relictis iis copiosis, qui passim ab Anatomicis linguæ meritò tribuuntur, de gustu tantum, qua scilicet particula edatur, unum, vel alterum tecum habeo; majora enim tu ipse promes. Convenere omnes, sensu ipso duce, animalia linguæ, & continuatè gulæ ministerio gustare; appositum enim quodlibet sapidum in superiori præcipuè linguæ area passionem quandam efficit, quam gustum

stum appellamus. Quanam media excitetur particula, controversum fuit: plures enim laxis linguæ carnibus attribuerunt, inter quos recensentur famigeratissimi *Bauhinus*, *Thomas Bartholinus*, *Bartholetus*, *Veslingius*, *Deusfingius*, &c. Vulgari eâ fortè ducti ratione; similem ei in corpore non reperiri substantiam; quod tamen ex dictis evincitur, cum sensu musculosa potius, quàm glandulosa, vel proprii generis iudicetur. Accedat etiam, sapores, qui sua præsentia sensum excitant, obstantibus involucris non altè ita penetrare posse internam linguæ carnem, ut ipsam moveant, quæ fibrarum compositione motum potius, quàm peculiarem sensum edere indicat. *Cornelius Gemma* recenset humiditatem quandam peculiarem in osse epigraphæ inclusam, quam ingentem rerum gustabilium discrettricem censet, unde linguam pro solo medio admittit: Sed hæc positio cum soli quaternario elementorum numero animalium sensibus adaptato nitatur, valdè labilis est. Doctissimi *Warthonii* extat in lib. aureo de glandul. placitum, statuentis primarium gustus organum glandulam ad linguæ radicem locatam, quæ ipso observante licet geminari videatur, unica tamen, & continua existit, quod quidem ea firmat ratione, omnes scilicet oris partes, in quibus gustus perficitur, glandulam hanc sola membrana sua investiente subtendere, & cum non assuecat natura aliam partem inter illam, cujus muneris est sentire, & organum sentiendi interponere, idè videtur hanc, ut primarium gustus sedem, statuisset. Ex his autem, quæ observavi, constat, glandulas ad radicem linguæ hinc inde locatas attenuari quidem, & extendi, simulque communicari continuatis ferè omnibus partibus, præter linguam, nam si demas exiguam huiusce basis portionem, nullum in media, & extrema linguæ parte glandularum vestigium videbis: hujus autem glandulosæ substantiæ major proventus observatur in principio Oesophagi, & palato ipso, ubi conglomeratarum aggeries observatur, & insignia foramina occurrunt, quæ compressa eructant lentum humorem, quod in media linguæ parte, & apice ipso non observare potui, licet ad basin facta compressione, & glandulis ibidem dispersis eructetur lentus humor, qualis à palato exprimitur. Nec urget illud, ab huiusmodi glandulis propagari membranam, quæ gustantes partes investiat: nam verum quidem est, circa has laterales glandulas nervæam membranam locari, supra quam excurrunt salivalia vasa à studiosissimo *Stenone* descripta, sed hæc eadem membrana dum ad radicis linguæ inferiora latera ducitur unâ cum aliquibus vasis salivalibus ita tandem gracilescit, ut obliterari videatur. In linguæ etiam radice, ubi glandulosi hujus corporis portio dispersa observatur, sub huiusmodi lancinatis glandulis nervæum, & papillare corpus insignis etiam magnitudinis subextensum conspicitur, signum, naturam ultra harum glandularum involucrium illud etiam curasse: Et postremo admissa etiam hujus propagatione, quia ambiguum esset, an huic, vel potius communi principio corpori glanduloso communicaretur, idè hæret *Warthonii* Positio.

Pro tenui tunica linguam investiente, tanquam prima gustus sede, militarunt plerique, inter quos *Laurentius*; pro quibus tamen non vide-

videtur standum, eo quia si exteriores membranae gustandi munus haberent, natura fortè sinuosas non addidisset vias in binis exterioribus involucris exculptas quibus videtur ulteriorem aditum permittere sapidis corporibus; quare cum dictis meatibus insignibus occurrant papillaria corpora, probabilius est in his ultimo, ex subintranti sapido humore titillationem, & mordicationem quandam fieri, quæ gustum efficiat; fusa enim saliva, & consimilia, saliva, vel alteri humori commixta proprio pondere, vel prementis aeris ope, sinus mox expositos subintrantia nervas papillas diversimodè feriunt, vel blando quodam motu ipsas demulcent, ita ut ex diversa figura ingredientis salini corporis, ejusque vario motu, & insinnatione diversæ saporum species nature cognatae, vel eidem aversæ emergant: contractio enim quandoque in nerveis papillis, & inde in nervorum appenso tractu, ut ab austeris, vel laxitas inducitur, qualem *Plato in Timeo* in Venulis à lingua ad cor pro gustu contingere putabat, & ita his fieri sensum gustus probabile est.

An omnes nervæ papillæ sub triplici ordine superius expositæ ad gustum edendum conferant, an aliquæ tantum, & an aliud sit ministerium his perficiendum, ambigi potest. Insignis papillarum primigenetis magnitudo, intima, & firma cum nervis connexio, & continuatio, primas ferè videntur in gustandi officio; quoniam tamen numero exiguæ sunt, si fiat comparatio ad cæteras, & non in omnibus, in quibus probabiliter gustus exercetur, partibus observantur; nam circa linguæ radicem, epus medium, & sub apice ad rarihas, exigua, & ferè nullæ observantur, in cæteris tali ordine disponuntur, ut plurimum etiam spatii intercedat, & tamen exaratis hujus particulis inesse videtur gustandi sensus; ideo exiguis occurrit dubitandi scrupulus, cæteris etiam papillis gustus passionem fortè convenire posse.

An aliis vacent usibus, æquè ambiguum est: *Angelus Fortius* superiori seculo docuit per nervorum radiculos tenuiores cibi particulas ad cerebrum ascendere; quam positionem his præcipuè probat, quia corpora exercitatione debilitata, cibo, & potu assumpto continuo nervorum vires rediunt; cibo etiam, & potu assumpto in aliquibus continuo mens hebescit, & sensus obtunduntur: præterea cibo, & potu assumpto quibus vomere confectum est, si animales vires inde tam citò non rehicentur, per annos, ut videtur, vitam ducere non possent. His addantur, solo Vino, & similibus ore contentis vires illic restitui. Unde non levis oritur conjectura, ex minimis illis papillis, quæ in lingua, & palato copiosè observantur, exfugi aliquid tenuioris, & spirituosioris alimenti, quo fiat tensio quædam in jam relaxatis nervis, unde subitum robur.

In quem verò finem in plerisque quadrupedum linguis cartilaginosa facilia corpora natura locaverit, ut in bove, leone, tele, &c; occultum videtur. Aliàs credidi, exiguas esse fistulas salivantis, vel quid simile perpetuò fundentes pro oris necessaria humectatione; cibique maceratione: arridebat etiam aliud, fibras intima linguæ occupantes, fistulas sui generis esse, non abimiles illis, quas in renum carnibus ingeniosissimus *Bellinus* observavit, quibus separatus humor in linguæ

centro

centro per has correspondentes fistulas & tubulos foras etumperet. Quoniam tamen cartilaginosa hæc corpora non ubique pervia sunt, & inter linguæ fibras, & huiusmodi cartilaginosa corpora nerveum & papillare mediat corpus crassum & densum, ita ut nullus sit aditus exeunti liquori, ideo facilius in eum sensum veni, hisce corporibus medio linguæ impulsu compressionem quandam fieri in palatinis glandulis à laudato *Stenone* observatis, ita ut perpetuò exprimatur affluens saliva, & mucus pro linguæ, totiusque oris humectatione; quare in his, quæ duriori vescuntur cibo, vel aspectum, & densum est palati involucrum, natura cartilaginosa & duriora reddidit hæc corpora, ut continuo scalpendo superiora, fortiter exprimeret humidum: in cæteris autem, quibus fortè laxior, & mollior contingit palati structura, papillarum ad instar, flavida & flexibilia fabrefecit natura. Hæsitari etiam potest ex subintrante illa cornuum, ut ita dicam, portione quæ in secundo linguæ glutinoso involucreto implantatur, dum lateraliter urgent in eodem sinu contentas nervæ papillas, compressionem, & saporis corporis intus pulsionem fieri, ita ut major contingat vellicatio & motio.

An verò è papillis nerveis, compressione media, aliquid exfudet, dubitari posset: Negativam tamen partem probabiliorum credidi, eo quia facta quacunque compressione nil quidquam præsilire vidi, quod tamen facile in œsophagi principio, palato, & circa basim, ubi glandulæ observantur, contingit. Nullum insuper foramen microscopio detegitur, & nervosæ papillæ non fistulosa constant figura, sed quæ insigniores sunt, minores appendices hinc inde capillares in extremitate etiam promunt; unde non eadem observatur, conformatio, qualis in cæteris salivam, vel mucum fundentibus conspicitur; ad radices enim papillarem, quibus in palato, & buccis humor eructatur, conglomerata quedam glandula locatur, quæ proprio vase, à studiosissimo *Stenone* descripto, dotatur, quod ad radicem, non extremum papillarem apicem, hiat, quæ in lingua non observatur; cum his in locis nullæ observentur glandulæ, & consequenter propria deficiant vasa: ariditas etiam linguæ, quam ore hiante dormientes ut plurimum patiuntur, eo quia ab humectante palato perpetuò non irroratur, dubiam reddit hanc partem; & sæpius in meipso experior, exertum linguæ apicem, salivali humore deterfo, in superiori parte nunquam iterum humescere, etiamsi diutius extra promineat, donec palatum iterum comprimens nova saliva imbibatur.

Ex his postremo elici potest, nequaquam in sensatione gustus medium requiri, ut contendunt Peripatetici; nam si papillari, & nervoso corpori debetur gustandi passio, ut hucusque deduximus, cum hoc mediis porulis, & finibus, quibus continenturapidum corpus immediate tangat, nulla necessario mediat pars: Pro cuius etiam confirmatione extat famosa *Cardani Observatio in Augusto Carbetta*, qui ex assumpto pipere dolorem, non saporem percipiebat; nam ex pipere quidem subintrante lacerabantur nervæ papillæ, unde dolor; non aderat autem saporis sensus, quia prima radix nervosi corporis ad gustum destinati ob morbum non consentiebat, vel non commovebatur blanda

blanda illa motione, & affectione, quæ gustum edit, sicuti in auditu, & visu contingit, organum plus iusto concutiente, & vellicante objecto.

Exigua hæc, & levia, tuis interim magnis auge meditationibus, & regia, qua frueris istic animalium affluentia multiplicibus Brutorum sectionibus ditiora reddere non dodigneris. Messanæ.

Pridie Kal. Novemb. 1664.

EXPLICATIO

Primæ Figuræ.

Lingua integra in quinque partes secanda.

Secundæ Figuræ.

1. 2. 3. 4. 5. Portiones divisæ linguæ, quibus ostenditur rectitudo externarum fibrarum, & varius processus internarum.

1. Extremus apex linguæ per transversum scissæ.

A. Fibræ carneæ cæteris solidiores per longum ductæ, totum linguæ ambitum investientes, quibus retrahitur lingua.

B. Carneæ fibræ per transversum ductæ, linguæ latitudinem minucentes.

C. Fibræ carneæ perpendiculares crassitiem contrabentes.

D. Membrana adhuc investiens linguam.

E. Fibræ carneæ lingua dorsum, & latera trahentes.

F. Fibræ rectæ extra linguam in musculos externos protractæ.

G. Fibræ angulares linguæ intro trahentes.

H. Fibræ acuminatum dorsum deprimentes.

I. Nervea portio in papillas desinens.

L. Fibræ rectæ basim linguæ comprimentes, inter quas exigua glandula, & pinguedo locantur.

M. Basim linguæ.

N. Progressus linguæ.

Tertiæ Figuræ.


1. Basim scissa per transversum.

2. Cornua cum binis exterioribus involucriis.

3. Frustulum corporis papillaris cum nervea propagine, tribusque papillarum speciebus.

Marcelli


Fig. 1.



te 2. in tract. de Lingua pag. 20



Fig. 2.



two in tract de lingua pag. 26




Fig. 3.



tr: in tract: de Lingua pag. 22.



Marcelli Malpighii

DE EXTERNO

TACTUS ORGANO

Exercitatio Epistolica

A D

JACOBUM RUFFUM,

FRANCAVILLE Vicecomitem Illustrissimum.

Nobilissime & Sapientissime Vicecomes,

NON tanta admiratione dignam fuisse eam naturæ industriam, appositè fortasse credam, quæ usum scimus, dum miras Animalium structuras compegit, quanta illa, inquam, quam præmirè exerceat, cum ferè Divinæ cuidam his organis incluse particulæ tantam ignorantie caliginem objecit, ut perpetuò in operibus occupata, eorum tamen rationem, & normam prorsus ignoret. Ità ut Plato ausus fuerit, vel temere, vel figuratè per ænigmata loquens, in hæc presumere: *ab initio anima cum mortalibus corporis vinculis includitur amens efficitur.* Sensuum enim motiones, humorum coctiones, corporis motus, musculorum impulsus, aliæque, domesticis licet perpetuò in nostris fiant officinis, nostro namq, & tanta cum facilitate, nullum tamen motionis suæ documentum nobis exhibent, & quò promptiori imperio, & impulsu emergunt, eò obscuriori caligine involuta nostræ mentis aciem fugiunt: Quinimo, ut altum Natura in nobis servaret soporem, laboribus, & exercitationibus comitem junxit dolorem, & languorem: delectationis verò placidam quandam quietem otio pro pretio ex arte paravit, & eò tunc temporis

temporis præcipue, dum, ne suæ jacturæ momentum cognosceret animal, avulsa non exigua sui parte, quasi ex æquo facta divisione, speciei propagationem perpetuare sollicitavit; ita ut locus sit Hippocratis dicto. * *Quæ quidem satiant, scire sibi videntur, & quæ quidem vident, non cognoscunt; attamen omnia ipsis sunt per divinam necessitatem, † & quæ volunt, & quæ non volunt.* Tanta est hujus impressæ ignorantæ vis, ut ad hanc dissipandam quasi humanam nobis exuere necesse sit Naturam: Brutorum enim adhuc viventium post jugulata corpora, nec Hominum cadaveribus parcimus, sed ferina quâdam rabie ferro ipso in frustula dilaniamus: Unde *Textullianus* *Herophilum* vituperat, quod hominem odisset, ut nisset: quam etiam viam, ut nobis intercluderet Natura, non levem incussit horrorem.

Hæc apprimè in meipso tam vera deprehenduntur, ut hæc sola demonstratione pateant: Papillarum in lingua copiosum deprehendi proventum, ex institutis animantium anatomicæ elevationis portionem gustandi ministerio non inepte designaveram, residuum autem vel ad ebibendum tenuiorem cibi succum, vel saltem ad juvandum gustum dubitative decreveram. Illuxit tamen interim veritatis scintilla, & si Promethei igneas particulas è coelo deductas, per universum dispersas, fortuna quandoque recolligi, & lucentem excitari flammam ætque hunc est dictum, ita jure merito Fortunæ * ac Artis ope veritatis hæc hiic inde dispersa semina me collegisse gloriari poterò, his omnibus consentiente Hippocrate hisce de Præcep. exaratis: *Proinde statuendum est Naturam à multis, ac omnigenis rebus moveri, ac doceri, ita ut violentia quedam subsit: mens autem ubi ab ipsa accipit, veluti dixi, postea ad veritatem perducit.*

Quibus autem, & quæ detexerim, paucis exposita audire ne gravaris. Mens de ambiguo usu, pyramidalibus in lingua descriptis papillis assignato, anxia torquebatur; oculorum igitur aciem microscopio munitam, veluti auxiliares convocat copias, & quia brutorum non aderant illico perquirenda membra, extremum digiti lustro apicem, & dum attentive inæquales illas rugas quasi in gyrum, vel in spiras ductas contemplor, en è quibusdam alveolis, & sinibus subrotunda, ac veluti diaphana emergunt corpora, miro ordine per interiora totius digiti faciem copiose dispersa: Exultavit animus rei novitate latibundus, & præcipiti, subitoque quodam judicio, in cum venit sensum, exigua hæc corpora eandem naturam, & usum cum pyramidalibus lingue papillis fortiri, latumque philosophandi campum mihi videbar aperuisse, sed breve conceptæ hoc felicitatis momentum oculus effluxit, dum enim longiori iterum indagine perquiro papillas detergo digiti apice, frustra eas quero, mox sensim crumpentes compresso digito auctiores, & diaphanas reddo, & tandem mutata figura effluere, non sine animi motore: (ut verum tibi fatear) intueor, atque iterum abstergo digito humoris instar eas abire conspexi: His tamen nequaquam fractus animus ex concepto in utrisque papillis usu, quo sibi maximè complacuerat, aliena jubet rimari ex inæqualitate cutis quæ in nobis etiam observatur, latens aliquod papillæ consimile se reperturum confidenti.

* Quod in seipso
Catholici illam
homines libera-
tem docent ex-
plicare.
† Id est insensibili-
tem Providenti-
am.

* Hic est Divi-
na dispositio.

In pede igitur Suis, quem coctum illicò habere licuit, detracta duriori ungula, dum subnigrum quoddam involucrum reticulare, ejusdemque naturæ, ac in lingua observaveram, evello, en oblongas papillas, & ferè pyramidales offendo, quæ veluti eductus è vagina ensis emergunt: Hæ implantantur in nervoso, & satis crasso corpore, quod alias papillare placuit appellare corpus, cum revera sit cutis, seu vulgatum in brutis corium; commune totius corporis integumentum.

Ardentior itaque redditus animus, alia perquirenda dijudicavit, & præcipuè in pecudum genere, in quo non absimilem deprehendit partium structuram; unde eadem libuit experiri in bove, in quo, sicut in cæteris consimilibus, visa est Natura extremo pedi veluti calceum induxisse, nam anteriori in parte bifidæ emergunt ungulæ inclinatè deorsum protractæ, & solidiores videntur; in posteriori verò parte, & in ipsa planta pedis à situ metacarpi usque ad pedium molliores sunt; si autem coctura media evellatur ungula, vel sectio per longum in molliori, & posteriori ejusdem parte fiat, occurret primò ungulæ structura, quæ virgularum videtur congeries, densata tamen, ita ut non leviter accidentia immutata videantur, & ubi fuscus definit color, albo quodam subsequente molliori corpore deprehenduntur nervæ fibræ, seu protractæ papillæ, quarum elongatam propaginem per ungulæ structuram oculis persequi poteris ad extremam usque superficiem, & si vi easdem detrahas, foramina quamplurima, qualia in lingua, & buccis observavimus, reperies, ita ut ungulæ portio præcipuè ad calcem, & subsequens mollior substantia, totis vicem, & naturam gerant. His adnectitur papillare, seu cutaneum corpus, quod multam crassitiem, & in sui centro multiplices glandulas continet, quæ propriis excretoriis vasis pollent, ut in homine, & brutis etiam contingit. In anteriori parte, ubi superius exortum habere videtur, gracilior est, & sensim crassescit, & perforatis etiam suæ substantiæ fistulis erumpentes è subjecta cute nervæ papillas admittit, quæ inter evellendum earundem quandoque fistularum ora lacerant.

Ex his dubitari potest, an ungulæ substantia sit fibrarum nervæarum compages, an verò additamentum, vicem gerens furculorum, & vaginularum, quibus contentæ hæ papillæ facilius in longum ductantur, simulque a continuata attritione custodiantur. Utrumque tamen probabile est: sensus enim judicare videtur protractas nervæas papillas è cutaneo corpore per mediam ungulæ, & insuper aliud mediat inter vaginulas, veluti peculiare parenchyma, in quo ungulæ natura præcipuè relucet: unde valdè congruum est censere, fibras perforatas, quibus nervæ papillæ sensim solidiores redditæ ad extimam usque superficiem feruntur, unà cum mucosa, & nervæa exsiccata materia, quæ enata inter fistulas spatia replentur, ungulæ compositionem constituere. Hujus similitudinem in bovino cornu non raro reperimus, in quo hiantes veluti tubulos ad extimam usque superficiem observamus, ita ut cornua veluti capitis ungulæ sint. At si lubet meum circa hæc sensum exponere, brevibus accipe. Ex diligenti indagine, prout rudis fert sensus, & ratio, in eam veni senten-

sententiam, ungulam tum duriorem, tum molliorem esse appendicem cuticulæ, & retis, seu mavis eandem cum contentis papillis reficcatis, & solidioribus factis, quæ deorsum inclinatæ extremum pedis attingunt: in pennatis enim exterior unguis evidenter propagatur à cuticula, quæ in ipsis squamosa, seu cartilaginosa ferè est: & in agni pede per plures dies enecati avulsa cuticula cum reticulari involucri subsequi continuatam ungulam vidi, per quam, veluti per vaginulas, evidentissimè elongabantur nervæ papillæ à subiecta cute enatæ. His accedit ratio, nam sicuti in aliis partibus reticulare corpus crassius fit, ut in longius deducat ad exteriora papillas: probabile est etiam in pedibus, ubi maximunt requirebatur tutamen, solidescere eodem, & cuticula custodiri; & dum mente hæc perolverem, placuit iterum linguæ cornua in bove præcipuè cartilaginosa accurationi indagine rimari. Hæc itaque laceratione facta separantur à papillis illis grandioribus gustantibus tamen minoribus, quas appendices aliquas promere alias descripsi, occurrentes cornuum radicibus; undè collegi cornua esse velut ungulas minimas compositas exteriori, inquam, involucri & reticulari corpore; nam in radicibus dum evelluntur cornua, retis circumambiens portio laceratur; insuper per hæc, veluti per protractas fistulas propagari video nerveas illas papillas, hoc est, fibrularum minimarum fasciculum, qui solidior redditus velut alterum unguem componit. Nec reluctatur exterior figuræ similitudo, & organizatio, nam, ut alias habui, unumquodque cornu est veluti virgularum plexus.

Nec improbabilia fortè hæc mea, licet inania, cogitata judicabis, si perpetuam scalpendi superiora contempleris necessitatem, ut mucositas à palatinis glandulis exprimatur, & ruminatio facilior, & securior contingat; his namque veluti carninatorio pectine, vel saltem multiplicibus unguibus macerata cibaria in frustula lacerari, & comminui possunt. Viarum enim, & receptaculorum asperitatem, hujusque necessitatem sufficienter probavit insignis *Fabricius ab Aquapendente*, & humana insuper firmavit ruminatione: in ventriculo enim dissecti ruminantis hominis internam superficiem valde asperam observavit, quin & in ruminantis parte (fuisse Naturam credes) durissimum corniculum erupisse narrat. His addere poteris ex continua attritione, rerumque asperarum contactu, dum lavigatur cibus, lacerationis, vel saltem indurationis in mollioribus papillis, tum gustantibus, tum sensitivis, futurum periculum, ni quid medium solidius, & altius excogitasset Natura. Easdem meditationes, quibus in unguium indagine uli sumus, in Rostro etiam usurpare possumus, nam substantia non videtur unguibus absimilis; nec usus reluctatur; eadem enim ratione tactus, & fortis apprehensio avium ore, ac nostris manibus, & brutorum pedibus promi possunt.

Quoniam ut plurimum Naturæ ferè consimilis solet esse operandi methodus, ut ad rem nostram deveniam, vel saltem analoga, vel diversa structura in obscuriorum exploratione lucem ferre solet, ideo placuit Pennatorum pedes inspicere, & in gallo præcipuè Indico totam plantam quibusdam tuberculis assurgentem reperi, ita tamen,

ut

ut singuli monticuli subrotundis quibusdam corporibus coagmentari videantur; detracta interim cuticula extima, quæ crassior densiorque est, & in pedibus quasi squamosa redditur, occurrit papillare corpus seu potius subiecta cutis, à qua papillarum acervi erumpunt, ita tamen ut etiam minor quilibet monticulus congerie erumpentium papillarum coarctetur. Idem observare licuit in grandioribus papillis, in linguae basi & buccis locatis.

Sed quia brutorum aliqua, præcipue Quadrupedia, superiori labro, & extremis paricibus, veluti manibus, terram, & objecta alimenta explorare solent, necessarium duxi inquirere, an in huiusmodi consimilem structuram molita fuerit Natura. Bovis igitur labrum ad trutinam revoco, & in superiori præcipue parte, clare quædam areæ, diversæ tamen figuræ, in cuticula sese offerunt, nigriores tamen papillas in singulis areis copiose dispersas reperio, inter quæ latiora quædam hiant foramina, quæ salivam, sive sudorem compressa narium mole pleno ore cruant: dum interim externum involucrum evellitur, ecce papillarum pedunculos abripi, disrumpique video: hi autem erumpunt, ut mos est, à reticulari, & mucoso corpore, & tandem altas habent radices in subiecta cute, sub quâ copiosissima locantur glandulæ proprio vase excretorio ditatæ, ad exposita orificia desinentes. In Sue etiam eandem forè structuram adinveni.

Postremum examinanda occurrit *Manus*, in cuius vola clare quædam rugæ diversas figuras describunt; in extremo tamen digitorum apice spiritaliter ductæ, si microscopio perquirantur, patentia sudoris ora per medium protracti dorfi exhibent; ut autem interiora patrent, admoto candente ferro facile extimam detraxi cuticulam, quæ striis subiecto corpori correspondet; & ubi sudoris excretoria vasa hiant convexa quædam pellicula interiora versus non adsimilis incurbitulæ extenditur, ad edendum forè valvulæ ministerium, ut interdum tensa detineat sudorem, & laxata exitum permittat. Post hanc evellendum sese obtulit reticulare corpus, ejusdem altitudinis, ac alias in lingua observavimus, cujus crebris foraminibus continentur non solum sudoris vascula, sed innumere penè pyramidales papillæ: hæ autem emergunt à subiecta cute, sub protractis enim singulis rugis, quæ in cuticula, & rete protuberant, bini papillarum ordines paralleli per longum ducuntur, in quorum medio dispersa locantur sudoris vasa. Hæ igitur copiosissime papillæ juxta morem è cute erumpentes tandem in cuticulam desinunt, & singulæ in plures veluti fibrillas dividi videntur, ut in galli Indici pedibus observatum superius retuli.

Universalis tactus usus in exterioribus corporis partibus exigit peculiariora in toto animalis ambitu organa. Unde Boum, & similibus pilis obsectorum ceppi rimari cutim, & occurrerunt extrema capitula exquisito microscopio detecta, inter pilos, & excretoria sudoris vasa copiosissime disposita; nam avulsa cuticula vestigium in Boye præcipue emergit, & continet has assurgentes papillas, è nervæco, cutaneoque corpore. In Sue, ubi cutis rugæ tere consumiles nostris sunt, dum in pedibus cuticula præferum nigra detrahitur, papillarum pyra-

midalium cumulus non abſimilis jam deſcriptis, in Bovis labro, lingua, planta pedis Galli obſervatur; ex quo tranſeunter deduco non incongruam fortè nigredinis Æthiopum cauſam: certum enim eſt, iſtis cutim albam eſſe, ſicuti & cuticula, unde tota nigredo à ſubjecto mucoſo, & reticulari corpore ortum trahit, & quia diverſo quandoque in variis locis colore inficitur; modò enim nigrum, ut in lingua, modò album, ut in palato, modò ſubflavum eſt; ideo cenſeo ejuſdem varietatem in hominibus contingere poſſe, in ſingulis enim cutis partibus videtur neceſſaria hæc colligantia, & papillarum tutela, quæ hoc rete habetur.

Ex his, & ſimilibus videbatur animus abunde certior redditus, earundem papillarum pyramidalium copiam, quas aliàs in lingua deſcripſi, in locis præcipuè exquiſitioni tactui dicatis reperiri, eodem progigni nervoſo, & cuticulari corpore, ſimulque circumvolvi reticulari involucri, & extimam cuticulam, veluti ultimum terminum attingere, rurfus in corporis etiam ambitu eaſdem conſpici minores tamen, ſed prorsus eadem ſervata ſtructura, & ſitu, quod ultimum in homine ipſo comprobavi, dum brachii cutim perquirem; microſcopio etenim quilibet in manus dorſo pro ſudore oriſicia quædam miro ordine diſperſa intueri poteſt, circa quæ frequentia quædam capitula aſſurgunt, hæc verò ſunt papillarum fines, dum à cute aſſurgentes interpoſitum ſuperant rete, ſimulque extimam cuticulam.

Hæc repetitis ſectionibus deprehendi, ex quibus non improbabiliſter deducam, ſicuti ex grandioribus, & elatioribus papillis, aliàs à me in lingua obſervatis, guſtus organum elicitur ex peculiari ſitu, & nervorum protractu, ita ex copioſa harum papillarum congerie, & copioſiori, grandioriſque earum proventu in organis, ubi maximè animalia tactus motione afficiuntur, ex earundem etiam propagine in reliquo ambitu, ubi tactus vires etiam exerit, adequatum tactus organum ſufficenter haberi.

Nec difficulter in meam ibis ſententiam, dum tibi occurrer tactus organum calidis, frigidis, aſperis, levibuſque præcipuè corporibus excitari: cum enim hæc omnia, ut aſpera, & ſimilia, nequeant ob ſoliditatem, ultra cuticulam intimè penetrare, ut ſenſationem excitent, fatius eſt credere naturam appendices hæc papillares extra cutim erumpentes paſſe, ut facile obvios externorum appellentium impetus, motioneſque licet leves, deprehenderet. Animalia enim in pleno collocata voluit Natura, ut ambientium continuis impulſibus identidem ſenſuum brutorum principium fortè à ſuo motu dimoveretur, vitaliterque agitaretur, juxta illud Platonis in *Timeo* dictatum: *Porro ab iis omnibus per corpus motus uſque ad animam tranſeunt, qui propterea, & in initio, & nunc Senſus cognominati ſunt. Hi quidem ab initio continui multos, & maximos motus cient rivo illo continenter fluente, atque his fluctibus vehementer animæ circuitus quatunt, & circuitum quidem illum ejuſdem, ſimiliſque naturæ in ipſo curſu prorsus impediunt.* Ut hæc autem diverſa commercio miſcerentur, extremas hæc papillarum appendices addidit, unde apud Veteres prolatum extat, animalia velut ſcabiſſorum ritu, quæ perpetuò ſcalperent, exoptare: his namque vita-

lis

lis illa flamma concitatur, cujus quiete, vel mavis non perturbato perenni placidoque motu torpet brutorum vita. Et Stoicorum dogma fuit, à principali animæ parte septem veluti polypi brachia extendi, à quibus exiens spiritus quinque vulgares sensus, semen insuper, & vocem promeret: satius tamen, relicta animæ divisione, cerebro polypi naturam congruentius adaptare possumus, cum extremis nervis propaginibus, veluti oblongis exortectis brachijs, externorum ictus, & concussioniones, quæ à se longe contingunt, ex inducta titillatione noscere valeat, ita ut vel alteri communicare possit, vel saltem terminata in seipso nova illa motione reagendo sentiat. Pro evidente autem, & vehementi etiam elicienda sensatione non par est, ut consimilis ex æquo succedat ab objectis concussio, & motus, sed levissimus ictus per longum etiam tractum deductus vehementissimum in sentiente paries motum, quod tu ipse in mechanicis quotidie comprobas, quæ tamén hominum sunt machinamenta levia, & valde inepta, si naturæ æquiparentur organis, & sentientis mobilitati.

Dilucidiora forsàn videbuntur hæc ita exposita circa tactus organum iis, quæ ænigmaticè protulit *Aristoteles*, dum assignaturus organum tactus habet, *tactus instrumentum esse quiddam intus in corpore additum quod potestate tale est, quale actu est tangibile*: quod quidem licet à Commentatoribus, tum Latinis, tum Arabibus pro nervo exponatur, non tamén ex eo habetur immediata configuratio, & situs organi, quod si sub carnibus locaretur, nequaquam asperis, levibus, & similibus attingeretur. Immediatius videtur hoc assignatum organum cute simpliciter prolata, nam vel cum *Galeno* carnem sentire arbitramur, quatenus sua temperie qualitatum omnium excessus, ut quid medium judicare possit; vel cum nunquam satis laudato *Gassendo* putamus tactum fieri, quatenus ab externis concussa, & pressa cutis, eò quia perpetuò tensa maneat, resiliendo deturbare valeat spirituum motus in continuis nervis; illud occurrit, in cute rugositates, & laxitates adesse, rursus spirituum concussionem facilius & efficacius fieri vellicatis, & commotis iisdem immediatè nervis, qui à cute crumpentes in promptu sunt. Nec aliòquin acutissimus *Andreas Casalpini* in quæst. Periparetic. nobis sufficienter suadet, licet subtiliter incedat, tactus organum esse, vel cor, vel saltem carnem, quatenus similis est, & inde compati nervum, quia contiguus est carnibus; nam labile valde est illud, partes esse alias spermaticas, cæteras verò sanguineas: & dubitari etiam potest de exquisita similitudine: accedat etiam, pluribus in partibus sensum tactus excitari, non existente carne, vel fibrosa substantia.

An vero papillæ hæc in pedibus, cæteroque corporis ambitu crumpentes sint appendices cutis eadem excitatæ substantiâ, an verò sint nervorum extremi fines cutim-perforantes, ad trutinam esset revocandum: ex his tamen quæ Natura molitur in cæteris sensorijs, ut in papillis præcipue gustantibus observamus, valde consonum est, nervas potius esse portiones: & si verum est illud, quod apud plerisque jacatur, quandoque stuporem in determinata, hæcque exigua etiam parte, orti, & affecto nervoso insuper genere sensum etiam aboleri, probabile

babile erit, totum hoc negotium ubique ope nervorum fieri, quod indicare videtur Benedicti observatio in muliere à viro supra humerum scipione percussa, cui stupidi in manu redditi sunt digiti, unde cujusdam emplastri usu, non manibus, ut imperitus Chirurgus administrabat, sed collo appositi, convaluit. Extat pulcherrima illa ex *Gassendo* mulieris història, cui per longum tempus inscie pes sphacelo correptus exesus est, hæc interim se pedis digito dolere affirmabat, evidens indicium, residuum funiculi nervi abrupti, qui aliàs per digitum dispergebatur, mordicatione affectum phantasie illussisse, cui aliàs consueverat digitorum passiones renunciare. In me ipso hoc etiam experior, dum enim diutius cubitis mensæ, vel lectulo incumbō, auricularis digiti pars interior, & continuata manus vola, ubi præcipue ad exteriora vergit, stupida per aliquod temporis spatium redditur, quod vitio compressæ cutis non accidit, hæc enim toti ultra cubitum eodem tentaretur symptomate; sed probabilius est affectione quadam in nervo suborta ex forti compressione nervi truncum non consentire, & compati vellicatis extremis papillis. Sensus etiam suppetias ferre videtur; in labro namque superiori, & naricibus suis maximus nervorum proventus per longum excurrit, à quo subobscurè videntur propagari hujusmodi papillæ: adsunt & alii ferè innumeri nervi ad cutim ibidem hiantes: in lingua etiam dum carnosæ fibræ vi à supposita cute, seu nervacco corpore evelluntur, multæ nervæ portiones cutim atq; penetrantes reperiuntur, præter ramos insignes gustantes proprias promentes papillas: quimo si lumine lustretur linguae cutis, oblongas nerveas, hæcque insignes fibras exhibet.

Antiquiores Anatomici, non reluctantibus etiam Neotericis, tantam nervorum sobolem in cute notârunt, ut nervum sanguineum dixerint, & alii unicam nervorum extimam expansionem putaverint. Et licet adhuc dubia videatur cutis accurata compositio, ut videre poteris ex *Dottissimo Jo. Theodoro Schenckio*, certum tamen est ex inspectione corii tempore consumpti, sub exteriori cutis portione, quæ sui generis esse videtur, lavis scilicet, & glutinosa, fibras penè infinitas per longum, & oblique circumductas locari, ita ut hic tomentosa fiat cutis, & non raro observavi ex fibris per anteriorem cutis partem excurrentibus rete quoddam fieri, quale in folio ficus opuntia resoluta carnosa portione ex fibrarum contextu conspicitur.

Cujus autem sint propagines, adhuc videtur dubium, nec levis pro hoc determinando mihi superesset labor, & cadaverum, brutorumque exigeretur ferax census, quod utrumque & temporis angustia, & graviores prohibent curæ. Ex diligentibus tamen divini *Vesalii* Observationibus evincitur, in facie, brachio, cubito, & manu, deinde in cruribus, & pedibus, ad latera etiam thoracis exportrigi nervos diverso exortu, partésque oris, & faciei à tertio pari attingi. *Veslingius* à tertio, quarto, & sexto nervorum pari propagines ad cutim deficientes observat. Præclarissimus *Willis* in elaboratissimis, & nitidissimis observationibus quintum, sextum, septimum, ab ipso ita dictum, admittit; quibus non incongruè addi potest vagum præcipue illud octavum par: & *Jacobus Sylvius* in laboriosissimis nervorum Tabulis à me-

à medulla spinali plures, & plures describit in varias cutis partes appellentes.

Scio interim istud urgere assertam papillarum productionem è nervis cutim perforantibus, incredibile, inquam, esse, tot, penèque infinitas, per ambitum corporis erumpentes papillas portiones esse nervorum, à spinali medulla, toto etiam cerebro, ac cerebello prodeuntium, quia si omnes recolligerentur, mole sua longè medullæ, cerebri-que excederent fasciculum. Tibi tamen, qui mirabilia in Natura detegis, levia hæc videbuntur: quotidie enim experiris immensam ferè radorum copiam à viso insigni spatio, veluti protracta tenuissima filamenta, in angusto pupillæ, vel altero etiam exteriori intermedio foramine interfecari, & intimè uniri, non vitiata singulorum rectitudine, nec integritate, ità ut si exiguum illud, & angustum foramen peramplo objecti spatio comparetur, nulla sit excogitabilis proportio. Simile quid sensibilibus isthic in plantis reperies; ab exiguo etenim, & arcto caule fibrarum ingens proventus erumpit, ut prægrandia folia, flores, & fructus etiam emergant; & tamen certum est, non multiplicari fibrarum numerum, sed easdem à trunco tantum elongati. Confinile etiam evidentius in arborum truncis contingit, quibus nullus unquam filamentorum molem, ramos, folia, & fructus componentium, comparabit.

An in tactu exigatur medium, disputatum est, antiquius plures enim admiscere diversa media, propter vulgatum illud, sensibile supra sensum positum non facere sensationem. Non desuere tamen, qui in tactu mutuum, & immediatum contactum requiri crediderunt, eò quia impossibilis, vel saltem superflua videbatur speciei intentionalis productio, cum interiores etiam manus partes frigidescere, & incallescere possent. Utrumque conciliari posse videtur; nam papillæ in brutis ungula pollentibus evidenter protrahuntur usque ad extimam superficiem, cum ea tamen conditione, ut mutata quasi natura non amplius nervi speciem exhibeant, sed quid medium, ad reddendum fortè moderatiorem, & magis consonum impulsum. Idem etiam de minimis per ambitum cutis dispersis philosophandum videtur, nam exterius certum est observari, præcipue in dorso manus, elevata quædam capitula, miro ordine disposita, quæ in avulsa adhuc cuticula retinentur, & in interiori parte remanet pediculi vestigium, ità ut valde probabile videatur arctè amplexari a cuticula admittentibus particulis, & aeris occurfu, & continuo contactu crassescere, undè nil mirum, si hac, vi morbi, aut externorum injuria, detracta, acutior subsequatur sensus, & quasi dolor: probabile enim est in animalibus ungula prædixis, & in cæterorum cute, eandem accidere motionem in continuatis mollioribus nervis, seu papillis, quæ in vola cæci manus ex baculo, objectorum extrema tangente, indices contingit; nam manus papillæ continuis baculi fibris, veluti medio quodam, vel appendice, elongari videntur, vel mavis, objectum illud his interpositis, absque eo quod approxinetur, & loco moveatur, ferire & pulsare easdem tentat.

Sed anxium te video in perquisitione mihi illius artificii, quo pulsat, vel vellicato extremo nervorum sine sentiat animal, quod quidem à teipso facilius attinges, quàm à me speres: de hoc enim monebat *Hippocrates*: *Quicumque igitur hæc recte judicare novit, magnam sapientia partem novit.* Quare hoc omisso, nonnulla cuti ipsi annexa breviter subjungam. Notum est igitur ipso sensu, quod etiam brevibus innuit studiosissimus *Stenon*, sub cute in toto tunc corporis ambitu, sub brutorum, aviùmque pedibus, & labiis, glandulas milii instar immediatè, & arctè locari, ad quas per transversum excurrens nervus hiat, ut evidentissimè in suis naribus conspicitur; venæ pariter, & arteriæ minimæ propagantur, excretorium insuper vas crumpit, quod evidenti orificio inter pilos in brutis hiat, ità ut in bovinis naribus compressione media excuntis-liquoris guttæ evidentè profiliant. In hominibus etiam in manuum vola copiosissimè disperguntur, sicut in reliquo exteriori corpore. Has sudoris fontes esse non incongruè censuit laudatus *Stenon*, sicuti & insensilis transpirationis, & sensilis etiam officinas esse ego censeo: Exterior enim, dum moderate calent manus, appositam microscopii lenticulam veluti aqueo vapore obnubilari, & à cibo leviter compressis digitis copiosas aquæ guttas promi, & tu ipse non absimilia philosopharis, dum ex nebulofo, vel intempestivo aeris occurfu gravitatem corporis, totiusque hebetudinem, cum glandularum, quæ ad fauces sunt, insigni turgentia experiris, quæ omnia subsequens febris excitato sudore jucundè tollit. Nec credibile est illud antiquitus evulgatum, cutis poros eodem esse, ac extrema venarum, & arteriarum ora, à quibus serositates, & quandoque morbose minere eliminentur: nam constat, orificia, præter insignia illa oris, oculorum, narium, &c. dependere à crebris, & frequentibus osculis excretoriorum vasorum à substratis glandulis emergentium. Et, ut verum tibi fatear, qui levissima mea eximià illà tuâ Humanitate non dedignaris, difficilis, valdeque obscura, ne dicam impossibilis, mihi semper visa est ab interioribus visceribus ad cutim via, in obesis potissimum: Nam effluvia illa, quibus transpiratio celebratur, vel per propria vasa à singulis, qua diminutionem patiuntur, usque ad cutim deducuntur, vel cæcis quibusdam pororum ambagibus tandem crumpunt per poros insensiles cutis; utrumque difficile videtur, tum quia pene infinita exigerentur vasa, quæ adhuc tamen nos latent, tum si à centro corporis elevarentur continuo halitus, & musculos etiam, membranasque pertransirent, in obesis præcipuè ex circumposita pinguedine detinerentur, & coercerentur effluvia. Quare probabilius credam, jacturam, quæ nutritionem perpetuam exigit, non tantum fieri ex exhalantibus calidis particulis, quæ revera non exiguæ sunt, & maximè activæ, sed ex detersione, abrasis scilicet particulis ex continuo sanguinis per circulationem impulsu, novis quandoque veteres pellentibus: undè hujusmodi particule jam liberiores redditæ, vel redeunti sanguini per venas miscentur, vel saltem per famigeratissimi *Bartholini* lymphatica ad præcordia iterum refluunt, quare vel per insensibilia emunctoria, quibus addere

addere poteris pulmones, utpote non intimè sanguini commixta excidunt, aut per arterias ad glandulas ambitas, sive per nervos delatit separantur, ita ut ubique perpetuum fiat effluvium. Eandem etiam evacuationem in intestinorum oblongo tractu fieri juvenibus minimis glandulis, cæterisque vasorum generibus, in meipso experior; nam flante Austro excitatur in me totius lassitudo, carniū turgentia, & liquidis copiose solvitur alvus: & Hippocr. 6. Epidem. docebat, *cutis raritatem, ventris densitatem*: cum enim eadem sit evacuanda materia, diverso licet loco, aliquando contingere potest, si per alteram partem copiose derivetur, minui alterius emunctori excretionem. Dubitare insuper poteris, solidas nostri corporis partes, præter aliquas caloris particulas, in grandioribus tamen natas, & sufficienter auctas, nullam deperditionem subsequi, sed omnem contingere transpiratum ex humoribus in libertatem eVectis ex perpetuo ipsorum intestino motu, cujus perpetuitas ex continua separatione, & additione manutinetur: Hoc tuis profundis speculationibus investigandum offero, illud unicuique circa sudoris usum addens; tam scilicet, dispersis, hisque minimis glandulis excerni per totum sudorem, ut madidæ fortè papillæ nervæ reddantur, ne arcescant, & ne callo quodam ex assiduo usu tententur: unde in locis exquisito tactu pollentibus plurimus sudor erumpit, ut in plantis manuum, & pedum, sub axillis, in thoracis lateribus, & similibus, ad quem promovendum copiosas, & insignes glandulas excretorio vase ditatas Natura addidit.

In cute inter nervas papillas pili, & plumæ consistunt, ex diversitate specierum in animalibus observantur: Pilorum generationem recognovit antiquitas ex fumosis, & terreis fuliginibus; eorum tamen accurata structura manifestò rejicit excrementitiam naturam; & tu ipse in hisce tuis speciosissimis hortis noscis multiplices plantas in arboribus dorso, & cortice nasci, ibique altas promere radices, quod non absimile de pilorum natura philosophandum; intimè enim cutis penetrant crassitiem, & rotundo quodam, & mucoso capitulo in ovoli quodam involucrio implantantur, veluti in florali telia, ad quod involucrium nervus evidenter propagatur. Idem etiam in pennis accidit, nam determinato ordine e cute assurgunt, & ad radices globulus quidam nerveis præcipuè propaginibus contextus observatur, qui in gallinaceo genere peroptime conspicitur, ita ut plicæ in cute ejusdem subortæ ortum trahant, & subsequantur nervorum reticularem, & formosum plexum; non absimilem ei, qui etiam in externa manuum cute observatur: probabile enim est ad pilorum quoque radicem analogas nervorum ramificationes ferri.

Pluribus, quàm par erat, animi tui quietem perturbavi hic, ubi præcipuè, civilibus solutus curis, tuis istis in Hortis, fontium, fructuum & florum coria, dulcedine, & amoenitate, Astronomiæ, Mathematicos, & Physicæ severiora demulces studia, ita ut Villæ istæ tuæ præsentem nihil desit, quod prisca Academiæ invidet. Expectamus interrim doctissimi Caroli Fracassati in Pisano Lyceo summa cum laude Anátomes Professoris meditationes de Lingua; eaque, quæ adhuc sub prelo

prolo sunt, accuratissimi *Laurentii Bellini* de *Saporibus*, in cuius, ut spero, lucubrationibus licebit purgatissima, ac optatissima inventa, & dictata celeberrimi *Joannis Alphonfi Borelli* nostrum amicissimi degustare. Aliqua de more medietur sublimis illa tua mens circa exarata, ut redux in Urbem tuis me bees colloquiis. Vale.

Marcelli

Marcelli Malpighii
 EXERCITATIO
 DE
 OMENTO, PINGUEDINE,
 ET
 ADIPOSIS DUCTIBUS.

Manibus me jamdudum niti debere ad res deprehendendas duxi, aurum hujus seculi morem sequutus, quod post administratam metallorum ad fatietatem resolutionem, & exercitatas ad exploranda physica mechanicas machinas in animalium perquisitione manibus sibi sciendum proposuit, vetustissimo excitatum Anaxagoræ monito, sapientissimum ideò videri hominem, quia manibus esset instructus, quas etiam rationis, & Sapientiæ ministras Veteres pronunciarunt. Quare diu præ cæteris Fallopiana illa de Omenti usu ingenua ignorantia me in ejus indaginem excitavit, ratum nonnihil etiam lucis allaturum tenebrosis circa pinguedinem placitis: Non enim acquiescebam congeri pinguedinem transfudante oleosa materia à sanguineis vasis, ex naturæ necessitate, & vasorum conditione, ad fovenda scilicet viscera alimentis destinata, cum non assuescat Natura, incongrua, & inutilia in corporis penitioribus cumulare; quin & in ipsis præcordiis, de quibus præcipue sollicita fuit: Nec adeò cæcutivit natura in separandis, miscendisque corporibus, quibus confatur sanguinea moles, vel adeò defecit in densandis vasorum tunicis, ut delata continuo per vasa alimonie pars in itinere elaboretur. Hærentem insuper reddebant mentem vulgaris de omenti, & pinguedinis usu apud omnes sensus, ad fovendum scilicet calorem ventriculi, aliarumque partium, cum patcat, coctionem ventriculi, cæterasque ferè omnes, longè diversam à calore agnosce-re causam. His itaque impulsus, manus, oculosque microscopio munitos non parùm exercui, nec frustraneum excitavero laborem, dum inventis aliquid fortasse addere contigerit, brevibus quidem aperciendum.

Vulgatum, receptumque est apud omnes Anatomicos, Omentum constare ex duplici membrana, levi tamen, & tenui, cujus quidem productio, & exortus diversimodè habetur à Peritonæo, Mesenterio, Diaphragmate, Ventrículo, & Spina: Nectitur pluribus etiam partibus, Intestinis scilicet, Lieni, Hepati, & Mesenterio, unde à quibusdam in partes divisum nomenclaturas recipit, ultra antiquam illam divisionem in alam anteriorem, & posteriorem. Expanditur autem hæc membrana in orbiculatam figuram adinstar marsupii aucuparii; in hujus cavitate, ex aliquibus, continetur naturalis spiritus: *Fabricius ab Aquapendente* clarissimum credit, esse sedem flammæ, quibus torquentur hypochondriaci: aliis autem, ut *Laurentio*, visum est, humorem ad intestina assidue influentem in omento, velut in æstuariis, asservari; & *Baubino* Lienis illuviem in tumores, & apostematata relectam, in omento, velut in Sacco, coacervari. Densissimam sensuit *Piccolomineus*, in hunc finem, ut obtensa super intestina volitantes per imi ventris capacitatem oleosos sanguinis vapores lentoris participes veluti rete, interciperet, & contineret. *Joa. Baptista Cortesius* Concivis, & famigeratissimus Prædecessor meus, membranam hanc exiguis foraminulis percusam observavit, quæ ab aliquibus in sola superficie emergere creduntur. Per hanc reflexam, vel duplicatam excurrunt venæ, & arteriæ comites; unde plures etiam, velut alterum mesenterium, ad fulciendos venæ portæ ramos, in lienem, intestina, ventriculum, & jecur propagatos credere. Ad latera vasorum circumaffunditur copiosa pinguedo, quæ ab aliquibus cœnosa censetur, ob facilem putrescentiam, quam ex aeris externi appulsu concipit: Hæc uno ore fieri creditur ex oleosa portione sanguinis toris instar à venis exudantis; licet concretionis ratio non eadem apud omnes exponatur. Hæc, & similia, prout videre potui, sunt ea, quæ communiter apud anatomicos habentur de Omenti structura, & pinguedine, quæ tamen ex his, quæ longa exercitatione in re tam à sensu remota colligere potui, non leves quidem patiuntur difficultates, & discrimina. Et ut ad rem propius accedamus, Omentum constatur quidem ex tenui extensa membrana, sed in sacculos, strias, seu majoris amplum vas excavata, & propagata, quæ amplexu subsequitur venarum, & articularum propagationem, ita ut cum venæ, & arteriæ reticulariter ad latera, in sinibus propagentur, eodem sacculo, seu membranosis striis in continuata propagine investiantur, intus etiam contenta pinguedine; ea tamen lege, ut è tota stria, seu sacculo, minimi lobuli, diversæ figuræ pinguedine repleti, propriis vasis irrigati, propriæque membrana obvelati, ut in pulmonaribus ramificationibus ex sibi invicem adaptatis lobulis alias observavimus, contineantur, & investiantur: Quæ omnia in Homine evidentissima sunt, in Canè, Cervis, Sue, & quibusdam Piscibus, in quibus observamus protuberantes, & elatas hujusmodi strias, quæ in minores proportionaliter decrecentes in vasorum modum undique sparguntur, & nonnunquam propagines ramis, & sinibus sibi invicem anastomosi occurrunt, relictis intra se conspiciendis arcibus, quæ replentur & ipse minoribus etiam ramulis lateraliter à trunco & ramis propagatis ex quorum crebra anastomosi conspiciuntur

cum Rete efformatur, cujus efformata inania spatia quasunque figuras miro artificio fabrefactas præ se ferunt; quare dubitandum venit ex structura, & propagine, vasorum potius, vel sacculorum acervum sapere, quam solius conduplicatæ membranæ, aliàs ventriculus, intestina, venæ ipsæ, artcriæque non excederent duplicatæ membranæ genus; cujus oppositum tamen redarguit ejus artificium, tota consentiente Schola. Dictis additur probabilitas, quando in Ranis natura, loco omenti, & renalis adipis, strias, seu sacculos multiplices oblongos, oleosa substantia refertos, in medio abdomine locavit. In Ovis autem, Bobis, Capris, aliisque certum, inquam, est, omentum fieri ex conduplicata membranâ, in cujus medio propagata excurrunt vasa, ad quorum latera affunditur copiosa pinguedo, non absumili ferè modo, & figura, qualis in humano Omento mox descripta conspicitur. Intermediis autem spatiis continuatæ extenduntur membranæ, & in aliquibus etiam portionibus ita obliterantur dictæ continentes membranæ, ut rete, vel fibrosa veluti vasorum cauda delineetur.

In hujusmodi striarum centro continentur arteriæ, & venæ, quæ à ventriculi fundo, & præcipuè à Liene, in jecur propagantur: hæ per totam omenti capacitatem ramificantur, & ramis invicem unitis conspicua spatia efficiunt, qualia ferè in arborum foliis à fibris designantur; unde ex horum multiplicitate Rete dicitur: nec quiescit hæc natura, dum à minoribus ramis, ut superius innui, à majori etiam trunco undique reticulares multiplicat propagines, non absumiles alias jam descriptis in pulmonibus; ita ut hoc videatur perpetuum in natura, venas, & arterias jungi reti intermedio. Aliæ insuper propagines, seu furculi in mediis striis ipsis emergunt à venis, & arteriis, quæ propagantur ad lobulos pinguedinis, quibus constari videtur totus sacculus, seu stria,

In areis striarum mole circumvallatis, ubi reticularis sanguineorum vasorum propagatio conspicitur, plura, & plura corpora, quæ continuato ductu, quandoquæ flexuoso, per modum retis excurrentia propagantur à stria in striam, & nonnunquam superatis proximis ad remotas deducuntur: hæc interdum, ut in omento histricis de recenti secto observavi microscopio, non solum turgent pinguedine, & evidenter distinguuntur à subiecto reti, sed ubi terminantur, pinguedinosos globulos cructare quasi diceret.

Eadem in Vervecini Omenti portione, ubi ruditer vasorum rete obvelatur, deprehenduntur, quæ à striis, adiposis globulis refertis, erumpentia, sinuosa via ad oppositas deducuntur, & adipe turgida microscopio reperiuntur.

In Piscè, Spinula Siculis dicto, circa ovarium hinc inde usque ad extremum abdominis propagatur omentum reticulare, supra quod fasciculi adiposorum vasorum deducti microscopio observantur.

In Omento Cervino, pinguedine vacuo, observantur in adiposis sacculis hæc eadem corpora, quæ post longam propaginem in hisce membranis tandem solitarie foras erumpunt, & nonnunquam retis ad instar applicantur; hæc mox veluti ad fasciculum recolliguntur, & iterum extensa tandem ad novas strias terminantur.

In

In Bove, & portionibus Ovilli, & Caprini Omenti, ubi densis membranarum vasorum rete occultatur, à lateribus, & finibus striarum, vel sacculorum, emergunt hæc eadem corpora, quæ in oppositos striarum fines desinunt.

In canini Omenti portionibus, ubi aliquod membranæ vestigium adhuc remanet, horum ductuum copiam sæpè mihi videre contigit supra rete excurrentium, & ubi omentum ubique reticulare est absque obvelante membrana, si adhuc calentibus visceribus pertractetur, observantur hæc adiposa corpora supra strias, & adiposos sacculos per transversum excurrentia, & tandem in rete sanguineum ineffabili implicatione terminantia. At quoniam sæpius dubitavi, an omnes reticulares propagines, quæ in area Omenti canini observantur, constituerentur à valis sanguineis, an verò è lateribus sacculorum, sicuti in Cervo observavi, emergerent hæc adiposa corpora, quæ in rete implicita mutuam anastomosen cum venis efficerent, ideo ut hoc exploratum haberem, ligaturas in ramo splenico in canibus, & cuniculis adhuc viventibus effeci, quibus impeditus sanguis stagnaret in venis minoribus, & facta turgentia rubedine solas venas, & arterias nobis indicaret, nec tamen res ex voto successit, nam conspicua tantum vasa, & quedam sanguinea stigmata inordinate situata emergere, cæteris minimis oblitteratis, ita ut hæsitandum adhuc mihi sit, an omnes Omenti propagines reticulares sint propagines sanguineorum vasorum. Dubitandi ulterior mihi exhibet ansam Leoniste Omentum à Præclarissimo Borellio mihi transmissum, in quo extremæ sacculorum, seu striarum adiposarum appendices videntur propagare ingentem vasorum copiam, quæ nullam videntur habere connexionem cum venarum & articularum truncis, & ramis, qui in hoc Omento ex sanguinis contenti rubore, pinguedinisque tenuitate emergunt. Idem philosophandum de Omento hominis, & Suis, in quo moliendo eadem methodo visa est incessisse natura. Unum etiam his addere possemus, probabile quidem esse, cum propaginibus vasorum sanguineorum rete constituentium portiones etiam ex adiposis corporibus necti, & communi involvi membrana à sacculis propagata, quod in Histrice, & in fragmento ovilli omenti observatur, cum reticulares implicationes, & configurationes ex diversis corporibus diversam inclinationem habentibus manifestè fiant. Firmari posset hoc totum arborum observatibus, in quibus, ut in Pino, oleosæ venulæ, & meatus aliis fibris interjecti observantur, quibus sectis copiosa oleosa substantia effluit.

Cujus naturæ sint hæc corpora per Omentum copiose dispersa, ambiguum videbitur, eò quia ob ipsorum exilitatem, & pinguedinis lentorem ligaturæ administrari nequeunt, ideo quibusdam sensatis conjecturis ratione duce, incedendum venit. Et ut clarior procedat exercitatio, ea omnia, quæ huic inyento difficultatem facere possent, tollenda sunt; & primo dubitabit aliquis, an hæc corpora sint fibræ, & nerveæ tantum filamenta, & stamina, quibus singulæ membranæ à primordiis constantur: Huic tamen obstabunt horum corporum propagatio, & processus, qui in areis, membranarum obvelatis, ut in Bove, & Ove, continuato tramine, & super membranam excurrente à lateribus,

ribus, & finibus striarum deducti in oppositas propagantur; in fibris autem membranas componentibus errabundus, & intricatus est nexus, ita ut quandoque inconspicue fiant: In cæteris autem Omentis, ubi vasorum rete membranis denudatum apparet, copiose horum corporum propagines, quæ aliquando reticulariter ramis invicem uniuntur, excurrunt supra rete, & si de recenti pertractentur, globosa pinguedine ita turgida conspiciuntur, ut ejus globuli quandoque enumerari possint. In Cervino, omento à membranosis sacculis, quibus constantur adiposæ striæ foras nonnunquam ad litera erumpunt hæc eadem corpora, quæ cum venis & arteriis implicita rete constituunt, & horum progressus diversus est evidenter à complexu fibrarum, quibus componuntur membranosa striæ.

Negari tamen non potest, ultra hæc corpora, fibras nerveas, tum à nervo, tum à membranis straminibus reperiri, quæ ubi reticulare non est omentum, ut in Ove, Bove, &c. apparent, ad eandem semper regionem propagatæ, & invicem implicitæ, nullo tamen ordine, vel reticulariter invicem unitæ.

Isdem & similibus evincitur, has nequaquam esse appendices, & striarum extenuatas propagines, ad firmum totius omenti robur: nam licet in aliquibus, ubi natura non ex toto obliteravit membranas, observentur vestigia striarum, quæ sensim gracilescendo, tandem, veluti caudam, continuatas propagines extendunt ad oppositas strias, in his tamen, præter hanc productionem, deprehenduntur etiam hæc adiposa corpora sibi ubique similia, & non sensim gracilescencia, aliæque via incedentia, à finibus, & lateribus striarum intimè emanantia.

Postremò hæsitari potest, an hæc corpora sint communiones striarum factæ à pinguedine, quæ calore fusa cuniculosas sibi vias inter membranas efformet, sola materiæ necessitate, nullo intercedente naturæ fine. Hoc autem destrui potest, si consideremus hæc corpora, ubi solum rete vasorum absque membranis observatur, ut in histrice, sinuoso tractu, quin & lateraliter propagatis ramis, hoc rete per longum spatium excurrere, & in insignem altitudinem, si in calenti adhuc animali observentur, elevari. Ulteriùs hæc eadem, ubi etiam arcæ membranis obvelantur, ut in Bove, &c. non in contiguam, vel proximam semper terminantur striam, sed quandoque per globulorum pinguedinis acervum ulteriùs excurrendo in remotos sacculos desinunt; tandem superequitantur adinvicem hæc corpora absque ulla mutatione propriæ structuræ: Quod si contingeret ex sola pinguedinis insinuatione in mutuo occurfu fieret potius pinguedinis cumulus, & interciperetur ulterior bifurcatio, & progressus.

An cava sint hæc adiposa corpora instar venarum, & arteriarum, ita ut quasi per tubulos fusa pinguedo propagetur; an verò sint veluti filamenta, per quæ excurrant adiposæ particule, arduum est determinare, quia ob exiguitatem, & luciditatem, sensus nequit attingere accuratam, & minimam structuram. Probabilis mihi tamen videtur, vasa esse, quia in recenter mactatis æqualiter turgida apparent, & videntur veluti intestinula globulis repleta.

A quam parte oriantur adiposa hæc corpora, nondum mihi sensibus colligere licuit, quamvis in pluribus, hisque diversis, animalibus Omentum exploraverim; quia ob exilitatem, & dissipatam pinguedinem obliterantur posteriores processus. Brevibus perstringam, quod mihi probabile videtur; ut à sagacioribus accuratius res investigetur: Dux sunt insignes partes, quæ materiam subministrare possunt, & firmo nexu Omento insigniter continuantur, Ventriculus scilicet, & Lien. Pro Liene militant hæc non spernendæ rationes: vena enim insignis, quæ copiosas hinc inde per universum Omentum propagines mittit, ortum habet à Liene, & in omnibus Animalibus etiam piscibus, Lien in Centro Omenti locatur. *Vesalius* in Cive Patavino in Lienis gibbo adornatum adipem, lapidis instar concretum, observavit, & accuratissimus *Schenchius* sub Lienis membrana pinguedinem vidisse fatetur ad vasorum ingressum. His accedat, ex omnium consensu, fibrosa corpora copiose in Liene observari, quæ à membrana in membranam per Parenchyma excurrunt, non vulgari nexu cum sanguineis plagis: Hæc, prout videre potui, arctè nectuntur membranæ, omenti, quæ una cum splenico vase intrat splenis lineam, & cum hucusque nondum constet, an cava sint, & cujus propagines sint, & quem usum corpori præstent, idò abs re non erit, de his quandoque dubitare, an possint esse prima radix adiposorum corporum, vel saltem eorundem communicata soboles.

Altera pars, insignem connexionem cum Omento habens, est Ventriculus, cui per totam longitudinem arctè nectitur, & vasa sanguinea in ipso radicata recipit, quod in omnibus Quadrupedibus, & Piscibus quibusdam observatur, & in Pennatis supra carnosum ventriculolum excurrit, quo ventriculus, & tenuia intestina cooperiuntur. In quibusdam piscibus ad ventriculi fundum insignis emergit membrana, quæ vasa diversa à sanguineis habet.

Nec obstat ratio, dum scimus in Ventriculo, & continuatis Intestinis media attritione, & exquisita ciborum solutione, particulis alimenti talem communicari libertatem, ut sui juris jam factæ, quæ jam incrant, vel nova miscella, & mutua adaptatione in novam naturam efformatæ, & conglobatæ, novos motus, & actiones habent; unde cum non deficiat materia pro propaganda pinguedine, non erit improbabile, vasa quoque ibidem adesse pro hac propaganda, & ad partes deducenda.

Accidit autem quandoque, ut probabiliter credo, loco quidem oleosa hujus substantiæ, quæ per propria & adaptata in ventriculo, & intestinis orificia in adiposa effluit vasa, aquosam substantiam, vel copiose ingurgitatam aquam, vel saltem ab alimentis separatam, per hæc vasa derivari in omentum, & inde in abdominis capacitatem. Hippolytus enim *Boschius* in muliere hydropse tentata, quod & in Brutis ego quoque observavi, vesiculas multas copiosa aqua repletas per omenti substantiam vidit: hujusmodi autem vesiculæ probabiliter erant membranosi sacculi, quibus investiuntur pinguedinosi globuli, residuum enim rete est; effluit autem facillimè aqua in abdomen, quia tunica vasorum adiposorum tenuissimæ, & poros fortè permeabiles

ab

ab aqua habent, & ob tenuitatem facillimè disrumpuntur, & lacerantur. Præcitatus *Schenchius* in Cave Altenburgenſi decollato, & publicè diſſectò, renalem adipem maxima ex parte aquæum deſſuere vidit: indeque hydropiſ inſitia in viſceribus, & teſtibus obſervavit; & laudauit *Bartholinus* Omentum in Hydropicis computuiſſe vidit.

Scio plures eſſe vias, quibus hydrops in ipſo etiã abdomine ſuccedat, quibus fortasſe non erit inutile hoc addidiſſe, cum *Hippocrates* idem innuiſſe videatur, Lib. de lœc. in homine; ubi in hydrope, colliquato & attenuato univerſo corpore, ſimulque Omento, è vaſis loco pinguedinis ſerum deſſuere docet: addit autem *Hippocrates*, huiusmodi ſerum à Liene floreſcente derivari, quod quidem accidere poteſt, ubi ſanguinis ſeroſitas à Liene per vaſ ſplenicum, per medium excurrens Omentum, ſalinis forte euectis particulis viam ſibi facit, & ex Omento in abdominis capacitatem præcipitatur.

Binis exaratis partibus tertiam pari probabilitate philoſophantes addere poſſumus, à qua effluat pinguedo, vel ſaltem in ipſam eructetur: hæc autem eſt glandularum per univerſum corpus diſperſum genus: conſtat enim in corporis habitu, in meſenterio, ad inguina, clunes, & ſimilia, ubi maximus cumulatür pinguedinis proventus, in hiſ etiã glandulæ luxuriare; & non ſemel obſervavi in pinguedine ſub cute locatæ glandulæ carnoſas, muco, & ſubrubra ſubſtantia intus reſertas, circa quas plurimus aderat adeps, exteriorẽ ſubintrans membranam, recte pariter ſanguineum; & adipofa vaſa intimam glandulæ ſubſtantiam ſubintrantia; ſingulæ etiã glandulæ plurimum reddunt pinguedinis, quæ guſtum peculiariter demulcet. Nec deſiciunt vaſa, quibus materia ſubminiſtretur; ſi enim ad glandulæ, ut nonnulli ex novisſimis contendunt, chylus mediis lacteis deferatur, congrua aderit materia, quam alii à nervis, vel arteriis deducerent. Ex hiſ igitur probabiliter recolligi poteſt, glandulæ vel eſſe fontes pinguedinis, vel ſaltem remedium propagationis ejuſdem, ut indicat eruditisſimus *Cæcilius Folius*, ita ut cum non exigua adipis portio glandularum intima occupet ſero lymphatico, ſalivæ, & ſimilibus, à glandulis erumpentibus miſceatur: Scio in natura poſſibiles eſſe potiores alias vias nobis adhuc ignotas, quas perſpicacioribus rimandas relinquo, & temporum diuturnitas, vel diverſorum brutorum ſectio in lucem eruet.

De Pinguedinis natura, ut optimè præ cæteris recolligit accuratiſſimus *J. Theodorus Schenchius*, ſuſpecta multis jam ſæculis manſit, hæretet adhuc liſ ſub iudice, utrum ſit pars; adderem ego, quid ſit, à quo, quomodò, & in quem finem generetur?

Antiquiores in hoc uno inſudarunt, ut pinguedinem inter noſtri corporis partes collocarent, vel arcerent; quorum quidem rationes fuſe videre eſt apud *Schenchium*. In aſſignandis rurſum pinguedinis ſpeciebus laborarunt aliqui, deducentes diſcrimina inter ſerum, adipem, pinguedinem, oſſumque medullam.

Non

Non minora emergere dissidia perscrutantibus materiam pinguedinis, cum alii quandoque ex colliquata carne fieri crediderint. Nonnullis visum est, ex semine ortum trahere, quod plerique interpretantur ex materia communi Pinguedinis, & feminis: Omnes tamen, paucis exceptis novissimis, à sanguine materiam adipis traxere, prout inquam, probè elaboratus, & aeruus ex coctione redditus, ut habet *Aristoteles*, commigrat in adipem. Ingeniosus *Æmilius Parisanus* credit, adipem generari unà cum sanguine in hepate ex tenui & aerea chyli portione: per venas autem deferri in sanguine supernatantem, & tandem membranis affundi. Eruditissimus *Cæcilius Folius* ex Hippocratis appositè cumulatæ doctrinis, ex lactei succi per *Astellianas* venas in pancreas delati, oleosa, inquam, attracta à mesenterii membranæ, & glandulis substantia, fieri statuit, & inde cuti, visceribus, ossibus, & univërso, communicari, mediis fibræ, & tractione facta ex vi symbolica, in hunc scilicet usum, ut facesset in ossium nutrimentum: Incomparabilis, & æternæ memoriæ *Gassendus* de natura nutritionis docebat, adipem fieri ex sanguine delato mediis venis meseraicis à glandulosa pancreatis substantia, huncque propagari per *Astellianas* lacteas circa tunicas intestinorum, & meseraicarum, ad atomandas huiusmodi partes, ob iacturam à fervidis ventriculi excrementis passam, in animalis expiratione, & interitu in pinguedinem concrecere, & successivè obliterari *Astelliana* vasa.

Adhæret pinguedo membranæ propriæ adiposæ, in hominibus inter cutem, & carnosam appellatam membranam sitæ; de qua plura controvertuntur apud Neotericos, an verè differat à subiecta membrana: Hæc universum investit Corpus; in Capite verò, temporibus, aliisque nostri corporis partibus deest; cumulatæ autem in corporis centro ad renes, clunes, lumbos, & mesenterium. Talia de Pinguedinis natura, & generatione apud auctores habentur, fusiùs tamen exposita; circa quæ non leviter hasitari potest ex his, quæ mox dicenda veniunt.

Constat itaque, pinguedinem in expositis nostri corporis partibus diversimodè cumulari circa membranam, quam adiposam appellare licebit, quæ incubatum præbet, prout tamen videre potui in adipis frustulis animalium insigniter faginatorum, ulterius videtur in his architectandis progressa naturæ industria: ubicunque enim observare est pinguedinem, præcipuè circa cutem, & in musculorum interstitiis, ibi inveniuntur multiplices membranæ sacculorum adinstar, & lobulorum excavatorum, quæ substratæ quidam membranæ, crassiori tamen, veluti fulcimento & basi adhærent: Per hanc propagantur venæ, & artenæ, quarum trunco à lateribus pinguedinis moles, veluti millii acervus, cumulatür. Vasa sanguinea expanduntur in ramos arborum adinstar, quorum extremitatibus appenduntur membranosi sacculi, seu lobuli, pinguedinosi globulis repleti, qui veluti folia ramis adnata arboris exactam figuram complent. Membranosi isti sacculi diversimodè figurantur; sunt enim leviter depressi, & ovalem penè habent figuram, & sunt instar lobulorum; quibus componuntur etiam pulmones, seu mavis glandulæ conglomeratæ, quas graphicè describere

scribere studiosissimi Warthonus, Sylvius, & Stenon: Nectuntur ad invicem membranis, quibus efformantur, & vasorum rete: ex pluribus lobulis superpositis fiunt insignes pinguedinis portiones, ut facile est observare, præcipue in Suis lardo, quod veluti paries, his, lapidum instar, construitur: quare in cadaveribus Hominum, Brutorumque insigniter emaciatorum, pinguedinis loco complicationes pellicularum copiose observantur.

Pinguedinis globuli, dum à continente membrana evelluntur, foveam, seu membranofum involucrum relinquunt, ita ut si pellicula illius pars interior microscopio perscrutetur, mellis favum alveolis constatum oculis exhibeat: An vero singuli adiposi globuli propria rursus involvantur pellicula, oculus pertingere nequit, microscopii enim acies candidis, & lucidis retunditur; hoc tamen videtur oculus attingere, globulos adnecti vasorum lateribus, sicuti uvæ grana racemis appenduntur.

Per has membranas excurrunt minima vasa in modum retis expansa, quæ tenue Omentum representant: hæc à venis, & arteriis, ut videre potui, ortum ducunt, & non tantum leviter exterius Pinguedinis lobulos, sed etiam intus penetrant, & Pinguedinosi globuli nectuntur: quandoque autem cooperiuntur levi superextensa membrana, ita ut in conspectum non erumpant; emergunt autem quotiescunque vetustate & carie membranose portiones corrumpuntur. Per hanc eandem membranam diramificantur adiposa vasa, in Omento reperta, quæ Pinguedine turgent, si præcipue in de recenti mactato animali inspiciantur. An hæc vasa per universam Pinguedinem in ambitu etiam corporis locatam propagata ab Omento, veluti radice, fluant, sensus hucusque non indigitavit; cum tamen Omentum dorso alligetur, veluti centro totius corporis, non videtur incongruum, media Adiposa membrana, quæ per universum propagatur, in omnem corporis regionem disseminari posse: sicuti de lymphaticis, licet insigni, & communi careant trunco, observamus.

Circa Pinguedinis generationem assentiri nequeo statuentibus sanguinem quasi fortuito è vasis exsudantem in Adipis materiam faccescere; nam si hoc contingeret ex natura materię, & vasorum continentium, hoc esset perpetuum in singulis partibus, ad quas appellant sanguinea vasa; in pulmonibus tamen, vesica, meningibus, aliisque partibus membranosis, venis arteriisque minimis, & gracilibus relictis, Pinguedinis collectionem non observamus. Nec obest dictum Fabricii Aquapend. docentis in pulmonibus, hepate, & liene Adipem non coacervari, licet adsint membranæ, & copiosa vasa, quia hæc ad superficiem non propagantur; nam pulmones exterius circumambiuntur vasorum rete, & in aliis visceribus eorum ramuli in extimis etiam observantur. Uterius membranarum structura, quibus recolligitur adeps in sacculos distincta, non casualem collectionem indicat, quin & sanguinea vasa, in ipsis ramificata, videntur in ipsarum gratiam fabricata, quando ad renes, & ad ambitum corporis venas, & arterias adiposas minimas quidem, si comparentur ad adipis ingentem molem, naturam efformasse videmus. In Omento humano, canino, &c.

strias seu sacculos areas circumvallantes adipe turgidos observamus, ita ut hæsitandum sit, totam hanc fabricam ad propagandam, conservandamque pinguedinem à natura fabrefactam fuisse potius, quam casuali, & fortuita collectione circa vasorum propagines obortam fuisse.

In Ranis ipsis strias utrinque renibus adherentes oblongas, & insignes oleo repletas observamus, & veluti adnatas trunco venæ portæ prope jecur, evidens indicium pinguedinis collectionem non fortuito quidem fieri, sed in hac valde sollicitam fuisse naturam, cum conspicua efformaverit pro pinguedine receptacula; Et quoniam diu laboravi, ut vulgatam hujus dicti veritatem explorarem, in ranis tandem pertractandis hoc observavi, dum languide adhuc redit in cor sanguis, in trunco venæ portæ, cui appenduntur expolite oleosæ striæ, videre est conspicuas guttulas olei, compressis præcipue striis, quæ unâ cum sanguine in hepatis cavum rapiuntur, & in Pennatis, in quibus vasa mesenterii fere sunt diaphana, hoc idem mihi non semel videre licuit: accuratissimus *Severinus* in Histrice venam splenicam plenam gelato succo pellucido pauco adipe totam vidit; & ingeniosiss. *Charleton* magis pingui & unctuosum observat venarum, quàm arteriarum sanguinem; & ego in omento Histricis, in sanguineo vase, quod excurrebat ab acervo pinguedinis in alterum oppositum, globulos pinguedinis propria figura terminatos vidi rubescentes, & Corallorum ruborum vulgò coronam amulabantur.

In Angullis, & similibus utrinque à lateribus intestinorum propagantur per longum abdominis adiposæ striæ, quæ intestino medio omentali reui, & striis necuntur, & in centro ramos venæ portæ exiguos habent, & in insignem quandoque extuberant molem.

In Ossium cavitatibus fere omnium quadrupedum natura non tantum insignes efformavit cavitates, ad continendam medullam paratas quæ & figura, & substantia, cæterisque non videtur multum differre à Pinguedine, sed in quibusdam ossibus cellulas adinvicem communicantes extensis tenuibus ossis parietibus fabrefecit, easque copiosa medulla replevit: nec credendum, hoc nutritionis gratia factum, esset enim perpetuum in natura ossa omnia cavitare pollere, eaque solum medullam continere, cujus oppositum experientia docet; plura enim sunt ossa, quæ intumescunt solida sunt, nec sinuosa, & ea, quibus contigit ob levitatem cavitates, non omnia medulla replentur, qualia sunt costæ, quæ affluentem tantum continent sanguinem, quod etiam in Avium quibusdam ossibus, & Infantibus, & similibus observatur; in crustatis aquatilibus, & terrestribus quibusdam, ut observavit *Fabricius* loco medullæ, muscoli, vel nervaceum corpus musculo analogum continetur, ut in maia crustato aquatili evidenter conspicitur, in scarabeo, & similibus: Unde natura videtur potius ossa non ad continendam alimoniam cava efformasse, sed graciliora, levioraque paucitate materiæ reddidisse ad corporis molem absque gravitate, & friabilitate sustinendam. & inde, prout usus & occasio expe-
rent, diversis industam ex necessitate cavitatem replevisse.

Pro complemento postremò occurrunt vasa adiposa in omento, & pinguedine reperta, quæ peculiarem generationem, necessitatem, & dignitatem pinguedinis demonstrant: Et tandem si res Hippocratico oraculo firmanda esset, unicus sufficeret Hippocratis locus de natura Pueri, ubi quidem in gravidis ex cibo, & potu ab uteri compressione pinguedinem profilire docet in omentum, & carnem, & tandem in mammarum venas pro lactis generatione.

De Omenti, & Pinguedinis usu plura apud Auctores habentur; Vulgaris est opinio ex Aristotelis, & Galeni dictis, omentum levibus fabricatum fuisse membranis, ut innatam caliditatem includeret, & sine compressione, & dolore veluti stragulum ad deducendas venas, & arterias esset, ut inde multa colligeretur pinguedo ad vasorum latera, qua incalcescerent ventriculi fundus, & intestina: Unde in hujus confirmationem recitatur ex Galeno gladiatoris historia, qui exempto ex vulnere Omento frigiditatem in abdomine perçensit, pro qua arcenda lana ventrem fovere cogeatur; cui tamen opponit propriam observationem *Riolanus* eorum, quibus abscisso Omento nihil detrimenti in coctione contigit. *Vesalius*, quem sequuntur plures, credidit vices gere mesenterii, ut vasa à Jecore, Ventriculo, Liene, & Intestinis, quibus subtenditur, fulciret. *Cordæus* Comment. in Lib. de morb. Mulier. docet Omentum alterum esse Ventriculum, seu secundarium penum, à quo ventriculus escam repetit, quasi ruminationis gratia, unde Homines hoc modo unà cum brutis ruminare dicuntur.

Pinguedinis usus plures recolligunt famigeratissimus *Bartholinus*, & accuratissimus *Schenchius*, ex Fallopio enim mollities, & agilitas in solidis partibus conservatur, in inedia facessit in alimoniam, crassitie & lentore corpori propugnaculum exhibet adversus frigoris, & caloris injurias, & tandem veluti rete congregat calidum innatum. His adduntur particulares Pinguedinis actiones, ut partes in majorem molem extendi possit inducta laxitate, ut repletis spatiis ipsa corpori pulchritudo concilietur, ut partium coctioni dicatarum, qualis est Ventriculus, calor foveatur, ut ossibus alimoniam præbeat, pulvinaris vicem in clunibus, & manuum volis gerat, & tandem sustentet vasa, quibus adjacet: Adduntur insuper aptiores ad motum reddere articulos, musculos oculorum præcipuè oblinire, ut facilius extendantur, & in pabulum caloris taceßere, præcipuè in corde; ne seipsum corrumpat.

Talia copiosè potuerunt auctores in medium adducere, suspecta tamen esse solet humani ingenii fecunditas, quæ dum verum, & unum non attingit, pluribus superabundat: & primò valde labilis est positio vulgata, Omento scilicet, media pinguedine, foveri calorem Ventriculi, & Intestinarum, & exinde coctionem, cum Ventriculi coctio, ut præ cæteris, nervosè ostendit clarissimus *Mabius*, fiat ab humore acri, & salino solvente intimam compagem cibariorum, non autem à calore, qui in quacunque sua latitudine nunquam potis est chylicationem moliri: quin & dubitari potest, an calor, cui, ut opifisci, omnia munia attribuantur, potius sit in nobis per accidens, sequens altioris causam. Accedat, Omentum adnatum Ventriculi fundo non cooperire

cooperire ventriculū, ut contenditur, nec tantam esse Pinguedinem cum sit dispersa, ut veluti stragulum viscera foveat; rursus ad coerendum caloris incendium in partibus externis viventium excitatum nil forte præstantius Adiposis, quibus mediis quies igneis particulis conciliatur, ex qua refrigeratio potius, quam caloris intensio emergit.

Cordæ usus, quibus firmetur, non habet, ruminatio enim necessario dicit motum localem cibi fursum in os; non apparent autem, quibus cibis in Omentum & ab eodem in Ventriculū regurgitet, & vasa quibus Ventriculo communicat, diversam vehunt materiam à cibo, nec ipsam ulterius in Ventriculū revomunt.

Vesali dictum valde probabile est, quia Ramus splenicus, cæteri que in fundum Ventriculi perrepantes, ne solitarie quidem protraherentur, hoc veluti fulcimento eguere. Quoniam tamen natura hanc partem in tantam auxit latitudinem, ut in aliquibus animalibus extenso Omento totius corporis moles superetur, nova indidit vasa, cæque peculiari nexu, & implicatione protraxit, ita ut non ex membranis, quæ altiori usui destinari videntur, sed à seipsis fulcimentum recipere videantur, ideo diversum subire ministerium probabile est. Quare dicere quidem possumus, Mesenterium esse Adiposum, quo è Ventriculo, & tenuibus aliquando Intestinis elabens, seu percolata oleosa substantia per propria vasa, seu ductus transferatur, propriis etiam cellulis conservetur ad usus soli naturæ fortè notos.

Nimis longum esset ad trutinam revocare singulos Pinguedinis usus mox recollectos, sufficiat tamen dubium reddidisse, Pinguedinem ad clunes recollectam pulvinaris vicem præbere, dum in Quadrupedibus, quibus non contingit infessus, ibidem luxuriare videmus; unde fortè emergit difficultas, Musculorum intercapedines, & cætera nostri corporis spatia Pinguedine repleta fuisse pulchritudinis gratia, cum credibilis sit spatia ipsis structuræ necessitate contingenibus abuti naturam pro Pinguedinis receptaculo ad usus pro universo corpore exercendos.

Quem usum præstet Pinguedo sanguini intimè commixta, arduum quidem est determinare. Visus est mihi insignis occurrere Pinguedinis usus, ut scilicet esset continuum nativi caloris pabulum, vel saltem conservaretur veluti ignis promptuarium, & dispersum penu ad perpetuandam in sanguine, & visceribus actualet quasi flammam, & inde calorem. Quoniam tamen non tantum calori tribuendum cenfeo, quantum vulgo jactatur, & in animantibus fortasse sola materia necessitate excitatus; unde calorem morborum facilius auctorem observamus, quàm tranquillæ vitæ opificem, & si continuo quidem perpetuus iste ignis foco suo esset manutenendus, ex quotidiano alimento sufficienter reficeretur, ipsa etiam respiratione, & corporis raritate calidum intus raperetur; cuius tamen contrarium observamus, ita ut naturam magis sollicitam videamus in expellendo, ac coerendo calido, quam in evocando, & excitando: Unde probabiliter oppositum dubitari potest, Pinguedinem sanguineis salibus, aliisque acribus particulis ligamen, & vinculum, & inde inconspicuitatem quandam impertiri. Nemo enim est, qui dubitet, in serosa altera sanguinis parte salum

te salium ingentem vigere copiam, quæ si liberiori, quàm par sit, exultet modo, plurima morborum genera ex concitato sanguinis motu, & simul excitata immoderata acredine quotidie oriri videmus; unde famigeratissimus *Bartholinus* in carentibus Omento phthisin, cartarrhum, lienteriamque sæpe oriri vidit: doctissimus *Whartonius* in hypochondriacis, & scorbuticis Omentum lacerum absumpta Pinguedine observavit, & nos quotidie graciles falsis destillationibus, tabe, phthisi, tentari videmus: hæc autem morborum genera ex plus justo exaltatis salinis particulis, nullo scilicet nodo mediis oleosis particulis fixatis modo inordinatum in sanguine, ejusque nimiam libertatem inducentibus, à quibus continentium vasorum erumpit fractura, manifestè exoriuntur; quare pinguibus etiam hi arcentur morbi. Hoc consimili experimento manifestatur: Lixivium enim acre, quod fusca salia continet, si oleo misceatur, ejus acredo evidenter remittitur, & tanta fit miscella lactis speciem referens, ut amplius nulla arte divelli possit: idem in sapone accidit; & doctissimus *Willis* observabat farinaceam massam, prout subigitur butyro, pinguedine, aut similibus dum in clibano cocta incalescit, levem quidem, & spongiosam videri ex particulis sulphureis actu motis, dum autem frigeat, ponderosam, & valde compressam existere, & veluti fermentatam evadere ob viscositatem pinguium, quæ reliquorum motum impediunt. Nec obest in oleosis præ cæteris copiam esse calidarum particularum, à quibus fermentatio, & inde salium, cæterarumque rerum manifestatio, & libertas contingere solet; ut in vino observabat laudatissimus *Willis*, cui modicum Pinguedinis miscetur, & in spiritu vini, cui parum olei Terebinthi additur. Quoniam duo in Pinguedine præcipue observantur, ignea scilicet corpora, quæ soluta compage si unitim erumpant, ignis effluviū efficiunt, & hamata corpora, quibus hujusmodi particule igneæ coercentur, & detinentur: hæc autem magis valent ad coerendum, & fixandum, quàm ad solvendum, summè activa, & mobilia ignis corpuscula; oleosa enim, & pingua diu vase inclusa nunquam fermentantur, quod tamen corporibus minori calidarum particularum copia ditatis facile accidit: Quapropter tantum abest, ut Pinguedo contentis igneis particulis fermentationis motum promoveat vel augeat, quin potius consuetam & moderatam fermentationem impediat: Fit autem hæc miscella inchoativè in Omenti vasis, hepate, ambitu corporis, cæterisque partibus, ubi hiant Adiposa vasa in venis: perficitur verò unà cum sanguinaria massa in pulmonibus, in quos univèrsa corporis vasa humores tandem eructant, & ibidem fermentantur.

Sed audio quendam cum exercitatissimo *Boyle* objicientem, imaginariam esse salium, & similibus existentiam in sanguine, & consequenter concidere totum. Cui tamen satisfactum iri censeo, si dicatur saltem ex continuo motu sanguinis fermentationibus in diversis visceribus excitatis fieri novas adaptationes particularum, & molecularum, ut facile sit, hujusmodi, quæ nomine salium exponimus, si non manifestari, saltem de novo coagmentari; unde videmus in aliquibus, renes veluti lapidum mineram perpetuò calculos gignere,

N

quare

quare Adipis particulae forte minimam illam sanguinae massae solutionem, & attritionem, & successivè novam adaptationem impedire possunt, vel saltem sua intima miscella obtundendo figurarum asperitatem eas lenire.

Ex hac Pinguedinis cum sanguine miscella, sanguinis aspera, scabrosaque tollitur natura, ob quam insignes *Glissonius* & *Charleton*, sanguinem partium nutritioni ineptum putarunt: in tabidis absumpta Pinguedine sanguinis etiam copiam observamus, & sicuti tota sanguinis moles in vasis Pinguedine demulcetur: ita etiam in singularum partium nutritione valde congruum est censere etiam nexum, & unionem in novis adaptatis particulis induci, & continuatam nutritionem eidem Pinguedini deberi, sicuti accidit in picturis, in quibus faxæ colorum particulae oleo veluti calce fixantur & ad invicem forti nexu supra telam extensæ uniuntur.

Ex his etiam ambigi potest, num Pinguedo, ad inducendum somnum conferat, quamvis circa hunc solas palpemus tenebras: quoniam tamen rariorem & obscuriorem pulsum observamus, & partium extimarum refrigerationem, & dum arte, venenis mediis, somnus conciliatur, hæc omnia subsequi videmus symptomata, ideo valde probabile est, somno motum intestinum particularum sanguinis intercepti, & consequenter principium, quo anima utitur ad vigilandum, & sentiendum discontinuatur, nec mutuo motu ejus partes agitantur, in quo forte consistit actualis sensus externorum: Quapropter sæpe vidi plus justo obesos somnolentos esse, & tandem quasi obscurato, vel oblitterato pulsu absque febre suffocatos interiisse, non sine respirandi angustia, quin & plura animalia, cum Autumno impensè saginata sint, somno correpta in latebris absque cibo per hyemem degunt, donec dissipata Pinguedine acrior redditus, & excitatus sanguis, ad nova munia, inducta vigilia, revocet. Hæc eadem à *Marcello Donato* confirmantur, qui ex doctrina *Arabum Principis*, & propriis observationibus concludit præpingues repentinae morti expositos esse, & præcipuè Apoplexiæ, & Paralyfi: & *Fallopium* præpinguem amisisse sensum docet ob incrassatum corium, vel nervorum impactionem, ut ipse censet.

An ex Adipe in mammis lac fiat, dubitari potest, quoniam circa mammarum glandulas Pinguedinem multam in nutrientibus collegit natura, non ad solam pulchritudinem: unde videmus in Lacte genito multum Butyri, multoque etiam superfluo Pingui in Caseo, & Oxygala, & frequenter observamus ex commixto Oleo determinato liquido fieri substantiam lacteam penès colorem, & substantiæ modum. In præcitis Ranis adiposæ striæ nectuntur ovarii copiosis propaginibus: ita ut probabile sit oleosæ substantiæ portionem Ovorum etiam compagem ingredi, cum ex Ovi vitello plurimum Olei extrahatur.

Quo etiam tetigisse videtur *Hippocrates Lib. de natura Pueri*, ubi docet in mulieribus à partu mammarum venulas ampliores factas Pinguedinem à Ventre trahere, à qua lactis generatio emergit. Diverſam tamen viam visus est assignasse, venas sanguineas scilicet, utrum

rum & mammas pertingentes; & partium laxitatem; unde media compressione, ut exemplo corii Oleo illiniti probet, foras erumpat, & propagetur Oleum. Quoniam verò venas sanguinem in solum cor profundere, & eructare probabiliter credimus, non autem in mammas, aliàsve partes, per quas propagantur, & vasa, propriæque Pinguedinis receptacula, ni fallor, habemus, quæ in mammarum spatiiis evidenter ramificantur, & fortè etiam uteri intimam substantiam penetrant, cum in omnibus ferè animalibus ad inguina plurimus sit Pinguedinis provèntus, idèò non parùm probabilitatis Hippocratico placito conciliasse videmur.

Consimili etiam conjectura ducti dubitare possumus, nonnihil etiam Pinguedinis ad seminaria vasa derivari pro seminis generatione, vel saltem miscella: Antiqua enim observatio est, plurima animalia exemptis testibus vehementer pinguescere; unde suspicari possumus de mutua communione, & consensu. Nec leve exhibet argumentum laudata ob simplicitatem Ranarum inspectio, qua media videre est testes quasi ex glandulis conflatos propè renes locatos Adiposis striis intimè connexos, ità ut Adipis portiones inter glandulosi corporis interstitia locari evidenter videantur, *Mæbius* facit, se in castratorum testibus semen veluti oleosam materiam observasse; & *Terillus* ex *Schenchio* recitat copiosum sebum in testiculi tumore inventum.

In Canibus, Agnis, Cuniculis, & cæteris ferè animalibus, à membranis Adipis renalem Pinguedinem investientibus sacculus elongatus veluti vas, versùs testes observatur; & exercitatissimus *Severinus* j. *Zootomia* in Cane vas evidens in renali Pinguedine ad spermatica vasa tendens se observasse facit, quod tamen mihi hucusque videre non licuit. Probabile tamen est, aliquid saltem Pinguedinis in prostates derivari: unde *Riol. Bartholin.* oleosum humorem ad illinendum urethræ ductum, ne seminis, ac urinæ acrimonia corrodat, observârunt. His lucem addere possunt Arborum semina, quæ copioso abundant oleo; quod si non ingreditur planiculæ structuram, saltem illam fovet, & nutrit; sunt enim semina velut uterus continens foetum adhuc vivum.

Ultra corporis ambitum, musculorùmque interstitia peculiaribus locis Pinguedinem natura locavit, & præcipuè circa Cordis basim congeri non casu quidem, sed potius ignoto naturæ artificio censendum: nam frustra gravaretur tantum membrum: Deinde in Ranis, in quibus natura ferè nullas adipe respercit partes, cordis basim, & auriculæ extremum oleosa Zona cinxit. De usu hujus Pinguedinis laudatur tractatus *Julii Japsolini*, quem hucusque mihi videre non licuit, ab ipso autem ut refert *Schenchius* singularis statuitur usus, ut ignei caloris pabulum sit, qui nihil inveniens seipsum pessundat: Incertis tamen nittitur hæc positio: cum enim Cor ex his quæ nervosus *Bæccius de Corde*, non excedat naturam Musculi, quin ex *Harveio* posterius gignatur productione primi calidi, scilicet sanguinis, cadit illud *Aristotelis* & *Galen*i de Cordis insito & influente calore commentum. Deinde dubia videtur positio, vel saltem impropria, calorem egere pabulo, cum ignis, & consequutivè nova, & superveniente ignearum particu-

particularum eruptione adaugeatur, quò casu, si humido, ut supponitur, calidum foveretur, adaucto calido potius exhalaret, & extingueretur facilius, quàm præservaretur. Unde potius si retundendus esset calor, non quidem cordis, sed pertransseuntis sanguinis, ope intimioris miscellæ contingeret.

Observamus Pinguedinem in sacculis recollectam ad cordis basim, ubi exortus, & propagatio fibrarum, quibus conflatur cor, & in cæteris aliis Musculis non solum exterius in investiente membrana adeps ferè semper luxuriat, sed intimas, & profundas fibrarum intercapedines altè penetrans videtur per intima Musculorum propagari; quod etiam in Piscibus majoribus observatur. *Plèmpius* copiosa Pinguedine aspergi musculos oculorum credidit ad humectandas, & calcificandas oculi membranas; docebat *Aristoteles* ex hoc non rigere oculos; & idem in Problem. quærebat, cur pingue eorum absumatur, qui se laboribus dederunt, caro autem musculosa nullatenus emacietur, quod quotidiana experientia firmatur, ut docent plures.

An verò hoc ex sola insensibili transpiratione, motu, & fusione contingat, an quia aliquid è Pingui elevetur, quod non tantum emolliat fibras, ut facilius extendi possint, sed fortè tensionem earundem juvet ad celebrandum motum, vel potius ex motu adaucta circulatione major portio Adipis venas ingrediat, unde Pinguedinis moles in ambitu, & musculorum interstitiis minuat, dubitari etiam potest.

Aliud etiam addi posset, carneas scilicet fibras cum cæteris aliis Adipe imbibì, & veluti condiri ad compescendam scilicet nimiam particularum libertatem, quæ transpiratu erumpunt; unde Carnes, Casum, & similia Oleo exterius irroramns, ut intimior humiditas, & partium nodus manuteneatur.

Unum hic speculatione non indignum sese offert: Immortalis enim *Galileus* in scientia nova docebat in Piscibus partes adesse longè graviores aqua, alias autem leviores, carnes scilicet, & cætera ossibus adnata, quibus Ossium gravitas obtunditur, ità ut integri Pisces, licet ingentibus, & ponderosis præpolleant Ossibus, tamen æquigraventur cum aqua. Quare præter Carnes in Piscibus grandioribus præcipuè, Olei copiam in ambitu corporis inter musculos transversim totam carneam molem constituentibus, & in capitis præcipuè Ossibus copiosè dispersit natura, ut facilius minueretur pondus, & licet in terrestrioribus, ut idem ingeniosissimè deducit, Carnes Ossibus regantur, tamen dubitari potest ex copioso Pingui Ossium cavitates replente, & Carnibus Pinguedine imbibitis minis gravitare in ipso etiam aere Animalis Corpus.

Circa Rens etiam copiosè Adipem, in omnibus ferè animalibus, cumulari videmus, de quo aliquid breviter dicendum: A quam igitur parte erumpat, & effluat, dubitatur: Plures enim è venulis Adiposis, vel saltem ab arteriis fociis, quas à cœliaca deducit eruditissimus *Schenchius*, putant exsudare Pinguedinem: His tamen obstant ea, quæ per hunc Adipem disperguntur, tantum habet Pinguedi-

nis proventum, quantus esset à truncis descendens arteria, & venæ circa quos nullam ferè observamus Pinguedinem.

Aristoteles tertio de partibus animal. docebat Adipem, quo Renes copiose ambiuntur, non intra ipsos Renes fieri, quoniam densum hoc viscus est, sed circa Renes, quod etiam rationi consonum videtur, cum Pinguedo Renum membrana Adiposa includatur, ejusque propagines sequatur, & membrana hæc levissimam quidem adhesionem cum Renum corpore habeat, & si à fistulosa Renum Carne, quæ demonstrante Orbi ingeniosissimo *Bellino* innotuit, foras transfudaret, plurimum interciperetur à propria membrana, quod tamen non observamus.

Hoc unum videmus in ingressu vasorum circumvolutam Pinguedinem cavum Renum intrare, & sub expanso urethere, & pelvi copiosam substerni, & in Ranis etiam à striis Adiposis per nexum continuatum Renibus oleosæ substantiæ mutuam communionem conspiciamus, ex quibus patet via inter intimos renes, & circumpositum Adipem: An verò à Renibus extra fluat, an potius ab extra ad intrò, cum motum mediis ligaturis, vel similibus observare non valeamus, dubios nos adhuc reddit. Accuratissimus *Eustachius* Pinguedinem adeò concretam & duram invenit, ut lapidis ferè duriciem æquaret, qua Pinguedine Renes obstrui, & constringi, & plurimum immui non semel vidit. Et *Arist.* 3. de Hist. Anim. 17. Oves præcipuè renibus pingui undique obductis interire, idque fieri pabuli ubertate; quocirca ferò ad pascua duci, quo minus capiant pabuli, docuit: Intererunt autem fortasse, quia ex adveniente adipe propriis vasis per adiposam membranam propagatis adeò constringuntur canaliculi, & fistulæ studiosissimi *Bellini*, arteriæ, & venæ etiam per renes propagatæ, ut impedita urinæ secretionem, compressis fortasse venis, stagnet impulsus sanguis, ex quo phlogosis, & tandem mors, vel sale m cum non possint dilatari, & comprimi fistulæ, ita ut exprimatur serum in pelvim, & sanguis in venas emulgentes, tollitur sanguinis recursus in Cor.

Finis Pinguedinis circa renes collocatæ varius statuitur: Plures enim putant renibus vicem gerere mollis straguli, vinculi, & involucri. *Arist.* loco cit. docebat, in Pinguedine operiri renes salvis causa, ut melius scil. humorem discernent, & concoquerent sua Pinguedine; nam pingue omne calidum, calor autem concoquit. Addunt aliqui hæc Pinguedine temperamentum renum humidum, & calidum conservari, quod ex perpetua serosi excrementi affusione necessario resolveretur. His tamen obstant ea, quæ à præclarissimo *Jo. Alphonso Borello* de usu, & modo separationis Urinæ mechanicè habentur; cum enim urina sola separatione, & divisione facta à figuris fistularum renalium redeunte sanguine per vias quas offendit sibi adaptatas, sufficienter fiat, frustra in Renum carnibus fingimus, & evocamus coctionem à calido, indeque excrementorum secretionem, & si quæ coctio admittenda in Renibus foret, non calido, & humido, sed potius fermentatione, vel digestionem, præcipationemque fieret.

Probabilis igitur est, ex subintrante pinguedine pelvis membranas & fistulas quibus separatur urina, obliniri contra acredinem, & falsedinem urinae, quae continuo suo transitu non levem posset parere excoarationem; & quia natura propagavit in renali adipe insignes venas adiposas, non congruum est credere, cum eadem penè observetur structura, ac in reliqua Pinguedine, non exiguam ejusdem portionem cum redeunte sanguine per venam cavam commisceri; unde *Foerestus* observabat consumpto hujusmodi renum adipe renes, & tandem univèrsum corpus contabescere.

Copiosas in Pinguedine ad ambitum Corporis locatas, & ad linguae etiam radicem glandulas observamus, quin & Pinguedinem ipsas penetrare videmus, & earum caro ita pingui scætet, ut superius dubitaverim, glandulas fontes esse Pinguedinis, vel saltem medium propagationis ejusdem, ut contendit eruditissimus *Folius*; & licet à præclarissimis *Angliæ Professoribus* ad diversa ministeria trahantur glandulae, & in Omento Pinguedinis quasi dixerim Metropoli, exiguae, & ferè nullae adsint glandulae, non improbabile duxi, cum multum Pinguedinis occupet glandularum intima, ex hujus saltem miscella demulceri acredinem feri lymphatici, sive salivales, quod per peculiariora vasa à glandulis derivatur, & fortasse ob eandem etiam causam oesophagus, & radix linguae copiosa imbibuntur Pinguedine, ut & expeditius contingat motus, inducta lubricitate, & à salini, salivalesque feri particulis, à lateribus erumpentis tueatur, quibus non raro erodi contingit, ut in contagione Gallica, in salis catarrhis, & similibus observamus.

Famosum est etiam apud aliquos, Pinguedinem in corporis nutritionem inedia facessere; unde plura animalia tota hyeme latrantia absque novo cibo vivere. An verò Pinguedo nutriat, facta additione minimarum particularum, in locum earum, quae à singulis partibus transpiratione evolvant, an potius impediendo, vel retardando continuum effluvium, media propria irroratione particularum libertatem, easque in propria compage manutencendo, utrumque probabile est.

Dubia hæc recipias velim, amice Lector, cum in finem tantum prolata, ut ferèdiora hujus sæculi Ingenia, & oculi perfectiori microscopio adjuti, ad hujus clariorem elucidationem excitentur: Nec mireris, si interim brutorum, viliumque animalium sectione quasi præeunte luce, inaccessi, memor illius, quod primo de partibus recitat *Arist.* *Quamobrem viliorum disputationem perpensionemque fastidio puerili quodam sprevisse, molestique tulisse dignum nequaquam est, cum nulla res sit naturæ, in qua non mirandum aliquid inditam habeatur.*

DE
VISCERUM
STRUCTURA
EXERCITATIO ANATOMICA
Marcelli Malpighii.

Accedunt

Dissertationes ejusdem de Polypo Cordis, & de Pulmonibus.

SOLERTISSIMIS
ANATOMICÆ SECTIONIS
CULTORIBUS
EJUS IN DIES GLORIAM
CUMULANTIBUS,
CÆTERISQUE
SEIPSOS NOSCERE
CUPIENTIBUS
RUDES HASCE INVESTIGATIONES
EX ANIMO COMMENDABAT

Marcellus Malpighius.

PRÆFA-

P R Æ F A T I O.

PLinianum illud elogium, quo naturæ artificium in architectandis minimis animalium moleculis celebratur, jure merito maximis etiam partibus adaptari posse censendum, cum una, eademque sit, & constans naturæ operandi norma in minimis, æquæ ac in maximis, & tantus videatur eorum in natura usus, & delectus, ut ingentes etiam moles sola minimorum compage erigantur: quin & tota laborat natura in minimarum nostri corporis partium coagmentatione, ità ut singula quæque quantumvis diversa, quibus viventium structura coalescit, compendio quodam ipsas construant, juxta illud de loc. in homine: *Corpus porro ipsum sibi ipsi idem, ac simile est, similiter autem habet, & parvas, & magnas partes, & si quis minimam corporis partem acceptam male accipere velit, totum corpus affectionem sentiet qualiscunque tandem ea fuerit, propterea quod minima corporis pars omnia quæcunque & maxima.*

Nec naturæ inopix imputandum dum minimorum ope utitur, sed solerti ejusdem artificio adjudicandum; generare enim, & corrumpere præcipua magisque universalia naturæ munera videntur, quæ significantius expressit Hipp. *Generari idem est quod commisceri; Perire, corrumpique, ac minui, idem est quod secerni: unumquodque ad omnia, & omnia ad unumquodque idem sunt.* Et quoniam miscere, & separare sunt minimæ organizationis effectus, ideo in magnis; insignibusque visceribus compingendis minimorum usum necessario usurpavit. Notum optimè, vetusque est apud naturæ Mystas, quamcumque miscellam, exclusionemque minimis fieri meatibus, ita ut in urinæ, salivæ, seminis, & aliorum cribratione, sensus, opticis etiam adjutus instrumentis, nequaquam eorum rudem etiam structuram ob exiguitatem, attingat: nec mirum; nam si ex sanguine, vel alio consimili humore, veluti ex fecunda rerum materia, excitantur omnia quæ gigni, vel deficere dicuntur, dum hæc, ad minima usque,

P

inter-

PRÆFATIO.

intercedente solutione, aliqualem jam adepta sunt libertatem, soloque motu, & figurâ vim suam exeritura, aliis tamen confusa adhuc, commixtâque remanent, sola ope consimilis meatus, vel minimi cribri leparari possunt; quare pluribus, hisque similibus, segregatione præviâ in coacervatis, manifestantur res, vel communi verbo generantur: nec minori utitur minimorum operâ in miscellâ sagax natura, dum fermentationes, minimis in motum actis, mutuo occurfu, & tandem unione celebrantur, vel in parvulis, etiam reticularibus vasis, vel saltem carniû. exiguis meatibus, itâ intimè adaptantur, & uniuntur, ut novâ excitatâ compage in recentem emergant naturam.

Minimarum etiam nostri corporis partium necessariam existentiam diligens exploratio, & miræ inde emanantes actiones deprædicant; tantumque fuit naturæ studium in his compingendis, ut aquâ lance, tam exiguis, quàm ingentibus suæ micrologiæ munera contulerit: cum enim minima, sui incrementum quandoque exigant, quandoque decrementum patiantur, & contingentia corpora hoc ostendant, ut incongrua non excipiant, proxima verò ac consentientia admittant, & tandem peculiari alicui muneri demandentur, ideo necesse est, ut pro alimonia vasa ad sui etiam structuram exigant, nervorum pariter, & proprii vasis, ut plurimum excretorii, complicatione, conglobentur. Horum igitur continuatione, toti, præcipuisque visceribus colligantur & uniuntur, unde contactis minimis tota animalis hæc harmonia concutitur, & emanantes inde doloris, vel voluptatis motus universum corpus quatiant, sicut etiam affectis insignibus, præcipuisque visceribus, minima compati necesse est, itâ ut antiquum illud, aliàs in scholis decantatum non perperam fortè de minimo liceat usurpare, *est totum in toto, & totum in qualibet parte.*

Horum minimorum opificium non adedò naturæ arduum contingit, ut nostræ intellectiõni accidit; difficilius enim eorum legem mente concipimus, quam re ipsâ à natura peragantur; simplex, una, & facilis videtur in constandis viventium corporibus, naturæ norma, quam visus est Hippocrates de morte *lib. de carn.* adumbrasse; evidentiùs eandem viam calcat in plantis, ac animalibus, dum pro nutritione organa fabrefecit; fistulas

PRÆFATIO.

fistulas namque cum interpositis in utrisque apposuit: alimenti, & humorum ascensum, viscerum, vel muscutorum pressione, in animalibus molita est: in plantis autem externo frigore, vel potius solatium radiorum vibratione sursum abigit.

Germanam igitur hanc naturæ operandi regulam, his, ruditer de quorundam viscerum structura exaratis, evidenter deprehendes, ubi minimorum ministerio perpetuè naturam uti, hisque ingentia excitari, & præcipuum illius studium esse separationem, & interdum miscellam, constabit.

Ne miraberis, novum me de Cerebro, Hepate, & Renibus assumisse laborem, post doctissimorum *Willis*, *Glissonii*, *Fracassati*, & *Bellini* absolutissimas exercitationes: tantorum enim virorum placita temporis beneficio novis observationibus firmata volui, ut verificetur *Hippocratis* illud effatum: *Tempus porro etiam artem facilem, & perviam facit, aut in consimilem viam incidentibus processus manifestos facit*, ità ut concludere possim cum eodem alibi: *redarguere ea quæ non rectè dicta sunt minimè institui: Verùm his, quæ sufficienter cognita sunt, testimonium præbere animus est.*

INDEX

INDEX CAPITUM.

DE HEPATE.

Cap. I.	C ompendio exponuntur quæ hucusque de substantia Hepatû dicta sunt	pag. 57
Cap. II.	Hepatû accuratè scilicet, æque observatio, & descriptio.	58
Cap. III.	Hepar glandulam esse conglomeratam.	61
Cap. IV.	Proponuntur Warthoni rationes & solvantur.	64
Cap. V.	Perus biliaris est Hepatis excretorium vas.	66
Cap. VI.	De Hepatû usu, & an sanguificet.	68
Cap. VII.	An bilis in jecore misceatur, an separetur.	69
Cap. VIII.	Solvuntur diversæ insuntie.	72
Cap. IX.	De bilis usu.	75

DE CEREBRI CORTICE.

Cap. I.	Q uid sit Corticis Cerebri substantia.	77
Cap. II.	Solvuntur Warthoni Objectiones.	80
Cap. III.	Exponuntur Cerebri vasa, eorûque progressus.	81
Cap. IV.	De Corticis Usu.	84

DE RENIBUS.

	P roœmium.	87
Cap. I.	De Renum extimæ superficiei divisione.	88
Cap. II.	De exteriori Renum substantia à scissione per gibbum occurrente.	90
Cap. III.	De internis glandulis Renalibus, earûque continuatione cum vasis.	92
Cap. IV.	De residua substantiæ Renum usque ad pelvim.	93
Cap. V.	De Vasorum Propagine, & Pelvi.	96
Cap. VI.	De Renum Usu.	98

DE LIENE.

	P refatio.	101
Cap. I.	De Lienis membranâ.	102
Cap. II.	De Fibra per Lienem dispersis.	104
Cap. III.	De Vasis Lienem percurrentibus, eorûque capsula.	105
Cap. IV.	De Lienis substantia.	108
Cap. V.	De quibusdam corporibus per Lienem dispersis.	111
Cap. VI.	Cogitata quædam circa Lienis usum dubitatimè enuntiata.	113

DE POLYPO CORDIS

Differtatio.	113
--------------	-----

DE PULMONIBUS

Epist. 1.	133
Epist. 2.	140

DE HEPATE.

CAP. I.

Compendio exponuntur quæ hucusque de substantia hepatis dicta sunt.

Hepatis historiam apud antiquos, & neotericos abundè exaratam habemus, & novissimè celeberrimi *Glissonii* opera tam copiosis, & dilucidis inventis elucubravit, ut nihil ampliùs optandum videatur. Quoniam tamen ferax est naturæ penu, & variis subsequentiũ literatorum placitis, quandoque jam denudata veritas, iterum obvelatur, ideo non abs re erit, ut quæ repetitis observationibus ad clatiorem dictorum lucem collegimus, brevibus addamus.

Dimissis igitur membranis, & vasorum propaginibus, quibus coagmentatur hepatis moles, dicendum occurrit de ejus carne, quam omnium consensu, medica schola ex *Erasistrato*, parenchyma appellare consuevit, penè ac sit circa vasa determinati corporis affusio. Plures præcunte *Hipp. in lib. de carn.* sanguineis fibris, frigido scilicet atque viscoso, & pingui concreto corpore, hoc ministerium assignaverunt; & videbatur sua observatione hoc firmare *Harveius* in cervis, docens in primordiis suæ generationis jecur rude esse, & propensum informe, viderique solum rubicundam, & sanguinolentam affusionem: *Glissonius* autem inter parenchymata recenset; cordi, pulmonibus, & renibus annumerat; addit tamen bilis aliqualem requiriti miscellam ex actuali ipsius, & continua separatione. *Ruffus* perservidum, igneumque jecur plurimum ad se alimenti attrahens existimat, unde, hujus robore dexteris animalis partes, sinistris præstare infert. Accuratissimus *Joh. Theod. Schenckius*, hepatis substantiam minimè spermaticam esse ex communi Medicorum placito asserit, sulque generis agnoscit, cui similis non reperitur in reliquo corpore, & ideo partem corporis principem creditam fuisse, deducit; hujus substantiæ tantam esse friabilitatem docuit præcipuè *Glissonius*; ut ablata investiente tunica, & vasorum implicitis nexibus, de facili effluere possit. *Galenus* densissimum licet hoc viscus appellet, friabile tamen statuit;

Q

in

in ipso autem substantiæ continuitatem tam necessariam crediderunt Medici, & Anatomici, ut hac vel vulnere, vel erosione sublata, præcipuum hepatis munus impediatur, tumoresque, & morbosæ collectiones excitentur, impedito diversorum humorum motu extra vasa, & extra consuetos carnis meatus. *Hipp. de vet. med.* tenerum, floridum, sanguineum, & densum prædicat jecur, quare, ex diversis suæ substantiæ conditionibus, quibuscunque occurrantibus resistere monet, ob sanguineam autem naturam, ejusque molliem, doloribus & tuberculis obnoxium fatetur.

Quare ex ambiente externa hepatis membrana configurationem subortam fatentur Anatomici: tam variè tamen in brutis configuratur hepar, ut nulla sit in hoc naturæ operandi statuta norma. In hominibus ipsis quatuor lobos propriis insignitos nominibus Antiqui enumerabant, referente enim *Busso*, portas, mensam, gladium, & ungucem appellabant, & *Protospatarius* novis distinxit nominibus, unde dicti sunt focus, mensa, culter, & auriga: *Galenus*, quem plures sequuntur, quinque exponit lobulos: *Columbus* tamen indivisum asserit, & *Glissonius* pluribus formam ejus individuum in hominibus firmat: perfectissima enim omnium figura homini perfectissimo, consentientibus cæteris commodis, & utilitatibus necessario competebar; in avibus autem, & quibusdam brutis in multiplices findi lobos, ut contiguis partibus, corporisque trunco suam præstet operam, & situm, docet; unde observat in cuniculorum jecoribus fibram dextram reni dextro locum præbere, sinuque amplo excavari, ut ipsum admittat: in avibus sinistro lobo (eodem docente) jecur amplexatur, & suprema loborum cavitate cor cum investiente capsula, excipit.

C A P. II.

Hepatis accurata sectio, ejusque observatio & divisio.

DEtracō membranoso hepatis involuero, quo circumambitur tota jecoris moles, sese considerata objicit ejusdem substantiæ: & quoniam in perfectionibus sanguineis animalibus hoc solenne est, ut ipsorum simplicitas multis obscuritatibus implicetur, hinc necesse est, ut imperfectorum animantium observatione gradum nobis faciamus. In cochleis igitur, ubi imi ventris viscera evidentiora patent, conglomerata quadam, insignis, si ad totius corporis molem referatur, glandula, conspicitur, fulci coloris, in insignes fibras divisa, supra intestinorum longitudinem excurrens, quæ ex situ, ex vasorum connexionem, evidenter hepatis naturam, & munus explet; hæc in quamplurimos lobulos dividitur, non sphericæ, sed conicæ potius figura donatos: nec fat est naturæ hanc parasse divisionem, sed minutorum, valde amica, ulteriorem, soloque microscopio conspicuam, molita est; nam singuli mox expositi lobuli, velut ex parvis uvæ racemi

conglō-

conglobatis, subrotundis corporibus, acinorum instar constantur, quæ cum toto lobulo mediis vasis connexionem habent: singula tamen proprio describuntur termino. In lacertis idem elucubravimus, quibus hepar in multiplices, oblongos, & quandoque graciles dividitur lobos; in his ita evidenter sunt hujusmodi lobuli, ut absque microscopio conspici possint; quin etiam interstitia, & eorum fines punctis quandoque atris designantur, in his quoque eadem consueta subdivisio observatur in singulis lobulis, qui glandulosis acinis constant. Nec unicus est naturæ mos in solis insectis, sed eadem methode in componendo perfectorum hepate visa est incessisse: in piscibus enim, & præcipue in *Galeo*, (licet ejus jecur in duas conspicuas fibras, & oblongos lobos dividatur, veluti insignes quasdam linguas abdominis longum percurrentes) idem observatur: conflatur enim, quod usu microscopii, quin & solis ipsis oculis conspici potest, ex lobulis, quales in pulmonibus jam descripsimus, fere innumeris, membranosis nexibus continuatis, quorum figura trifolium ruditer æmulatur. In aliis etiam piscibus, quibus continuari videtur hepatis substantia, idem observatur evidenter, ut in anguillis, in quibus omnibus etiam glandulosi acini deprehenduntur.

Subsequuntur medii ordinis animalia, quorum hepar ab exarata piscium structura non valde distat; ut in mure, &c. *Severinus* in *Zootom.* in *Marte* masculo observavit hepar septem fibris constans, quarum infima quædam trifida, veluti pes galli erat: probabile enim est idem accidere, ac in pulmone, in quo, licet evidens illa, & rudis divisio quatuor tantum lobos efformet, quandoque rami, si vasorum rami ultra protrahantur, ex adnatis hinc inde lobulis appendices illæ excitantur, quibus pulmones connectuntur pleuræ, vel saltem inæquales illæ apophyses versus septum transversum pendentes constituentur; & quoniam vasorum rami hinc inde bifurcantur, accidit, ut appensi lobuli, ni adinvicem nectantur, de facili, solutas & trifidas efforment ex conglobatis extremis lobulis fibras.

In *Sciuro* elegans, & clara est jecoris compositio: primo namque in multiplices dividitur fibras, quas interstitiorum diversus color in plures lobulos divisas indicat, & tandem emergunt glandulosi illi acini extra assurgentes, ut quid distinctius vix conspici possit. In sanguineorum autem perfectorum indagine lucem adferre possunt, quæ ab *Anatomicis* cursim, & veluti in umbra observata fuere, inter quæ extat illud à prædecessore meo doctissimo *Cortese* exaratum; Hic enim foramina quædam, seu rimulas in jecoris carne deprehendit: *Glissonius* etiam in laudata hepatis anatome, continuitatem hepatis debilem, infirmam, atque friabilem exhibet, hæc subdens, *Nisi enim membrana, à peritoneo orta, ipsum arcte complecteretur, vasæque per totam illius substantiam disseminata, mutuis passim nexibus invicem copulata, idem firmiter constringerent; facile profecto levi aliunde vi illata non modo rimas ageret, sed & frustillatim dispergeretur: & inferius habet: Vidi aliquando in gibba quorundam jecinorum parte rimas, & hiatus majusculos, qui forte à partium extremarum violentiore complicatione ortum duxerant, quemadmodum & panis frustum nimia incarceratione diffingitur. Rimis istis,*

istis, sive fissuris (quo tempore mihi eas videre contigit) natae medellam attulerat, non quidem facta agglutinatione, aut cicatrice, sed tenuis pelliculae superinductione, qua utrumque fissurae latus obduerat, manentibus tamen labris sejunctis, licet illa se mutuo attingerent. Quibus omnibus liquet continuitatem parenchymatis hepatis in accuratissimo viro tam altas habuisse radices, ut licet Natura contrarium in exigua aliqua portione obtulerit conspiciendum, fortis tamen imaginatio, ut quid morbosum, externisque causis excitatum, dijudicavit & rejecit. *Fernelius* rimulas in hepatis parenchymate observavit, hasque sponte ortas, sola nativae humiditatis privatione, & nimia siccitate excitatas putavit, quod quidem velut incredibile quoddam à *Mabio* rejicitur, eo quia licet corpus, & viscera marasmo quodam contabescant laesa nutritione, & inducta sicca intemperie, quia tamen sensim procedit marcor, & tantus subrogatur ex potu, & sanguine humor, ut totalis arceatur siccitas, ideo impossibilis videtur tantus siccitatis excessus, ut scissurae emergant; si tamen ambo gravissimi Viri iteratis sectionibus, variisque animalium jecoribus explorassent, has rimulas, ut perpetuas, easque naturae filias admisissent. His igitur praemunitus liber animus, de facili, sensuum germanis impressionibus assentietur, & rerum compagem, qualem paravit natura, dijudicabit.

In bovis itaque jecore, ablata tunica, interstitia, & contermini lobulorum fines observantur, in majoribus praecipue vasorum bifurcationibus, ubi dum hepatis compages vi disrumpitur, ex solidis vasorum ramis ita custodiuntur intercepti lobuli, ut eorum exterior structura, & nexus conspici possit. Hoc etiam feliciter accidet, si leviter jecur maceretur, & postremo elixatione media; licet enim necdentes, & investientes corrugentur membranae, evidentiores tamen lobuli red-duntur.

Hoc totum mihi primò sese videndum facillimo negotio obtulit in animalibus nuperrimè natis, & praecipue in felle, in quo ab extrema hepatis superficie, ita distincti emergunt lobuli, ut representent *Anaglypta*, suis intercapedinibus, & spatiis. Tandem in homine, dilute praecipue sanguine, immissa aqua, jecoris omnem substantiam lobulis contextam observabis, qui & ipsi cum ceteris perfectioribus brutis racemorum congeriem exhibent, quod, ut pateat, diversa perquirenda sunt jecinora, à quibus coctis unguium ope exterior membrana leviter abradatur; ita ut concludere possimus hoc perpetuum extare in singulis animalibus.

In compingendo itaque hepate talis videtur firma naturae methodus: Vasa in jecore, medio involucro communi, à *Glissonio* observato, ita in ramos hinc inde disperguntur, ea inquam proportionali via, quam in pulmonibus intuemur; ad singulas autem vasorum propaggines, licet etiam exiles, lobuli appenduntur, conicam, ut plurimum, servantes figuram, non absimilem à descripta jam in pulmonum divisione; consimilem etiam passim in pancreate, ceterisque conglomeratis glandulis observamus. Lobuli hi propria circumambiente membrana vestiuntur, & continuatis per transversum membranosis nexibus firmantur, ita ut intermedia spatia, & rimulae, minimae tamen, inter lobu-

lobulorum latera emergant, & taliter sibi adinvicem adaptentur, ut nec major, nec minor inde intercapedo suboriat, mutata scilicet conorum magnitudine, situ, & adaptatione; ut evidentius in pulmonibus demonstravimus. Observandum tamen non eandem omnino in omnium animalium jecoribus similem esse lobulorum figuram, sed ut plurimum variari; in piscibus enim superius expositis trifolium referre videtur: ex hoc emergit præter eorundem substantiæ laxitatem, mollitiæ, & flexibilitatis non incongrua causa: quo enim majores sunt lobuli, nec ita intimè adinvicem adaptantur, ita ut insignes rimulæ suboriantur, eo magis tota moles flectitur, ut in quibusdam piscibus accidit, qui flexuosè incedunt, quibus etiam in insignes fibras dividitur. In aliis animalibus lobulorum figura pisum æmuletur, & in fele scx, aliquando plura latera observantur, in homine idem adamussim, unde *Mabius* in humano hepate lapides testicularum figuram æmulantes vidit: erant autem proculdubio hepatis lobuli concluso, & concreto tartaro petrificati.

Glandulosi acini, quibus lobulus componitur, cum peculiarem circumscriptionem habeant, necessariò propria & ipsi figura, quæ ut plurimum hexagona, vel plurium laterum est: hinc etiam necesse est, ut adinvicem præter vasorum ramos peculiaribus membranosis vinculis nectantur, & interstitia aliqua emergant, quæ in piscibus, & imperfectioribus magis conspicua sunt, in perfectioribus autem obscurantur.

Ad singulos autem, hosque minimos lobulos, prout experiri licet, & ex pluribus etiam colligere, multiplices vasorum rami derivantur; nam furculi venæ cavæ, & portæ, porique biliarii indeficienter per totum hepatis corpus ramificantur, ut luculenter etiam *Glissonius*, in nondum satis laudato hepatis opere, nobis indicat, & sanguineum vas in lobulis, extimam hepatis superficiem constituentibus, è centro ejusdem crumpens, hinc inde ramificatur per totam peripheriam, bifidos promens ramos, à quo totus lobulus irrigatur, quod etiam de penitioribus dubitari potest; & licet sensus, in perfectioribus præcipuè, non attingat extremas vasorum propagines, ad glandulosos acinos hiantes, ratione tamen id sufficienter assequi videmur; tota enim jecoris moles ex his duobus coalescit; glandulosi scilicet acinis, & diversis vasorum propaginibus; quare, ut aliquod ab his commune opus emanet, necesse est, ut inter glandulas, & vasa commercium intercedat. Uterius in hepate cum servat naturæ morem, ut venæ portæ propagines arteriarum vices gerant, quod tunicarum multiplicitate indicavit, & tanta est societas, & nexus portæ cum poro biliario, ut arcè amborum ramuli eodem continentur involucrio; & acutissimus *Thomas Cornelius* vermium multitudinē interdum ita repletos eodem porū ramos fatetur, ut hac potissimum ratione distinctionem à sanguineis vasis collegerit.

Apud antiquos certus videbatur in hepate statutus limes pro vasorum divaricationibus: cavum enim hepatis solis portæ ramis irrigari creditum est, residuum autem cavæ furculis demandabatur, & *Spigelius* addebat, majorem esse portæ portionem, quàm cavæ, quod utrumque falsum deprehenditur, ut peroptimè probat *Glissonius*, & fa-

pius in recenter natis brutis expertus sum; in quibus facili abrasione propriæ carnis, vasorum in universum propagines observantur æquali numero, & mole, ita ut singuli lobuli, & glandulosi acini gibbam, & cavam hepatis regionem construentes, iisdem polleant vasis. Illud tamen mihi nunquam observare licuit, quod à nervoso *Bachio* scribitur, ramos portæ cavæ propaginibus uniri, & sibi invicem adnasci, ita ut una videatur vena, quod abrafo jecoris parenchymate clarè se vidisse fateatur: quin immisâ fistulâ, turgente flatu in cava, & porta, conjunctiones hæcè conspexisse addit. Plures sæpe à *Glistonio* descriptas conjunctiones vidi, & quoniam innumeri sunt hepatis lobuli hinc inde vasis appensi, inde est, ut necessariè in quamcunque partem diramentur Surculi, & ita superequitationes, & consimiles contingant conjunctiones; succedit etiam, apertis vasis, crebra foramina conspici, quæ nil aliud sunt, quàm vasculorum origines, & hiatus, qui anastomosis specie multis imposuere, sicut in pulmonum vasis accidit, ita ut cordati etiam viri decepti sint. Illud etiam à *Glistonio* additum infirmare videtur cavæ, & portæ anastomoses, cum immisso liquore per portam tota hepatis caro, detergo sanguine, & bile, colorem immutet: unde concludi potius potest, glandulosos acinos, quibus hepatis moles excitatur, medium esse inter asportantia, & deferentia vasa.

C A P. III.

Hepar glandulam esse conglomeratam.

SUB quoniam genere carnis, exarata hucusque hepatis structura reponenda sit, non est fortè ita difficile, ut ex dictis non eruamus. Configuratio externa, substantiæ modus, connexio, hiantium vasorum varia genera, indeque emergentes morbi, humanæ sufficiunt conjecturæ, ut partes sub fictis quibusdam universalibus naturis, & generibus reponantur; raturum autem apud omnes est, pancreas, parotides, thymum veras esse glandulas, quas Clarissimus *Warthonus* descripsit, parenchymata esse spermatica una communi membrana universum, & frequenter frustulajam inclusa, nervosa potius, quàm sanguinea, nervis, arteriis, & venis, aliisque peculiari vase donata. Et *Hippocrates* libro peculiari monebat, glandularum substantiam talem esse, qualis in reliquo corpore non reperitur, raram scilicet, & pinguem, friabilem, multis vasis, quibus humor in eas confluit, & affectu irrigatam: expositam autem structuram cum pancreate, cæterisque manifestis glandulis jecur evidenter habet: configuratio enim extima, licet quoad universam molem varia sit, lobulorum tamen aggregatione, & compage consonat; contingit verò variatio ex diversâ vasorum bifurcatione, hepatis situ, abdominis figura, & animalis incessu: quin & in ipso etiam pancreate non ubique sibi similes sunt

sunt contermini fines: nam aliquando totam amulatur linguam, quandoque bifurcatur, & diversas recipit laciniationes; in jecore etiam substantiæ modus, nexus & color, prout excutientibus nostris permittitur oculis, omnimodam sortiuntur cum glandulis rationem; nec urget consuetus hepatis color; si enim sanguis exhauriatur, albicat, quin & in foetu hoc observatum legimus; in piscibus etiam modò albescit, modò flavescit, ita ut variis cribratorum humorum coloribus inficiatur. Vasa item, quæ glandularum ministerio inservire solent in hepate, ut superius retulimus, insignia sunt, venæ scilicet, arteriæ, nervi, propriumque vas, porus videlicet biliaris. Enati etiam morbi utrique videntur communes, & penitus similes; in glandulis enim ex concretis succis, ex tartarea, gypsea, & quandoque aquea excitari solent materia, ut passim in parotidibus, colli glandulis, & aliis cum animalis detrimento observamus, quod & in hepate contingere docent plurium virorum observationes. In hepatis pariter lobulis vermium frequens generatio conspicitur, ut testantur *Baubinns*, *Montanus* & *Schenckius*, quod in cæteris glandulis facillimè excitatum quotidieprehendimus, in canum præcipuè conglobatis glandulis. Accedat etiam, in interstitiis lobulos dividendis, aqueos assurgere tumores, quales in pulmonum spatiis aliàs fieri indicavimus; & tandem tanta est signorum & accidentium, quibus glandularum naturam designamus, firmus in hepate consensus, ut magni alioquin Viri, nolentes etiam, sola sensuum vi hepatis frustula Glandulas appellare cogantur. Hoc accidit *Regemortero* apud *Glissonium*, qui in cujusdam cadaveris sectione hepar interitum, & exteriùs infinitis penè glandulis pisi instar scatens se observasse fatetur: nec credibile est, eas adventitias fuisse à morbofo ægri statu inductas, ut censuit observator, sed quæ in omnibus ob exiguitatem latent, ex aucta magnitudine, & soliditate concreto gypseo succo manifestas apparuisse, & ut evidentius nobis innotesceret, inter glandularum genus reponendas esse, consimilem affectionem in glandulis colli ejusdem ægri per multum temporis exhibuisse naturam, vel saltem morbus, eadem enim materia ad concretionem prona, in consimilibus glandulis excitaverat tumores.

Hepatis etiam primæva generatio ab *Harveio* graphicè descripta lib. de gener. animal. hoc totum innuere, digitoque indicare videtur. Habet enim die 7. & 10. propaginibus umbilicalium vasorum jecoris parenchyma accrescere, quemadmodum uvæ racemus, germina virgultis, incipiens spica gramini, nam opposita est uvæ similitudo; sicut enim singulis racemi fibris, & vasorum finibus conglobata quædam moles appenditur, quæ ab excurrentibus per racemum vasis, sibi que continuis humorem recipit, cribrat, & per alia diversa, novæque vasa contento semini, seu plantulæ communicat, ita omnibus venæ portæ extremis ramulis glandulosos acinos addidisse naturam probabile est, ut appulso humori subservirent; & sicut totus uvæ racemus exiguis, quasi botris, vasorum communionem, & nexu constatur, qui & ipsi appensis acinis conglobantur, ita totum jecur constat multiplicibus lobulis, qui coagmentantur glandulosis globulis.

Insignium

Insignium *Glissonii*, *Warthoni*, *Silvii*, *Stenonis*, & aliorum circa glandulas elucubrationibus duplex ipsarum genus nobis hucusque innotuit, unde divisio illa conglobatarum & conglomeratarum circumfertur; differunt autem interna structura, (quæ licet nos ob exiguitatem adhuc lateat, de ea tamen aliàs nonnulla promemus) externa item configuratione, appensis insuper vasis, liquoribusque inde separatis: nam conglomeratæ, ut pancreatis, & thymi exemplo firmari potest, in frustula, exiguasque portiunculas dividuntur, quæ & ipse glandulosus acinis componuntur, ut in bovis thymo observavi, à quibus insigne quoddam vas originem trahit, cuius ope determinatus humor minima glandularum structura separatus, in peculiarem cavitatem specifico usui eructatur, quæ omnia non ita adamussim in conglobatis observata videbis; nequaquam enim in frustula dividuntur, sed irregularem figuram omnimoda suarum partium continuitate, vel saltem contiguitate, habent, ita ut firmior videatur ejus caro, & compositio, & licet adhuc dubitetur, quodnam vas è conglobatis crumpat, illud tamen valdè probabile videtur, lymphatica ab his exoriri; vel saltem non hucusque innotuit, an separatus humor diversis usibus inserviat, ut de conglomeratis accidit, sed in unicum conspirare ministerium apud plerosque evulgatum est.

His itaque probabiliter statutis, non incongruè determinare possumus, hepar conglomeratam esse glandulam, cum in diversâ frustula & acinos dividatur, unico excretorio polleat vase, & determinatum separet succum in cavitatem intestinorum eructandum. Et si solus intuitus, exteriorque species ad ferendum judicium sufficerent, solo piscium jecore conspecto lis dirimeretur, nam omnimodam undequaque cum pancreate, & thymo similitudinem exterius habet, si præcipuè contentus sanguis effluat, & diluatur.

C A P. IV.

Proponuntur Warthoni rationes, & solvuntur.

HEpar inter glandularum genus, rationibus hucusque allatis, reposuimus, & hoc placitum Clarissimi *Warthoni* urgent allatæ rationes libro de glandulis exarata; his insistendum duxi: nec mihi cum Viro de re medica benemerenti congruere est in animo, sed ut ei potissimum uberior philosophandi campus ex his, quæ menti, oculisque meis occurrere, aperiatur.

Premissis igitur communitatibus, quibus viscera (inter quæ locat jecur) & glandulæ conveniunt quod scilicet omnes hæ partes à cæteris quodammodo discretæ, velut insulæ, in corpore locentur, sui generis parenchymate polleant, & ad officiale, publicumque munus destinantur, præcipuas insignesque differentias, quibus à viscerum natura

tura arcentur, subdit, inter quas primo exaratur, omnia scilicet viscera partes esse quavis glandula majores, quod tamen non ita urgere videtur; nam major, vel minor magnitudo non arceat ab unitate ejusdem generis, & naturæ; sicuti glandulæ miliares in extrema cute, in palato, & aliis etiam partibus locatæ, si pancreati comparentur: exiguæ, & minime licet appareant, non tamen extra glandularum genus locantur: postremo sit parvitas constitutiva glandulose naturæ, vel saltem necessariò consequens, lobuli minores, & glandulosi acini, qui singuli completæ glandulæ substantiam, & munus habent, in hepate occurrent.

Additur secundo omnibus glandulis (excepto solo liene) nobilissimum esse jecur, & ad vitam maximè necessarium. De partium nobilitate parùm sollicitos video magis sensatos Viros, & nostro sæculo corporis Monarcham cor ipsum bajuli, quin & molaris Asini ignominiam onerasse, sanguinem verò, transactis temporibus nec anima ipsa dignum, supremam nostri corporis partem dijudicasse.

Circa verò necessariam operam, & ministerium pro conservacione vitæ consimilem in utriusque reperio necessitatem, & usum; deficiente enim in pancreate continua succi illius separatione, vel saltem vitiata ejus natura, labefactatur totius corporis œconomia, chyli, sanguinis, & aliorum coctionum symmetria, & quandoque etiam animalis facultatis vis obtunditur, ut in Hypochondriaci accidit, & evidentem, insignem, & ferè incurabilem subsequi læsionem quotidie observamus, cum mitior fortè nòxa, & mortis timor contingat in jecoris abscessibus, tumoribusque, dum & hujus abscessa etiam parte sanantur ægri, sicuti in pulmonum erosione per plures adhuc annos superstes manet animal. Pancreatis ad vitam necessarium usum idem Warthonus binis, hisque celebratissimis historiis firmat: & ego bis vidi insignem hujus tumorem, labefactata prima coctione, tandem chyli distributionem, angustato inferiori ventriculi orificio, ultimam necem intulisse.

Objicit tertio, viscera, & hepar ipsum venas habent, & arterias ampliores, & licet in jecore exigua sit arteria, porta tamen, quæ ejus munus explet, amplissimo trunco, insignibusque ramis per ipsius substantiam diffusis superbit, glandulæ autem ex opposito exilibus venis, atque arteriis pollent. Ad hoc autem illud sufficiat, ampliora quidem vasa in tota jecoris compage observari, & si eorum propagines ab lobulos extensas rimemur, ejusdem magnitudinis, & fortè etiam minoris, ac in glandulis præcipuè conglobatis, reperiemus; cogitur autem natura insignes ramos, & truncum per hepar dispartiri, quia cum per plurimos lobulos, & inde ad glandulosos acinos insigne spatium occupantes dispergere necessariò cogatur, & mos sit in vasorum productione, ut sensim decreseat, idè insignis truncus exigitur. His accedat, sanguinis copiam requiri, quæ, ut facilius accedat & recedat, insignes hosce tubulos sibi postulat.

Huic affinis succedit objectio ex vasorum in visceribus magis conspicua distributione, quæ ob exilitatem in glandulis, & parenchymatis inseparabilem substantiam, obscura omnino existit, cui sat est di-

xiffe, ramorum propagines, quæ abrafa hepatis carne miris plexibus conspiciuntur, non penetrare carnem, cum ipsa in acinos divisa minimis propaginibus appendatur, & adnascatur. Deinde in pancreate, in parotidibus ramorum bifurcationes & divaricationes æque conspiciæ sunt, ac in visceribus appellatis, si insignes ramos lobulorum spatia excurrentes perscrutemur. Et si libet consuetam naturæ methodum rimari, in quacunque corporis particula, vel maxima, vel minima, uritur perpetuò exili, & exigua vasorum propagine, quæ nec instrumentis optice fortè attingi potest.

His duas alias addit differentias, hepar scilicet cum corde, pulmonibus, liene & renibus magis sanguineum esse: est enim rubicundius, calidius, & vitalius; glandulas autem potius spermatikas, pituitosâsque esse, unde ultimò concludit, viscera sanguini quoquomodo ministrare, glandulas autem & sanguini, & cerebro famulari. Primæ autem partium ex uno colliquamento productio, & earum dealbatio absterfo sanguine identitatem evincunt; nec undequaque verum est glandulas perpetuò albescere, nam dantur aliquæ, quæ interitûs omnes rubescunt, saltem in aliquibus conglobatæ portionibus ex affuso sanguine impensè etiam rubent, quod in glandulis ad inguina observavi. Et postremò nondum certum est, an omnes glandulæ succo nutritivo, vel ejusdem depurationi, nervorumque ministerio incumbant, cum saliva materia probabiliter ab arteriis effluat, quod idem in pancreate, & in aliis dubitari potest. Quare satius est credere, ex dicendis etiam inferrius, omnem depurationem, secretionemque succi sive excrementitii, sive proficui è sanguinis massa, solis glandulis deberi.

C A P. V.

Porus biliaris est hepatis excretorium vas.

Conglomeratam glandulam jecur esse, rationibus, & autopsia hucusque prout licuit, firmavimus, & quoniam conglomeratis glandulis hoc est solenne, ut proprio excretorio vase polleant, quod inductione, ducibus clarissimis Viris *Sylvio* & *Stenone*, firmare possumus, dum naturæ consuetum hoc opus in parotidibus, pancreate, saliva, sudoris, & lacrymarum glandulis, aliisque in quibus dispersum per propriam substantiam peculiare aliquod vas conspicitur præter communia vasa, venas scilicet, arterias, & nervos, idem in hepatis structura hujusmodi inquirendum venit.

Quodnam autem hujusmodi sit hepatis excretorium vas indicare videtur ejus compages, non accurata tantum sed rudi etiam observatione tentata; in eo enim radicitus cum cæteris aliis communibus ductibus biliaris porus, ita ut quemcunque lobulum, & appensos glandulosos acinos tum in centro, tum in extremitate locatos attingat, & in

in conspicuum truncum faciens ad duodenum tandem deducatur, cui etiam additur felleæ vesicæ truncus cum propagatis radicibus in aliquos hepatis lobulos. Quòd autem biliaris porus, velut peculiare vas hepati inserviat, demonstrat contenta materia, quæ certè à nullo alio vase transmittitur, & effluit, & licet adhuc dubium sit, an bilis à cystis in jecur effundatur, an verò ab hoc in cystim, & duodenum demandetur, constat tamen porum biliarium radicisque cystis solas esse vias, quibus bilis commeatus habetur; quare ex conglomeratarum natura, ex vase nullibi in cæteris partibus observato, & tam copiose per jecur disperse, & peculiari humore (transducta scilicet bile) concludere possumus, porum biliarium excretorium, seu saltem peculiare hepatis vas esse.

Sed ardua, multique momenti sese offert difficultas, nam videtur inconcussam apud omnes à jecore propagari lymphatica vasa à famigerato *Bartholino* detecta, in quibus, ligaturis mediis, turgentia inducta versus hepar, ab ipso lympham emanare, & ad centrum dirigi ostendit, licet nobilissimus *Bilsius* dimisso vinculo contrarium ostendere conetur, acriterque tueatur: quare, illo admisso, videbitur natura multiplicasse excretoria vasa, & dubii hærebimus, quodnam sit germanum ipsius vas, simulque corruet illud à laudato *Stenone* expositum, lymphatica à conglobatis oriri, & ab his in alias propagari, à conglomeratis autem excretorium tantum vas erumpere. Ut huic difficultati, quantum expedit negotio nostro, satisfaciamus, sufficit innuere, initium lymphaticorum à penitioribus hepatis partibus ab Anatomicis hucusque desiderari, quin *Bilsius* ipse fatetur rariis tantum portæ hære, & ad muscum earum membranis contentum hiare, & *Glissonius*, licet ea ad capsulam portæ ingressa videat, tamen ulteriorem in parenchyma progressum nec vidit, nec admittere videtur, eò quia, ipso docente, recta pertranseunt partem illam hepatis, dum capsulam adeunt, quod non accideret, si in singulas jecoris partes essent propaganda, quod fatetur etiam *Charleston*.

His omnibus accedat ratio, si ab hepatis substantia primum exortum traherent lymphatica, non esset major ratio, cur ab uno lobulo, quam ab alio emanarent: quare cum ferè innumeri sint, tot etiam necessariò essent lymphatica, quæ tamen circa hepar paucò comprehensa numero observantur; & quoniam videtur multorum observatio, hæc ortum trahere à conglobatis glandulis, idèò satius est credere, cum in cavo jecoris sub involucri, ubi vasa sanguinea, & porus biliaris ipsum intrant, conspicuæ glandulæ conglobatæ reperiuntur, ab his lymphatica erumpere: has in vituli jecore sæpissime observavi, nec inconseutus est naturæ, mos colligandi scilicet conglobatas cum conglomeratis, laudatus etenim *Steno* in parotidum icone contiguum describit conglobatam glandulam cum apposis lymphaticis: idèò ex his omnibus valde probabile est germanum hepatis excretorium vas esse porum biliarium, lymphatica verò adnatis glandulis inferi, nullumque intimum commercium cum jecore sapere.

CAP. VI.

De Hepatis usu, & an sanguificet.

Tanta est humanarum rerum vicissitudo, ingeniorumque variae subinde ortae speculationes, ut nec uno momento eadem persistat res, quas quidem ærumnas in solo jecore ita cumulas vidimus, ut multarum tragoediarum exciterit theatrum.

Antiquissimum viguit apud Rationales dogma, hepatis munus esse sanguinem ex chylo conficere, ita ut apud Græcos, & Arabes nil notius, & certius existat, eò quia excrementa sanguinis circa jecur locentur, in quod chylosa sanguinis materia devehitur; ab hoc, veluti primo principio, venæ exortæ in truncum assurgunt, ut ibidem genitum sanguinem universo corpori communicent, & tandem oblaeso jecore languet corpus, & animalis œconomia vitatur: Et licet inconcussa fuerit multis sæculis opinio, soli hepati sanguificationis opus deberi, qua tamen particula peragatur, controversum exitit: *Bambinus*, *Piccolominus* & alii sanguinem efformari solis venarum tunicis docuerunt, parenchyma autem vasorum diramationem tantum fulcire crediderunt. *Vesalius* autem hepatis carnem primariam sanguinis effectricem credidit ex ingenita vi producentis sibi simile; nec minor dissensus in viarum assignatione, quibus vehatur chylus in sanguinem mutandus: constans enim fuit prisca temporibus venis mesaraicis, vel unâ cum sanguine, vel diverso tempore ab intestinis in cavum hepatis deferri: mox felici hoc seculo detecta *Astelliana* vasa, ob contentum chylum, & ab intestinis evidentem radicationem, muneri huic destinata fuere; paulo post tamen novus ipsorum innotuit terminus, & semita, unde qui pro focis, & aris ad tuendam jecoris dignitatem dimicabant, antiquam chyli semitam novo sanguinis circuitu strata & rectam assumpserunt, inter quos Nobilissimus *Bilsius* quem sequuntur *Deusignius*, *Riolanus*, *la Noble*, & alii; hujus autem renovatae assertionis *Achillem* molitus est *Bilsius* famigeratissimo illo experimento canis adhuc viventis secti, in cujus mesenterio arterias nodo vincit, & iterum cutim consuit, ut rursus post quinque horas aperiat, in quo vacuæ arteriæ, venæ autem repletæ succo quodam subobsuro, & cinerico deprehenduntur; cum autem hujusmodi nequeat propagari ab arteriis ob injectum vinculum, necesse est fateri ab intestinis per continuatas radices ascendere.

Hoc experimentum multorum torse ingenia, multisque etiam oppugnatur, vel saltem ejus inefficacitas ad inferendam sanguinis in jecore productionem arguitur, & demonstratur: felicissimus enim *Thomas Bartholinus* negat mesaraicas venas hoc succo ab intestinorum cavitate hausto turgere, quâ aliunde venas ebibisse credit; eum vasa absolute in ipsam non hient: quare succum hunc ex refluxo sanguine à liene partibus inferioribus derivat, & licet ejusdem succi congelatio

a *Bilσιο*

à *Bilfo* ad evincendum chyli naturam usurpetur, contrarium tamen ex ea elicit *Bartholinus*: cum hæc nequaquam chylo accidat, sed sanguini tantum.

Ingeniosissimo *Stenon* in responsis ad vindicias hepatis rediivi narrat, se hujusmodi experimentum tentasse binis in canibus, & post quatuor horas eductum è vena porta succum, sanguinemque è vena cava, & aorta acri exposuisse, omniaque æquè concrefcere & splendescere observavit, unde ex hoc verum sanguinem censet. Hoc totum verissimum reperi in canibus, tum diu jejunis, tum cibo copioso refectis, post abdominis sectionem, venarumque vinculum, diu adhuc superviventibus; nam in utrisque turget insigniter mesaraicis interceptus, & contentus sanguis, acrique expositus eundem colorem substantiaque modum exhibet, qualem in majoribus venis observamus; quod autem injecto vinculo in mesenterii arteriis turgeant comites venæ detumescuntibus arteriis, difficilem fidem assequi videtur ex legibus circularis sanguinis motus: quoniam tamen singula mesenterii portiones, quæ hinc inde insignibus vasis continentur, ad intestina derivatis, minimo sanguineorum vasorum rete ab iisdem emanante irrigantur, non ab simili forma, ac videmus in arborum foliis; idcò sanguis ab arteriis citra ligaturam in hos continuatos retis ramos, nudis oculis inconspicuos, totumque membranæ amplum spatium excurrentes, derivari potest, & ex his consuetæ naturæ via paratur in comites propagines reticularis venæ, & tandem in ramum venæ arteriam ligatam concomitantis: videmus enim tam facilem esse progressum ab extremis arteriis, meatibusque carni in venas, ut post obitum tota fere sanguinis massa undique confluens in venis majoribus recolligatur.

C A P. VII.

An bilis in jecore misceatur, an separetur.

EX coctionis legibus, visa est antiquis necessaria in hepate, peracta sanguinis elaboratione, bilis, ut præcipui excrementi separatio, in proprium emunctorium, cystim scilicet, eliminatio; hoc in Medicorum schola inconcussum diu vixit placitum, donec noviter nervosi *Bachii* ingeniosa meditatio dubium reddidit: Is enim demonstraturus nequaquam hepatis excrementum esse nec naturæ inimicum, per arterias cysticas, medio membraneo corpore, ejusque texturâ, in cystim deferri, & deponi, velut in promptuarium, & pœnu docuit, a qua expressa per proprios ductus sanguini in jecore superaddatur, & affundatur ad facilitatem hæmatosim. Ut firmet igitur novum hoc inventum, brevem præmittit felicæ cystis descriptionem, in cujus compositione membranarum contractilem, & extensilem observat substan-

T

tiam,

tiam, cujus idiosyncrasia, vel saltem poris per transfudantiam à cœliacis arteriis bilis unâ cum sanguine delata, ab eodem separatur, & deponitur in cavitatem, à qua partim per porum biliarium in singulas jecoris partes delata, chylo in pancreate alterato, & sanguini è liene, hæmorrhoidibus, cæterisque abdominis visceribus restituo, ut dilutior fiat, exquisitè commixta, medio hepatis parenchymate supplementum coctioni hepatis impertit, similèmq; hunc sanguinem cæteræ massæ reddit. Hujus separationis argumentum ex unico foramine, quo cystis fellea pollet, deducit, per quod nequaquam ingreditur bilis, cum valvulis semilunaribus firmetur, & cum à cysti expressa bilis, licet digitis, nequeat ullo studio in eam iterum repelli. Percolationis hujusmodi modum naturæ etiam familiarem inductione probat ex salivæ separatione in ore, ex humore exudante à ventriculi tunicis, ex urinæ in renibus percolatione, & ex pelliculis, in quibus ex diversa materia abscessus coacervantur. Tandem hujus recollectæ bilis necessitatem ostendere conatur ex perpetua ejusdem existentia in singulis animalibus, ita ut quælibet etiam formica, juxta adagium, sua polleat bile.

Ingeniosum quidem placitum, in quo saltem laudandum venit illud, quod bilis discussa excrementi natura, coctionis condimentum, peculiarèque fermentum statuitur; ad edendam enim perfectè coctionem, saltem eam, quæ in intestinis perficitur, ejus necessitatem sufficienter probant observationes eorum, quibus obstructo vehementer hepate, vel ejus poro, ventris turbationes, cruditates, & inde totius corporis marasmus cum interitu succedunt.

An verò excogitatum illud Bachii, quo bilis generatio per transfudantiam è cystis membranarum ponitur, naturæ operibus, simulque rationibus consonet, discutiendum; præcipua igitur ratio à simili deducitur ex urinæ collectione, salivæ eruptione, & succi ad chylicationem peragendum, quorum causam in solos meatus continentium, vel saltem ambientium panniculorum resolvit. Illud tamen animadverto in assignatis locis pro hujusmodi cribrandis succis, non sat fuisse naturæ membranarum porulos apposuisse, sed ultra hæc peculiariora corpora, glandulas scilicet, huic muneri ex natura sua perpetuò destinatas propriis excretoriis vasis addidisse, ut in exaratis particulis evidenter conspicitur; quare si hæc ratio à consimilibus deducta in suo robore vigeat, cum hepatis structura tota sit glandulosa compages, proprio excretorio vase ditata, & in appensam continuatamque vesiculam partim congestam, & eructatam observemus bilem, necessariò fatebimur, hanc, non in cysti sed in hepate glandulosas substantiæ artificio separari, deinde duodeno, & vesicula, ut accidit in ventriculo, & urinaria vesica, recollectam, ad tempus servari.

Hoc idem placitum magis illustraturus doctissimus & famigeratissimus *Franciscus Deleboe Sylvius* novissimè in disput. medicis acriter urget bilis separationem in hepate, eò quia liquores ad invicem commixti, ut plurimum destillatione, aliquando præcipitatione separentur: destillationi autem analogum in hepate nequaquam reperiri posse opinatur; idem de præcipitatione, eò quia non adit tertium, quod in jecore

jecore utroque se jungat; ineptam etiam colaturam huic muneri censet, aqueus enim liquor, aut serosus à pinguiori, vel nigis consistente hac via separantur, bilem autem cum sanguini sit intimè commixta, nequaquam percolari posse censet: unde probabilius putat, bilem ex maximè similibus sanguineis particulis per cysticas arterias ad biliariam vesiculam delatis, mutatione quadam intercedente, vi copiosæ bilis contentæ gigni. Dubitandi tamen mihi præbet ansam liquorum, & salum continua, variæque separatio in diversis nostri corporis partibus omnium consensu, sensuque probata, quæ solo glandularum apparatu celebratur, ut quotidie experimur, & ut patet in parotidibus, palatinis sudorificis glandulis, & pancreate ipso, in quibus omnibus tantæ est naturæ industria, ut non unica, communisque natura liquoris, vel salis separetur in singulis exaratis organis, sed determinata, cum hac tamen conditione, ut licet unam videatur sapere naturam excretus liquor, diversorum tamen continet miscellam, ut liquet in saliva, in qua eodem docente præstantissimo *Sylvio* multum aquæ, parum spiritus volatilis, & nimium salis lixiviosi cum oleo, spiritusque acidi tantillo mixti continentur. In urina item parum spiritus vinosi, latex aquosus, salisque & sulphuris portio existunt: arduum ideo est credere sola membranarum biliaræ cystis structura consimiles ab arteriis separari bilis particulas, & admissa similitudine novam subsequi posse generationem, & feraci naturæ opificio non licere novis modis intimè commixta separare, hæcque etiam diversa mechanicis longè facilioribus iis, quæ usus humanus fingit.

Nec necessarium fortè est suctionis opus, ut bilis per porum ad intestina, vel vesiculam demandetur, nam validæ, & continuatæ glandulosi jecoris compressio ex perenni respiratione, sanguinisque advenientis per arterias, & portæ ramos impulsus, bilis separationem in glandulosis acinis, ejusque propulsionem per pori ramos celebrant, sicuti in cæteris conglomeratis, conglobatisque glandulis accidit, & parotidibus, & similibus.

Ad dirimendum hanc litem, naturalémque bilis semitam ostendendum, facile hoc tentandum duxi experimentum, quod tamen juxta præconcepta successit: in fele enim paucorum mentium, ubi insigniter prominet bilis vesica, hujus cystis collum filo innodavi, càmque vulnere medio exinanivi, mox ligatura extremum coledochi, ubi intestinum hiat, coercui, deinde, supervivente adhuc per insigne aliquod temporis spatium eodem animali, turgentem reperi; interceptum biliarium porum, portionemque coledochi, vel communis ductus: & ut spem omnem à cystis opere in separanda bile eximerem, factò in ejus collo arcto vinculo cystim ipsam recisam projeci, & tamen eandem sublevari in exaratis poris ab affluente bile turgentiam expertus sum; contentam insuper in hujusmodi turgentibus ductibus bilem digito, vel alio sursum abigete tentavi, & illico impetu eò rediit, unde, nisi summa cum vi, repulsa est.

Nec satisfacit Doctissimus *Sylvius*, dum in postremis thesibus idem experimentum ab aliis tentatum, & sibi objectum propria, hæcque contraria observatione infirmare, ejusque contrarium deducere conatur;

natur; nam certum est ex multoties repetita observatione, ligati extremitate cystici meatus, ita ut ne minimum quidem substantiæ cystis ejusque colli remaneat ultra ligaturam, sed solus ductus communis, & biliaris recta excurrat via versus intestina, facta insuper ligatura prope jejunum, insignem bilis quantitatem recolligi, & evacuari medio inflicto vulnere ultra ligaturam, quæ pluries & pluries laxari potest, ut affatim repletus biliaris porus exinaniatur; quare dum auferimus vesicam, ejusque collum; præter ejus exiguam portionem nodo coercitam, satius est credere, tantam bilis copiam, quæ excernitur communis ductus vulnere medio, à glanduloso hepate ex consueto naturæ ordine in consimilibus derivari. Idem tibi accidit devincto vesicæ collo, & ligata intestini hinc inde ab hiatus biliarii pori conspiciua portione, nam brevi ex affluente bile à solo poro ita turgere conspicias intestinum, ut inflatam æmuletur vesicam. Illud etiam, quod additur à laudato Viro, in ligatis scilicet biliaris poris per jecoris lobos dispersis nequaquam versus hepar tumorem assurgere, non adeò firmum videtur, oppositum enim sæpius observavi, quin & non rarè in canibus geminos pori biliarii ramos è distinctis lobis emergentes recta ferri via versus communem ductum, in eumque hiare ultra biliarie cystis insertionem, & quandoque prope duodenum, ita ut nullam immediatam communionem habeant cum cysti; sed tantum cum communi ductu, vel solum cum duodeno: in his igitur vinculum factum turgentiam versus jecur efficit, pennatorum etiam structura evidentius hoc probat, vesicula enim fellea altero quidem capite exortum trahit à cavo hepatis, à quo bilem recipit, altera autem extremitate oblongum collum promit, quod in duodenum infertur, ita ut cystis in intestina exinaniatur: in iisdem pennatis biliaris porus ab hepate exortus, nullo habito immediato, cum cysti fellea commercio, ad intestina excurrit, ut plurimum supra colli cystis insertionem, pancreatis substantiam pertansiens. Quare ex his omnibus sufficienter probata videtur bilis regia via à jecore ad intestina, indeque patet, cystim ipsam à jecore derivatam bilem in intestina eructare.

C A P. VIII.

Solvuntur diverse instantiæ.

Vulgata Ortelii sectio, quæ multorum torfit ingenia, pluribusque imposuit, si ad trutinam esset revocanda, vel saltem levibus conjecturis daretur locus, utique pateret, non defuisse jecur, & hoc in opportuniori sorte situ locatum extitisse, ut secreta bilis in intestinum derivata: in hoc enim intestina carnosæ observata fuere, ita fortasse dicta ab observatore ob substantiæ modum consimilem carni, & rubrum colorem, cum etiam solidiora, & compactiora musculorum carne

carne deprehensa sint; oblongæ itaque glandulæ circa intestina acubantis rudem nobis exhibet speciem, nec vasorum inde enata propago conjecturari destruit, cava enim vena à carnosis hujusmodi intestinis emergebat.

Exercitatissimos audio Viros negantes bilem in sanguine ad jecur appellante, eò quia totum inficeret sanguinem, seque proderet sapore illo amaro, ut in ictis accidit, qui affluentem cum saliva ferientem bilem sentiunt, separata urina ejus colorem redolet, totusque corporis extimus habitus flavo tingitur colore: unde probabilius censent alimentarem bilem in hepate ulterius coctam, peculiari cystis fermento disponi, ut abeat in bilem, vel saltem sanguinis exiguum portionem folliculo receptam copiose bilis mixtura, & actione in similem verti bilem, sicuti perpetuari videmus acetum pauci vini infusione.

Huic positioni obstat in sanguine adesse ferè omnia, & præcipue bilem, ea tamen lege, ut ex naturali compage non tanta adsit libertas in singulis coercitis, ac commixtis particulis, ut ubiq; vires suas exerant, sed organorum, & præcipue glandularum ministerio separata, & liberiores reddita, veluti de novo exorientes, activitate proprias essentias manifestent; hoc in saliva, urina, aliisque secretis succis probatum videmus, quorum præexistentia in sanguine, licet perpetuò non se prodatur, est tamen omnibus nota: nemo enim negat, urinam præexistere in sanguine per arterias in renes propulso; & sicut in consimilibus succis natura non expectat novam alterationem à consimili inductam liquore (saliva enim non talis efficitur ex sanguinis portione alterata, & immutata ad hujusmodi naturam à coacervata, & commixta saliva, sed talis à sanguine cribratur sola, organorum structura, & implicatione) ita etiam censendum videtur de germana bilis in jecore generatione, ubi glandulosa substantia cum appensis vasis observatur. Et licet rationi congruum videatur sola miscella affinis unam, eandemque naturam excitari, ut de vino, & aceto commixto verificatur, quoniam tamen non omnes bilis particulæ, quæ in duodenum abeunt, quæ necessariò bilis naturam omnimodam, & efficientiam sapiunt, felleam cystim attingunt, sed ut plurimum recta incedunt via, ideo probabiliter censendum, naturam sola separatione bilem recolligere.

An verò inexistens in sanguine bilis vi tractiva similari hepatis, bilisque affinis in cysti, & biliario poro contentæ, rapiatur per arteriam coeliacam, & mesentericam à grandioribus vasis, ita ut quicquid bilioli in arteriis & præcordiis continetur similari attractione directum inclinationem illam recipiat, seque dirigi, & trahi sinat versus hepar, ut consimilibus consocietur, quod de cæteris excretis etiam succis philosophatur *Glissonius*, censens seriosiores sanguinis partes ad renes, & vesicam ire, ubi earum uberior copia coacervatur, idem de lacte, ventriculi acido contingere putans, apud me valdè dubium est; obscurissimum namque existit illud de tractione, vique trahente à præclarissimo Viro exposita, qua etiam data, promiscuè semper, & indiscriminatim

criminatum, impetu quodam per angusta quædam vasa sanguis, qui rerum omnium confusam congeriem dicit, per singulas corporis partes demandatur, & perpetuò in ipso celebratur intestina fermentatio, qua minimæ particule confuso quodam motu sese invicem impediunt, & mutuis occurribus novos pariunt nexus, ita ut omnis tollatur, vel saltem deturbetur inclinatio, & continuatio motus in designatum terminum: & quoniam continuò circularis iste motus perficitur, bilisque perenniter separatur, ideo ex reueratis vicibus tota sanguinis massa à ferosis excrementis, & similibus deputari potest absque eo, quòd simul coeuntes urinæ particule, tentato concursu in renes irruant, vel trahantur.

Nec urget illud de menstruo, hæmorrhoidalique sanguine, eandem enim, omnimodamque naturam cum residuo sanguinarum massæ sapere, ex colore, & substantiæ modo undequaque simili, deducere possumus; & licet in ulceribus, tumoribus, fonticulis, & aliis emissariis, peculiaria sanguinis inquinamenta externi credantur, eò quia horum evacuatione suppressa, novi suboriantur morbi, dubium tamen apud me est, an corruptela, quæ in ulceribus, & consimilibus quandoque observatur, an, inquam, à fermento peculiari, jam coacti humoris in tumore, appellentem sanguinem corruptente, contingat; & fortè etiam dubitari potest, talem in ulcerata parte, vel aliter affecta, ex morbo excitari partium constitutionem, & meatuum positionem, ut ex sincero, puroque etiam sanguine appulso venenati, & feroces humores separentur. Accedat insuper peculiare partium nostri corporis structuras præ cæteris subijci humorum injuriis, ut de cute contingit, quæ ultra nervorum retè, & implicationem mucoso quodam pingui, veluti stoebe, repletur, idcirco appulsi cum sanguine illuc ex consueto naturæ ordine sales, & impetuosiores sanguinis particule ipsam lacerant, & de facili irretiti interceptiuntur, quòd fortè in aliis partibus, quas pertranseunt, non ita feliciter contingit, unde incongruum est censere, hujusmodi salinas particulas veluti inquinamenta, in cutem, ut in commune emunctorium, determinato naturæ sine, propelli; quoniam tamen casuali congestione exoneratur sanguinis massa, aliæque inde emanantes succi defæciatores redduntur, ideo fortasse aliorum morborum anteveritur ortus.

C A P. IX.

De Bilis Ufu.

INter alia, quæ ex hoc invento essent elicienda, illa duo præcipue occurrunt, quam arte bilis in glandulosis hepatis acinis separatur, & tandem in quem usum. Circa primum plura ex mechanicis deduxit Celebratissimus *Pecquetus*; quoniam tamen tam minima est acinorum structura, ut nec exquisito quidem microscopio detegi possit, ideo solæ hypothesi, & consimilium machinarum moles nobis ad hæc exponenda occurrere possunt.

De postremo autem, illud certum videtur ex hucusque dictis totum hepatis viscus, quod glandulosis acinis excitatur, ad hoc unum esse fabricatum, ut bilem separet, eamque in intestina medio biliario poro eliminat; & licet aliqualis ejus portio in vesicam derivetur, ipsius tamen semita est ab hac in intestina, & cum in quibusdam pennatis, aliisque etiam brutis desideretur fellea cystis, videtur natura in his veluti peculiare penu parasse.

Bilis usus tantus est, ut ejus absentia ex jecoris tumore, vel contumaci obstructione, ut in scirrho, icteritia acidis, prima vitietur coctio in cavitate intestinorum peracta, indeque totius corporis æconomia labefacteretur, & tandem subsequatur interitus: succedit inter alios morbos ut plurimum ascites, quem antecedere solet icterus, ut firmat famosa illa *Dodonæi* observatio, qui jecinora eorum, qui ab ictero in ascitem delapsi erant, dura, lapillisque ubique plena, ut novacula præscindi non possent, reperit: excitatur autem in his plurimum hydrops, eo quia vitiata sanguinis compositione, & compage hepatis glandulosum corpus eodem tempore tartaro, vel consimili succo primò infarcitur, dum hydrops deinde manifestatur eodem sanguinis vitio, veluti communi causa excitatus: vel satius dubitare possumus, aliquando, impedita bilis à jecore transmissione, particulas chyli, quæ mox *Afelliæ* vasa subituræ sunt, non defæcari, attenuari, novæque adaptatione variari, ita ut hæc materia, debita amissa forma, crudiorem, minus fermentabilem, & ad motum vegetum reddat sanguinem, & inde etiam cribratam lympham minùs efficacem; quare vitiata particularum sanguinis figura, probabile est serosum sanguinis laticem novas sibi vias parare, veteres dirumpere, & tandem occurrentibus capacitatibus recolligi, ut passim ex diversis, incongruisque immixtis liquoribus in pulmonum, & viscerum vasa videmus; & in hujus confirmationem referre possem sectiones hydropicorum, in quibus recollecta in abdomine, & aliis capacitatibus aqua eandem omnino cum sero sanguinis naturam habet, & igni apposita, ovi naturam redolet, reliqua autem salium, & aquosæ substantiæ proventum exhibet: in his etiam ut plurimum hepar scirrho, vel contumaci obstructione insigniter laborat: unde ex his omnibus suspicari possumus, bile à jeco-

re transmissa in naturæ statu, non tantum præcipitari in opportunas particulas, sed motu novas excitari recenti solutione; & adaptatione, cum sit plurium observatio, diversos successive gigni in chylo sapes. Probabile enim est, triturato jam cibo, ab hepatis glandulis, & insuper à pancreatis dissimiles affundi succos, non diversa inquam ratione, ac in ciborum conditura accidit, cum ex acidis, dulcibus, falsisque immixtis substantiæ modus, novusque sapor emergat. Porro sagax aliorum industria addet, nobis sufficiet interim nudam & rudem hepatis descripsisse structuram.

D E

C E R E B R I C O R T I C E.

C A P. I.

Quid sit Corticis Cerebri substantia.

ITerum *Palladis* arcem lustraturi cerebrum examinandum assumimus: & si in eruendis satis est obtutu, ut magnarum abdita rerum pateant, sed iteratis opus est conatibus, idem etiam in cerebri indagine, veluti in re sacra, accidi, circa quam plures insudasse comperimus, & tamen ex ejus intimis penetrabilibus adhuc ignota mortalibus, eruenda latent.

Corticis substantiam examinavit novissimè *Willis* famoso libro de cerebri anatome, ubi peculiare, sui que generis corpus esse docet, in quod ex angustioribus vasorum plexibus, veluti serpentinis alembici canalibus, liquor instillatur, qui proprio fermento, vel sale volatili inspiratus in animales spiritus facessit, & mox cerebri, & cerebelli corpus subintrans, quasi in publico diversatus emporio, circulatione continua magis depuratus evadit, & varios motus per fornixem, callosum corpus, anteriorem, & posteriorem cerebri partem peragrando, mirabiles internos sensus promere censet. In eodem etiam cortice, quorundam spirituum vario motu, memoriae actus elici putat, unde multiplicibus plicis, & circumvolutionibus sulcatum esse docet. Doctissimus *Fracassatus* in epistola, quam typis editam ad me, non minus humaniter, quam eleganter conscriptam transmittere voluit, questum solvens à quam materia prosignatur cerebri cortex, statuere videtur, corticem ipsum ortum trahere à fero concrescibili, ita, tamen, ut etiam à fero aqueo, ac bile simul per arterias affluentibus, media salina natura, friabilis illa compages excitetur: medullam autem gigni ex deciduis, purioribus salibus putat, hancque exquisito microscopio, castigata luce, lustrasse fatetur implicitam, à me descriptam fibrarum propaginem, spongiæ assimilat, ex cujus eleganti similitudine spirituum animalium generationem ingeniosè deducit.

ducit. Aliàs in epistola, quam ipse ejus nomini inscripseram, difficillimam substantiæ corticis indaginem innui, cum nequaquam ex concreto sanguine ortam sensus agnoscat, sed eam esse veluti peculiare parenchyma, minimis pollens meatibus, quibus, quasi per icerniculum, à sanguine feri concrefcibilis portio cribretur, probabiliter deduxi; repetitis tamen sectionibus, longæque indagine, ulteriorem hujus substantiæ cognitionem mihi licuit acquirere: & licet atoma illa, minimæque structura, cujus ope maxima molitur natura, adhuc nos lateat, attamen quæ mox exponenda venient viam nobis ad ulteriora sternerent, nec incongruè de hucusque dictis latum dubitandi nobis campum aperient.

In sanguineorum igitur perfectorum animalium cerebro corticem affusum minimarum glandularum proventum, & congeriem esse deprehendi: hæ in cerebri gyris, & protractis veluti intestinulis, ad quæ desinunt albæ nervorum radices, vel inde, si mavis, oriuntur, ita ad invicem adaptantur, ut exterior cerebri superficies harum congerie efformetur. Figuram habent ovalem, quæ tamen ab adjacentibus undique invicem comprimitur, unde obtusi quidem suboriuntur anguli, ita ut intermedia plurima spatia ferè æqualia sint. Harum exterior portio contigitur pia matre, ejusque sanguineis vasis, quæ alè penetrant ipsarum substantiam; pars interior à se promit fibræ albæ, nerveæ, veluti proprium vas, prout videre nobis permittunt corporum horum luciditas, & albedo, ita ut ex multiplicium fibrularum connexu, & fasciculo, albæ medullaris cerebri substantia emerget: & si exemplo familiari esse exponenda corticis natura, mali punici structura peropportuna occurreret: in granorum enim symmetrica compage glandularum cerebri proventus, quibus cortex excitatur; species elucescit, fibræ autem à singulo grano erumpentes, & per membranam deductæ rudem cerebri medullæ iconem exhibent: & memini me teneros adhuc palmæ dactylos conspexisse, qui hinc inde appensi cerebri glandulas referebant, & vasa, seu fibrosa corpora, quibus singuli appendebantur, in fasciculum recollecta, alterum quasi callosum, & medullare corpus æmulabantur.

Deprehenduntur autem hujusmodi glandulæ cerebri difficulter in crudo, licet ingenti animalium perfectorum cerebro, eò quia pia matris avulsione lacerantur, & luciditate eorum contermini fines, & enata spatia ob molliem non ita facile distinguuntur; facilius autem in cocto cerebro apparent, quia ipsarum substantia, dum coctione crassescit, patentiora reddit intermedia spatia, in lateribus præcipuè lilarum, quin & meningis piæ detractione evidentiora fiunt, si præfertim adhuc calentes explorentur. Harum glandularum distinctionem, affuso atramento, & leviter gossypio deterfo, videbis; intercepta enim spatia ita denigrantur, ut circumscriptas glandulas facilius exhibeant; eandem glandulas in piscium, & pennatorum cerebro, cocto tamen, faciliè deprehendes, ita ut eadem sit omnium animalium structura. Huic invento prælusit videtur *Joan. Pfeil.* apud *Joan. Rentmannum*, lapidis observatione in cerebro reperti, qui mori fructus instar minimis subrotundis veluti acinis, cinerei coloris, conglobatus

batus erat: hunc probabile est ex petrificato cortice excitatum fuisse & naturalem ejusdem glandularum retinuisse figuram. Corticales hæc glandulæ tortuose locatæ exteriores cerebri gyros componunt & exorientibus inde medullaribus fibris, seu vasculis appenduntur, ita ut ubicunque per transversum secantur gyri, determinata, & firma semper glandularum congeries medullæ affundatur, quod idem in cerebello evidentiùs conspicitur: Ejusdem etiam naturæ est corticis substantia in cerebri ventriculis, ad principium item spinalis medullæ locata, nam coctione media formam, & substantiæ modum glandularum proprium, & undequaque in exteriori cerebri regione locatis similem redolet, cum hoc tamen, ut hujusmodi glandulæ inter excurrentia nervosa corpora locentur, ita ut ventriculorum protuberantiæ nerveis consentent vasculis, & intermedijs glandulis corticalibus in interiori etiam totius ferè spinalis medullæ parte cortex aliàs à me descriptus eandem glandulosam naturam retinet, & sanguineis vasis ubique irrigatur, & in ea spinæ parte, quæ è cerebello, & cerebro elabitur, sub Varolii ponte, ad imaginatum cerebelli ventriculum diversis in locis disperguntur hujusmodi corticales glandulæ, nam sub extrema superficie, quæ fibrosa, & nervosa est, insignis ipsarum portio latitat, & præcipuè sub ponte ipso, mox earundem glandularum etiam particulæ interiùs, medullæ commixtæ conduntur.

An cerebrum sit instar hepatis jam expositi, quod totum quandoque in multiplices lobos divisum fragmentatur exiguis alijs minoribus, veluti glandulosis portionibus, quæ & ipsæ ulterius in minimos acinos subdividuntur, in quos ultimo desinunt vasa, dubitari potest: etenim totum cerebrum, & cerebellum, si demas nerveas fibrulas, quibus coalescit medullaris substantia, solas glandulas exhibent, quæ suis terminis circumscriptæ corticis molem construunt, & fortè lobulorum hepatis structuræ correspondent; an verò cerebri glandulosa hæc exposita corpora minimis conglobentur portionibus, ut in hepate evidenter observatur, esset inquirendum. Quoniam tamen cerebri luciditas, albedo, substantiæ mucositas, & glandularum exiguitas aciem microscopi subterfugunt, ideo nil sensuum ope determinare possumus, vel saltem sagacioribus, forte potius, quàm studio rimandum relinquimus, non improbabile interim putantes, iisdem etiam acinis, has cerebri glandulas conglobari posse.

C A P. II.

Solvuntur Warthoni Objectiones.

EXperientissimus Warthonus in eleganti *de Glandulis libello*, cerebri substantiam, à glandularum natura diversam censet, eò quia cerebrum mollius, tenerius, purius, & magis friabile ipsi glandulis existat, & lubricum item, & candidum observetur. Harum differentiarum momenta non ità tamen fortasse urgent, ut nos determinatis arceant: etenim glandularum aliqua molles sunt, ut thymus in recenter editis, pancreas, & inter ipsas major etiam adest mollior; conglomeratae autem mollioribus sunt ipsi conglobatis, forte ob divisionem: & licet intima meatuum in ipsis raritas teneriores ipsas reddere possit, non tamen extra glandularum naturam constituere valet, ut passim in jecore etiam observamus, quod in quadrupedibus solidius est, ac sit in piscibus, & tamen in his omnibus veri hepatis notae habentes; In nervis etiam, licet eadem diversitas, quoad colorem, molliem, & friabilitatem contingat, dum exorti à glandulis, & per cerebri corpus protacti mollissimi sunt, & gratissimo pollent sapore, è cerebro autem erumpentes solidissimi funes, nec pro gustu opportuni redduntur, & tamen nervi natura non immutatur.

Nec fortasse difficile erit aliis, quae ab eodem praclarissimo Viro adduntur, solvere: nullum scilicet nervum cerebri substantiam penetrare, sed ab ea oriri; secus glandulas dispensari ministrationis gratia; nam licet verum sit nervum, ut cerebri proprium vas, ab ipso emanare, & dum glandulas subiatrat, in ipsis liquorem cructare, non tamen inde tollitur à cerebro glandularum conditio, quae in determinata quadam structura consistit, qua mediante ex diversis liquidis appullis, ope variorum etiam vasorum, determinatus humor ad peculiare opus fecernatur; quare cum necesse sit fortasse, ut aliqua succi portio, quae in cerebro separatur, & per nervos deferatur etiam ad glandulas demandetur, ut peculiatis succi sigillatim in singulis glandulis separandi miscellam ingrediatur, vel saltem ejus ope glandularum meatus rite pro indigentia pateant, vel claudantur, ideo non est mirum, à cerebro, velut à fonte universali, in determinatas, & privatas glandulas derivari cerebri succum nervorum ope; nec ex hoc tollitur separationis opus, quod perpetuò glandularum naturam subsequi solet. Illud verò, quod in confirmationem additur, valde dubium est, glandulas uniformi constare parenchymate, cerebrum autem medulla, & cortice: si enim glandularum attingeremus atomam structuram, utique multa nobis fortasse imponi specie carnis deprehenderemus, quae revera sunt vasa, ut contingit in renibus, & in cerebro ipso, cujus medulla nervis propagininibus constituitur, & tamen hucusque pro parenchymatis carne, vel saltem sui generis, passim asseritur.

Nec

Nec postremo urgent allatae cerebri proprietates; quas in glandulis desiderari putat: cerebri scilicet medullam nihil sanguinis admittere, sed peculiarem succum pro sensu, & motu universo largiri, unde ob eximiam ejusdem dignitatem, velut animæ regiam, ossibus undique circumseptam fuisse: etenim cerebri portio, quæ glandulosa est, cortex scilicet, sanguinea vasa in se admittit, ut in cæteris glandulis accidit; & sicuti singulæ quæque glandulæ, præsertim conglomeratæ, specificum separant liquorem, ut multoties expositum est, ita, cum hoc in cerebro pateat, tantum abest, ut glandularum tollatur substantia, quin potius sufficienter manifestetur ejus congrua natura. De dignitate sufficiat addidisse nondum certos nos esse de excreti succi usu, quo etiam concessio, nobilis erit præ cæteris hæc glandula, non tamen sua dignitate extra glandularum genus assurgat.

C A P. III.

Exponuntur Cerebri Vasa, eorumque progressus.

Glandulæ in cerebro, cerebello, & in elongata medulla existentes sanguineorum vasorum opem exigunt, ut in cæteris nostri corporis tum conglobatis, tum conglomeratis accidit, aliisque particulis ad vitam, vel sensum destinatis. In cerebri & cerebelli igitur mole arteriarum, venarumque insignes, & copiosas propaginesprehendimus, quales certe in reliquo non invenimus, ea lege tamen, ut non ubique associati perpetuo cum venis reddantur arteriarum trunci, ut in piscibus præcipue colligimus, in quorum interiori ventriculorum superficie unicum excurrit sanguineum vas; hoc tamen æternum est, ut corticis singula quæque glandula utrorumque vasorum extremis finibus irroretur. In perfectioribus itaque constat mediis meningibus sanguinea vasa extremas corticis glandulas, quibus cerebri gyri constantur, irrigare, ita ut in pia matre reticulare vasorum opus conspiciatur, cujus emanantes furculi corticis harum glandularum intima penetrant, unde avulsa pia matre, non leviter glandularum mollis structura laceratur, vel iisdem sectis, rubra adhuc puncta à vasculis erumpentia emergunt.

Nec fortasse diu cogitandum erit de proprio, excretorioque vase, ut firmam perpetuamque naturæ operandi normam sequamur: cerebri enim, & cerebelli albæ fibræ occurrunt, quarum ope eorundem medullam excitari alias observavimus, & vehendo nervoso succo destitutam credidimus, nec incongrua forte plantarum similitudine exposuimus, putantes corticis mollem agri, seu floralis testæ vicem gerere, ubi arbores, aut minores plantæ radicanter, & suam inde alimoniam trahunt. Intima autem continuatio, & nexus inter corticales has glandulas; & nervæas fibras observatur in cocto cerebro, si portio fibrarum,

bratum, quibus ventriculorum superficies constituitur, laceratione facta per transversum divellatur, nam continuatarum fibrarum congeries cum appensa glandularum portione finditur, quod etiam in aliis cerebri cocti partibus accidit.

Inter vasorum genus reponendas esse huiusmodi nerveas fibras vulgatum illud indicare videtur: his scilicet sectis copiosum quemdam succum ovi albumen referentem, igneque concrefcibilem emanare, ut in secto brachii nervo observavi; nec exterior horum vasculorum figura, & propagatio obest, nam spinalis medulla rectarum fistularum fasciculum exhibet: & licet singuli quique insignes nervi pluribus veluti funiculis coagmententur, non tamen inde elici potest levis etiam conjectura, qua media e vasorum cœtu arceantur, cum in plantis quelibet fibra nudis oculis conspicua pluribus fistulis, frequentibus vasculis ditata, componatur.

Fibrarum item implicatio, seu nerveorum vasculorum laxum, & rude quoddam rete representans hoc idem firmare videtur; consuetus enim Naturæ mos est vasorum præcipuè finibus rete efformandi, ut in arteriarum & venarum extremis propaginibus accidit: & si licet analogo plantarum exemplo confirmare, non desunt consimiles adamussim structurae in fibris vitis, aliarumque arborum, & plantarum corticem componentibus, in bulbosis item plantis, & in rapis, & similibus, in caudice pariter, & foliis opuntiae ficus, reticularis fibrarum propagatio undequaque nervearum fibrarum in cerebro, cerebello, & spina implicationi similis observatur. Et quoniam certum proculdubio est, plantarum fibras hunc reticularem plexum efformantes vasorum naturam sortiri, cum & succum emittant, & perforata sint, ideo consequenter philosophandum erit in nostris nervis fibrulis, seu vasculis, quorum propaginem consimili methodo natura molitur.

Exaratae implicationis causas exponere difficillimum est: si enim in superequitatione adinvicem hiantia vasa sensu attingeremus, nobis plura speculandi ansa exhiberetur, locusque dubitandi esset hoc factum ad intimiorem miscellam, & novam adaptationem in delato succo; quoniam tamen sensus suppetias ferre nequit, ideo solertioribus aliorum speculationibus ista committimus, unum brevissimè aliàs expositum firmantes, totam albam cerebri & cerebelli substantiam, vulgariter medullam dictam, congeriem esse fibratum, seu vasculorum, quæ à caudice spinalis medullæ hinc inde tortuose veluti reflexa folia circumducta, cavitates, & anfractus efformant, & tandem in propriis glandulis Cerebri & cerebelli corticem, & gyros constituentibus, altis radicibus implantantur.

Nervearum fibrarum plexus, & coagmentatio in cerebello ramosas arbores referunt, à *Conesio*, & aliis descriptas, quod etiam adamussim in cerebro à natura tentatum reperio: si enim cerebri gyri cum contento cortice per transversum secantur, vel lacrentur, consimilis arboris figura cum continuatis ramis, appensaque cortice deprehenditur: hoc facillimè tibi occurret secto toto cerebro per transversum, vel ejus singulis partibus.

Tanta est fibrarum, seu nervorum vasculotum distinctio in toto cerebri, & cerebelli tractu, & præcipue in ventriculis piscium, pennatorum, & terrestrium etiam perfectorum animalium, ut nulla major excogitari possit, cum intermediæ adsint conspicuæ intercapedines, & vasa etiam sanguinea suis ramis ulterius productis, veluti indice demonstrent ipsarum intervalla; ex quibus omnibus elici potest conjectura ad infirmandum *Velthufii* opinionem, qui ex chymicorum operibus cerebrum spongiæ assimilat, ut spirituum animalium defæcatio in eodem contingat: nam licet in cerebro reticularis adsit fibrarum implicatio, non tamen deferendus humor horum filamentorum externa adhæsione, mediæque implicatione attenuatur, & aliena relinquit, ut in spongiis accidit; totum enim separandi, depurandique ministerium intima glandularum corticalium structura perficitur, & cavas, fistulosasque fibras, mox è glandulis egressus subit humor ut in subiectas partes, pro diversis muneribus exequendis, continuato tramite demandetur, sicut in stirpium fistulis accidere superius innuimus; ita ut reticularis illa fibrarum implicatio sit necessaria quædam vasorum proprietas, quatenus ferunt alimoniam, vel aliud consimile principium, non verò alterius superioris corporis extra ductuum naturam constituti.

Diu disputatum est de germine spinalis medullæ, & consequenter nervosum exortu: antiquitus enim à nucha, mox à cerebello, tandem à cerebro, & cerebello penitorem detexit *Varolius* noster originem, celebrata primò capitis inversa sectione. Ab interiori hoc principio plures nervorum propagines deductæ sunt, ceteræ verò ab eadem medulla ulterius descendente; ex jam dictis tamen primæva spinalis medullæ, nervorumque origo sufficienter haberi potest: etenim cum spinalis medulla sit nervorum fasciculus, qui dum cerebrum progignit, in duas geminatur partes, quarum circumvolutione latera ventriculorum excitantur, tandem in corticem definit, in quo extremæ nervorum radices implantantur in minimis, videlicet glandularum ejusdem racemis, quod idem etiam in cerebello accidit: quin nervi è *Varolii* ponte erumpentes, cum ulterius in cerebellum progrediuntur, à corticis etiam ibi inexistentis glandulis ortum trahent; & quoniam in ventriculis, & ad principium spinalis medullæ copiosus cortex observatur, ubi prominentiæ interiores assurgunt, hisque sectis nervorum continuatæ fibræ observantur, necessario censendum, nervos etiam ab interioribus hisce glandulis promi; quare nervorum opticorum fibræ, licet ulteriorem in cerebrum, & cerebellum progressum habere videantur, attamen quia fortiter adherent corticalibus ventriculorum eminentiis, ideo fortasse in his etiam aliquantulum radican-
tur.

CAP. IV.

De Corticis usu.

Estet loco coronidis addendum aliquid de cerebri usu: & ut verum fatear, quo magis manifesta mihi elucescit cerebri structura, eo magis tot mirabilium operationum explicandi methodum spes excidit; dum enim religione quadam ejus ventriculos, reiformem, & mirabilem plexum venerabamur, imaginationis, memorie, ceterorumque sensuum distinctas sedes habere credebamus: ablegatis postremo ad emunctoria, exauctoratisque ab hoc præcipuo munere ventriculis, veluti excrementorum cloacis, occurrebat medullaris cerebri sinuosa substantia, cujus imaginata mirabilia, & sinuosa meacula expectationem nostram implebant; simpliciore tandem dum agnosco cerebri structuram, ineptam omnino ad exponenda sensuum, & tam nobilem operationum phenomena reor, ita ut hoc probabiliter tantum modo determinare possim, à cerebri & cerebelli glandulis in continuatos nervos separari succum quemdam, sicut in cæteris glandulis proprio excretorio vase ditatis accidit, tantamque esse harum glandularum exquisitam structuram, ut vitiato, vel immutato etiam leviter aere, ut innuebat *Hipp. de morb. sacr.* cerebrum inter cæteras corporis partes primum consentiat, & diversum à se ipso reddatur, quod etiam sequitur, dum humores arteriis contenti externorum incongruam miscellam admittunt, vel saltem debita compage appulsus sanguis non gaudet, turbationes enim capitis excitantur ab *Hipp. de gland. descriptæ*; & quoniam glandularum hæc est conditio, quemadmodum in palatinis, & parotidibus evidenter experimur, ut ex irruentis per arterias sanguinis impetu, & acrioribus particulis tenelle ipsarum structuræ vis inferatur, & consequenter copiosior plus justo, vel saltem acrior per excretorium vas cribrati humoris contingat derivatio, seu quandoque remisso motu, coercitæque quodammodo interna sanguinis fermentatione, crassiores, vel saltem proni ad concretionem humores in propriis meatibus fixentur, indeque impediatur subsequens sanguinis motus, idcirco apoplexiæ, aphoniæ, nervorum fluxiones, & tabes dorsales ex glandularum cerebri consimili affectione contingunt, aliæque infinita, quorum humana mens adhuc ideam non habet. Contumaciores autem sunt cerebri morbi cæteris aliis, quos vulgò humorales dicimus, à venosis succis ortis juxta illud de loc. in hom. *Quicumque morbus à venis oritur, levior est, quam qui à nervis, diffuit enim una cum humore, qui in venis iacet, & non quiescit*: angusta enim, ut probabiliter censeo, mollisque est cerebri, & cerebelli glandularum structura, arcti pariter valorum, seu nervorum meatus; facilem patitur delatus succus concretionem; sua insuper simplicitas, & compages quocunque commixto, & appulso succo inficitur: accedit etiam talem forte requiri rhythmum in delato humore,

more, ut citius irruat, vel retardato gradu consistat, de facili contumaces morbi progignantur, ad quos profligandos difficulter fermentatio seu concitatus motus fuscitari potest, ut in cæteris venosis contingit, in quibus quandoque morbus ipse medelæ vias aperit.

Exulcerantur interdum, ut à chirurgis animadvertitur, externis vulneribus corticales hæ glandulæ, & inlignes assurgunt excrescentiæ, quæ à similitudine Fungi appellantur, producuntur autem fortasse ab extravasato nervo succo, qui, vel plus justo fractis glandulæ meatibus in nervos non excernitur continuata femita, vel saltem non revchitur per venas, quare liberior redditus hujusmodi succus, à suo vehiculo, cæterisque facillime concrevit, ut passim etiam in aliis partibus ex irruentibus copiosioribus determinatæ naturæ particulis diversi contingunt tumores.

Dubitandi adhuc restat ansa, an cerebrum sit sapientiæ domicilium, juxta illud de morb. sac. *cerebro sapimus maxime, ac intelligimus, & videmus, & cognoscimus*: an verò probabilius sit aliud, quod additur: *cerebrum intelligentiæ, ac prudentiæ internuncius, ac interpret est*, nam suspicari possumus minimis hisce glandulis ex delato sanguine separari, recolligique particulas illas à natura ad promendum instrumentaliter sensuum destinatas, quibus per nervorum tubulos delatis continuatæ partes imbibantur, & turgcant: constat etenim, quotiescunque nervosi hujus succi collectio, & turgentia ex impedito ejus ulteriori motu per proprios ductus contingit in appensis partibus, vehementissimum excitari sensum, in languidis præcipue, & impedito pariter ejus transitu ex ligatura, vel compressione, ut in luxatis dorso vertebrae accidit, laxitate in ulterioribus nervorum propaginibus inducta, sensum, & motum auferri. An verò conjectari liceat tensionem quandam in nervorum fidibus ex contento hujusmodi succo subsequi, ut levibus etiam motionibus resiliant, aliudque universalius, & superius concutiant, & à sub perenni motu dimoveant lubens omitto.

Ex his num ea, quæ à solertissimo *Willisio* de sensuum internorum generatione vi cerebri structuræ deducuntur, sensibus rationique consonent, quærant alii: de hoc uno tantum leviter ambigerem in tanta rerum cæcitate, spirituum motum ab externis partibus, etiam ipsius cerebri, in internas ejusdem difficilem quidem esse, cum natura non assuescat per eundem ductum oppositos promere unius corporis motus: & cum animalis ille liquor, quo sensus eduntur per nervorum vascula necessariò feratur, idèò, dato etiam quòd sursum reflecteretur usque ad glandulas corticis, à quibus primò effluit utique impossibile videtur, ut corpus striatum, callosum, aliæque perpetuò attingat, in quibus imaginationis, sensus communis, & memoriæ distincti sedes.

Aliud etiam, quod additur ab ingeniosissimo Viro, striata scilicet, & radiosa corpora duplici constare textura, quarum altera ascendat, altera verò descendat, ut sensibilibus impressiones ascendentes percipiantur, & deorsum motuum instinctus peragantur, dubium; nam parallelae in ventriculis deductæ nervorum fibræ, in principio autem

elongatæ medullæ concurrentes non diversas exhibent vias, ita ut aliæ in supernas, aliæ in infernas destinentur partes, sed omnes æquæ, pro-ut mihi videre licuit, à corticalibus glandulis exortæ deorsum tandem protrahuntur: idem etiam dubitari potest de medullæ elongatæ structura, qua media, mutua spirituum animalium commercia, aliæque mira sensus communis, & motus localis, primos impulsus haberi censet.

Nervi succi materiam à mesenterii glandulis accuratissimus *Glissonius* per nervos in cerebrum derivavit, ab ore autem, & intestinis eandem in caput deferri credidit *Fortius*: quoniam tamen cerebri mollem solo glanduloso cortice, & enatis fibris conflatum observavimus, accedentibus sanguineis vasculis, nec cavitates ad chylum recipiendum, simulque in singulas cerebri particulas demandandum adhuc deprehendimus, ideo omnes nervos è cerebro, & cerebello enasci putamus, in eum tantum finem, ut separatim in propriis glandulis succum deorsum deferant, cum non desint sanguinea vasa, à quibus ferax materia suppeditetur, & residuum cribrati succi, ut in cæteris contingit glandulis, venarum ope revehatur ad inferiores partes.

CAP. I.

De renum extima superficiei divisione.

UT brevior clariorque rerum structura innotescat, cum fusc de eorum situ, figura, & involucris habeatur passim apud Anatomicos, peculiaria tantum, quibus renes coalescunt, referam, exordio sumpto ab exteriori ipsorum superficie, quæ in quibusdam, ut in bobus, testudinibus, & pennatis non undequaque levis est, & continuata, sed in plura insignia multiplicium laterum corpora ut plurimum exagona ex fulcis, & foveis renum periferiam excavantibus secatur, quæ ab antiquioribus quasi glandulæ, seu coagmentationes appellatæ sunt: in urso enim, ut à pluribus describuntur, appensa quasi cerasorum congeries videtur, & suborta spatia adipe intimè hærente replentur. In homine, aliisque consimilibus levis undequaque ab omnibus licet describatur, ren, attamen aliquando in adultis, & sæpè in foetibus manifestò ejusdem compositio elucescit, cum exiguis portionibus, altis rimulis sejunctis, conglobetur, & in adulto etiam perpetuò interiorius hujus divisionis permanent indicia; diligenti etiam indagine asperam, & ulterius semidivisam observavi hujus superficiem, quod tamen, ut clariùs pateat, animalium nuperimè natorum renes sunt excutendi; in his enim lobuli quidam multiplicium laterum emergunt rimulis circumscripti, quæ aucta, & proveccta animalis ætate, licet fere obliterari videantur; earum tamen vestigia adhuc supersunt, variòque distinguuntur colore, nam rubedinem, vel saltem immixti liquoris per arterias, vel venas colorem referunt, & ita contenti lobuli, seu renum exiguae portiones, quæ carnis colorem remissionem retinent, ab his circumambiuntur. Hæ renum subdivisiones non in sola superficie excitantur, sed intimè etiam penetrantes carnis aliqualem distinctionem efficiunt; in bobus enim, & exaratis superius brutis, & in ipso etiam homine collectiones illæ insignes conspicuis foveis in aliquibus brutis circumscriptæ; tandem interiorius peculiarem figuram, & exactam distinctionem habent, videnturque referre plurimum laterum pyramidem, quod præ cæteris patet in testudinum renibus, & interiorius in ipso etiam homine: in his igitur collectionibus easdem omnino subdivisiones in homine, cane & fele descriptas reperies, quæ interiorius etiam per renum intimam substantiam repunt; hanc divisionem juvant, & fovcent sanguineorum vasorum partim per exteriorum ambitum perreptantium rami, ut evidenter in fele observantur ab ingressu emulgentium exorti, & insignibus propaginibus rimulas hæc excurrentes, intimèq; subdivisiones hæc amplexantes, interna etiam propagata vasa, dum extimam superficiem attingunt reflexa eadem spatia finiunt: quare non incongruè concludere possumus in quibusdam brutis renes exiguis quasi distinctis aliis minoribus evidenter conglobari, & in homine adulto, licet unicus videatur ren, subobscurè tamen interiorius

interius distinctis quasi exiguis renibus constare, qui ulteriorem etiam exterius patiuntur divisionem. Harum renalium portionem varia ad invicem adaptatione, & nexu, extima renum configuratio gignitur, quæ de facili in monstruosam elabitur formam, ita ut quandoque racemum, quandoque zonam, vel consimilia æmuletur, ut passim apud Anatomicos observatum legimus de monstruosis renum observationibus. Nec subsistit hic renum in extima superficie discontinuata compages, nam de recenti ablata membrana, dum adhuc mollis est renum substantia, rotundâ quædam & brevissima corpora ad instar exiguum vermium circumvoluta observantur, parum dissimilia illis, quæ in testium substantia, ablatis involucris, vel ipsis per medium sectis, reperiuntur: hoc totum atramento exterius affuso, mox leviter deterso, exquisito microscopio detegitur, cujus etiam usu quandoque miri vasorum rami cum appensis globulis, de quibus inferius, sub extima superficie latitantes, & interdum interstitiis comprehensis conspiciuntur. In canum, & similibus renibus, ubi in concava parte sulcum promunt, ut subintrantibus vasis dent locum, hæc vermiculares vasorum productiones evidenter observantur, quæ post excitationes breves illas reflexiones, & circumvolutiones recto tramite per renis dorsum subsequendo extimam superficiem versus pelvim propagantur; hoc quandoque etiam videndum se mihi obtulit diffracta solis manibus renum extima superficie; evidentius tamen præ cæteris in gibbo renum avium deprehenduntur sanguineis vasculis circumscriptæ: unde ex his demonstratur connexionem vermicularem horum vasorum extimam renum superficiem componentem eandem esse cum descenditibus vasis usque ad pelvim. Illud hic fateor, me ob visus fortè hebetudinem, vel instrumentorum ruditatem, nunquam attingere potuisse, scilicet quod continuata quædam, nuperrima observatione firmata per totam extimam renum superficiem excurrant tortuosa spatia, & linuli, quos injectus ater humor per emulgentia vasa designet, & ratio, & sensus perspicillorum ope confirmet; nam immisso atramento, vel consimili ex illata vi plures emergunt irregulares maculæ ex affuso liquore vias sibi è vasis faciente, & quandoque exagonæ maculæ renum minores lobulos amplexantes deprehenduntur, & ut plurimum describuntur vasorum diversi rami hinc inde bifurcati, variusque color ex immisso liquore, & propulso etiam sanguine excitatur; quare in humanorum cadaverum sectione exercitati asserunt, renum colorem facile immutatum iri, etenim ruber frequentissime clarius, & splendescens ab ipsis est observatus, interdum obscurus, & niger, & non rarò subalbidus, quorum omnium varietatem diversus sanguinis proventus, vel ejus carentia excitaverat.

C A P. II.

*De exteriori Renum Substantia à sectione per Gibbum
occurrente.*

Hucusque exarata evidentiora redduntur, simulque renum artificiosa pandetur compages, si secto per dorsum rene interiora signatim rimabimur, hac etenim methodo in boum, canum & similibus renibus, qui facile occurrunt, extima ipsorum substantia, quæ semidigitalis ferè est peculiari tantum colore à cæteris renalibus partibus primo intuitu discriminata, consideranda sese offert: hæc enim portio à flexis in arcum vasorum ramis usque ad extimam peripheriam subfusi coloris est, prope finem tamen saturatior redditur, & varias hinc inde exiguas cicatriculas alterius coloris exhibet; subsequens verò substantia renum infra arcum versus centrum progressa in brutis subrubra est, & tandem, quæ velut in papillam desinit, partim alba, partim subrubra in extremitate videtur; in homine etiam varius videtur color, nam in exteriori renum confinio subrubra est ejus substantia, & sensum versus pelvim diluitur ejus color.

Omissis progressu vasorum, & aliarum partium descendendum ad pelvim de priori tantum renum portione, quæ immediatè sub investientibus membranis latitat sermonem instituam. De hac itaque varil' extitere in ejus assignanda natura Anatomici, à concreto enim sanguine, vel parenchymate multi ortam credidere, alii peculiarem substantiam carneam tamen, rimulis distinctam putarunt, & aliqui colorum varietate moti, divisa renum substantia, in duplicem naturam, extimam hanc epati similem, velut peculiare parenchyma, compararunt; inferiorem autem, & continuatam usque ad pelvim carneam, sed fibrosam censuerunt. Diversas has Auctorum sententias expensas vidimus, simulque placito determinatum extimam hanc renum substantiam fibrosam tantum esse consimilem reliquis particulis renum ad pelvim usque, prout iconibus elegantissimis constat, in quibus à papillari corpore continuæ, & rectæ omnes fibræ usque ad extimam superficiem protractæ describuntur, ex qua positione urinæ separationis norma nobis insinuat. Quæ tamen sensus nobis longa, & multiplici exercitatione obtulit, non eandem omnino mihi suadent sententiam; nam certum quidem est in hac extima parte adeste canaliculos alias observatos penè innumeros, qui nequaquam carnei sunt, sed membranosî, & cum cæteris excretoris valis, ut salivalibus, poroque biliario, tum substantia, tum usu convenire videntur. Hi licet sua præcipue aggerie renum hanc substantiam componant, & propria mollietie, & intima adhæsiōe carnis determinatæ speciem oculis exhibeant, constat tamen, si leviter in macerato rene manibus hinc inde deducto in extima superficie altè penetrans scissura excutitur, omnes ferè portiones, quæ nobis carnis, seu fibrosæ, seu parenchymatosæ speci-

em exhibent, excretoria, membranosaque esse vasa; quod etiam, ut facilius constet, secetur per dorsum ren, & maxime cures, ut secundum fibrarum rectitudinem sectio subsequatur, vel forte id contingat, affundas attramentum, mox sensim summis digitis detergas, ita enim horum omnium fere vasorum veros habebis progressus, & inclinationes. An vero recta procedant hæc omnia urinae vasa usque ad extimam renum superficiem, hoc apud me valde diu dubium extitit, multisque aggressionibus examinatum: tandem certum istud collegi, non omnia urinae vasa ad superficiem usque ferri, sed superatis vasorum ramis in modum arcus extensis hinc inde ad latera finem fortiri, quin & eorum insignem portionem, quæ extimam membranam attingit, ut superius innui, reflecti intrò, ibique ultimum suæ productionis finem attingere; quare non est mirum, si perpetuò facta sectione, etiam ab interioribus partibus, scilicet à papillari corpore inchoata laceratione secundum horum vasorum rectitudinem, licet integra ulterius remaneant, prope confinium tamen gibbae, talis contingat irregularis laceratio, ut quid novum videatur id, quod emergit, reflexa enim hæc ad latera vasa disrumpantur, quæ novam partium apparentiam exhibent.

Aliud etiam, quod additur, totam renum hanc portionem absolute fibrosam esse, nihilque præter hanc, exceptis sanguineis vasis, adesse, multum difficultatis habet: nam in singulis renibus, quos hucusque ad manus habere potui, glandularum minimarum proventum deprehendi, hoc in quadrupedibus, in testudinibus, & in homine ipso semper mihi accidit observare. Ut autem hæc facillimè intuscescant, injiciendus est niger liquor spiritui vini commixtus per arteriam emulgentem, ita ut totus turgeat ren, & exterius denigretur, nam nudis etiam oculis, ablata renum membrana, illico occurrunt bifurcatis hinc inde arteriis appensæ nigro & ipsæ colore infectæ glandulae; & secto per longum eodem rene, inter vasorum urinae fasciculos, & enata etiam interstitia innumeras fere easdem observabis, quæ sanguineis vasis atro liquore turgidis in speciosæ arboris formam productis, veluti poma appenduntur: vulgata circumfertur in hujus confirmationem historia, in qua viscebatur in rene lapillus tot particulis constans, quot in rene ventularum erant ramuli, quarum particularum lapilli extremum, velut caput marmoris rotundi, & candidi frustulum referebat, vel margaritæ majusculæ figuram, & splendorem; quare hæc tertia renum pars superius expositis circumscripta terminis, glandulis, venarum, & arteriarum rivulis (quibus addere poteris fortasse nervos) & tandem excretoriis urinae ramulis, constant.

CAP. III.

De internis glandulis renalibus, earumque continuatione cum vasis.

QUoniam glandulas in renibus prævia sectione reperiri demonstravimus, & ut inferius patebit in urinæ excretionem præcipuum conferunt munus, ideo circa harum condiciones leviter immorari expedit. Hæ igitur in hac renum extrema parte locatæ penè innumerae sunt, & ut probabiliter cenfeo correspondent urinæ vasis, quibus coalescit renum moles, quæ in singulis quibuscunque fasciculis, quorum ope in omnibus renibus expositæ minimæ illæ divisiones suboriuntur, quadragessimum excedunt numerum. Quod ad figuram, ob exiguitatem, & luciditatem, qua maximè pollent, distincta circumscriptio non habetur; videntur tamen rotundæ veluti piscium ova, & dum per arterias ater humor propellitur, denigrantur, & circumcirca dices habere vasorum extremas propagines, instar serpentium capreolorum incedentes, ut coronatæ quali appareant, cum hac tamen conditione, ut præcipuè pars, quæ arteriæ ramo appenditur, denigrescat, residuum verò proprium retineat colorem: Connexionem talem habent cum arteriarum ramis, ut ab interioribus, & quandoque ab exterioribus partibus intrò reflexis, & in multiplices furculos propagatis adnascantur, & ipsis appendantur: hoc evidenter demonstratur immisso colorato liquore per arteriam emulgentem, nam eodem inficiuntur colore glandulæ, ac continuatæ arteriæ, ita ut oculus facillimè coherentiam ipsarum evidenter attingat.

Cum venis etiam, quæ arteriarum expansionem subsequuntur, societatem habent glandulæ: etenim dum injecto atro liquore inflantur venæ, licet continuatæ glandulæ non eodem turgeant humore, eò tamen videtur insinuari color, ut inter glandulas, & extrema venarum infectarum nihil mediet, est enim probabile injectum per venas vi liquorem, superatis ipsarum valvulis, ad ostia glandularum hæcero, & dissimilibus ipsarum meatibus excludi. His accedat, glandulas modò albas, & ferè diaphanas esse, modò rubras, quod certe ex arteriarum affuso sanguine contingit: constat autem ex consuetu naturæ usu ab eadem parte ortum trahere venarum radices, in quam desinunt extremæ arteriæ, unde quanquam sensus hanc continuitatem non attingat, ratio tamen sufficienter evincit.

De nervis, nec fortè etiam erit difficultas; hos etenim ferri per intima renum communiter observatur, unde ad glandulas cum cæteris vasis, ut in consimilibus conspicitur, deduci probabile est. Aliud etiam queri potest, an ureteris portio in sanguineis glandulas attingat: nam pelvis, ut infra patebit. sinu suo fovet venas, & arterias usque ad capillares propagines; quare vereri etiam possumus suis fibrulis glandulisnecti.

Remanet

Remanet aliud vas urinæ excretorium, cujus ramis extimam præcipuè renurp molem constari superius innuimus. Diu laboravi, ut oculis evidentem hanc continuationem subjicerem, quam ratio sufficienter attingebat, nam infusi liquores per arterias, etsi glandulas repleant, non tamen urinæ vasa penetrantes unquam observare potui, quod etiam de venis mihi accidit; eadem instituta methodo per ureteres immisiss liquor nonnullas tantum pelvis productiones suo colore infecit, nunquam tamen excretorium hoc urinæ vas, quod alii fibras dixere, & inde glandulas denigrare valuit, quapropter multis (incautum tamen) tentatis machinamentis, glandularum, & urinæ vasorum connexionem non intueri potui; postremò tamen hoc mihi tentandum occurrit in animali adhuc vivente, quod sæpius in cane molitus sum: venas etenim emulgentes vinculo ligavi, & simul etiam ureterem, deinde, cum diu supervivisset animal, ex appulso sanguine ingenter turgentem abstuli renem, qui per longum in dorso sectus distinctas urinæ vasorum, seu fibrarum propagines cum glandulis mihi exhibuit videndas, inter quas in aliquibus portionibus, ubi magis ab intercepto sanguine rarefacta erat extima renum pars, & successive vasorum urinæ magis extendebatur fasciculus, aliqualem connexionem, & continuitatem mihi visus sum videre, non talem tamen, ut sensus omnino acquiescat, ratio tamen suppetias ferre potest, nam si in hepate, cerebro, aliisque glandulis hoc est perpetuum, ut singuli quique glandulorum acini, seu globuli proprium ramum excretorium, præter arterias, & venas, promant, idem etiam erit dicendum de hujusmodi glandulosis corporibus: cum autem hæc oblonga corpora sint, glandulis saltem contigua, & ex natura sua sint determinati humoris excretoria, compressa enim fundunt urinam, idèò probabilissimum videtur intimam cum glandulis hisce connexionem habere. His accedat, si verum (ut probabiliter in confesso apud omnes est) urinæ materiam ab arteriis derivari, cum constet ex superius allatis extrema arteriarum in has copiosissimas glandulas hiare, & urinam per renum fibras, velut per propria excretoria vasa, eliminari in pelvim, necessàriò fatendum erit inter hæc contiguitatem, & communionem intercedere, aliàs ab arteriis in pelvim nullus excerneretur secretus humor.

C A P. IV.

De residuo substantia renum usque ad pelvim.

Extimam gibbi renum partem copiosis excitatam glandulis, vasorum sanguineorum propaginibus, & tandem multiplici urinæ vasorum fasciculo superius exposuimus, & quoniam continuationem urinæ, & sanguinis vasorum productionem usque ad renum centrum

B b

vel

vel pelvim in perfectioribus animantibus observamus, in pennas etiam usque ad ureteris bifurcationem, & dilatationem, idè necesse est hujus partis historiam proficui. Urinæ igitur vasa à gibbo, & extremitate renum exorta, superato vasorum arcu, rectà versùs centrum petunt, & in quibusdam, velut in fasciculum recollecta, in formam papillæ desinunt, ità ut tota fibrarum harum, seu vasculorum compages pyramidem plurium laterum referre videatur; in aliquibus, cum in unam tantum continuatam regionem, & veluti extensam papillam conspirent, à tota renis peripheria exorta urinæ vasa versùs medium desinunt, ubi per oblonga quædam foramina in pelvim exsudat urina à singulis oscillis vasorum interius hiantium, ut in ovibus, canibus, felibus, & aliis observavi. Hæc pars vasorum concursu, & finibus excitata antiquitus nascenti lunæ, vel peponis parti à natura secundum ipsius longitudinem divisæ comparabatur, & sicuti in pepone cortex à penitiori ejus substantia differt, quæ in finem lineam desinit, sic etiam in caninis renibus evenire credebatur, ut ejus substantiæ pars, quæ gibbam regionem spectat, rubra sit, altera verò, quæ cavum respicit, alba, & nonnihil in medio sinuata, & excavata. In consimilibus renibus, licet omnia urinæ vasa ad medium concurrentia elongatum hoc semilunare corpus efforment, indeque eruantur, urinam, ex extenso tamen pelvi collectiones quædam dictorum vasorum subrotundæ excitantur, sicut in renibus, qui in papillas dividuntur, quæ ulterius versùs centrum protractæ uniuntur, & in descriptum semilunare corpus desinunt; in aliis autem renibus, in quorum extrema superficie insignes lobuli foveis circumscripti observantur, vel eorum obscura adsunt vestigia, ut in homine, urinæ vasorum concursus incoalescentes quasi papillas conspiciuntur, quæ multiplices sunt, & numero etiam variæ: & quamvis in his portiones carnis, seu vasorum urinæ adhereant pluribus in locis expanso pelvi, certum tamen est omnia hæc vasa in solam papillam tendere, & nequaquam hiare in portiones superextensi pelvis, ità ut urina non per porulos pelvis sed per papillas excernatur, quod etiam in homine accidere certo scio, nam ex diligenti, & sæpe repetita sectione collegi in humano rene urinæ vasa, quæ fibras carneas, solidas, & compactas repræsentant, desinere in evidentes, & distinctas papillas, quæ in pelvim protuberantes hiant, & ad tot ejusdem tubulis excipiuntur, & ut plurimum duodecimum numerum complent; horum vasorum propagationes à papilla deductæ producuntur velut à centro quodam in renum circumferentiam, & quandoque cum aliis contiguis fibris implicantur ex quibus concludere possumus omnem urinam per papillas, quæ interdum rotundæ sunt, interdum oblongæ, excerni, & nequaquam per poros in pelvi excitatos, vel per aliud tortuosum corpus; & licet ablato pelvi appareant continuatæ quædam protuberantiæ ex urinæ vasorum excitate, pelvi arcu hærentes, certum tamen est non esse vasorum extrema ora, sed latera in papillam tendentia.

Apud quosdam dubitatum est, an in papillarum extremitatibus caruncula quædam diversi generis, quam Verrucam aliqui dixere, vel saltem glandulosa quædam substantia appendatur, per quam, veluti

in

in mammillis accidit, urina excernatur, vasorum fines custodiantur, vel saltem urinae camerae stabiliantur. Firmum tamen est ex his, quae diu observavi, in animalibus praecipue, ubi distinctae emergunt huiusmodi papillae, nullum diversae naturae appendi corpus, nec protracta vasa alienam acquirere naturam, sed ingeniosum fortiri hiatum, etenim singula quaeque urinae vasa à glandulis exorta, & ad papillare corpus producta, non eundem omnino terminum assequuntur, sed ab excitata in apice papillaris corporis fissura emanat urina, ita ut hac diducta cultro, singulorum urinae vasorum inaequaliter elongata extrema ora deprehendantur; aliquando autem urinae, & sanguinis vasa usque ad apicem deducta reflectuntur ad latera, ubi non longè ab extremitate papillae foramen quoddam cavernosum observatur, in quod singula vasa & reflexa, & recta desinunt, unde compressa papilla urinam totam inde promit.

Nec urget id, quod novissimè obijcitur, per papillas hasce urinam nequaquam excerni, cum arenulae, & lapilli quandoque è renum substantia decidunt, qui, cum mole polleant, videtur impossibile, quomodo capillares canaliculos, quibus papillae coagmentantur, permeare possint; quin & sensum in testimonium afferunt contra urinae vias in papillaribus meatibus assertas; etenim, licet verum absolute sit urinam nequaquam papillari corpore, ut cribro, separari à vasis sanguineis, negari tamen non potest per hoc, veluti per extrema urinae secretoria vasa, excerni, cum sit ipsorum tantum coagmentatio, & hiatus; cum evidenter perforati pateant fines; exiguas autem arenulas & calculos excerni ab huiusmodi vasis admitti potest, dummodo ipsorum exigua sit moles, cum urinae vasa membranosa sint, & consequenter extensibilia; accidit tamen, & frequenter, calculos in huiusmodi urinae ductibus detineri, & adveniente tartaro augeri, ita ut vasorum tenem corrodant membranam, & ita corrupta non raro renum caro observatur.

Tota enarrata hucusque renum portio sua habet sanguinea vasa, quae ab incurvatis ramis propagata, & deorsum protracta hederæ instar, urinae vasa amplexantur, & in animalibus adhuc viventibus, ubi emulgens vena jam ligata est, ita turgent sanguine, ut major coecci sanguinis copia hic subsit, quam in cæteris valculis. Hæc autem vasa obliquantur propè finem versus papillare corpus, unde ex horum gracilitate, & vasorum densitate membraneum, seu nervosum corpus videtur, & sæpius etiam dubitavi, an reflexi pelvis tunica investiat, cum arctè ejusdem amplexantis sinibus annectatur; in capris autem, cum nullam observem inter pelvim, & urinae vasorum collectionem, hoc nequaquam in singulis perpetuum cenfeo.

C A P. V.

De Vasorum Propagine, & Pelvi.

A Rteriarum, venarumque ramis totam renum substantiam irrigari apud omnes totum existit, emulgentes etenim arteriæ, & venæ cavum renum subintrantes in plures furculos, hœque insignes distributæ, extensum ureterem, qui pelvis dicitur, inter adipis molem excurrentes, tandem ubi appendices quædam, quas Tubulos dixere, quæ circa papillas à pelvi elongantur, versus gibbum eodemque veluti sacculo contentæ in arcum curvantur, aliisque ramis obviam eunt, & anastomosi uniuntur, ab hoc arcu versus renis gibbum, & extremitatem propagantur plures, & plures propagines, quæ & ipsæ implicationem quandam reticularem promunt, & inter lobulos, quibus urinæ vasorum congeries subdividitur, excurrunt usque ad extimam superficiem, à qua aliquammodo ad latera reflexæ tandem interius terminantur, & harum speciosam sobolem immisissum atramentum perbelle describit; desinunt horum extremi furculi ad glandulas superius descriptas. Et quoniam ab extensi pelvis tubulis, & à vasorum arcu subrotundum quoddam spatium describitur, quod ab urinæ vasis in papillare corpus coagmentatis repletur, ideo hinc inde emergunt rami, in arcum sub gibbo ducti mutua anastomosi uniti, quorum descripta spatia ex nonnullorum observatione favos referunt. Horum etiam vasorum propagines ab arcu etiam infra circa urinæ vasa feruntur, quæ contento sanguine manifestantur. In quibusdam brutis, & præcipue in fœtibus, per renis exteriorem portionem sanguineum vas excurrere sæpius observavi cujus crebris ramorum flexibus renum minores divisiones in lobulos ambiuntur, & interiores etiam lobulorum rimulæ pervaduntur, his tandem desinentibus in glandulas. Hic omitto sanguineorum vasorum expansionem in cavitatem à veteribus imaginatam, quam plures nervosæ oppugnaverunt.

Inter renum vasa non infimum locum habere videntur ureteres, de quorum quidem exortu, & ultima insertionem litigent alii; illud unum his adnotabo, quatenus quidem sub pelvis specie per renum corpus cum cæteris vasis disseminantur, esse pelvim extensionem ureteris iisdem constantem membranis, nervisque fibris, quibus ureter componitur; in brutis in quibus urinæ vasa in papillare corpus desinunt insignis quædam ureteris per medium renis, quasi ovalis expansio, observatur, quæ è regione hiatus papillarum appendices quasdam tubulosas promit, quæ versus gibbum ulterius protractæ latiores reddite, quasi infundibulum efformantes, quod pro secunda cavitare, vel pro cribro acceptum à plerisque est, admissam intra se unam, vel alteram papillam arctè amplexatur: ab his ulteriores propagines promuntur, quæ subsequentes contentorum sanguinis vasorum

rum ramificationem, easdem omnino implicationes alveolorum edunt, quas ab arteriis, & venis excitas diximus; à pelvis etiam appendicibus in arcum productis membranosa, nisi major nervæ, fibræ innumere ferè versùs gibbum producantur, cujus extremos fines nunquam attingere potui. In cæteris animalibus, ut in pecude, cane, &c. in quibus papillarum loco extensum quoddam corpus semilunæ simile observatur, pelvis expansiones habet, quæ fibrarum fasciculos in hujusmodi continuatum semilunare corpus desinentes amplexantur, & quoniam extrema urinæ vasorum ad pelvis cavitatem desinunt, ideo secundæ antiquorum cavitates superius descriptæ infundibuli formam æmulantes non deprehenduntur, sed pelvis istæ portiones, velut extensa vasa, eadem methodo paulò ante descripta per totam renum peripheriam disseminantur. In homine pelvis arctioris est latitudinis, totusque continuus est, præter rotunda foramina, quibus necitur, seu admittit papillas urinæ vasis conglobatas: aliquando ureter humanus ante ingressum dividitur, veluti sanguineum vas in plures fistulas, quibus expansis fit pelvis, à quo propagati tubuli occurrentes recipiunt papillas, quod etiam in sue non raro conspexi; ex hac ureteris expansione lapides renum frequenter cum protuberantiis tuberosis observantur ex tartaro in pelvi, ejusque appendicibus concreto; & configurato: propagines etiam pelvis versùs gibbum, & interiores reticulari plexu, vasorum urinæ fasciculos in papillas detinentes colligant, & expansis etiam sanguineis vasis aliquale involucrium præbent, non quale tamen in brutis quibusdam observatur.

Pennatorum ureteris, seu pelvis elegans est forma, etenim per totam renum concavam longitudinem subalbam quoddam excurrit vas, à quo hinc inde rami promuntur, qui sensim latiores, tubæ instar, facti, innumeras alborum vasorum collectiones admittunt à peripheria progressas, ita ut hæreas, an hæc candida vasa à lacinato pelvi, & veluti exeuntes digiti à divisa manu promantur, an verò hæc latiores pelvis portiones sint instar infundibuli, in quod copiosa illa alba urinæ vasa serositates exonerent; hæc in exiguum corpus implicatione conglobantur, quod cum renalibus in bove, & ursi lobis proportionem habet: ex harum observatione interdum dubitavi, an excretoria urinæ vasa essent propagines ureteris.

CAP. VI.

De Renum usu.

EXtillans perpetuò urinæ serum à renibus per ureteres, indeque in vesicam delatum, & statò tempore excernendum, renum usum sufficienter indicat; quam arte id contingat obscurissimum: licet enim glandularum ministerio totum hoc subseq̃ui rationi sit consonum, quoniam tamen minima illa, simplèxque meatuum in glandulis structura nos latet, idèò quædam tantum meditari possumus, ut huic quæsito probabiliter satisfaciamus: necesse est hanc machinam interna configuratione separationis opus peragere; an verò his, quæ ad humanos usus passim usurpamus, quibus ferè consimilia effingimus, consonet, dubium; licet enim occurrant analogæ spongiæ, incerniculi fistularum cribrorumque structura, cui tamen ex his consimilis undequaque sit renum fabrica, difficillimum est assignare, & cum naturæ operandi industria fecundissima sit, ejusdem ignotæ nobis reperientur machinæ, & quas nec mente quidem assequi licet. Illud miror tam copiosa, diversaque corpora per has glandulas separari in naturæ statu, exit enim substantia aquea cum salinis, sulphureis, & consimilibus particulis, & ex morbo etiam abscessuum reliquiæ, & totius quandoque corporis inquinamenta separantur detentis sanguineis partibus, quæ & ipsæ plures sunt, nec unica fortasse forma constantes, & tamen minimam, & simplicissimam, ut puto, harum glandularum structuram natura efformavit, ex quo dubitari possumus, ea, quæ per has urinæ vias excernuntur, in unam quasi coire molem, ità ut salium, & similiùm adinvicem subintrantes particulae unum tantum efficiant determinatæ figuræ corpus, & quidquid majoris corporis, vel diversæ saltem figuræ meatulos, & minimas interapedines excernendi corporis non subintrat, illud non evacuari, ex quo etiam sequi potest per has urinæ glandulas elabi, quæ alioquin utilia animalis œconomix sunt; nam singulis his excretis similes adhuc porciones remanent in arteriis, & venis ad animalis usus, eaque tantum separantur, & veluti inutilia excernuntur, quæ liberiora, & plus justo exaltata ex intestina fermentatione à ceteris penè sejuncta effluunt necessariò, dum structuram hanc offendunt, indeque animali illud proficuum succedit, ut minores in corpore turbationes excitentur, facilius transpiratio celebretur, aliarumque animalis operationum impedimenta tollantur. In hujus confirmationem observavi interdum plus justo colloquato ebulliente sanguine vi prægressi motus, vel vehementis agitationis, urinam reddi sanguineam, subsidente etiam grutescente sanguine, & in his sanguinis porciones ad testes aliàsque partes, nova sibi facta via, tumores excitasse; unde ad separandam urinam, præter renum structuram, perpetua concurrit sanguinis fermentatio, qua solutæ, & liberiores redditæ salinæ, & aqueæ parti-

particulæ facilius occurrente structura excipiuntur, & à residuo separantur, & his variatis urinæ qualitas, & excretio immutatur.

Contingunt autem in urina vitia labe quidem minimæ hujus structuræ, quæ à concrecente ibi tartato, vel pertranscuntibus salinis particulis laceratur, sed ut plurimum à vitio appellentis sanguinis dependent, & præcipue hæreditarii illi morbi, quorum diathesis non in renem perpetuò structura, sed in sanguine propagatur, etenim renum hujusmodi morbus non raro in consimiles aliarum partium, scilicet in podagram immutatur. Et ut verum fatear in nostro corpore, præter pulmones, non est alia pars, quæ exundantis sanguinis injurijs magis subjiçitur, ejusque vitia facilius indicare compatiendo possit, quàm Renes.

Laborant Renum minimæ glandulæ omnibus morbis glandularum propriis, quos brevitate studens omittimus. Urinæ excretoria vasa, quæ fibras dixere, pilorum per urinam excretorum generationem promovent; etenim in avibus, quibus urina crassior, & compactior est, instar semiconcreti lactis, ureteris illæ minimæ propagines, dum affluentem hunc crassiorem succum admittunt, oblongam illam & teretem eidem impertiunt figuram, quæ in eodem, licet in latiori pelvi recepto, adhuc conservatur, quare ex diversa serositatis per renem has minimas glandulas excretæ dispositione ad concrescendum pilorum promovetur generatio: accidere etiam potest, ut interdum portio concrescibilis feri vel fibrarum à minimis glandularum meatibus excidat, & dum per excretoria vasa in pelvim defertur concrescendo teretem hanc figuram acquirat. Idem dubitari possumus de salibus, & liquoribus, qui faciliem ad concrescendum retinet figuram, vel quia à consociis sejunguntur, quorum miscella fluxiles redduntur, vel quia aliquo de novo associato fixantur, unde de facili in vasorum urinæ arcibus tubulis in pilorum formam configurantur, quam etiam ulterius delati retinent, quod morbi genus mammillis familiare scimus. Vulgatum insuper est, exiguas carunculas à renibus excerni, quæ probabiliter sunt grumescens sanguinis particulæ cum urinæ sæce commixtæ, vel saltem excretoriorum urinæ vasorum tunica, quæ pertranscunte sero erodi possunt, eidemque unitæ deorsum ferri.

Ureter etiam in pelvim expansus vermibus, & ut plurimum calculis afficitur, si enim ex affluentibus perpetuò tartareis, salinisque particulis ex illis unà à pelvi irretiatur, lapidis rudimentum promovet; facile namque est, ut pertranscuntibus occurrat, & consimiles detineat, ita ut ex conglobatis pluribus hisce particulis lapis assurgat, unde fortè natura pelvi pinguedinem subjecit, ut continuò interior ejus superficies lubrica redderetur.

Renibus feminis materiam præparari pluribus artibus, quare in gonorrhœa lumbis medicamenta apponuntur, ipsique libidinis sedes vulgo crediti fuere: hanc diu fovit sententiam vasorum spermaticorum cum renibus aliquid societas; quoniam tamen à renibus, ejusque vasis nihil in feminis officinas immediate derivatur, ideo non videtur renes peculiarem præparare materiam pro seminis generatione, sed universalem quandam, & remotam, non spernendam, dispositionem.

onem, pertranscunt sanguini impertire, qui variis tandem cribrationibus ultimò semen efficitur; etenim probabile est seminis particulas ex appulsis ad testes succis separari, fierique diversarum, omniumque partium, quibus animalis corpus inde coalescit, congeriem: & quoniam hæ partes ab arteriis rudem saltem, & primævam originem deducunt, ideo si defæciatior vi viscerum reddatur sanguinis massa, subsequens etiam coctiones eo perfectiores celebrabuntur; quare nil mirum si salinæ illæ particulae, aliæque per renes cribranda, & excernenda, dum remaneant, non solum sua præsentia, & libertate seminis materiam inficere possint, ita ut infœcundum reddatur, vel saltem ad propugnandam molam, vel abortum præviæ dispositiones, & incitamenta fovcantur: sed probabile insuper est harum particularum detentione fixari quandoque seminis minimarum particularum deciduam, vel à toto, vel à sanguinea massa emanantem substantiam; quapropter ubicunque exacta glandularum in renibus existentium structura sanguinis massa hujusmodi exaltatis salibus & inquinamentis liberatur, facilius fermentatio perpetuatur, similiarium, & dissimilarium partium rudimenta ducuntur, & testium fabrica separantur, indeque collectum semen fecundius viget.

DE LIENE.

P R Æ F A T I O.

Nescio quo fine ducta Vetustas, Lienem risus causam, extare evulgaverit, dum longo Literatorum more, ob nondum assecutam hujus visceris naturam, lugent Academiæ. Si enim Anatomicorum revolvās elucubraciones, quæ copiose præ cæteris occurrunt, cum in hujus indagine plus infudantur Auctores, quàm in reliqua corporis machina, talem hæsitantiam, & tam varia meditationum figmenta reperies, ut tantum absit, ut hilaritas, ac voluptas illa sapientum risui affinis, re aliqua comperta, suboriri possit, quin potius inde stomachus moveatur, cum inter tot conatus circa hujusmodi viscus, subsannandi nonnulla eruperint, à quibus fortè etiam in Superis, si hæc illos tangerent, risus excitaretur, etenim tam acè philosophati sunt de Liene homines, ut neglecta mira Lienis organica compage, merum crediderint pondus, quo sinisterum corporis latus, dextro, ob jecoris præponderantiam, æquaretur. Apud alios, nec ad ponderis munia est revocatus, sed inutile quoddam naturæ supervacaneum, veriusque abscindendum reputatum est; Et quoniam Veterum sollicita fuit cura naturam in multiplici excrementorum generatione, eorumque eliminatione perpetuò detinere, idè inter viscera, quæ copiosè ad hujusmodi operas destinarunt, non infimum habuit Splen locum, cum ad terrestriorem separandum limum damnarint. Nobiliori interim vita ut frueretur, à nonnullis ad vitalem auram regio Còrdi præparandum eligitur, mox vilioribus familiæ servis, confocius scilicet abdominis partibus, crudiori è chylo coctam à se alimoniam distribuere cogitur: nec diu gavisus hoc panificio, unicum concoquenti ventriculo fermentum ministrat, quod temporis interim tractu deletum, dum veluti subiectum focum calorem in ventriculum exhalare volunt, & parum ignei præstitit hoc lar effluvi, etenim derivata à ventriculo, vicinisque partibus aquosa colluvie, aquæ lacus Lien efficitur. Hæc & similia, quæ aliorum detexit sedulitas, me quoque ut circa hujus visceris structuræ indaginem occuparer suaserunt, propterea solitas revocans anatomicas exercitationes, qualescunque sint, ut mortalis vitæ tadium naturæ abdita scrutandi dulcedine mitescat, in additamentum eorum, quæ jam de quibusdam visceribus evulgavi, pauca hæc addam.

D d

C A P.

C A P. I.

De Lienis Membranis.

Membranarum generatio, proveniunt, & usus adeo in natura familiaris est, ut non tantum singula corporis membra quoquomodo alicui dicata muneri circumducantur, sed quæ naturam ipsam oppugnant, eamque à recta operandi ratione deflectere cogunt, tam providè membranis ipsis donentur, sicuti in tumoribus præcipuè accidit, ut suspicari possumus aberrantem etiam naturam membranarum texturam non dediscere; unde nil mirum, si providè Lien, qui necessario firmitudinem, certòque propriæ compagis terminos exigebat, binis membranis circumambiat. Exterior itaque satis valida, totum ita ambit Lienem, ut veluti marsupio contineat, quod in ove præcipuè apparet; In aliquibus autem non totus involvitur Lien, sed exigua ejus quedam portio, quæ ventriculū tangit non obvelatur, ex quo emergit dilucidatio sententiæ eorum, qui hanc tunicam afferunt expansionem ostendi esse, vel mavis peritonæi productionem Lienem obvelant, nam diaphragmati in bove hærens, communi ambitur involucre.

Nervos hæc habet, venas, & arterias, quæ per longum excurrunt, & ab extremis arteriarum finibus interiorē Lienis substantiam perreptantibus irrigantur, unde avulsa hac tunica, rubicunda quedam stigmata emergunt, quæ nihil aliud sunt, quam arteriarum ora laceratis ulterioribus ipsarum per exterius involucre propaginibus. Observantur venæ & ipsæ per modum laxioris retis implicitæ in conspicuos ramos degenerantes, quæ tandem ad truncum ingredientis splenici vas deducuntur, vel in omentum continuatæ ulterius elongantur.

An interiores lienis fibræ exteriùs productæ hanc attingant, & mediante ipsa ultra propagentur, non est conspicuum: certum tamen est, licet hæc abique vi à subjecta separetur membrana, filamenta quedam ad invicem implicita, quandoque tunicæ fimbrias æmulantia lacerari, quæ quamvis certam inclinationem non habeant, nec ejusdem naturæ cum penitioribus fibris esse videantur, attamen à rotundis quibusdam protuberantiis, à fibrarum ultima terminatione in membrana subortis erumpunt.

Lymphaticorum copiam his adnectere lubet, qui multiplici propagine sub exarata lienis membrana excurrunt, suisque conspicuis truncis circa sanguinea vasa, hoc viscus ingredientia ludunt. Mira est istorum amplitudo, & nexus, rete enim, cujus inæqualia sunt intercepta spatio, efformant. Contentus humor flavo, & interdum subrufo saturatus colore fluit, & frequentibus valvulis fulcitur postremoque conspicuis ductibus per omentum deductis in receptaculum irumpit.

Detracta

Detracta exteriori tunica, quod facillimo succedit negotio, occurrit altera laevis, & firma, totum Lienem ambiens, nullibique perforata, præterquam ad vasorum ingressum & egressum; non adeo tamen densa est, quin per ipsam aeris portio non erumpat, dum vi in vasa intruditur, quæ tamen ab ætera super extensa membrana coercetur. Componitur hæc non vago, & irregulari filamentorum contextu, ut solenne est in cæteris panniculis, sed eleganti, & mira fibrarum implicatione contextitur, quæ fortè describi nequit, sed solo intuitu attingi potest; in singulis enim suæ substantiæ particulis, ubi interiores fibræ transversim lienem excurrentes nectuntur, tenuia quædam stamina hinc inde ab hoc puncto, veluti à centro quodam diramificantur, donec contiguis fibris à consimili exordio emanantibus occurrant, cum quibus implicatione facta, totam hanc panniculi structuram efformant: hoc totum laceratione media emergit, si per longum in bovino Liene fiat; facilius namque contingit fibrarum ibidem integræ separatio, cum præcipuè versus superiora rectitudinem habent. Membranam istam ossilem fieri à pluribus est observatum, & *Boschius* ita induratum versus abdominis musculos vidit, ut sciretum in ipso subesse suspicaretur. Non raro, in ovibus præcipuè, concretos calculos ex gypsea materia, vel meliceridès, aliisque tumores observavi, ex varia fortè eructata ab extremitate vasorum concretescente materia.

Arteriarum sinibus irrigatur hæc membrana; nam si atramento, vel aere turgcat splenica arteria interiora Lienis pervadens, extremi rami versus omnem peripheriam, breviter tamen producti, tribus, vel quatuor ramulis ulterius subdivisis affurgunt. Idem etiam observatur tumefacto ex aere, vel atramento, splenico ramo, etenim in membrana investiente, ampli rami hinc inde dispersi, infuso humore repleti attolluntur, & secto etiam per medium Lienis, insignes veluti arborum radices deprehenduntur rami, colore infusi humoris aspersi, qui probabiliter ex continuata via, quam ater humor immisus designat splenici rami soboles sunt.

Taliter igitur circumdata Lienis substantia propria, nondum tamen certa describitur figura, quæ in homine ut plurimum oblongior, & latior est: in brutis autem diversissima, parvum etenim vicinitas, molliisque splenis natura varias impressiones, & protuberantias efficit, unde irregularis suboritur figura, nam aliquando globosa est, interdum in lobos finditur, & in quibusdam piscibus, ut in *Squalo* subrotundis eminentis, racemi ad instar affurgit, quod idem in lacertorum Liene observatur. Clarissimus *Bartholinus* in *Delfino* Splenem multis globulis constantem vidit.

Deformem etiam, & monstrosam tum figuram, tum molem acquirit, dum laxatis suæ structuræ meatibus, ex copiosa affluente, nec derivata, humorum colluvie, insigniter protuberat, ut passim historia apud Medicos produunt.

CAP. II.

De Fibris per Lienem dispersis.

Fibrarum, quibus universus Splen stipatur, tantus est proventus, & mira implicatio, ut abundè naturæ solertia in custodiendis, fulciendisque propriis machinis innotescat. Harum structura, usufque apud Anatomicos controvertitur, nam antiquiores pro sanguineis vasculis habuerunt in innumeram ramorum sobolem diffusis, harumque cavitatem experientia conati sunt firmare nonnulli Clarissimi Viri, additis insuper rationibus, nam sicuti epas vasorum implicatione sanguinem recipit, continet, ab impuritatibus defæcat, ipsumque tandem cordi subministrat transvehendo materiam per totum parenchyma vasorum ministerio, ita cum quid simile in Liene succedat, vasorum eadem implicatio requiretur.

Famigeratissimus *Glissonius* novo assignato usu cavas ita credidit, ut nervis in vehendo succo essent auxilio; oculatior tamen inspectio hujusmodi filamenta tantum esse tenuia, & valida, nullam cavitatem habentia, prout sensus attingere valet, nec à venis, vel arteriis orta demonstrat, si diligenti indagine ipsarum exortus implicatio, & structura examinetur.

Enascuntur hæ fibræ ab interiori Lienis membrana, & per transversum producuntur in oppositam dictæ membranæ partem, seu ad capsulam quandam, sive commune involucrium vasorum per medium Lienis perreptans. Non idem servant planum, sed identidem sibi occurrentes subdivisæ propriæ substantiæ, vel fibrularum, seu capillarium partium dimidiata portione consimilibus inosculantur, ita ut mirus fiat nexus, & rete, & dum membranæ accedunt, bifurcantur; unde multiplicibus, veluti ramis in ipsam inferuntur.

Componuntur hæ fibræ filamentis, seu minoribus aliis fibris per longum ductis, etenim scissæ filamentorum elegantem implicationem, ramorumque productionem exhibent; extremis autem finibus per latum extensis in membranam desinunt, unde satius videtur credendum, fibras hæc productiones esse membranæ propriæ Lienis, ejusque capsulæ propriis staminibus confarcinatas, ut sanguinea vasa, mollisque Lienis structura conservetur; cumque locum habere, qualem in edificiis ferrea illa vincula, quæ arcibus ad robur subtenduntur.

An verò singula quæque filamenta fibrarum constituentia cava sint, interdum dubitavi, eo quia dum fibras componunt, eandem implicationem, & productionem servant, qualis in fistulis arborum ramos componentibus observatur, & licet in membranam absumantur, adhuc tamen per aliquod spatium determinatam inclinationem retinent: Quoniam tamen *Spigelius* observavit interiorem Lienis membranam hujusmodi fibrarum efformatam plexu, osscam fieri, & interdum cartilagineam, quod ego in bove semel vidi, non videtur vasorum natu-

ra de facili his competere possē. Huic accedat, me diu quæsiſſe, an huiusmodi fibræ è tunica crumpant, & in determinatam partem ferantur, sicuti in cæteris vasis excretoriis præcipuè accidit, nec unquam præter exigua filamenta, quæ nervi potius propagines sunt in omentum deductæ, observare potuisse; Hoc tamen sagacioribus, & felicioribus ingeniis determinandum relinquimus

C A P. III.

De Vasis Lienem percurrentibus, eorūque capsula.

VAſa, vitæ fontes antiquitus habita, ſingulas animalis partes affluenter irrigant, & præcipuè viſcera, in quibus nova lege, & in ſitu ita implicantur, ut ad peculiare opus quaſi damnentur, ideo cū in huiusmodi cenſum Lien referatur, vaſorum copia neceſſariò datur; Inter hæc igitur occurrit arteria, quæ *Arantio* noſtro duce, paruit, deducta ab aorta: Pluribus de huius exortu, & productione diſputatum eſt, ejuſ tantū hiſtoriam, prout viſcus noſtrum pervadit, habebimus. Hæc igitur diverſo ritu animalium Splenem intrat, etenim in bove, & ove unicuſ eſt ipſius ramuſ, qui interiùs in multiplices ſcinditur furculuſ. In homine autem, cane, equo, & aliis, tribuſ vel quatuor; quandoque pluribuſ ſubintrat ramis, hi venarum extenſoſ tubuloſ, in Lienē præ cæteris amploſ, proſequentes, hinc inde productuſ furculiſ, extremiſ tandem diramationibuſ ad nova quædam corpora, & ad Lieniſ ſpatia deſinunt: reliquī autem in exteriori tunica abſumuntur, hoc totum in bovino, ſuillo, & ovino Lienē faciliùs inſtoteſcit, in homine tam flaccida eſt Lieniſ ſubſtantia, & tantuſ eſt ſanguiniſ coerciti proventus, ut vaſorum alioquin exiliuſ progreſſuſ de facili effugiat; patent autem vaſa injecto atramento, quo arteria denigratur, & ſciſſo per longum venæ ductu; ſi hinc inde leviter abraſatur Lieniſ ſubſtantia, multæque aquâ abluatur; ſub vena etenim à latere tam nervorum, quàm ſub ipſiſ nerviſ exiliſ quædam arteriæ productio, ſi ſuperextenſe comparetur venæ, deprehenditur, quæ nervorum, & venarum ſubſequentiſ diramationem, minimiſ hinc inde promit propagineſ, ſicuti in aliis vaſorum germinationibuſ contingit: Huiuſ extremiſ fineſ multipliceſ ſunt, & reſcolleſti equinam caudam efformant, quod in equorum etiam Lienē levi abraſione præ cæteris obſervatur. Hi multipliceſ ramorum fineſ arête amplexantur exigua quædam corpora per Lienē diſperſa, inferiùs exponenda; aliſ autem ulteriuſ productiſ propaginibuſ in membranam deſinunt, quâ Lieniſ ſpatia inferiùſ luſtranda excitantur, cæteri arteriæ fineſ ad inveſtientem tunicam producantur, ut patet inſpecto Lienē, cujuſ arteriæ acere, vel atramento turgent, contingit etiam, ut arteriarum rami ad periphariam

phemiam Lienis deducti reflectantur versùs ejusdem superficiem, & contiguus propaginibus implicentur.

Venarum in Lienem ingressus omnibus notus est, famosus namque est splenicus ramus venæ portæ foboles; qui unica productione, vel pluribus, ut de arteria dictum est, Lienis cavum subintrat; ulterior tamen progressus apud Anatomicos controversitur. Doctissimus enim *Higmorus*, & alii in bove, damis, & ovibus censent, splenicum ramum, cum primùm attigerit Lienis tunicam in poros ejusdem corticis statim desinere, & obliterari; in homine autem paulò altius Splenis substantiam cum arteriis penetrare. Quid tamen mihi sæpius observare licuerit brevibus exponam, & quoniam nullus est Lien, qui minorem involvat suarum partium obscuritatem, quam est boum, ideo, exemplo *Higmori*, hujus vasa examinanda assumam.

Lienis igitur vasa in bove membranea quadam portione circumducta, vena scilicet, & arteria, & bini nervorum rami unitim interiora Lienis intrant, ita ut antequam ipsum subeant levi divulsione separentur: ut autem jam ingressa manifestius pateant immisiss in vena per longum forficibus aperiatur oblongus, & amplus ille venosus sinus, qui per totum excurrit Lienem; in ducto hinc inde canali (si fiat sectio in parte graciliori, ubi inter hunc ductum, & exteriorem membranarum substantiæ Lienis intercipitur) illico emergit exigua quædam arteria, si præcipuè jam atramento repleta fuerit, quæ cum nervis à sinistris, vel hinc inde excurrentibus per longum exporrigitur, & licet hæc primò oculos incurrat; & præ cæteris proximior videatur, attamen super hanc tenuis quædam, & diaphana extenditur venæ tunica, vel saltem ejus vicaria, etenim quamvis in ingressu foramina quædam, & quasi lacinias quasdam in splenici rami tunicis excitatas observemus, quibus ejusdem tunicæ uniri, vel terminari videantur cum Lienis substantia; attamen levi facta laceratione, seu extremo cultro separatione, vel ipsis etiam unguib, continuatio hujus membranæ, impensè tamen gracilis observatur per longum ductus, & facillimo etiam negotio à subiecta arteria, & nervis separatur. Unum tamen observatur, venam hanc prope Lienis ingressum (exterioris scilicet) duplici constare tunica, in ipso autem limine harum crassiores, & externam excipi ab interiori Lienis tunica, quæ vasorum involucrum efficit, cui arctè hæret, alteram autem ulterius produci. Membrana hæc venosi ductus non tantùm superextenditur in ea tubi parte, quæ excurrentes arterias, & nervos fovet, sed in altera etiam parte opposita, quæ jam forficibus scissa est.

Multiplicia habet venosus hic amplus ductus foramina, dum articularum, & nervorum elongatas hinc inde propagines sequitur, ideo necessarîo ramorum hiatus in patenti trunco determinatis in spatiis observantur ex diametro sibi correspondentes, qui cum in geminatos ramos pateant, venosi tubuli ulteriorem progressum exhibent, qui hinc inde ut mos sanguineorum vasorum subdivisionibus iterum productis usque ad externam membranam eandem ferè servat proportionem, quam in filice observamus. Aliis ulterius foraminibus pervia est hæc venosa tunica, nam inter patentia ramorum officia, multiplicia quædam

dam

dam, veluti stigmata observantur, non in ea parte, sub qua excurrunt arteria, & nervi, sed in opposita ejusque lateribus. In his licet tunica venosi ductus hiet, & pateat, non tamen comites arteria, & nervi rami propaginibus concomitantur, quod certe miro non caret artificio, cum ubique in cæteris animalis partibus fere semper arteriarum, & venarum, quin & nervorum hiatus, & productiones consociantur.

Nervi, ut superius expositum est, ut plurimum bini extra lienem mutua fibrarum implicatione inosculati, mox subdivisi à latere arteria, & quandoque supra ipsam (in hoc enim est naturæ lusus) sub vena excurrunt. In progressu ampli ductus subdividuntur, & ad invicem inosculantur, veluti accidit in thoracico ductu. Divisiones postea, & arteriarum bifurcationes sequuntur, ita ut totum Lienis corpus pervadant. Investiantur involucri quodam membranoso, de quo infra, nedum amplum venæ sinum excurrentes, sed etiam in reliquo Lienis corpore, ita ut videantur veluti enses vagina conditi, quin & fibrulas reticulariter productas eidem involucri communicat.

Doctissimus *Glissonius* censet nervorum fines fibris reticulare opus in Liene efformantibus copulari, ita ut mutuum adsit commercium ad determinatum revehendum succum à sanguine mediis fibris separatum; Difficillimum tamen censo, ut sensuum testimonio hoc firmetur, licet laboriosa utamur indagine, cum nervus unà cum fociis arteria ramis subdivisus ita gracilescat, ut extrema productio nequeat attingi. Hoc unum observavi, nervum subdividi unà cum arteriis in minimos hinc inde ramos, & cum eadem comite arteria involucri ambiri, quod ut plurimum est portio capsulae communis lancinatae, & in fibras gracilescens; unde nervus, & arteria minima dum à capsula excidunt fibris involuta, & custodita, tandem desinunt ad exigua, & globosa quædam corpora, quorum accuratior historia inferius habebitur; an verò nervi ulterius in fibrarum fasciculo conclusi unà cum fibris in exterius Lienis involucri elongentur, non sum assecutus.

Avulsis, seu lustratis sanguineis vasis, & nervis, occurrit considerabilis membrana quædam, à nullo quod sciam hucusque descripta quæ sua circumvolutione vasorum ductum involvit, unde communè involucrium, seu capsula dici poterit. Hæc exortum habet ab interiori, & propria Lienis investiente membrana, quæ in vasorum ingressu reflexa subintrat cavum Lienis, & in tubum efformata concomitatur vasorum in fasciculum intra se collectorum diramationem. Neque in bove tantum, sed in homine ipso, ove, & similibus evidenter patet, facta levi lienosæ substantiæ abrasione, qua etiam ejusdem continuatio cum exteriori tunica innotescit. Non ubique sibi similis est suarum partium compage, cum sub arteria, & nervis, ubi crassius, & altius est subiectum Lienis corpus, valde densa, crassaque vigeat, ut tubulos etiam efformet: in parte autem opposita tubi, vel splenici rami membranæ naturam, & structuram ulteriori progressu amittere videtur, retisque similitudinem acquirit; taliter enim crassioribus, & per longum sibi que occurrentibus fibris componitur, ut suborta

suborta oblonga spatia, & irregularia foramina naturam membranae obscurant. Iisdem foraminibus pervia est, ac vena jam descripta, cum venosi sinus, & arteriae per Lienem diramationes sequatur; in hanc desinunt, seu ab hac exoriuntur aliae implantati plurimi extremi fibrarum Lienis fines, qui per transversum Lienem excurrentes, altero quidem sine in exteriori tunica radicanter, opposito autem in hanc capsulam veluti in centrum deducti, non diversa ab ea implantatione, quam in circumvolvete membrana diximus contingere, propriarum fibrarum expansione absumuntur, quin, & ut verum fatear, si abrafa leviter Lienis substantia capsulae productionem rimabimur, vehementer dubitare poterimus, fibras quamplures ab ipsa capsula veluti ramos à trunco oriri, cum capsulae fines in has fibras absumantur, ut in cæteris vasis contingit. Valido hoc involuctro non tantum firmatur vasorum progressus, sed arteriae, & nervi præcipue circumambiuntur, inducta veluti vagina non tantum in insigni illo ductu, per longum Lienis excurrente, sed etiam in extremis capsulae finibus, nam eadem in tubum recolligitur, quo arteriarum, & nervorum extrema producuntur, & custodiuntur, donec desinant in exigua illa corpora, vel in membranam appellant.

An hoc involutum sit nervorum soboles, eò quia nervi, dum ipsius medium excurrunt, reticularem quemdam plexum, qui capsulae immiscetur, promunt, dubitari posset; quoniam tamen in utrisque substantiæ modus diversus videtur, & capsulae ætior est continuatio cum interiori Lienis substantia, ideo videtur aliunde petendum exordium.

C A P. IV.

De Lienis substantia.

PRæcipuæ in animalium operibus officinae sunt viscera, quæ naturæ micrologiam deprædicant, & fovent, unde hippicis imponere possunt, quin, & affuso sanguine, illuc copiose irrumpente, veluti tenebricoso quodam velo naturæ mysteria obscurant; quare tot de Lienis substantia disceptationes prodire, quæ caliginem hucusque non deterfere. *Hofmannus*, & alii parenchymatosa Lienis carnem appellarunt, sola laxitate, & molliæ ab hepate dissimilem, hanc *Dottius* *Higmpus* concreto inter fibras sanguine excitari putavit, ita ut unicus videatur inter Anatomicos consensus Lienis substantiam concretum quoddam corpus esse sanguineum, anchoram, fidemque fundum valis ibi inexistentibus præbens, communionem quandam habens cum cæteris visceribus, corde scilicet, hepate, & renibus. Evidentius tamen mihi fortè innotuit longa, & laboriosa indagine, ita ut substantiæ Lienis aliqualem notitiam tenere incipiamus. Est igitur

corum

totum lienis corpus membranarum congeries in cellulas, & conca-
merationes efformata, seu distincta, & licet dissecta splenis substantia
concretum sanguinem præ se ferat, & levi attritione in fluorem sol-
vatur; attamen non dispari ratione ac in pulmonibus accidit, specie
carnis nobis imponit, diluto scilicet colore, & substantiæ laxitate.
Et ut in propatulo res fiat, arteriæ ramus innodetur, deinde aer sy-
ringe, vel ore ipso per ramum splenicum copiosè intrudatur, totus ità
turgebit lien, ut accedentem acquirat magnitudinem, quod etiam
minori tamen incremento continget, si per arteriam inflatio fiat, co-
ercito prius venoso ductu; in vitulorum præcipuè, suum, & capra-
rum turgido liene illico in extremitatibus, & inducta aliquali diapha-
neitate, sinus, & membranosi parietes emergent. Si autem jam tu-
mefactus siccescat lien, mox secetur, vel ejus frustula gladiolo exi-
mantur, totam ipsius molem membranis sinus, & cellulas veluti fa-
vos apum efformantibus coagmentatam deprehendes, quod in ovis,
& suis liene ob facilem exsiccationem promptius succedat; in humano
etiam liene aere turgido, & repenti loco exsiccato evidenter eandem
structuram reperies, ita ut omnem eximat dubitationem.

Quamnam configurationem, & communionem habeant cellulae
lienis, difficillimum est explorare, eò quia, licet exiguum sit hujusmo-
di viscus, interdum tamen non totum secundum interiores, & profun-
diores sui partes exsiccatur, cum putredine superveniente corrumpat-
ur: in exterioribus etiam longo temporis tractu ità densatur, ut so-
la cellularum vestigia hæreant; ut plurimum autem in ove, & simili-
bus siphone immixtus aer laceratis cellularum gracilibus tunicis, mi-
nores sinus diffringit, & ampliora reddit spatia. Prout tamen in vi-
tulorum, & ovium exsiccato toto interdum splene observare potui,
talis videtur subobscura structura. Sinus ille venosus amplus, & ob-
longus, communi involucri circumdatus, per longum excurrentes
hinc inde insignes promit tubos, qui & ipsi ulterius laterales alios fre-
quentissimè geminant, ut foliorum filicis rudem nobis similitudinem
offerant, & tanta est amplitudo, & fruticatio splenici hujusce sinus
donec in membranas investientes appellat, ut major lienis portio in
hoc assumatur; spatia autem illa, quæ inter ramorum productiones,
& truncum ipsum observantur, cellulis, & membranis finibus irregu-
lariter repleantur: hæ autem cellulae, excurrentibus per transversum
fibris, & vas nectuntur, & veluti parietes trabibus firmati, stabili-
untur miro naturæ artificio, fibras illas taliter deducendo, ut cellula-
rum angulosos parietes firmet. Aërgunt autem exaratae cellulae ab
investiente membrana, non perpendiculariter elevatae, sed inclinatae,
ita ut interdum latior sit area supra membranam à parietibus cellula-
rum descripta, interdum verò angustior.

Figuram, & magnitudinem cellulae istae irregularem habent, prout
situs, & capacitas exigunt, quæ varia ex retenta aeris irregulari porti-
one nobis se offerit. Mutuam communionem habent patenti orifi-
ficio, unde in splenicum ductum hiant non tantum in ejus extremos
ramos, sed etiam in ampli trunci latera mediis illis stigmatibus supeti-
us descriptis, in quibus non insinuantur arteriarum, & nervorum rami.

Similitudinem habere videntur hujusmodi cellulae cum testudinum pulmonibus, & harum icones in equino liene apparent, in avulsa etenim lienis propria membrana, asturgentium cellularum fragmenta adhuc supersunt, quae pluribus angulis scateant. Ovium etiam & con-similium exsiccatum, & per longum divisum lien, sinuum, & cellula-rum vestigia, dum ejus exterior tunica lustratur, lumini objecta osten-dit opaciores quasdam veluti lineas exhibendo, seu portiunculæ, qui-bus cellularum, & ductuum progressus haberi potest, ut in resiccatis pulmonibus alias deduximus.

Circa hoc unum adhuc mihi dubitandum remanet, an immisus per splenicum ramum vel per arteriam acris solas cellulas extendat, an verò dilatatis glandulosis sacculis, de quibus inferius, cellularum mi-norum se invicem tumore comprimentium congeriem efformet, in quibus ex turgente forasque erumpente flatu in contiguos sinus, hia-tus aperiantur. Plura in hujus dilucidationem tentavi, & cum infusus liquor per venam, & arteriam, prout videre potui, turgida nequa-quam reddat hujusmodi globosa corpora, vel colore ipsa inficiat, pro-babile credidi cellularum seriem, quæ in liene ex immisso aere emer-git, totam ex sola membranosa lienis substantia taliter concamerata dependere.

Irrigantur hæc membranae arteriis, nam interdum reticularem ple-xum visum sum observasse, qualem in ranarum cellulosis pulmonibus alias descripsimus, & affuso per arteriam atramento emergit, quin, & immisus mercurio minores rami cellularum membranas pervaden-tes turgent.

A quam parte exortum ducant membranosi parietes, quibus con-cameratur lien, esse inquirendum. Horum arcta, & intima conti-nuatio cum propria lienis investiente membrana, & cum elongatis inde fibris, istis primas conferre videntur, cum facile sit naturæ levi ipsarum textura membranosos in liene parietes efformare. Substan-tiæ tamen modus, & gracilitas venosi ductus undequaque similis exa-ratis jam cellulis, immediatus ejusdem etiam hiatus (eandem enim diceret ulterius protractam membranam) non levem inferunt conje-cturam membranas lienis cellulas ab extenso venoso ductu efforma-ri, sicuti à gracilesciente trachea pulmonum sinus excitari non incon-gruè alias dubitavimus.

Sed sese offerunt quidam *Hippocratis* Oracula, Antiquorumque Ana-tomicorum monumenta solite pervolventes, ut exaratam hanc lie-nis historiam in *Hippocrate* objiciant, mihiq; plagarii notam inurant, nec deerunt in tam involutis, obscurisque Auctorum sententiis quæ objiciant. Illud enim occurret, lienis parenchyma rarum, spongio-sum, & pumicis instar esse, quibus illico, ut de pulmonibus à qui-busdam deductum video, evidenter demonstratum videbitur, lienem membranosum esse viscus. Non est tamen qui ignoret raritatem aliis competere posse corporibus, quæ membranosi nequaquam sapiunt naturam, cum foramina, & spatia, quibus raritas constituitur, in offe, cartilagine, carnibus, & aliis à natura membranarum longè di-versis observentur, quin cellularum elegans structura continuatis, &

denis

denſis membranarum tunicis ita conflatur, ut diſtincti aſſurgant parietes, & intercepta ſpatia inde efformentur; quare improprie, & remote ſemper rari nomine appellabitur. Accedat aliud, me ab Auctorum ſcriptis conſimilem ſtructuram nequaquam diſcere potuiſſe, cum quotidie doctiſſimorum virorum manibus terantur, qui tamen hæc ſilentio prætereunt. Scio quidem facile eſſe, docente *Cicerone*, ut cum facta ſint, ad conjecturam aliqua interpretatione revocentur, quod & familiare *Epimenidi* fuiſſe dicunt, qui præterita divinabat. Multa ſane debemus Antiquis, & potiora etiam, ſi illorum extarent inventa. Hoc unum non laudo, vetera quocumque modo ſarciendo, & reſarciendo, retinenda eſſe, cum appoſite monente magno Viro, vetera emendatione potius deteriora ſiant, quam meliora.

C A P. V.

De quibuſdam Corporibus per Lienem diſperſis.

Mtram Naturæ induſtriam in componendo liene jam obſervavimus, & quoniam ejusdem utplurimum una ſolet eſſe operandi norma, hæcque ſimplex, qualem à principio propoſuimus, idem in lienis ſtructura alia addidit non diſſimilia cæteris viſcerum parenchymatibus. In Splene igitur glandularum, vel mavis veſicularum, ſive ſacculorum racemi copioſiſſimi obſervantur per totum lienem diſperſi, qui uvaæ botrum graphice æmulantur. Minimæ hæ glandule figuram habent ovalem, & magnitudine parvam diſtant à renum glandulis; colorem habent, ut perpetuo obſervavi, album; & licet lienis ſanguinea vaſa injecto atramento turgcant, & circa ipſas ludant, hæc tamen eundem ſervant colorem. Earum ſubſtantia quaſi membranæa videtur; ſed mollis, facileque friabilis; ejus cavitas ob exiguitatem oculorum aciem effugit, conjectura autem attingitur, dum ſciſſæ in ſe ipſas concidere videntur. Numero copioſiſſimæ, & ſere innumerae ſunt, & in deſcriptis univerſi lienis cellulis, ubi vulgariter ejusdem parenchyma ſtatuitur, mirè locantur, pendenteque à propaginibus capſulae, ſive à fibris ab ipſa ortis, & conſequenter ab extremis arteriarum, & nervorum finibus; quin & arteriarum fines, capreolorum inſtar, vel ſerpentis hederæ circa ipſas producantur, quod in recenti adhuc liene denigratis arteriis obſervatur. Appenduntur utplurimum racematim, cum ſeptem, vel octo ſingulus quique botrus conglobetur. Non aequè facile ſeſe produnt in quocumque animalium liene: immò ſola lienis laceratione innotescunt, in bove, ove, capra, &c. levi facta cultro abraſione, vel longa communi aqua ablutione patent. In homine difficilius emergunt, ſi tamen ex morbo univerſum glandularum genus turgcat, maniſteſiores redduntur, aucta ipſarum magnitudine

dine, ut in defuncta puella observavi, in qua lien globulis conspicuis racematim dispersis totus scatebat. In piscibus autem, licet ob substantiæ compactam molem, non illico emergant, si tamen eorundem lien longo tempore macetetur, vel sensim siccescat, tandem subalbide manifestantur hujusmodi glandulæ, velut ac in cæteris animalibus. Memini me in amœno *Messanae Faro* cursum observasse *Charcharia* lienem, quem ut diligentius scrutarer custodiendum curavi, sed frustra; asservantium enim incuria pulcherrimi spectaculi raram mihi fustulic occasione, dum tamen à quibusdam piscatoribus oblatu occurrit, deducta interiori membrana, vasorum, & fibrarum superextensos, quasi parallelos plexus, mox placentulam carnis quasi globulis conflata visus sum intueri, ni memoria me fallit. Hoc innuisse volui, ut hi, quibus ad manus esse potest hujusmodi sectio, ipsam non omitant, etenim fortasse in hoc animali simplicior, & manifestior occurreret lienis structura, & exinde usus.

An circa minimas, enarratas lienis glandulas, præter cellularum membranas, aliud circumlocetur corpus, dju apud me dubitatum est, cum secto liene non in omnibus statim occurrant glandulæ, sed post diligentem abrasionem affusæ tenaciter subrubræ substantiæ. Suspiciendi ansam ulterius faciebat cocti lienis inspectio, quæ infinitam penè congeriem rotundorum, rubrorumque corporum exhibebat, cum tamen albæ illæ, & insignes glandulæ in crudo antea observatæ, ne minimum quidem sui veltigium relinquerent. Omne tandem excessi dubium, dum in elixato cujuscunque animalis sanguine, eandem configurationem deprehendi; concrevit enim calore in globulos, poriorum figuram redolentes, quare probabiliter deduxi, substantiam illam, qua teguntur glandulæ, sanguineam esse, quæ in sinibus & cellulis copiose stagnat, cum immittit multa per longum tempus per arteriam aqua infecta sanguine exeat, secumque plurimum sanguinis extrahat. Cellularum etiam collapsæ membranæ nobis imponere valent, ut in pulmonibus accidit, unde cum in liene flatu turgido nihil aliud pateat præter pelliculas, fibras, sanguinea vasa, & exaratas glandulas, satius videtur hæc, quæ glandularum speciem coctione inducunt, sanguinis concreti particulas esse. Ex quibus omnibus conjectari licet, glandulas hæc locum, & situm sibi nancisci in sinibus, & cellulis membranosis, quibus lienis substantia integratur, cum ad has adducantur arteriæ, & in has hient; quicumque enim affusus humor, vel status ab arteriis in cellulas erumpendo ab his in ramum splenicum patentem viam adinvenit. Conjecturam firmat inspectio, licet subobscura, semisiccæ lienis, in cujus cellulis extremi arteriarum fines cum appensis glandulis, quæ licet siccitate quasi obliterentur, attamen adhuc conspiciuntur; quare in naturæ statu fortasse in cellularum spatiis cum circumpositis arteriosis propaginibus pendebunt, vel saltem laterales cellularum parietibus hærebunt, quod nequaquam est in natura novum, ut de mammis, & consimilibus aliis forte dicendis patebit.

CAP. VI.

Cogitata quedam circa Lienis usum dubitative enunciatā.

Licet sit præter institutum nostrum, qui quarundam tantum partium structuram exponendam assumplimus, circa Lienis usum laborare, de eo tamen aliqua, negativè saltem, habebimus, à sagacioribus ex descripta à nobis historia verum expectantes usum. Partium munia, & actiones non perpetuò ex diligenti, & atoma etiam organi inspectione innotescunt, cum natura exiguis machinis, hisque simplicibus miras, ultra humani ingenii captum, edat operationes, ut contingit in musculis, ex quorum simplici structura tanta impellendi vis emergit, ut nisi eam sensibus attingeremus, incredibilis videretur. Aliud etiam occurrit, quod magis dolendum; cognitionem, quam hucusque homines instrumentorum etiam ope tenent, adeò hebetem, & rudem esse, ut minimum illud organicum, quo Naturæ maximum emergit adhuc nos lateat, quare difficillimum videtur ex accurata etiam partium inspectione emanantem usum prædicere. Illud tantum nobis relinquitur, ut in cæteris humanis progressibus accidit, phenomenorum, & effectuum varia observatione, agentium vim, & determinatam causarum energiam colligere; solent autem ob multiplices, quæ conjunctim in animali promuntur operationes, mixturam habere, ideo non raro nos fallunt. In viventibus ergo vigente salute ita Natura operatur, ut nobis non imperantibus, & quasi perennanti illo habitu confopitis, variae nostrarum partium operationes emergant. Ventriculus nobis etiam nolentibus concoquit, commixto liquido adhuc ignoto; dormientibus nobis, bilis separatur, renes cribrant, & muscoli moventur; vigilantes, eorum, quæ etiam nolumus recordamur, multorum nolentes obliviscimur, ita ut sit locus *Pliniano* dicto *Ignota nobis sunt per quæ vivimus*. Ubi verò partium animalis soluta compage, vel concitato, seu retardato liquidorum motu; membrorum tonus, & humorum immutatur fluor, tam diversa, & implicita excitantur symptomata, ut difficillimum, multumque indaginis requiratur, ut singulorum germana causa eruatur. Quapropter *Plato* ad crudiendum Medicum peropportuno, quin & necessario jussit imbecillam Mædici naturam, perpetuum cum ægris contubernium, & omnium morborum frequentem passionem.

Morbi igitur Lienis vitio suborti, ejusdem usus veluti digito indicare possent, nisi aliorum syndrome implicarentur. Huic additur, lienem viscus esse, quod ut probabiliter suspicor aliarum partium vitis compatitur; interdum enim determinatæ nostri corporis particule, vel etiam totius vitia, lieni communicata labe, productorum inde morborum speciebus nos ludunt. Unum relinquitur, ut inculpato reliquarum partium habitu, sola lienis labe sit in confesso, vel animalis œconomia hujus visceris ope destituatur, quod ut succederet,

G g

eximendo

eximendo viventi cani lienem in ipsius superstite vita nova expectando, lumen aliquod cogitationibus sperabam, sed quod sæpe in humanis accidit, compertum habui, plus nempe in facie novum offendere, quam praegrandes in reliquo corpore maculas, ideoque partium abjectarum vitia, licet ingenia, in conspicuo non esse, quemadmodum in Principibus accidit. Quæ tamen observari, ut saltem de quibusdam hucusque dictis dubitemus, brevibus exarabo.

In cane adhuc tenello excitato in sinistro hypochondrio vulnere, erumpentis lienis, & appensi omenti sanguinea vasa ad lienis portas filo innodata sunt, mox repositis in pristinum singulis, consuto peritoneo, & musculis, & laxè etiam unita cute, brevi dierum spatio curatum est vulnus: paucas post hebdomadas ad pristina obcunda munia latibundus convaluit, ita ut quo temporis spatio vixit, nullum læsæ sanitatis vestigium observaretur. Voracior redditus pervidè cibum capiebat, ossa, & cujuscunque naturæ alimenta vorabat; in excretis illæsus naturæ status servabatur. Illud unum animadverti, indeficienter scilicet, plurimum, & frequentissime mingere, quod licet familiare sit cæteris canibus, in hoc tamen excedere videbatur. Corporis habitus undequaque saluber, & pinguis; in cæteris promptitudine, & alacritate quadam consimilibus æquabatur. Hoc peculiare in externo corporis habitu deprehendebatur, tumor scilicet dextri hypochondrii, ita ut extremæ costæ præ cæteris protuberarent. Spe igitur concepta opem ferentibus Præclarissimis Viris D. D. *Carolo Fracassato*, & *Silvestro Bonfiliolo*, quorum industriæ, & arti maximè debeo, cum huic observationi amicam manum contulerint, Canis iterum sectioni destinatur. In secto itaque abdomine lien cujus vasa arctè erant ligata gracillimus apparuit, ut cum omento complicatus, vix sui vestigium relinqueret, referebat enim exiguum folliculum membranis contextum, sanguinea vasa ad ventriculū, & per omentum copiosè dispersa integrè florebant, & sanguine erant referta: ramus splenicus patens, & secundum naturæ leges erat, circum affusa ibi naturali pinguedine: Jecur, prout oculis permittitur substantia, colore, & vasorum propaginibus optimè se habebat; mole tantum excedere dixisses, cum sinistrum etiam hypochondrium amplè occuparet. In reliquis nec in thorace, nec in abdomine, & carnoso genere quicquam mutilum reperiuntur est; sanguis totus floridus, & rubicundus, & ubique fluxilis. Hæc sunt, quæ in cane reperta ne minimum quidem lucis ad erudiendum nos circa lienis usum contulere, & cum de singulis etiam dubitare sit sapientiæ pars, vel saltem via, ex his aliqua colligimus circa recensitos vulgares quosdam usus.

Et primò non est cur diu laborem in refutando antiquo illo placito de humoris melancholici, & terrei ab hepate in lienem derivati per ramum splenicum, sat enim ligaturæ, valis naturæ, observatio sanguinis in lienem erumpentis evincunt. Apud plerosque probabilissimum adhuc censetur in liene crassiotem sanguinem à propria arteria transductum dissolvere, & attenuari, ut perfectior ei sanguinis natura communicetur, ne residuum sanguinis ab hoc inficiatur. Dubitandi tamen nobis ansum præbet diligens sanguinis consideratio ab arteria splenica

splenica excreti, qui non majorem, quam reliquis, crassitiem possidet. Ulterius, Natura separationem aliquam molitura glandularum utitur ministerio, & tanta est ex perpetuo, & intestino motu miscella in sanguine, ut solo vasorum hiatu, qualis absque glandulis in arteriæ splenicæ ramo observatur, nequeat subsequi crassioris à tenuiori sanguinis portione separatio.

An verò lien veluti alterum hepar, ex chylo in ipsum deducto sanguificet pro infimi ventris visceribus, apud quosdam inconcussim video. Floridus tamen fuit in nostro dissecto cane viscerum abdominis habitus, nullæque lacteæ lienem ingrediuntur, quæ in hoc præcipue animali ob interceptum hiatum, si quæ forent, ampliores, & patentiores fuissent. Nec juvat derivata aliqua chyli portio per arterias, etenim jam commixtus sanguini chylus in præcordiis, & pulmonibus, dum ab arteria aorta indiscriminatim in splenicam propellitur, & ab hac in lienis cavitates, non minus ad sanguinis naturam immutatur, quam in carnibus, Pancreate, & cæteris venulis per ambitum dispersis.

Diu apud Antiquos, & Neotericos viguit placitum, separatim in liene acidum succum per vas breve in ventriculum eructari, vel saltem fermentantem Spiritum in ipsum inspirari, ut ejusdem coctio roboretur, & perficiatur, simulque appetitus excitetur. Certum tamen videtur, sanguinem, qui lienem attingit, ab eodem unà cum commixto quocunque corpore, quod ibi separatur, & immiscetur à membranosis sinibus, & cellulis, in continuatum splenicum ramum exprimi, qui, cum patentem in jecur viam inveniatur, arduum videtur in vas breve, quod ab arteriis propulsum sanguinem impetu revehit, insinuari posse, & hujus impossibilitatem licet præsentis experimento explorare. Ligato splenico ramo, libera adhuc comes arteria permaneat, ita ut propulsus sanguis à liene refluens impeditam inveniatur viam in itinere ad jecoris portas, ligentur interim portiones vasis brevis prope tunicas ventriculi, ne sanguis à comitibus arteriis in ipsum irrumpat, vel mavis digitis compresso vase brevi versus splenicum truncum sanguis exprimatur, etenim licet impensè turgeat lien, & ramus splenicus, non tamen unquam à liene ascendet sanguis per continuatum vas breve in ventriculi fundum, sed, impediante valvula in hiatu ejusdem vasis in splenicum ramum, deincebitur, donec, soluto vinculo, in jecur rapiatur, vacua semper, & flaccida interim permanente vasis brevis inter valvulam, & ligaturam, seu digitorum pressuram, portione.

De inspirato autem fermentativo halitu, seu famelico spiritu à cavo lienis per vas breve in ventriculi cavitatem dubitari insuper potest: difficillima est per sanguinea vasa semita, cum sanguis urgeat contrario motu, & sua miscella fermenti vim obtundere possit. Insuper adhuc latent peculiaris vasa, per quæ halitus in ventriculi fundum deducatur, & in quibusdam pennatis Splen multum distat à ventriculo, & proximior est epati, noislet insuper canis longè voracior absque liene vixit, coctionem optimè omnium solidorum etiam peragendo,

ut

ut ex excretis conjectari licuit, unde sufficienter aliunde haberi potest appetitus, & coctionis causa.

Quid igitur de tam artificioso viscere sentiendum sit penitus ignoro, ea tamen ut probabilia colligam, quæ ex organica illa structura, prout nobis ruditer innotescit, deduci possunt, illud semper admonens primas esse cogitationes, quas promptè, melioribus occurrentibus, rejiciam. Quoniam itaque lienem innumeris constare glandulis, vel sacculis hoc est ovalibus corporibus, quæ à similitudine eorum, quæ in renibus, & alibi etiam observantur, taliter appellare licuit, ex dictis patet, videtur naturæ institutum, separationem, vel saltem collectionem in liene celebrari, neque hanc parùm facessere negotii, cum in maxima quantitate sint. Hanc conjecturam firmat aliorum viscerum structura, & glandularum natura, quibus videtur peculiare aliquid liquidum cribrari, & fecerni aliò deferendum, vel miscendum. Tota difficultas interea est in indagine vasorum, à quibus separanda, vel recolligenda materia deferatur; etenim, licet occurrant arteriæ, quæ totum lienem pervadentes extremis finibus desinant in has copiosissimas glandulas, cum tamen hucusque sensu assequi nequiverim, injectis liquoribus commercium inter glandularum interiora, & arterias, quæ exterius veluti capreoli serpunt, nec ità arctè hæreere videntur, dubitandi remanet locus. His accedat, quod ubi Natura ab arteriis materiam ministerio glandularum separat peculiari excretorio vase ut plurimum derivare solet: at in liene, cum hucusque hujusmodi desideretur, videtur superfluum Naturam ab arteriis determinatum quoddam fecernere, quod mox in venas est propulsura, cum aliàs hæc sit consuetudo, ita ut labor undequaque videatur irritus. Scio nervos occurrere, qui continuati in glandulas, quæ membranosa, vel analoga quædam corpora sunt, succum vehere possunt in glandularum cavitatibus recolligendum, & ab his in cellulas, quod placitum firmare videtur positionem Famigeratissimi *Deleboe Sylvii*, statuentis animalem spirituum nervis delatum in liene, sanguini per arterias deducto commisceri. His tamen non obstantibus, pro arteriis illud militare videtur, ad glandulas exporrigi arteriarum ramos, qui licet liquoribus ipsas non inficiant, non tamen sufficienter, excluditur inter vasa, & glandulas intus com meatus, cum idem in renem minimis glandulis accidat, quarum interior pars; atramento per arterias injecto, nequaquam inficitur. Ulterius ingens est numerus glandularum, magna est cellularum, & ductuum lienis amplitudo, & capacitas, copia insuper separati humoris probabiliter non est exigua; idèò cum nervus, qui natura sua succum ferò, & parce vehit, non per se sufficiat ad subministrandum glandulis, & successivè lienis finibus liquorem; eo quia in centro lienis, & ubi præcipuè glandulis nectitur exutus involucreo gracillimus sit, & solo microscopio vix attingatur, recurrendum erit ad arterias, ut ab ipsis debita suppedietur humoris quantitas. Condicio etiam separate materie in liene sui exortum non undequaque à nervis trahere videtur, cum acrior nervoso succo probabiliter credatur. Superiori anno, ut deferens vas, & excreti succi naturam explorarem, pluries,

pluries; incassum tamen, hoc tentavi experimentum. In ove adhuc vivente ligata arteria splenica, & immissa vitrea fistula in venam splenicam, cujus alterum caput recipiens habebat, liberè hiantibus nervis, feri, vel alterius consimilis humoris collectionem in longum protracta animalis vita expectavi, nec quicquam in vase recolligi, aut in liene ex apparente tumore quicquam stagnavit. Quare ex his omnibus non incongruè dubitari potest, ab arteriis principaliter in lienis glandulas liquorem deferri, cui etiam aliquid nervi immisceant. Nec obest supervacaneam videri Naturæ industriam, separandi scilicet ab arteriis peculiarem succum, qui mox in venas est deferendus; etenim multum discriminis intercedit inter communionem consuetam arteriarum, & venarum, & inter arterias in lienem hiantes, & venam splenicam, cum in arteriis & venis, vel adsit anastomosis inter minimas illas propagines, vel tertio quodam, meatibus tamen minimis pervio, conjungantur. In liene autem licet vena cavum lienis pervadat insigni trunco, multiplicata tamen in amplos sinus & cellulas venarum tunica efformatas desinit, quæ ex amplitudine, & irregularitate figurarum eo quia glandulas, & arteriarum propagines continent, videntur diversum a vena ministerium sapere, & aperte inservire pro meatu quodam inter glandulas, arteriarum fines, & ramum splenicum locato, qui fortè excretorii vasis, simulque pro miscella officinæ vices præstare poterit.

Taliter igitur delatus ab arteriis & nervis fortè succus in extremas glandulas, ibidem separetur meatibus minimis propriæ structuræ, ut contingit in singulis glandulis, & cribratoriis vasis, etenim membranae sunt, cum scissâ concavitatem quandam præ se ferre videantur, & dum exsiccantur ita in se collabuntur, ut nullum tumoris vestigium remaneat. Separatus autem & cribratus humor ab iisdem necessario revehitur in sinus, & ramum splenicum; an verò venarum ope hoc contingat, ita ut minimæ ipsarum extremitates hujusmodi glandulas attingant, diu dubitavi, quia inflato liene in exteriori superficie immixtus per venam splenicam aer ipsius extremos fines per membranam productus turgidos reddit, & interdum videntur hujusmodi venarum ramuli exterius quasi in orbiculos continuatos hiare: quoniam tamen in partibus interioribus hoc nunquam contingere vidi, & orbiculares productiones sæpe vi aeris inter investientes membranas sese insinuantis producantur, ideo ad glandulas nequaquam exporrigi venarum fines probabiliter credidi; hoc idem firmat in singulis cellulis glandularum existentia, ad quas tamen cellulas venæ splenicæ ramus evidenter non exporrigitur. Huic meditationi conjecturam addunt foramina illa frequentia, quæ inductu lienis venoso observantur, in quibus non deprehenduntur venarum, & arteriarum comites rami, ut esset perpetuum in cæteris sanguineorum vasorum productionibus; ex hac etenim probabiliter deduci potest per hæc stigmata in venæ tubum exonerari sanguinem, & quemcunque succum a circumadjacentibus partibus refluum quæ nihil aliud sunt, quàm patentes lienis cellulae ad invicem sibi communicantes, in quibus locantur glandulae seu sacculi, & ad quas desinunt arteriarum, & nervorum rami, ita

H h

ut

ut in hoc casu, cellulae, & sinus venarum vices gerant. Si tamen sectione evinceretur venae productio usque ad intima glandularum, necessaria sequeretur ipsarum dilatatio, & extenso coacervato succo ab arteriis, & nervis deciduo, unde tumefactae glandulae continerentur, & foverentur à circumstantibus cellulis, & tandem transductus minimarum venarum ope, carum liquor ab his in amplos rami splenici sinus miscellam subiret. Cum igitur probabilius sit ad glandulas non deduci venas, ideo necessario separatus, & contentus in glandulis humor, vel excernetur transcolatione facta per inferiorem ipsarum partem, veluti in manica Hippocratis contingeret, si circum exteriora multiplices humores affunderentur, ipsius enim interiorem cavitatem penetrarent cribratione media, & inferius iterum per fundum foras crumperent; vel fatendum erit, ut contingit in singulis minimis conglobatis glandulis, vas adest, breve tamen, quod à penitioni concavitate foras derivet secretum succum. Consimilis nobis structura in mammis sese offert, quarum universam molem ampli sinus, & tubuli invicem hiantes pervadunt, his lac proximè per papillam emittendum asservatur; Circa eosdem tubulos inter reticulares nervorum, & lymphaticorum plexus, qui mirabiles sunt, minimae quaedam glandulae, seu sacculi ovals, inaequali tamen magnitudine pollescentes locantur, quibus mammarum moles protuberat. Hi sanguineis, & ceteris vasis appenduntur, & lac separant, quod tandem in tubulos exprimunt.

Quoniam autem, ut ex dissectione habita patet, ingens est cellularum, sinuum, quin & ipsius venosi ductus amplitudo, ut arteriarum molem, & capacitatem longè superet, & sanguis ab angustis arteriarum tubulis impetu pulsus, dum in has crumpit cavitates, intercepta continuatione, & retardato motu, videatur aliquantulum ibidem necessario commoraturus, ideo dubitari potest, lienis capacitates ad hoc fabrefactas, ut sanguis ibi detentus novam miscellam nanciscatur, ut sensim postea in splenicum ramum pulsus, vel expressus, massae sanguinae affundatur, quare haec concausa fortè est, ut frequenter tumores in liene excitentur præter adventitiam sanguinis naturam non sufficienter ad fluorem redactam, nam sanguis, qui singula quaque pulsatione ab extremis arteriis propellitur, per continuatas venas, vel per consimilem meatum ulterius propulsus, ascendere quidem potest, at si arteriarum osculis occurrens capacitas sit maxime ampla, ita ut longè excedat ipsarum portionem, non illico excidens ab arteriis sanguinis particula, cursum proseguendo, ulterius propellitur, sed divagata in multiplicibus, & amplis illis sinibus, quasi flexuoso cursu, aliarum particularum expectabit urgentem societatem. Confuse igitur hæ sanguinis portiones circumambiente cellularum tunica coercitæ, juvantibus adjacentium viscerum, & intestinorum motibus, contra firmum costarum obstaculum exprimentur, & ita ipsarum impetus juvabitur, ut tandem sanguis ascendat. Et hinc natura parallelum dorso in brutis prope diaphragma lienem locavit, ut facilius exprimeretur compressione respirationis, & musculorum, aliàs sanguis nequirit ascendere, ut in aliis visceribus succedit.

Taliter

Taliter commoratus, & commixtus in liene sanguis novam necessario sapit naturam, vel saltem immutatur; unde cum in singula portione sanguinis in lienem propulsi hoc contingat ob successivam miscellam, & morulam, quæ perpetuatur in irruente sanguine, videtur rationi consentaneum, sanguinem à Liene egredientem vim aliquam reliquo, cui proximè miscetur, vel in sui, vel in alterius gratiam imprimere. Quid sit autem illud, quod in liene sanguini affunditur, aliisque communicatur, adhuc est obscurissimum, multaque eget indagine; etenim separatus à glandulis succus sejunctim recolligi, & ad sensum trutinam revocari nequit, unde sicut in cæteris fermentantibus visceribus, ut passim de ventriculo experimur, complexus ille humorum, scilicet glandularum, & lienis cellularum expendendus est: Hic igitur, media destillatione, liquorem exhibet empyreuma spirantem, quod plurima destillata etiam ex carnibus, rebûsque sulphureis concomitatur. Sanguini recenter ab animali extracto, & concreto, destillatum miscui humorem, ut lux aliqua mihi affulgeret, & illico excitata quadam bulla nigrefactus est sanguis, quod tamen cæteris destillatis aquis, oleo, sulphuris, & salis spiritui familiare postremò deprehendi, & tandem aspersus ille cruor quasi coctura quadam superassatus riguit. Alia insuper, extracto ex liene sale, tentavi, quod consimili foetet empyreumate, & si gustetur, primo aciditatem exhibet, & tandem amaritatem, quæ profusè linguam inficit. An aciditas illa, quæ primò occurrit sit soboles activitatis ignis salei elicientis, ut passim hæsitantes video Chymicos, an verò à constitutivo principio emergat, ignoro; scio tamen lienis carnem, cellularum scilicet membranas acorem sapere, qualis à ventriculis quorundam brutorum erumpit, unde aciditas ei connaturalis fortasse erit. Ut autem ejusdem vires rimarer, lacti adhuc fluido affundi curavi, & tanta lactis subsecuta est deturbatio, ut amisso propriæ substantiæ modo, & coloribus, foetens redditum fuerit, quod idem in sanguinis sero eadem ratione commixto accidit. Pluribus miscui, spiritu nempe vini, oleis, & diversis etiam salibus, nec quicquam novi excitatum vidi; quare ex adductis, non incongruum fortasse est censere in exarato sale, multum sulphurei, fumicque activi contineri, quo aliorum etiam compages solvatur, & spirituosioribus aliqualis libertas, & exaltatio donetur.

Potiora à peritis Chymicis, qui plurimo otio, & experiendi affluunt penitiâ, dum expecto, brevibus hoc complexus negotium inchoatas meditationes proseguar, inquirendo cujusnam partis gratia activus iste succus in liene separatus sanguini commisceatur, & cum ratum hucusque fuerit elaboratum, seu lienoso succo turgentem sanguinem per proprium vas scilicet per splenicum ramum, non in cavam, ut accidit sanguini è renibus, & testibus refluxo, sed in jecur deferri, non leve occurrit argumentum, eatenus in liene alterari sanguinem, ut suam scilicet, operam hepati præstet, quod præ cæteris visceribus primum occurrit, & in quod veluti in peculiarem lacum splenicus ramus immediate lienosum sanguinem eructat; aliàs si sanguinea massæ opem esset præstiturus, frustra hepatis ambages, & sanguinis turbam ibidem compagem, quæ bilis separationem præcedit, subiret, cum proxi-

mior

mior occurreret venæ cavæ truncus, in quem immediate exonerari posset huiusmodi lienis cruor, & ita tota sanguinis massa, quin & præcordia citius, & promptius hoc succo irrorarentur, evitata hepatis aliunde difficili, & tarda via; ideo fortasse tam in latum, & longum per omentum splenici rami furculos extendit, ne scilicet solitarius in jecur lienis activus iste sanguis irrueret, sed sensim commixtus refluxo ab omento, ventriculi fundo, & adjacentibus partibus cruori in itinere ipso commisceretur, & tandem in porta residuis meseraicarum ope deductis humoribus affunderetur. Quod si nequaquam nos fallat levis hæc conjectura, cum præcipuum hepatis ministerium sit bilis separatio; lienosus iste succus sanguini commixtus hunc ad faciliorem bilis exaltationem ipsum refermentando, vel mavis ad ejusdem separationem disponet, præcipitando, & singula fortasse dissociando, quæ postremo bilem componunt, novo inducto motu, & deturbatis firmis & mutuis adhesionibus, ut facile occurrenti hepatis structura separetur, ut passim in mechanicis observamus.

Unum hic transeunter, probabile tamen, recolligendum puto, bilis, seu humoris per cholidochum, vel communem ductum in intestina derivati componentem scilicet materiam multiplicem esse, quæ forte variis etiam excidit è vasis, & organis, nam major copia, quæ fluidior est, erumpit à glandulis hepatis, in ipsas delata à venæ portæ ramulis, & non improbabiler etiam ab extremis arteriarum sinibus, quæ à ductu hepatico, excidentes, tandem in hepatis glandulas terminantur. Altera portio constitutiva bilis, crassiuscula tamen, nisi verius dicere velimus alteram bilis speciem, ex his, quæ post diutinos labores deprehendi in suilla, & ovilla vesica probabiliter evomitur à minimis glandulis miliaribus per tunicam biliaris vesicæ dispersis, ad quam arteriæ desinunt, & licet porus biliaris purum videatur vas, est tamen veluti coarctata, & ramificata vesica, unde quamvis sub ipsius tunica adhuc latentes glandulas non observaverim, ipsarum tamen existentiam impossibilem non arbitror. Quare bilis copia, quæ ab hepatico ductu fibrarum carnearum ope, ipsum arctè amplexantium, exprimitur non dispari ritu ac intestinis contingit, principaliter ex glandulosa jecoris carne in pori ramulos extremos hiantes, partim etiam ex propriis ductus hepatici glandulis probabiliter emanat, cui, dum communem meatum subit, continuò, & sensim ex biliaria vesica reliquum affunditur. Huic positioni favent observationes in viperis & consimilibus factæ, in quibus oblongus à jecore producit in intestina porus biliaris, cujus extremitati in duodenum hianti nectitur meatus cysticus à propria vesicula emanans, quæ multo intervallo ab hepate dissociata, proximo intestino hæret. Ligatus igitur huiusmodi biliaris porus à jecore prodiens impensè turgit versus superiora, gracilescit autem versus intestina, & cystici meatus insertionem: Hoc idem illustrat experimentum sæpius repetitum, dum scilicet in brutis ligata arteria hepatica propè truncum coeliacæ, laceratòque bilis folliculo, vel etiam avulsis ejusdem tunicis, coarctatòque pancreatis vase, superstitè per diem animalis vita, per portam in jecur irruente sanguine, bilis ingens copia è poro biliario, & cholidochò in duodenum trans-

ducta

ducta colligitur, quæ colore nequaquam consimili pollet, cum dilutior sit, nec tantum lentoris, & amaritiei obinet, quantum passim bilis vesicæ possidet; & si igne vel alio consimili exagitur, vehementissimum exhalat odorem, aliæque longè diversa à cysticæ bilis natura patitur. Non dispar etiam operandi Naturæ norma in aliis partibus hoc idem firmat, etenim oris capacitas, quæ veluti extensum, & concameratum vas est, recipit salivam, non tantum à conspiciis vasis, in ipsum patenti orificio hiantibus, sed etiam à quibusdam sublingualibus glandulis liquorem admittit, & tandem membrana totam hanc oris concamerationem efformans, minimis scatet glandulis, à quibus mucosus succus exprimitur; qui cæteris unitus salivam efficit, quæ ingestio cibo commixta proprium explet usum; Idem etiam suspicari possumus de duodeno, fundoque ventriculi, quorum licet cavitates ab adjacentibus partibus fermentativos, vel alterius naturæ recipientes humores, sub ipsarum tamen membranis peculiare etiam glandulæ vel quid analogum sæpe latet; & si pori biliarii, & vesicæ in bove, sue, equo, piscibus, & homine ipso accurata habeatur inspectio, parum huiusmodi differre à ventriculo, & intestinis piscium, & boum constabit, in quibus cellule quædam, seu inæquales aræ ex parum assurgentibus, & sese interfecantibus parietibus observantur, quæ impliciti graminis productiones æmulantur. Hæc interim probabilia in additamentum, & moderationem à me dictorum de hepate, benignè excipias velim, dum meditationem iterum de succo lienis assumens, novam ex huius mixtura in sanguine subsequi constitutionem verisimile puto, qua bilis facilius exaltetur, & in jecore separatur. Hanc energiam in sanguine adhuc conservari credibile est, ita ut dum cor, cavam, & pulmones subit, toti massæ chylo, lymphæ, & aliis peculiaribus fermentis datæ, eandem vim imprimat, unde virtute etiam huius celebrata fermentatione, & nobili illa in pulmonibus, & præcordiis miscella, singula, quibus sanguis ipse instruitur pro nutritione, sensu, motu, & fermentorum peculiarium reparatione, exaltata, & liberiora ita conserventur, ut occurrentibus consimilibus structuris excepta faciliè separentur sub debita, verbi gratia, salivæ, sudoris, succi pancreatici, nervi, & similium forma, & hac ratione necessaria sanguinis compages principaliter splenico hoc succo foveatur.

Dubitare insuper possumus in quibus luxuriat plus justo lienosus liquor, in his ichores exaltari, & sales fixos liberiores reddi, hosque in palati, & oris regiones, in crura, & consimilia copiosius confluere, vel per urinam deturbari, & interdum in interioribus cavitatibus congestione, vel irruptione facta, Ascitum excitare.

Vulgarum, & inconcussum video apud ferè omnes, salium, & ichorum colluvium, quæ in quibusdam Ascite laborantibus abundat, ortum trahere perpetuò à vitiosa lienis coctione, deficiente scilicet illa sanguinis maturitate, qua fixantur, & colligantur sales, ita ut inducta in massam debitam compage, incongrua tantum dominante natura per vias excrementorum excernantur; quod licet probabile sit, non videtur tamen semper admittendum, etenim, ut observant qui talibus

morbis ægrotantium cadavera secans, lien non scirrhusa tentatur darditæ, ita ut compactior ejus substantia, & angustata vasa consuetam ipsius functionem impediunt, sed laxum, & ut plurimum amplum à contento humore efficitur viscus, & cum in cæteris digerentibus, vel fermentantibus visceribus, quale ventriculus, os, & pancreas, non unica tantum contingat morbosa constitutio, defectus scilicet, & egestas peculiaris illius succi, qui secundum indigentiam separati debet, sed interdum, & sæpe improporcionata, & copiosiori ipsius separatione, seu congestione animalis functiones obædantur, ut contingit in canina fame, in catarrho in os irruente, & similibus, dubitationi meo judicio locus erit, in liene etiam exaratorum ægrotum separati liquoris copiam nequaquam desiderari, sed vel vitio proprio, vel deferentis valis, & appulsæ materiæ energia, plus justo interdum congeri, multiplicariq; succum, cujus incongrua tandem copia, & activitate animalæ datur, quod facillimè in tumefactione hujus visceris, in qua tamen continuatur sanguinis commectus, contingere potest. Paucula hæc de liene acrius ne urgeas, sed quæ nondum inventa sunt, de tege, vel semiperfecta absolve; hoc enim monente Hippocrate Scientiæ votum, ac opus esse videtur.

D E

P O L Y P O C O R D I S DISSERTATIO.

MOrbosas constitutiones, quas Naturæ ludentis, vel vi morbi aberrantis frequenter in animalium corporibus excitatas miramur, plurimum lucis pro rimanda ejusdem genuina operandi norma, & methodo conferre perpetuò credidi, quandam enim materiæ necessitatem, & determinatam inclinationem demonstrant, quæ in compingenda animalium mole elucescit, ita ut monstra, cæterique errores facilius, & tutius nostram erudiant insipientiam, quàm mirabiles, & perpolitæ Naturæ machinæ: hinc plura didicit præfens hoc sæculum insecta, pisces, primæque & rudia nascentium animalium stamina lustrans, quàm antea cæcis præcorum ætates circa sola perfectorum corpora sollicitæ. Inter ea, quæ non rarò in cadaveribus composita, vi morbi occurrunt, non infimum sibi vindicat locum *Polypus*, utpotè qui funestissimos concomitetur morbos, & corporis regiam teneat, & cujus indagine aliqua fortè adhuc obscura dilucidari possint. Scio Polyporum generationem in corde Præclarissimorum *Bartholetti*, *Tulpii*, *Bartholini*, & aliorum sedula patuisse industria, multaque etiam de ipsius causis exarata extare, præcipuè à clarissimo *Piscino*, ita ut irritus futurus sit iste conatus; pro faciliori tamen veritatis investigatione licebit hæc pauca addidisse.

Polypi nomen à substantiæ piscis similitudine ortum, peculiari quadam tumori in naribus excitato adaptari cœpit, donec observata quadam in præcordiis luxuriante materia, novus hic cordis, & vasorum morbus hominum mentes ad se trahere cœpit, qui licet superioribus sæculis sese in sectionibus obtulerit, neglectus tamen delituit. Polyporum figuram & icones graphicè descripti occurrunt à *Tulpio*, & *Bartholino*; & licet ut plurimum elongatis multiplicibus, & oblongis pedibus cordis ventriculos, & adjacentium vasorum cavitatem quasi repleat, varium tamen situm nanciscitur, & rudem etiam configurationem; interdum enim, placentali instar, ventriculorum medietatem occupat, & elongatis ramosis productionibus per venas, & artérias

rias hinc inde excurrenti sanguini præbet spatium, interdum tamen, ut in cadavere Nobilissimi & Religiosissimi Juvenis observavi, ita circa cordis columnas, & carnosos lacertos hæret, & quasi radicibus implantatur, ut alterum ventricululum intra cordis claustra efformatum dicas. Talem habet densitatem, & continuitatem, ut intra se receptum, per foramen ab auricula, sanguinem, vi circumstantis cordis ipsum immediatè urgentis foras protrudat; quo casu etiam productæ per vasa Polypi appendices ita perforantur, ut vasorum lateribus hærentes sanguinis commeatum intra se admittant, quod etiam in cordis auriculis frequenter observatur. Hæc Polypi moles in dextro præcipuè Ventriculi amplior est, ac in sinistro, ut multoties observavi, & *Bartholetus* in dextra auricula idem accidisse recitat, quod *Riolanus* confirmat, quin & color etiam non raro diversus observatur, nam ut plurimum Polypi in dextro cordis thalamo excitati color subalbidus est, laridi instar, seu excreti succi, quem vulgo Pituitam appellamus, & interdum rubra quædam, vel subnigra stigmata conspersa habet: in sinistro autem genitus colorem utplurimum atrum, & densiorem obtinet substantiam.

Morbosa hæc excrecentia suam quoque structuram habere videtur, etenim præ se fert congeriem superpositarum, extensarumque pellicularum, quæ substantiæ modò nervosum corpus cum aliquali tamen mucositate referunt, & si eadem laceretur, solvi videtur in oblonga, & solida filamenta, hæc manifestiora redduntur in ejus appendicibus, quæ fasciculi instar in fibras quasi nerveas resolvuntur.

A quam materia excitetur Polypus obscurum adhuc video. Pluribus pinguedinis frustulum esse arsisit; alii autem pituitam in corde concretam credidere, ignotam tamen in Scholis hucusque video pituitosi humoris existentiam, & proprietatem, cum passiones, quæ huic vi quaternariæ humorum divisionis assignantur, non congruant succo, qui dum sensus nostros incurrit, Pituita appellatur; & licet ut alimentalis humor in massa sanguinis potentia contineri credatur, velut idealis tamen entis sensum effugientis, proprietates deprædicantur. Non minor etiam hæsitantia occurrit apud illos, qui portionem quidem sanguinis esse negant, sed ctudum putant humorem à jecore cordi suppeditatum, qui declinante cordis calore, absumptis tenuibus partibus, soliditatem acquirat; his & similibus cum non integrè acquiescerem, sollicitè inquirendam duxi Polypimateriam. Quamplurima mente revolventi occurrere, inter quæ vi ignis concreta sanguinei feri substantia, quoniam tamen Polypi materia, ut sæpius expertus sum, calore non tota concrevit in consistentem substantiam eandem molem retinentem, sed excitatis bullis fero, & tandem flatu turgidis impensè gracilefcit, & elixata admodum tenuis redditur, quod concrefcibili sero non accidit, aliena querenda, è sanguine prognata duxi; & tandem pellea crusta in suprema extracti, & refrigerati sanguinis parte concrefcens ultimò sese obtulit, ex cujus indagine (cum per similia sint in utrisque phænomena) Polypi fortè minera, & productionis modus emerget. Scio varia de hac sanguinis crusta prolata fuisse; pro chyli enim portione apud plures est habita; mox pro nerveo succo,

cō; puriorem sanguinis partem credidere nonnulli, quæ dum sanguis superaffatur, ex rubra, & tenera ejusdem parte in albam & tenacem excoquatur substantiam. Tantorum Virorum positionem impugnare non audebo, sed quæ mihi occurrere, licet levia, probabiliter enunciabo. Video Clarissimis Viris, quibus pro Polypi generatione vel chylus, vel nervus succus aridet, hoc præcipuè persuaderi, quia scilicet in utriusque est communis substantiæ modus, & color consimilis; assignatæ insuper materiæ, venis quibus sanguis continetur, admittuntur; quare si philosophandi hæc semita mihi calcanda sit, copiosior & similior forte occurreret materia è sanguinis massa, pro excitanda hac crusta, tota scilicet concreti sanguinis moles, quæ rubra sanguinis portio, seu melancholia appellatur, hæc enim licet affusa purpura lipientes nostros fallat oculos, si multiplicibus tamen lotionibus aqua communi factis rubicundæ illæ implicitæ particula deturbentur, totus concretus sanguis, qui impensè rubescebat, vel nigrescebat, tractu temporis albescer, rubefacta aqua, quæ secum inscientes particulas rapit. Et si pulchrum exoptas spectaculum, microscopio hunc perlustra sanguinem, contexturam namque fibrosam, & quasi nervis fibris compaginatum rete videbis, in cujus exiguis excitatis spatiis & sinibus, veluti cellulis rubicundus stagnat ichor, qui qua deterfus subalbidam reticularem hanc implicationem relinquit, quæ nudis oculis mucosæ membranæ speciem exhibet. Hanc verò reticularem sanguinis portionem cum innatante crusta eandem sortiri materiam, quin & naturam probabiliter tibi indicabit diligens sanguineæ crustæ exploratio; etenim si concretus sanguis, cui copiosè crusta alba, & densa innat, quæ tamen concrefcibili sero non turgeat, quasi pellea, mollis & complicabilis sit, per longum scindatur, & per iteratas vices abluatur, in superiori ejus parte subalbis pelliculi contextam crustam meatibus, & ferè vesiculis per viam observabis, quæ diaphano, & minus gravi succo replentur; & si ulterius hujus substantiæ prosequaris productionem, mox ubi concreta sanguinis moles rubescere incipit, in fibrillas divisa & laciniatam deorsum elongati reperies, & harum elegantis implicatione meatulos, & sinus excitari iterum observabis, qui coercitis rubris atomis turgent, & inficiuntur, & in quibusdam etiam grandioribus spatiis subflavum serum coarctetur, vel cum rubro confunditur ichore; quare sensus ipse nobis indicare videtur sanguineum hunc album, & reticularem plexum, totum concreti cruoris corpus firmare, & potiori ipsum donare corporatura, eamque discriminis radicem, quæ tantopere diversarum rerum imaginibus nos ludit, dependere à contento in minutis sinibus diverso inficiente ichore: in superiori namque superficie, ubi approximatis, intimèque unitis albis illis sanguineis staminibus minima vix sunt intercepta spatia, excitatæ extremæ crustæ color subalbidus maximèque compacta confurgit tunica, ubi autem laxatis sensim porulis levioris feri subflavi portionem, vel quid simile admittit, laxior, facilèque solutioni cedens subsequitur structura, tandem ampliores redditæ meatus, dum rubra substantia turgent, illico crustæ illa larva obliteratur subsequente fibrosi sanguinis elongata deorsum implicatione, quæ dum circa fundum vi superioris molis compressas

preſſas rubras illas atomos continet, novum ſubſtantiæ modum, & colorem exhibet, nam flacciditas ex laciniatis fibrarum ultimis producti-
onibus ſubſequitur, & color ater addichſatis contentis particulis excita-
tur, quæ melancholiæ ſpecie plures decipiunt, cum tamen mutato ſi-
tu veluti purpura reddantur. Ex quo unum hic monendum duxi, in
cruſtæ interſitiis quin & in toto fibroſi ſanguinis ambitu interdum in
quibuſdam ægritudinibus concreſcibile ſerum ibidem detentum inſpiſ-
ſari, hincque cinereum, & pallidum emergere colorem, càmque mu-
coſitatem, & ſubſtantiæ modum, qualem in concreto ſerq. & ovi al-
bumine obſervamus. Non raro elongatas quaſdam appendices per
totum ſanguinem promi, quibus hinc inde minores ſtiræ reticulariter
productæ appenduntur, quas interdum abſque microſcopio licet intui-
eri. Dilutus autem huiusmodi ſanguis multis aquæ aſperſionibus, ex-
cuſſo ſemiconcreto ſero, conſpicuum rete illud efformante, canalicu-
los fibroſa, albæque ſanguinis portione excavatos exhibet, quod in mi-
nimis ſuperius expoſitiſ fibroſis implicationibus non accidit, etiamſi
longo tempore abluantur, cum novi plexus, maiorque perpetuò ſub-
ſequatur albedo.

Ut autem dictorum veritas illuſtretur, & proximius rem ipſam at-
tingamus, Polypum in ſiniſtro cordis ventriculo, vel ejuſdem auricula
concretum, qui rubra, utplurimum habet ſtigmata, vel ſubnigro pol-
let colore, multa aqua ablue, emergentibus enim exiguis ſpatiolis ſpe-
ciem ſanguinis omnimodam præ ſe feret, interdum etiam exiguus cor-
dis Polypus ampliore ſui parte cruſtam ſanguinis albam æmulatur, re-
liquisque excreſcentiis impenſè rubet; aliquando, exteriores Polypi
portiones albefeunt, veluti extenſa membrana, reliquum verò ità ru-
bet, ut videatur ſanguinis portio, quæ circumambiente ventriculo, vel
vaſis, veluti cyatho detenta, concreverit, ità ut dubitari etiam poſſit
nonnunquam Polypum à portione totius ſanguineæ mæſſæ ſuſcitari, ex
continuo tamen pertranſeuntis ſanguinis impetu veluti aſſuſa aqua re-
lictis obſtantibus albis fibris rubras particulas rapi. In horum diluci-
dationem alia licebit in utriſque ſimilia experiri. Sanguineæ igitur fi-
bræ aqua dilutæ, vel dum ſanguis exit è vena, in calente aqua rece-
ptæ, dum elixantur, gracileſcunt, & ſi ſuperaveſſent, in tenuem eva-
dunt membranam, quod adamuſſim in Polypo accidit, hæc item om-
nia oleo ſulphuris aſſuſo colorem rubiginofum acquirunt.

Concreſcunt Polypi, & in ampliore etiam molem extuberant,
utplurimum facilius in dextro cordis ventriculo, ac in ſiniſtro, cate-
riſque venoſis pulmonum, & capitis vaſculis, ubi non raro produ-
cuntur, forteſſe quia redux ſanguinis mæſſa halituoſis, & tenuibus,
quales ſunt præcipuè ſulphuræ illæ rubicundæ particule, ex pe-
renni partium nutritione, & tranſpiratione jam depauperatur; &
dum chylo, aliſque à natura ſanguinis adhuc alienis noviffimè con-
funditur, filamentofæ albæ ejus particule à diſſimilium contiguitate
præcipitate, in amplis dextri ventriculi, vel auriculæ ſinibus, qui pro-
ximi occurrunt, ex ipſorum ſcabritie, & rimulis irreſtiuntur, unde præ-
terfluentibus ſimilibus aſſociatæ, in ulteriorem molem extendi poſſunt,
ut contingit in calculorum generatione in pelvi, vel in tartarorum in
aquæ

aquæductibus concretionē, ex affluentē enim aqua alioquin clara tartaræ quædam particula tubulorum asperitate, vel superficierum simili, & mutuo contactu detentæ, cognatas præterlabentes ita detinent, ut novus circumductus tubus extendatur; unde nil mirum, si pulmones, & caput etiam pervadere possint excitati Polypi, sunt enim veluti novum superinductum vas, quod ideo excavatur, quia ex sanguinis motu canalis conservatur patulus, ut in aquæductibus accidit, & in-biliario ipso poro non raro observavi, cujus interioribus cellulosis lateribus tartarea affunditur crusta, quæ in fistulam degenerat, aditumque pertranscunt bili permittit: & sicut in lapidis Bezahar, & consimilium concretionē accidit, ut ex multis superpositis veluti laminis tractu temporis coagmentatio subsequatur, ita Polyporum generationem contingere probabile est; nam extensis multiplicibus constare videntur pelliculis, inter quas ichor, & alia sanguinis portio quandoque mediat, & ex mutuo fibrarum contactu, & excurrentis sanguinis pressione, & ictu, ita ad invicem approximantur, ut in solidum corpus compingantur. In hujus confirmationem licebit hic exarare mirabilem Polypi structuram, & magnitudinem *Florentiæ* in in fene sexagesimum quartum annum agente inopinatè defuncto observatam, & a Doctissimo Viro *Joh. Alphonso Borellio* mihi humanissimè communicatam. In aorta prope cor, quæ in tumorum excreverat ad mensuram duorum pugnorum, Polypus consimilis magnitudinis repertus est absque appendicibus, & caudis, ejus autem moles membranosis tunicis ad invicem superpositis absque continuitate confurgebat, quæ crassitie non superabant vulgarem chartam hordinam, super his producebantur filamenta quædam alba, quæ foliorum fibras, seu vasa æmulabantur, quæ omnia ab albidiori trunco dependebant. Tunicarum Polypum efformantium color cinereus erat cum rubicundis quibusdam maculis, ita ut tota hæc brassicam capitatam æmularetur. Ex hac historia patere potest Polypi productio ex superpositis membranis, quarum interstitia, si sanguis suo motu patula reddat, sejunctæ, foliorum instar, permanent; si autem unico canali per medium aperto recta pertranseat sanguis, vel exteriora Polypo suo impetu urgeat, concrevit velut lapis. Scio quorundam placitum esse per Polypi tunicas interdum sanguinea propagari vasa, quod licet mihi hucusque videre non contigerit, adhuc tamen impossibile non censeo, nam ex sese insinuantibus sanguineis particulis, dum hinc inde fibrarum concretionē coercentur, tubuli efformari possunt, ut in colliquamento, cæterisque excrecentiis carnis accidit. In aorta, exterius tamen, adest vena conspicua, quæ ipsius tunicas minimis ramulis penetrat, quæ in bove prope cor præcipuè patet.

Ex exarata insuper observatione (ni dicere velimus plantam in nobis interdum oriri, & vegetare, ut quibusdam accidit animalibus, non deficientibus in sanguine plurium rerum consopitis seminibus) fatius credendum, albas illas fibras communi trunco ortas, fuisse prima Polypi stamina, cum Polyporum caudæ, quas observare potui, scissæ referant nervearum fibrarum fasciculum, his enim ab invicem sejunctis, quia pertranscuntis sanguinis fibrosæ particule agglomerari, & hæerere

hære possunt, ideo foliis similis extenduntur tunica, quæ ex perfrankente sanguine, & circumstante arteriæ aortæ continente tunica talem configurationem, & adaptationem sortitæ sunt. Nec levia hæc mirabitur, qui in assidua animalium sectione naturæ industriam in morboris tumoribus, aequè ac in partium ducendis staminibus deprehendit, cum ferè eadem incedat methodo. Ità memini ferream acum extra gallinæ carnosum ventriculum erumpentem bino membranoso, hocque valido involucri, inducta etiam pinguedine, munitam vidisse; & dubitare insuper possumus sola materiæ necessitate, & motu hæc omnia contingere, nullo in animalis usum dirigente motore: ità in quibusdam tumoribus in pulmonibus, hepate, & alibi excitatis circumvolutiones seu multiplices vesicæ, quarum amplior minorem continet, & ità successivè coagmentantur, consimilium tumorum, conglobario ad Polyposam naturam reduci potest, cum eadem probabiliter materia, & productionis ratio in utrisque consimilis sit, nam ex filamentorum implicatione ex consueta naturæ lege multiplices tunicæ efformari possunt, inter quas si mediet non concrefcibilis, sed aquosus ichor, qualis in hujusmodi tumoribus abundat, soluta undequaque tunicæ permanere valent. Probabile etenim est erumpentem extra meatus, & vascula propria sanguineam portionem, quia illico non eadem celeritate per novam viam motum prosequitur, stagnare, & unà cum subsequenter novis particulis aliquantisper fixari, & ex impetu, & obstantium partium pressione conglobari, interim tamen tenuiores, & spirituosiores viam sibi facientes ulterius progrediuntur, albæque remanent fibrosæ particula, excurrentibus rubris, aliisque minus implicatione subjectis: & quoniam meatus iste de novo patulus sanguinem in venarum furculos non tanta felicitate exonerat, ut irruentem sanguinem ex circuli motu admittat, ideo nova sit congestio circa primum globulum, in qua fibræ pari ratione ex quiete implicitæ tunicam efformant, & quo magis intimè sibi uniuntur, seorsum exprimitur ejusque portio versus interiora profilit, & ità subsequente sanguinis affluxu novæ iterum circumvolutiones fiunt, detentis albis fibrulis à consimilibus jam in tunicis contextis. Hoc totum firmari potest sanguinis excreti, & condensati indagine, etenim tota moles illa referre videtur reticularium tunicatum conglobationem, instar cepæ sese invicem continentium, quo eo magis coarctatis reticularibus illis spatiis, rubris atomis, serosisque sanguinis portiones refertis, solidior redditur textura, ichor autem extra exprimitur, & ità temporis tractu conglobata fibrosi sanguinis moles durior, & compactior redditur, cum, membranarum instar, densa subsequatur implicatio.

Polyporum generatio quibusdam in morbis contingit, in tentatis enim venerea labe frequenter subortos Polypos cadaverum sectionibus edoctus testatur *Severinus*, quos tamen pituitam albam appellat: eodem, insignes etiam, in præcordiis illorum, quos improvisus concussit timor, bis observavi, & memini ægrum, alioquin robustum, ex timore in pulsus inæqualitatem, ejusque obscuritatem præcipuè in sinistro carpo incidisse absque febre, & recurrente respirandi difficultate insigni, sed brevi tandem per sputa quandoque rubri sanguinis portionem,

onem, quandoque copiosa alba quædam frustula, veluti Polypos, excrevisse, & postremo turgentibus superioribus ex coercita sanguinis copia suffocatum interiisse. In apoplexia pariter in vasis tum majoribus, tum minoribus per cerebri meninges extensis coalescunt Polypi, ut multorum testantur observationes. In cardiaca syncope, cujus symptomata apoplexiæ simillima sunt, de facili in præcordiis, & pulmonibus luxuriant, ut novissimè etiam observavit Clarissimus, meique amicissimus D. *Silvester Bonfiliolus* in Florentino quodam Juvenc, qui sensu, & motu illico privatus brevi interierat; secto etenim cadavere in utroque cordis ventriculo Polypi erupere, universæque pulmonum substantia albis frustulis ita referta apparuit ut impensè ponderaret. Pleuriticorum cadavera non in præcordiis tantum, sed in hepate, & venoso genere hujusmodi copiosè continent, quod & tabidis, & quibusdam asthmaticis etiam familiare est, & his, in quibus glandulæ, & præcipuè conglobatæ ita duritiæ laborant, ut animalis œconomia harum ministerio privetur, ut in Virgine novissimè deprehendi, cui cum perpetuò defuissent menstruæ purgationes, ejus pancreas, cæteræque minores per abdomen, & thoracem dispersæ glandulæ ex turgente, concretæque materia insignes, & duriores redditæ fuerant, in hujus corde Polypi, & aqua in cavitatibus mediæ, & infimi ventris copiosè stagnabat. Quid simile in puella observavi, in qua sub ventriculo ad pancreas, & in toto abdomine aderant glandularum racemi, nucis instar, & in corde globuli velut avellanæ fructus gypsea quasi materia excitati; in hujus etiam corde Polypi stagnabant. Sileo febres, pestem, aliisque lævissimos morbos ex aeris, & soli miasmate ortos, in quibus Polypi concreverunt, ut hujusmodi defunctorum cadavera testantur.

Ex his & similibus conjectari fortè licet, Polypos suscitari, quotiescunque sanguinis massa non in totum debito gaudet fluore, & compage, sed præcipitatis quibusdam, albis scilicet particulis, quæ præ cæteris fortasse graviores sunt, vel saltem conglobatione, seu multiplici coacervatione, & aggregatione tales reddi possunt, contexturæ quadam subsequuntur, quæ ex continentium partium, & reliqui sanguinis viribus, figuram, & molem sortiuntur, quas Polypos appellare placuit; etenim probabile est insignes hæc fibras sensibus obvias minimis capillamentis excitari, ut passim in diversarum rerum, & præcipuè salium concretionibus observamus, quorum minoribus, & minimis moleculis eadem omnino inest figura, ut microscopii usu deprehenditur, quæ in conspicua mole ipsarum aggregatione excitata nudis oculis attingitur. Et quoniam in sanguinis massa ultra exaratas albas, & fibrosas particulas, quæ prima, & tenuissima sunt stamina, præcipuamque sanguini præbent molem, minimæ quædam rubicundæ particula ita attenuatæ, ut liquoribus associatæ, quemcumque situm longo etiam tempore servant, continentur; sales item fusi, aliæque consimilia, peculiarium fermentorum viscerum constitutiva; serola tandem quadam copia cujus major portio calore in spidam cogitur substantiam, reliqua verò in aquam, & salinum funditur humorem, ex naturæ legibus deprehenduntur, ut rudi facta resoluti-

one sensu percipimus: ideo probabile est, cum hæc ferè omnia ex se ipsis soliditatem, & dissociationem affectent, naturam in horum miscelli ad fluorem destinata miro uti-artificio, ut tam diversæ sanguinis partes, libertate quadam gaudentes circumvolutionem ex adjacentibus aliquibus spatiolis pati possint, neve peculiare quædam à cæterarum dissimilium contubernio præcipitate mutuis implicationibus, & immediatis contactibus implicentur, & solidescant. Ad hoc igitur assequendum non parum conducit localis ille sanguinis motus per vasa perpetuò à corde celebratus, quo minima illa, & lubrica filamenta cæteris confusa, & præcipuè rubris atomis, urget & exagitat, ut ex ranarum sanguinis per diaphana vasa excurrentis inspectione deduci potest. Et licet cessante hujusmodi locali motu post animalis interitum, quandoque liquidus videatur sanguis, si tamen examinetur ejusdem compages, luti fluiditatem amulat, hoc est exiguis quibusdam globulis cum sero confusis componitur, quod ex saturato, nigroque colore, qui densatis rubris particulis perpetuò accidit, indicatur. Quid simile in caseo, & oxygala contingit, quorum moles cum minoribus globulis coagmentetur, manuum preliuram, vel proprii ponderis, & continentis vasis energiam exigunt, ut tandem excluso sero invicem hærendo in solidum compaginentur corpus. Fluorem etiam, & compagem sanguinis juvat interitinus propriarum particularum motus, qui singulis fermentatis liquoribus competit, hic enim ita cuncta agit, ut attenuatis singulis, ad minimaque reductis, mobilioribus, & impetuosioribus particulis motum impertiat, unde eorum perpetuo, sed moderato effluvio, & irrequieta agitatione singulorum libertas, & diversorum etiam congrua societas conserventur. Hanc fermentationem fieri, vel saltem juvare liquoribus, & succis separatis, vel filtratis per glandulas, præcipuè conglobatas, ex quibusdam exaratis superius historis probabiliter elici potest. Postremò fas est credere, naturam circa hunc fluorem sollicitam, tenue quoddam, summiq; activum, cujus motu, & figura expositarum sanguinis partium miscella, & ad volutationem dispositio concilientur, assidue affundere & miscere: hoc assequutus videtur Acutissimus *Thomas Cornelius*, Progym. 7. de Vita, dum tenuissimum quendam halitum in sanguine agnovit, non mente tantum, sed sensu ipso; ex calente enim adhuc cruore, acri, & salsa quadam mordacitate exhalans hujusmodi halitus palatum, & linguam ferit, huncque salem, seu vitæ balsamum appellandum censuit, cum sanguineæ particule hujus munere liberè fluant, reliquumque corporis vigeat. Hoc vitæ sal pulmo-num ope, vel à deductis cum sanguine liquoribus, & præcipuè lymphæ, fermentatione media eruitur, vel, ut fatius credo, ab externo aere, cum pulmones ipsi propria structura glandulam amulentur; etenim probabile est pulmones, corpuscula quadam, quæ antiquitus brutalium animalium portiones credebantur, cribratione facta pertranscunt sanguini commiscere, indeque in propriis vasorum plexibus deductorum suorum attenuationem, agitationem, & miscellam promovendo, rubram illam suscitare in sanguine portionem, cum in cruore, ubi Polyposa hæc abundat crusta, parum rubri observetur, & ubi rubrum abundat,

abundat, illa non luxuriat. Huic meditationi favent observationes in acris mutationibus, præcipuè Aquilonaribus, in quibus pleuritides, quæ uno verbo, ultra acutam febrem sunt Polyposæ concretiones in pulmonibus, ut ex cadaveribus, & extracto sanguine patet, facillimè excitantur impedita, vel vitata hujus salis cribratione. Scio gravissimos Viros censuisse, tunc temporis copiosorem nitri partem colligi, & sanguini misceri, quo ita figatur, & concreseat, quod apud me dubium est, quoniam in cane, nec admodum robusto per venam jugularem infusum nitrum in fluorem redactum ad uncias sex, nullam sensibilem peperit mutationem, præter urinarum copiam, cum adhuc integrè vivat; unde probabile est nullam fuisse subsequutam sanguinis concretionem, ut ex injectis quibusdam aquis regis contingit.

In expositis igitur superius morbosis constitutionibus Polypos gigantescentes fas est credere, naturæ artes pro sanguinis fluore, & compositione ruditer à nobis designatas labefactari, deficiente interdum debita fermentatione, qua partes non ita attenuantur, ut cuique situi adaptari possint, & vegetiores particule non exaltantur, cum indices observetur, ubi vitio refermentantium viscerum, & præcipuè glandularum, & pulmonum fermentatio non completur Polyposam hanc abundare materiam.

Nec Polyporum tam sterilis censenda est causa, ut ab indicatis hætenus tantummodo procreentur, cum pateat in quibusdam epotis venenis, in febribus lethalissimis ex acris præcipuè miasmate, in peste, aliisque morbis ex pravo contactu genitis Polypos produci, quo casu probabile est, halitus, seu peculiare succos ex corruptis viscerum fermentis sanguini misceri, qui perturbata ejusdem compage vel novam solutionem, & attritionem sanguinearum particularum pariant, tollenda nexus quosdam, quibus minima albarum fibrarum frustula suspenduntur, & dissimilibus associantur; vel quasi hamata corpora dispersas fibras ita necant, ut in exiguum plexum vel racemum colligatæ præcipitentur, & dum reliquæ sanguinæ massæ adhuc fluentis motu transferuntur, rationi consonum est, de facili angulis, & irregularibus eminentiis ventriculorum, & auricularum cordis, vel vasorum diramationibus irretiri, ibique reliqui sanguinis assiduo impetu densari, ut in fluminibus accidit. Scio apud Clarissimos Viros in confesso esse agrorum sanguinem in hujusmodi exaratis constitutionibus veluti lac accescere, & ideo fixari acidis impensè dominantibus. Pro hujus, & similium dilucidatione plurimum conferre potest infusoria, quam à studiosissimis, & sagacissimis Viris abundè administratam scio: ut injectionum autem labores, & æquivoca evitare, & oculis obvium pararem experimentum, valenti adhuc sanguini antequam concreseceret plura superaffundi, ut inde subortam, vel præcipationem, vel tenaciorem soliditatem, vel flacciditatem observarem. Affusum igitur oleum sulphuris partes, quas immediatè tangit, & quibus innatat, turgidas reddit, & tandem coctas, & atras in solidam crustam compaginat, quod idem accidit affuso oleo vitrioli. Alumen etiam in pulverem redactum, & supremæ sanguinis parti adhuc fluidæ aspersum arum reddit, & quasi ustum ipsum cruorem. Nitrum autem, vel

vel in pulverem, vel in aquam per deliquium solutum dum sanguini affunditur tenuem quandam substantiam purpura rubicundiorum excitat, quod idem aqua vitæ, sal communis, sal gemmæ, sal armoniacus, sulphur, & cornu cervi præstant, & videntur ferè hæc omnia per aliquod breve tempus sanguinis coagulationem impedire. Quare si horum, & consimilium exemplo philosophandum esset circa causas, quæ in peste, &c. coagulant, vel totum sanguinem, vel ejus portionem Polypos gignendo, ex analogis alumini, vitriolo, & similibus essent petenda, nequaquam autem ex nitro, spiritibus volatilibus, & cornu cervi, quæ pro refermentando fluitandoque sanguine loco potius remediorum essent usurpanda. Calamus plura de Polypo quam mens destinaverat cumulavit, hæc enim antiqua sanguinis conditi est, ut licet fecunda rerum productione indies polleat, mortali-um tamen ingenia propriæ scientiæ sterilitate fatiget.

D E

PULMONIBUS

EPISTOLA I.

Præclarissimo & Eruditissimo VIRO
JO. ALPHONSO BORELLIO,
 PISIS Matheseos Professori Cèleberrimo,
MARCELLUS MALPIGHIVS,
 Medicinæ Professor Bononiensis, F.

INter sectiones quas indies avidius prosequor, fors tulit, ut aliqua circa pulmones diligentius perscutarer, quæ alias mihi visus eram veluti in umbra deprehendisse; hæc qualiacunque sint tibi reor communicanda, poteris enim quo polles ingenio, & in anatomicis contemplatione geometricum oculum, qui ictu solo veritatem, aut falsitatem è rebus colligit observationibus istis adjuvare. Tuum erit hæc inventa, vel ad usum meliorem dirigere vel nutantem adhuc meam mentem tuo asserere in verbo.

Pulmonum substantia, vulgò censetur carnosæ, utpote quod sanguini suum debeat ortum, nec epati, nec lieni absimilis creditur, & ideo rubere pulmonem in fœtu cum solo sanguine nutriatur, & consequenter ut carnosum viscus calida, & humida pollere temperie omnes fassentur; Diversam tamen substantiæ naturam accuratior sensus, & ratio videntur ostendere, diligenti enim indagine adinveni totam pulmonum molem, quæ vasis excurrentibus appenditur esse aggregatum quid ex levissimis, & tenuissimis membranis, quæ extensæ, & sinuatae penè infinitas vesiculas orbiculares, & sinuosas efformant, veluti in apum favis alveolis ab extensa ceta in parietes conspiciamus; hæc talem habent situm, & connexionem, ut ex trachea in ipsas mox ex una in alteram patens sit aditus, & tandem desinant in continentem membranam; Hoc demonstrat sensus in pulmonibus mox ab animalibus crutis, in quibus aere turgentibus perspicillis observantur in extrema superficie infinitæ penè vesiculæ aere turgida, easdem etiam in eodem fœtu per medium pulmone, & aere exinanito observare est, licet minores & minus conspicuas; clarius, & facilius in pulmone inflato, & mox exci-

M m

catò

cato reperiuntur, quia in extrema superficie protuberantes emergunt orbiculi, & in secta qualibet parte foveæ, & sinuosæ propagines levi ætensa membrana efformatæ videntur; & ut dubiam mentem omnino in certam fidem afferas, crues à vivente adhuc animali pulmones, & immissa siphone aqua per arteriam pulmonarem sanguinem totum foras protrudes & vasa pulmonaria pertranseunte aqua dilues; illic totam pulmonum substantiam ad quam pertingit aqua; & unde sanguis exhauritur, subalbidam, & fere diaphanam efficies; hæc eadem si levi prius facta compressione, ut imbibita jam aqua extrudatur, mox aere immisso per tracheam, urgida ad umbram, vel solem exsicceatur, non tantum lumini objecta exterius diaphanos exponit orbiculos, sed & interius secta candidam vesicularum molem tuto oculis exhibet. Horum imaginem, tum in interna, tum externa pulmonum regione, prout potui, aucta magnitudine, ut facilius me explicarem in postremis tabulis exaravi, ubi in secunda ex his, quæ summa cum diligentia colligere potui, membranæ istæ vesiculæ videntur efformari ex desinentia tracheæ, quæ extremitate, & lateribus in ampullosos sinus faciens, ab his in spacia, & vesiculas inæquales terminatur.

Sensuum imbecillitati opem ferre videtur ratio, cum aer, qui à trachea in pulmones irrumpit continuatum exigit tramitem ad facilem, & subitum ingressum, & egressum, unde fortasse tunica illa interna tracheæ in sinus, & vesiculas terminata consimilem inchoatæ vulgò spongiæ vesicularum molem efficit, quod mihi etiam indicare videntur in resiccato pulmone æqualis substantia, color, & splendor, qui reflectitur aquæ à scisso tracheæ extremo canali, & ab appensis orbiculis, & sinibus; immò interna tracheæ superficies levi oblinitur humiditate, quæ necessario propagari debet eadem servata proportionem in orbiculos, ubi aer postremò recipitur, & excluditur, ne calore pertranseuntis sanguinis exsiccentur (tenuissimæ enim, & rarissimæ sunt membranæ) & ut possint in majorem molem dilatari, & statim etiam comprimi, quod in resiccatis membranis nequaquam accideret, ut constat in morbosis constitutionibus.

Hic unum sese objicit indagandum, in frustulo enim extimo pulmonum lumini objecto mirabile quoddam rete videtur extensum, quo emergentes, & extuberantes diceres singulas vesicas vinciri, & colligari, quod idem etiam obscure tamen in secto interius pulmone observatur; an verò hoc rete sit vas, vel quid nervum extensum ad vesiculas an verò sint ipsi parietes membranosi vesicularum terminantes ad extremam membranam investientem, dubium apud me est, quia tamen in internis vel evolantibus particulis in resiccatione, vel leviter culero abrais videntur quandoq; remanere nervæ quædam hujusce retis propagines, & in extremis splendor quidam, & substantiæ modus nervorum proprius observari videtur, idè non absonum credam nervum esse ligamentum vesicularum parietibus unitum, & immixtum veluti semicirculos illos cartilagineos in aspera trachea propagatos videmus, & præcipue cum probabile sit, ut superius posui, vesiculas illas esse propagines membranæ internæ tracheæ.

Pulmonariæ molis divisio communiter sumitur à figura, & situ; duas enim habet partes intercedente mediastino, quæ iterum in duos lobos in hominibus præcipue non raro subdividuntur, in brutis autem multipli-

Mira-

Mirabiliorem & altiore observavi divisionem, pulmonum enim moles lobulis penè infinitis propria membrana circumseptis, communibus vasis donatis, propäginibus asperæ arteriæ adnatis constanter, attingi autem possunt lobuli, si seminflatus pulmo solis radiis, vel lumini obijciatur, interstitia enim quædam quasi diaphana emergent, quæ si levi incisione prosequaris lobulos, utrinque asperæ arteriæ, & vasis adherentes sejunctos reddes, & propria involutos membrana inspirato aere per tracheam experieris; illa, & diligenti sectione seungi potest, & luci opposita splendet; clarius tamen hos tibi conringet videre facta levi pulmonum elixatione, & elaborata interstitiorum sectione.

Lobulorum figuram delineatam videbis; horum insertionem, & variam situationem non in totum mihi licuit exprimere, quia varia est secundum diversam exigentiam, cum enim ad quamcunque partem trachea cum appensis vasis ad modum arboris ramifcetur, & hujusmodi ramificationes modo desinant in superficiem pulmonum extremam, quæ plana, & æqualis esse debet, modo in angulos eorundem extremos, rursus cum debite nocti debeant contiguus, & circumpositis ramificationibus, ut serventur debitus situs, nexus, æqualis capacitas, & interstitium, ideo vario modo situantur isti lobuli, ut quandoque basi uniantur tracheæ, modo costa, modo cono; processuum horum in extremis similitudinem in cupressi nuce adumbratam videbis, præcipuos, & simpliciores, prout licuit, in postremis subobscurè collegi tabulis.

Post lobulos occurrent observanda tacta superiùs interstitia, non undequaque nudæ vacuitates, & intercepta inania spatia, plures enim habent extensas membranas modo sibi parallelas, modo angulares, quæ non tantum ab extrema superficie lobulorum lateraliter positiorum, verum, & ab interna lobulorum substantia propagantur, inter hæc membranas excurrunt plurima vasa minima à lobulis egressa, quæ in eisdem oppositos ingrediuntur, hisce membranis recipitur, & ejicitur aer, veluti in amplioribus sinibus, qui mutuam habent communionem, ut aer ex uno in alium comprimi possit, ita ut interstitia sint eadem membranæ vesiculæ pulmonum, diaphanæ tamen & tenuissimæ.

Interstitia talem habent propagationem, qualis relinquitur à situatis lobulis, quæ in grandioribus animalibus penè æquant latitudinem semidigiti per transversum, hæc non ad solam lobulorum distinctionem, & nexum fabrefacta à natura censeo; sed fortasse aere intercepto coarctant undequaque investitos lobulos, & ita multiplicent impetum pressionis, & consequenter juvant miscellam sanguinei corporis; Ulterius cum frequenter vesiculas, quæ à Græcis Hydatides dicuntur, in istis interstitiis observaveram, item in animalibus senibus, & aliis quibusdam morbo extinctis, puncta quædam nigra, quæ veluti linea re-nui protræta totam interstitiorum propaginem signant, probabile credam diverticula esse, & veluti emunctoria minimorum lobulorum; eadem quoque denigratio deprehenditur in glandulis lateribus asperæ arteriæ continuatis.

Per pulmonum substantiam triplex vasorum genus disseminari innotuit; varius tamen creditus est usus, cujus quidem varietatem, & longum, & absolum exarare in præsentī esset, ideo supposita sobole asperæ

aspera arteriæ, venæ & arteriæ pulmonariæ, quæ nexu quodam pari ramificatione totam excurrunt pulmonum substantiam, hoc solum tibi sum ratus communicare, quo modo liceat sinceram, & evidentem vasorum divisionem, usque ad minima assequi, quæ quidem licet alias levi parenchymatis abrasione subobscurè habeatur, mihi faciliè tamèn, & summa cum oblectatione contigit eam colligere; In pulmone igitur canis miror, sed gracilis, & oblongus assumatur lobus, qui compressione facta aere omnino exhaustus radiis solaribus expositus aperiet ductus asperæ arteriæ, item propagines arteriæ, utpote sanguine vacuas, quæ omnia cum adjunctis lobulis polypodii similitudinem dabunt, & quia crassius hic sensus est levi cum impensa, & labore iterum licebit exquisitiorem habere delineationem: Hoc autem tibi accidet si inflaveris arteriam pulmonariam mediante evidenti trunco in principio ejusdem lobuli, deinde nodo illigaveris, videbis enim exurgentem arteriam, veluti anaglypticè sculptam esse minimis, etiam prodeuntibus vasculis ramorum arboris ad instar, vel si lubeat formosiores habere delineationem, immisso mercurio argenteæ emergent ramificationes, usque ad minima.

An hæc vasa in sinibus, vel alibi mutuam habeant anastomosin, ita ut sanguis à vena reforbeat per continuatam tramitem, an verò hient, omnes in pulmonum substantiam dubium, quod adhuc mentem meam torquet, pro quo enodando, incassum licet, plura, & plura molitus sum aere, & liquidis variè tinctis, sæpius enigm immisissimam aquam nigram syphone per arteriam pulmonarem à pluribus erumpentem vidi partibus, nam facta levi compressione solet exsudare à membrana investiente, partim etiam coacervari in interstitiis, major verò copia cum commixto sanguine erumpit per venam pulmonarem, & quod mirabilius est per tracheam diluta, & minus colore tincta cum levi spuma, & ex quacumque pulmonum compressione per eandem foras exit; in eodem item resiccato pulmone parietes vesicularum, & sinuum denigrati omnes videntur; Quid simile etiam immisso mercurio accidere videtur, nam repleta arteria pulmonaria mercurius excurrit ad extimas propagines bifurcatas, quæ si leviter etiam comprimantur foras à membrana investiente evomitur, quandoque facto aditu in interstitia ibi penè totus colligitur; In resiccatis etiam pulmonibus, variè & inordinatè rubescences conspiciuntur vesiculæ, aliis albescens. Unde ex his omnibus sicuti naturalis via non habetur, quia immixtus humor plures sibi parat vias, quæ in sanitatis statu insuetæ sunt, ita edocemur ex levi quocumque conatu, & humorum mutatione regias istas vias frangi, quare nil mirum si hydropes, sanguinis expuitiones, phthises, asthma, & empyemata levibus etiam ex causis in pulmonibus contingant.

De pulmonum usu scio plura ab antiquis haberi, & circa illa plurimum etiam ambigi, & præcipuè circa refrigerationem, quæ pro principali sine usurpatur, cum nitatur excedenti imaginato cordis calore, qui exquirat eventationem, quare hæc curiosum in alterius usus indagine fecerunt, & ex his, quæ subnectam, probabiliter credam pulmones à natura fabricatos esse ad *sanguinariæ molis miscellam*; pro sanguine autem non intelligo aggregatum ex quatuor vulgaris humoribus, utraque bile, sanguine & pituita, sed totam illam corporaturam, quæ per venas, & arterias continuo fluit, quæ licet penè infinitis constet particulis

ticulis, omnes tamen sub duplici parte comprehendi posse videntur ad rudem nostrum sensum quodammodo similari, sub alba scilicet, quæ vulgò dicitur serum, & sub rubra.

Et primò non est, quod tibi persuadeam longa verborum-serie in natura dari corpora, quæ à proprio exortu non sint sortita fluxibilitatem, sed partes etiam minimas ad facilem nexum; & unionem ità paratas habeant, ut nisi summa cum vi disjungi possint, & aliquando disjuncta mutuam moliantur unionem, hæc iterum corpora facillimo etiam negotio mixtione alterius interpositi corporis fluida fieri, hoc primò videmus in metallis, & aliis igne fusis, deinde in partibus tartareis, quæ fuse, & cum aqua commixtæ sunt fluxiles & inconspicue, unitæ autem constituunt lapidis soliditatem, rursus aquis regijs, acidis, & similibus interpositis, & discontinuantibus fluxibilia reddimus solidiora metalla, quin immò, quod mirabilis est ex sola partium discontinuitate in siccissimis contingit fluxus, ut in plumbo, & statim adusto mox à figulo mola contrito, ea enim est nostri sensus crassities, ut facile credat minima arenularum grana instar aquæ, & ipsa fluere.

Nec dubium est in sanguinis massa partes esse, quæ ad facilem unionem sint proclives, & ad tantam deveniant soliditatem, ut lapidem duritie quandoque æmulentur; Hujus indicium sit sanguinis pars rubra, quæ a sero sejuncta ità resiccatur, ut præ se ferat lapidis speciem, licet in frustula determinate tamen figuræ sit friabilis, portio item serosæ substantiæ, levi colore ad ignem concrete, quæ vehementiori nexu procedente tempore ossa fit, & diaphana; hæc igitur particule debite ad invicem commixtæ fluidum quoddam in totum efficiunt, sit enim primo fluxile serum tum ex mixtura aqueæ substantiæ, cujus existentiam ostendit sensibilis evaporatio è fartagine erumpens, dum serum concrevit, & clarius humor quidam odore, & sapore urinæ representans à sanguinis sero medio alembico sejunctus, qui solet æqualem penè servare mensuram cum concreto sero, tum ex bile, & salibus diversis, quæ copiose à sero aqueo extrahuntur, fusa enim, & cum sero debite mixta majorem partium solutionem, & fluxibilitatem efficiunt; Ex serosa, seu hac alba parte contingit fluxibilitas alterius, scil. rubræ, hoc expressè videmus à contrario in extracto sanguine ex secta vena, sejuncta enim minima rubra jam commixta fortasse ad motum excitata ex calidis particulis foras erumpentibus sibi similibus uniuntur, & serosa substantia undequaque expressa in circuitu separatur, hoc idem accidens in viventibus observatur, ubi schirrosi tumores coacervantur, & nigri muci, quorum originem vulgus videtur recognoscere à melancholia, vel atra bile; firmatur hoc totum ex vulgari experimento, mulieres enim, ne sanguis exiens à vivente adhuc animali in suas concrefendo dividatur partes, solent digitis, vel baculo conterere, & exagitare, ut scilicet perpetuetur fortis illa miscella albi, & rubri.

Ut igitur hæc miscella optime succedat, & minimum albi intercitat, & tangat minimum rubri, & stabili facta mixtione sanguinis massa instaretur, natura pulmones fabricavit: His lucem ferunt, quæ ex anatomicis circumferuntur, nam constat in pulmones derivari media arteria pulmonari sanguinem minus dilutum sero è toto ambitu redeuntem, ac in mediis vasis thoracis chilosam materiam, & Bartolini lym-

pham, quæ eadem est cum sanguinis albo, quæ omnia cum in dextro cordis ventriculo nequeant, nisi rudem subire miscellam, ulterius in appensos pulmones propagantur.

Pulmonum structura talis est, ut exactè miscere possit; perreptant enim per pulmonum molem ad minima usque vasorum rami, adeò ut inclusæ substantiæ, dum hinc inde propagantur in divisionibus fractæ, & veluti ab allisu divaricationem vasculorum mixtæ, simul melius in unam confluant naturam, subigente quodammodo illas substantias acre in vesiculis incuneato, quæ undique vasa stipantes, dum modò vacuantur, modò implentur totam materiam continuata per suas vices pressione penitus miscere possunt. Simile quid in dies videmus, dum farina in massam compingitur, ut enim eam exactè miscemus crebrâ tundimus manu.

Hanc veritatem è piscium pulmonibus qui in branchias efformantur petimus; in his branchiæ componuntur plurimis radiosîs semicirculis, sibi invicem incumbentibus; vasa pulmonaria suis minimis propagantibus, usque ad radiorum apices excurrunt, qui ita sunt dispositi, ut aquam majoris corporaturæ, quam sit aer undequaque recipiant, hæc enim vi pressa ab osseo operculo radios ita coarctat, ut in propagatis vasis & humoribus miscella, & motus sufficienter habeantur; Quin immò, & quia mucus continuò inde facillimè abraditur non incongruum est censere, quod ea, quæ in aliis per renes, & transpiratum exirent hac compressione excludantur. In ovis item incubatis argumentum habemus, ex extrema nempe umbilici ramificatione in albumen, & vitellum, quæ ita in minima multiplicatur, ut efformatum rete delineet, hac namque infinitis ramis in humores, seu colliquamentum terminante miscetur minimum delati sanguinis cum succo mox adducendo. Ex his, & consimilibus, ut alias tibi per literas exposui, cum necessarium in animalibus sanguineis pulmonum opem conspicerem, & his otiantibus in sectu quandam molem in mulieribus uterinam placentam dictam, in quam ultimo terminantur umbilicalia vasa viderem, non incongruè fortasse credidi, hanc esse pulmonum vicariam, per hanc enim consimili ramificatione excurrunt propagata vasa, & a matre exsudans humor albus advenienti copioso sanguini per umbilicales arterias, ita exactè miscetur, ut jam factus sanguis ad cor iterum revehatur, & inde in universum corporis habitum.

Ad minimorum unionem non tantum sequitur stabilis miscella, & fluxibilitas in sanguine, sed & eodem tempore ex deducta materia intercedente fermentatione sanguineæ massæ instauratio contingit, calor emergit, & major, & major inducitur particularum libertas; horum indicium sit colliquatio, & turgentia cum in albumine, tum in vitello in ovis incubatis ex miscella immixti sanguinis per vasa umbilicalia, in quorum meandris novus progignitur sanguis ope impulsî, & fermentantis sanguinis nondum adhuc vigente epate, quam eandem motionem in nobis ipsis experimur, dum brevi a cibo turgentiam in pulmonibus ex affluente alimento perferimus, subsequenter calore, pulsu aucto, & crebrâ respiratione, & præcipue in me ipso ex oleribus, & leguminibus talem perfero tensionem, ex qua per vicem insinuante se quodam acri, & turgente humore mihi ipsi, & adstantibus prænuncio palpitationis

pitationis ictum mox in corde futurum, quo mox sequuto vagus ille morfus tollitur. Manifestius se se exirit hæc fermentatio in hectici, ubi plus iusto acrior est sanguis, ut non tantum partes, in quas influit per arterias delatus solvat, & fundat, verum & ulterius procedente fermento, talem inferat in partibus sanguineis libertatem, & motum, ut posthabita unionē, & nutritione foras evolvant innumeræ particule peritum insensibiliter, per renes, nares, & alvum sensibili, & copiosa evacuatione; quin immò, & pulmões ipsi, in quibus totum hoc agitur negotium fere primi sunt, qui hujus favitiam perficiunt, quare nil mirum si solis impense in crassantibus, & motum cohibentibus, ut lacte, prifana, cochleis, balneis, oleis, & similibus pro reprimenda hujus fermenti activitate sit incedendum; in his igitur a cibo novo adveniente chilo in pulmões talis interescit calor, ut sensibiliter tunc febricitent, & attenuato sanguine magis se se insinuante genæ præcipue rubeant, & tandem, quod in consimilibus etiam accidit, pulmonum compages, & meatus, vel erodantur, vel plus iusto aperiantur hiantes in pectoris capacitatem, vel in asperas arterias, & ita modo sanguis, modo sola pars alba levi concreta calore per spiritum erumpat, modo in thorace recolligatur. Tanta est demum hujus fermentationis necessitas, & præstantia, ut in foeminis quibusdam, quibus aliqua ex causa non debite excitatur, alba, & serosa sanguinis pars non sine pulmonum affectione, adeo excresecat pereunte penè rubra, quod, & inspectione sanguinis è sexta vena, quilibet experiri potest, & colore, torpore, & corporis cachexia etiam confirmare, quin immò statotempore ex naturæ instituto in sanis foeminis, ita turget, ut vias sibi aperiendo singulo mense menstruas celebret purgationes. Ex his omnibus non est difficile caloris actualis originem agnoscere, cum aliunde sciamus particulas calidas solutas, & ad motum excitatas actualem in nobis inducere caloris sensum, quod bene præstat a fermento.

His utibus possem alium æque necessarium addere, pulmões scilicet fabricatos esse a natura veluti sanguineum penu, ut continuo per vias suppeditent sanguinem cordi, qui ab eo in universum perpetuo circuitu impulsus, & vitam, & motum omnibus impertiatur, quoniam tamen ab aliis tactum est, ideò transeunter solum subnectam, quod in animalibus adhuc viventibus secto thorace, si jam collapsi pulmões iterum immissa fistula aere inflentur, restituitur motus cordi, jam penè extinctus erumpente sanguine in sinistram ventriculorum ex facta acris compressione; Praxis etiam hoc idem comprobatur, obstructis namque pulmonum vasis, vel auriculis pulsus inæqualitas primò emergit, & tandem mors; & tanta dignitate pollent ad vitam in animantibus pulmões, ut perpetuò hoc verum sit, morbos ut plurimum, vel ab ipsis pulmonibus, vel tandem in ipsos definere.

Hæc licuit ex observationibus factis ad usum anatomicum comparasse. Ista quo ad aliqua certius determinassem, nisi labor hic in minimis, & penè visum effugientibus esset. Solita tua humanitate me prosequere, & nestoreos ducas annos.

DE
PULMONIBUS
EPISTOLA II.

Præclarissimo & Eruditissimo VIRO
JO. ALPHONSO BORELLIO,
PISIS Matheſeos Profeſſori Celeberrimo,
MARCELLVS MALPIGHIVS,
Medicinæ Profeſſor Bononiensis, F.

EA eſt inveniendis in rebus phyſicis obſcuritas, ac difficultas, ut aliquid penitus determinare integrum non omnino ſenſibus noſtris eſſe videatur, & licet improbo pervicaces in labore, ſuis in ſectibus, veluti in exarato per myſteria volumine, naturam parentem contemplerur, & obſcura magis in effoſſis animantium viſceribus recludere tentemus, noſtris demum conatibus non niſi per immenſa obſervationum tædia veritatem conſtare colligimus, dum modo inſectorum, modo perfectorum animantium ſectiõne veluti per gradus lucem mutuamur, ſolet enim quibuſdam, licet vilioribus, magnis, & omnibus numeris abſolutis natura præcludere, & in imperfectis rudimenta perfectorum animantium ponere; ut propius tamen, Vir præclariffime, rem tangam, duo erant, quæ in mea de Pulmonum obſervationibus epiſtola, ut dubia, indaganda exactiori ſtudio reliqui; Primum erat, quodnam ſit rete illud deſcriptum, quo ſingule veſicæ, & ſinus quodammodo vinciuntur in pulmonibus, alterum erat, an pulmonum vaſa mutua anatoſi jun-gantur, an verò hient in communem pulmonum ſubſtantiam, & ſinus; Problemata, quæ ſoluta, majoribus ſibi viam agent, & ob oculos naturæ operationes clariùs ſunt poſitura, pro quibus enodandis ferrè totum ranarum genus perdidì, quod non contigit in eſſera illa *Homeri* batrachomyomachia; In ranarum enim anatome, quam favente Excellentiſſimo D. *Carolo Fracaſſato* Collega meo inſtitueram, ut certior fierem circa membraneam pulmonum ſubſtantiam, talia mihi videre

dere contigit, ut non immerito illud Homeri usurpare possim ad rem præsentem melius,

Magnam certum opus oculis video.

Nam in hac propter structuræ simplicitatem, vasorumque & ferè totius diaphancitatem, quæ oculos ipse penitiora admittit evidentius res ita demonstrantur, ut cæteris obscurioribus lucem sint tandem allaturæ.

In rana igitur, scisso per longum abdomine, erumpunt pulmones utrimque cordi adherentés, qui non ut in cæteris animalibus illico flaccescunt, sed tensi ad animalis libitum perdurant, hi nil aliud sunt, quàm membranæ quædam vesica, quæ primo intuitu minimis conspergi videtur maculis ex ordine dispositis instar corii piscis squatinæ, vulgo dicti *Sagrino*, figura, & extimis protuberantiis æmulatur conum pineum; colligatur autem interius, & exterius textura quadam vasorum diversimodè propagatorum, quæ ex pulsu, contrario motu, & infusione venæ, & arteriæ pulmonares sunt; in ejus concava, & interiori parte tota ferè facies in inane spatium aeri recipiendo dicatum, non undequaque tamen levis est, sed interceptitur occurrentibus alveolis, qui ex clatis in pusillam altitudinem membranosis parietibus conflantur, non sunt verò omnes ejusdem figuræ, sed dum parietes in longum, & latum ducuntur & nectuntur, ferè in exagonos sinus efformantur; ad angulos sinuum, dum flexa aliquantisper, extenditur membrana, infundibulum veluti constituitur, & ita minorum ranarum pulmones effinguntur: in grandioribus autem in majorem altitudinem elevantur parietes, & à medio contentæ arcæ tres ut plurimum sensim auferendo excurrunt, sibi que occurrunt parietes in minoribus ranis ferè inobservabiles, hi dum sibi invicem, & majoribus nectuntur in tres alios sinus, ut plurimum sinum majorem partiuntur. Sinuum arcæ, seu fundus vasa superius tacta admittit, & quo ad arteriam ipsa aliquando non conspicuo definit in medium furculo, sed ulterius suo majori ductu exporrigitur, & aliquando manifestè unum vel alterum ramum depromit, vena autem parietum interna fastigia allabatur, hisque immiscetur, & demissis inferius ramis per parietem tandem excurrit in arcam.

His visis ad meram structuram, & compagem attinentibus mirabiliora, microscopica detegit observatio, nam pulsante adhuc corde sanguinis contrarius motus, licet difficulter, in vasis observatus, ita ut evidenter detegatur sanguinis circulatio, quæ & feliciter etiam in mesenterio, cæterisque venis majoribus abdomine contentis deprehenditur; Sanguis itaque hoc impetu per arterias in quascunque cellulas uno, vel altero ramo conspicuo pertransiente, seu ibi delineante per modum effluvi in minima depluit, & ita multipliciter divisus rubrum colorem exuit, & sinuose circumductus, undique spargitur, donec ad parietes, angulos, & venarum ramos reforescentes appellat.

Non ulterius vis oculi in vivente animante aperto potuit extendi, hinc credideram sanguineum corpus in spatium inane crumpere, &

hiante vase, & parietum structura recolligi, huic ansam præbebant tortuosus, & in diversa diffusus sanguinis motus, & ejus ad determinatam partem unio: fidem tamen meam dubiam fecit exsiccatus rana pulmo, qui fortè in minimis (ut postea deprehensum, vasculis) sanguineam rubedinem servaverat, ibi n. perfectiori vitro oculis non amplius puncta efformantia corium, quod dicitur *Sagrina*, sed vascula annulatum immixta occurrebant; & tanta est horum vasculorum divaricatio, dum hinc inde à vena, & arteria prodeunt, ut non amplius vasis ordo servetur, sed rete conflatum ex duorum vasorum productionibus appareat, hoc rete non solum totam aream occupat, verum ad parietes extenditur, & excurrenti vasi adnascitur, prout copiosius licet difficiliter potui in testudinis oblongo pulmone pariter membraneo & diaphano observasse; hinc patuit ad sensum sanguinem per tortuosa vasa divisum excurrere, nec in spatia effundi, sed per tubulos semper agi, & multiplici flexu vasorum disjici; Nec novus est naturæ mos extrema vasorum ora invicem jungere, cum in intestinis, aliisve partibus idem ipsa servet, quinimo quod mirabilis videbitur, venarum fines superiores s. cum inferioribus spectabili invicem necit anastomosi, ut optimè observavit Doctissimus *Fallopianus*.

Ut autem proposita facilius obtinere possis, & visu assequi, secta rana emergentem, turgidumque pulmonem, dum copioso undique alluitur sanguine, filo qua jungitur cordi neces, etenim hic exsiccatus servabit vasa sanguine turgentia, quæ tunc optimè videbis sic contra horizontalem solem exposita pulicari unius lentis perferuteris microscopio, vel aliam instituire poteris in his videndis methodum, supra laminam crystallinam pulmonem pones subtus lucernæ luminæ per tubum illustratam, huic microscopium duarum lentium admovebis, & ita annulatum propagata vasa tibi aperiuntur, eadem dispositione instrumentorum, & luminis morum sanguinis per tacta vasa observabis, & ipse ex te alia comminisci poteris per diversos lucis gradus, qui calami subterfugiunt descriptionem, circa verò motum sanguinis tua dignum speculatione unum se promit, ligatis n. auricula, & corde, & ita sublatu motu, & impulsu, qui posset à corde, in appensa derivari vasa, adhuc sanguis per venas movetur ad cor, ut vasa suo conatu, & affluente copia distendat, & hoc per plures perseverat horas, in fine tamen, si præcipue solaribus exponatur radiis non eodem continuato agitur motu, sed veluti per vices impulsus, fluctuans eadem simul progreditur, regrediturque via, quod & accidet avulsis corde & auricula.

Ex his igitur ad prima problemata resolvenda ex analogia, simplicitateque qua utitur natura in suis operibus colligi potest rete illud, quod alias nerveum credidi vesicis, & sinibus immixtum vas esse deferens sanguineum corpus, seu idem efferens, & quamvis in perfectorum animantium pulmonibus in medio annulorum retis aliquando vas definire, & hiare videatur, probabile tamen est, prout fit in cellulis ranarum, & testudinum, illud vas minima ulterius propagata vasa ad modum retis habere, quæ propter exiguitatem suam exquisitam etiam sensum effugiant.

Ex

Ex his etiam summa cum probabilitate illud solvi potest de mutua vasorum unione, & anastomosi, etenim si semel intra vasa natura sanguinem volvit, & vasorum fines in rete confundit, probabile est etiam in aliis anastomosim jungere, hoc evidenter deprehenditur in ranarum vesica ab urina turgente, in qua citatus sanguinis motus per diaphana vasa mutua invicem anastomosi juncta observatur, quin & vasa ista illum sortita sunt nexum, & progressum, quem in foliis omnium ferè arborum illarum venarum, sive fibrarum perpetuo designant.

In quem verò finem hæc omnia fiant, ultra ea, quæ superiori epistola teigi de pulmonaria miscella, tu ipse visus es apprimè deprehendisse, nec celeberrimo tuo hoc invento mens est fraudanda, quod humanitate tua ad me exaratis literis commisisti, quibus subtiliter philosophabaris mira in vegetabilibus portenta naturæ observando, dum miramur poma ex trunco non suo pendere, plantarumque adulteria jucunda mixtura legitimis nothos superinduxisse partus: videmus enim unam eandem arborem in ramis suis diversos induisse mores, dum hic grata aciditate gustum penduli prolestant fructus, illic nectarea dulcedine otane desiderium implent, & ipse fidem veritati astruis, dum Romæ miratus es è massilici mali trunco vitem, & jesimum prodiisse; hæc ingenia, qui viridaria excoluit levi indito furculo grandioribus ramis fecit, & ad diversatum rerum sorturam non reluctantes arbores erudit, nam in hanc rem appositè cecinit Virg. in Geor.

————— *aliena ex arbore germen*
Includunt, vdoque docent inolescere libro.

Miri hujus effectus tua philosophandi methodo secretum aperis, existimare enim debemus eatenus massilici mali acidum succum in meri naturam dulcescere, quatenus particulae illius succi, licet feliciter excurrant per exiles meatus proprii trunci, non eodem tamen modo possunt continuatos vitis tubulos subire, hinc suo percitæ motu, & subsequenti impulsu extra suum ordinem divulsæ, & fractæ, necesse est ut ad superinductam meatus figuram se componant, & novam induant naturam, qua & vitis, & jesimum produciunt. Similem operationis modum in pulmonibus natura perficit, redit enim ab ambitu corporis viduatus alibilibus particulis turbatus sanguis, cui novus è yena subclavia humor additur ulteriori naturæ actione perficiendus: Hic igitur, ut in particularum carnis, ossis, nervi, &c. naturam disponatur, & præparetur, dum subit pulmonarium vasculorum myriades, veluti in diversa minima stamina ducitur, & ita sanguineis particulis conciliatur nova figura, situs, & motus, quibus carnes, ossa, & spiritus possint efformari; cumulatui tui dicti fides à consimili seminalium vasorum structura, ac si animantis nutritio quædam effect ejusdem regeneratio.

Hæc paucula in epistolam cogi, ut inventa jam de pulmonibus augerem; si punctum tuli hoc totum mearum observationum additamentum rane debui. Istis rebus tua auctoritate, & invento pretium concipi-

conciliat, & dignitatem. Interim lætè philosophare, pergâque me omnino felicem reddere has minimas cogitationes meas tuorum scriptorum de animalium motu, particula adaugendo. Vale. Bonon. 1661.

FIGURARUM EXPLICATIO.

Tab. I. Fig. I. *Fruſtulum extimum pulmonis exſiccati continens delineatum rete.*

Fig. II. *Internæ Viſculæ, & ſinus adumbrati cum appenſa particula interſtitii in parte ſuperiori; cæterum exortus, & integra propagatio icone oculis ſubjici non potuit.*

Fig. III. *Lobulorum varia adaptatio ſupra tracheam, & pulmonaria vaſa, qui etiam à naturali ſitu diſtracti exhibentur ad faciliorem intelligentiam.*

Tab. II. Fig. I. *Exhibens ranarum pulmones cum appenſa trachea.*

A *Larynx, quæ ſemicartilaginea eſt.*

B *Rimula, quæ exactiſſimè clauditur, & aperitur ad animalis libitum, & clauſa aere turgentes ſervat pulmones.*

C *Cordis ſitus.*

D *Pars exterior pulmonis.*

E *Cellularum propagatum rete.*

F *Arteriæ pulmonariæ propagatio.*

G *Pars concavâ pulmonis per medium ſciſſi.*

H *Venæ pulmonariæ parietum apices excurrentis propagatio.*

Fig. II. *Continens Cellulam ſimpliciſſimam abſque intermediis parietibus auctâ in magnitudine.*

A *Cellulæ area interior.*

B *Parietes diſculſi & inclinati.*

C *Arteriæ pulmonariæ truncus cum appenſis ramis, quaſi reticulato opere deſinentibus.*

D *Venæ pulmonariæ truncus parietum ſaſtigia pererrans ſuis decurrentibus ramis.*

E *Vas in fundo & angulis parietum commune lateralibus, & continuatis retis ramificationibus.*

FINIS.



De pulmon pag 144 tr 2





I



II



III

De Polym. pag. 144. B. 2.



Marcelli Malpighii

PHILOSOPHI & MEDICI *BONONIENSIS*

DISSERTATIO EPISTOLICA

DE

BOMBYCE.

SOCIETATI REGIÆ,

L O N D I N I

Ad Scientiam Naturalem promovendam institutz, Dicata.

A

WILLIAM MITCHELL

PH.D. OF THE UNIVERSITY OF CHICAGO

DISSERTATION

OF

BEAR-BYCE

SOCIETY OF THE

LONDON

At Scientific Institute for the study of the history of the

PRÆFATIO

A D

LECTOREM.

A Nunc nunc agitur unus alterve, quod Physicæ Experimentalis ornanda augendæque gratia, inter alios, per Literarum orbem sparsos, viros Celebratos, Clarissimum Dn. Matcellum Malpighium, Philosophum & Medicum Bononiensem, inque Messanenſi Cathedra Medicinæ Professoris Primarium, ad colendum cum Noſtratibus commercium Literarium, eaque Nobis, quæ per Italiam & Siciliam occurrerent in Naturæ scriniis observatu digna, communicandum, ea quæ par erat humanitate invitabam.

Mirum, quanta animi lubentia invitationem banc amplexus fuerit Malpighius, quamque cordatus exinde suam in conferendis Symbolis promptitudinem, literis non unis ad Nos exaratis, testatum fecerit; addito imprimis argumento hoc luculentissimo, quod eximiam, cui hæc præfatur, de Bombyce Dissertationem, egregia doctrina & cura elaboratam, Regiæ Societati, (quæ eam, hæcenus non nisi manuscriptam, prelo dignam omnino iudicavit) pro singulari suo in Ipsam affectu, inscribere & dedicare voluit.

Ominari profecto hinc licebit, etiam alios aliarum Gentium viros doctos & sagaces operam omnino sedulam navaturos; ut geminas de aliis argumentis Physicis Observationes ad locupletandum Penæ Philosophicæ comparatas, summa, quæ fieri poterit, cura & fide congerant & juris publici faciant.

Credibile vix fuerit, siquidem eo passim omnes Nationum politarum Mentes Illustres unanimi consensu in tam Nobilem se tradere curam vellent, & Ingenia, Opes & Operas ad indagandam Vim Naturæ & abdita illius eruenda Myſteria consociare, quot & quanti momenti Arcana prorrumperent, per quæ se Mundus

PRÆFATIO.

dius agnosceret, intelligeretque, quantam Materiam & opportunitatem rebus à se conditis incluserit Sapientissimus Autor, quamque Universum hæc abundet rebus, quarum acquisita Cognitio non Humane tantum Naturæ eveheret dignitatem, sed & Humane Vitæ commoda quam maxime adangeret.

Libellum ipsum quod attinet, nolumus equidem ampliori Præloquio iudicium Lectoris antecapere: Id potius rogamus, ut suam de eo sententiam, usque dum evolverit & perpenderit totum, differre, quæque debinc ipsi in Historiæ hujus amplificationem subvenerint, in medium conferre velit. Vale, Lector Amice, & Tui Studiosissimo save

HENRICO OLDENBURGH,

Soc. Reg. Secr.

MAGNÆ

M A G N Æ
Societati Regiæ
A N G L I C A N Æ,
MARCELLUS MALPIGHIVS S.P.

Bombycum Historiam, quam elapso anno, *Viri sapientissimi* à me postulastis, hic ruditer compaginatam habetis. Hanc inane non undequaue censerem, siquid vel minimum ex ipsa, vestris dignum oculis, aut pro magna Physicæ institutione (quam sedulo molimini) aptum elucesceret. Cum enim tota in minimis existat Natura, si alicubi, magis equidem in *Insectorum* moleculis id deprehendi par fuerit. Quod si humana philosophandi ratio ob sui infirmitatem serpere cogitur, nec tolli potest, parum cum *Bombycibus*, qui humi reptant, ab instituto aberrabit. Hinc ut *Historiam* propositi Insecti aggrediar, nescio, An rerum necessitas, urgentibus externorum ictibus, vel potius humana luxuries, prima homini comparaverit indumenta. Illud certum est, Plantarum Arborum frondes, ruditer implicitas, extitisse tegumenta; mox Brutorum quorundam, sponte defunctorum, spolia ita arrisisse, ut excusso mortis horrore in hunc finem innocentes belluas mactarent,

Pellibus, & laxis arcent mala frigora braccis.

Et ita mortalium commodis sat provisum videbatur. Nec inter hos limites tamen humana libido diu se continuit, sed posthabita primitivâ simplicitate, novo excogitato artificio, eorundem Brutorum vellera detonsa in stamina contorsit, eaque miris ambagibus texendo, implicuit. Nec sat fuit, Brutorum exuvias torquere, sed attritis plantis, macerataque ipsarum compage, ut solo cortice fruerentur, nova invexere stamina. Et quoniam interdum fragilitas & infirmities ipsi pretium conciliat, cum humani ingenii vis ad hæc minima effecta langueret, Insectorum genus, quod intactum adhuc jacebat, adorti, ad nova sibi nenda stamina damnarunt. Inter hæc igitur *Bombyces*, qui præsertim apud *Indos* & *Seres*, teste *Servio*, campetris quadam gaudebant libertate, feliguntur; unde tenuissima ipsorum stamina in fila retorquere, & inde texere (ut aliquibus placet) *Pamphila*, *Platis* filia, in

Coo Insula primò coepit; at *Aureliani* temporibus in tanto fuit pretio Sericum opus, ut hujusmodi libra *Auri* æquali pondere mutaretur. Postremò tandem, regnante *Justiniano*, ex *Serida* Indiæ urbe, *Bizantium* delatis ovis, ibidem fieri coepit *Bombycum* educatio, inde in *Græciam*, finitimâsque Regiones divagata adeò percrebuit, ut nil (in *Italia* præcipuè) frequentius, Matronisq;e gratius occurrat.

Bombyx igitur, quem *Serem*, seu vermem *Indum*, vel lanificum, vel, mavis, erucam *Bombycivorum* dixere, notissimum præcipuè apud *Nostrates* insectum est; in quo tam miræ *Metamorphoses* succedunt, & naturæ opificium ità elucescit, ut necesse sit singula ejus vitæ momenta perpendere.

Ab *Ovo*, communiori *Viventium* principio, originem ducit. Hoc per annum conservatum, incallescens in vere Acris tepore, vel tri-duo foeminarum sinu fœtum, *Bombycem* promit. Dum incubantur ova, Cærulea ex Violaceis, mox Sulphurea redduntur, & tandem Cinerea; quæ successiva Colorum varietas à genito revolutòque intus verne, per corticem, veluti per diaphanum Cornu, erumpente, producit. Aperitur autem Cortex, seu Testa, dum Vermis, fortassè percitus fame, Ovi acumen perforat, dentibusque ipsum erodendo, brevi quadrantis horæ spatio viam sibi facit. Exit hic capite erumpens, interdum etiam opposita corporis extremitate. Nulla supersunt membranæ involucria; totum enim putamen mundum remanet; quin nec perforati corticis supersunt protegmina.

Nati mox *Bombycis* Color fuliginosus est; circa primum annulum & superiores pedes, modicum cinerei emergit. Insigni pollet Capite, si reliquo corporis comparetur, hocque coracino. In dorso, & continuatis lateribus protuberantias habet, quarum extrema oblongis pilis, & Ziziphinis horrent, ità ut vera videatur Eruca: hæ vero patentiores sunt in prægrandi Eruca, quæ à *Nostratibus* *Pinus* dicitur & ab *Aldrovando* nostro describitur lib. de *Insect.* in 3 Tabula, sub Figura 9, & 10. à cujus dorso miro ordine tubercula quædam, seu papillæ, numero septuaginta octo, assurgunt, quarum extremitas, quasi cyneo ornatur, unde spinæ pilorum loco quandoque 7, interdum 10, exeunt, quæ in longum productæ ovali quodam capitulo terminantur.

Statim ac luce fruitur *Bombyx*, tenella *Mori* folia voraciter edit, excitatis exiguis foraminulis; & sericos plexus in ipso vitæ limine, cruc-tato stamine, promit, quo interdum tota corporis moles suspenditur. Indies autem auctus sensum novum induit colorem; nam subalbus ille seu cinereus color, in primò tantum annulo deprehensus, in quinto etiam emergit, & sensim in contiguos extenditur: intermedii autem annuli, à quibus anteriora erumpunt, crura, Ziziphina redduntur, sicut & reliquum corporis ultra quintam incisuram, quo delitescens colore, cinereus redditur habitus, hærentibus tamen minimis quibusdam Ziziphinis stigmatibus, ex quibus, & subviridi devorato alimento, cutis inficitur, non parùm ad hoc etiam conferentibus exaratis protuberantiis, pilorum serie conspersis, & fuliginosum adhuc servantibus colorem. Propè tamen primum somnum, capitis & crurum color ità remittitur, ut de toto perlatus evadat; quod etiam accidit tuberculis indèque

indèque exortis pilis, quæ cum proportionale incrementum non subeant, parùm obscurantur. Exarata hæc dierum circiter decem curriculo peraguntur; Bombyces enim, quos mense Maio educavi, undecim dies ante primum somnum insupscere; reliqui, qui ter in anno folliculi fabricam edunt, sub fine Junii enati, decem vigiliæ diebus contenti vixere; & postremò, decedente Augusti mense suborti, novum tantùm diem insomnes attingere: quæ tamen temporum mensura, ex varia tempestatum locorumque natura, & cibandi norma, non parùm immutatur.

Jam in promptu Quies occurrit, quæ ultra diem quandoque extenditur; quæ cessante excutitur Senium, quod jam decisum, inter subiecta mori folia conspicitur, cum ratio, ob Vermis exiguitatem, adhuc delitescat.

Bombycis magnitudo, post excussam primam senectam, ea est, quæ hic describitur: novus corporis habitus albidus candido veluti fursu-Tab. 1. Fig. 1. aspergitur, præcipuè in superioribus annulis; extremitas autem fuliginosis quibusdam maculis inficitur, & cauda, pedes, anique appendices Ziziphinæ redduntur. Novum Cranium, tripla portione auctum, cinereum colorem, cum modica flavi mixtura, illico refert; transactis tamen tribus horis obscurius fit, velut Cydoniorum carni accidit. Immobiles hæret Bombyx extremo præcipuè corporis, solumque dimovet caput, nec appositum per diem devorat solum; voraciter tandem cibum captat, &que in die nutritur.

Bombycum Alimentum Morum fuisse, longa temporum traditione constat. Duplex autem est, Nigra scilicet & Alba; illa rotundis foliis & in acumen desinentibus constat, quæ solida pollent substantia; hæc verò delicatior est, & citius adolescit, folia angustiora & oblonga magis habet, hæcque teneriora. Peregrina quondam fuit Morus in Italia; observant enim, apud præcos Latii authores nil de ea traditum inveniri. In nostris finitimisque regionibus alba Morus pro Bombycum alimonia usurpatur (nec nisi in summa inopia nigra offeruntur folia, adulto etiam Bombyci;) unde ex teneritudine sericum stamen molle gignitur. In Sicilia & in nostris quibusdam montibus nigra Morus ex usu est, indèque solidius filum cruitur. Ut autem diversis rebus alimonia compararem, mollia Lauri folia, Vitis, quin Ulmi & Rusci, pluries exhibui; transacto autem altero die convulsi interiøre Scio, Lactuæ folia, primis diebus exhibita, alimentum tenellis adhuc Bombycibus apud quosdam extirpasse, sicut & tenera Rusci folia.

Continuata igitur Bombycis nutritione, Cranii color saturatio red-
ditur, ut coracinus iterum reddatur. In dorso tubercula crumpunt, ipsorumque extrema brevibus stipantur pilis: superior corporis portio argentea, reliquum verò spirilibus fuliginosisque maculis, annulorum latitudinem excurrentibus, condecoratur.

Utpurimum quatuor dies cum dimidio ante novam quietem in-Tab. 1. Fig. 2. sumuntur; mense autem Julii quartus non attingitur dies: imminente otio, à cibo abstinere incipit, illudque durat per diem integrum cum dimidio, & novum excitatum cranium Achatis colorem confer-

Vat.

vat. Ejus dimensiones hic habetis. Recens corporis color subalbidus Ziziphinis maculis, hisque saturationibus aspergitur, in quinto pariter & octavo annulo, in medio dorſi bina erumpunt stigmata inverſos ſemicirculos repræſentantia. Auſta inſuper nutritione oblongius redditur corpus, coriũque quaſi diaphanum, ita ut ſubjectus foliorum color emergat. Tranſacto triduo, ſi *Julii* menſe nutriantur, iterum tertio in ſomnum prolabantur. Autumno autem, & Vere in longius protrahitur hoc ſpatium, cum in hoc quinque inſumantur dies. Imminentis ſomni prodroma ſigna emergunt, quæ in antecedentibus mutationibus ob ſui exiguitatem, non ita facile in oculos intuentium incurrerant. Toti itaque corpori, & præcipue ſuperioribus annulis diaphaneitas quadam cum aliquali luciditate ex ſubjecto forte ichore ſupervenit. Corpus in dorſo ad ſecundum, tertium & quartum annulum impenſe ſurgit, ut ipſorum, alioquin conſpicua, rugæ deliteſcant. In membrano interſtitio, inter cervicem & primum annulum locato, triangularis quadam macula cinerei coloris cum levi flavedinis mixtura erumpit: hæc baſi ſupra cranium firmata, oppoſito angulo, dorſi medium designante, ſecundum attingit annulum; nec diu durat hæc figura, ſed ſenſim productis lateribus, veluti Zona extenditur, quæ parum ulterius progreſſa ſaturatori inſcitur colore. Diu hæſitavi, quidnam eſſet hoc phenomenon, videbatũrque aridere, ſolam eſſe portionem elongati extenſique corii, quæ alias continuata cranio, ſub primo annulo revoluta obſcurari ſolebat; cum tamen in quieſcente Bombyce rudem quadam diaphaneitatem in Cranio obſervarem, inde credidi, enaſcenſis capitis & ſub primi annuli corio latitantis verax eſſe ſignum, cum antiquum caput, novo comparatum, longè minus ſit; non enim quartam ipſius æquat portionem: nec me ſeſellit opinio; diſrupto etenim quieſcentis Bombycis corio, antiquum Cranium jam vacuum valde ab erumpente diſtare comperii, unde ſub primo latitans annulo exteriorem hunc producebat colorem.

Futuram inſuper quietem indicant, abſtinentia à cibo, capitis elatio, (quæ quaſi ſtolidos arguit,) corporiſque moles, brevior & contractior redditæ; his enim apparentibus, vermibus perquirat reſeſſum, ut quietius ibidem jaceat, quo conquiſito immobilis hæret, inclinato verſus humum capite, quod interdum ad ſuperiora attollitur, vel ad latera curvatur. Dicit unius ſpatio cum dimidio ita cubat, quo tranſacto excitatur, hinc inde jactatur; totus convellitur brevior redditus, & extrinſecum ipſius corium in rugas & plicas, & præcipue annulorum interſtitia circumvolvuntur, latera etiam celeri contractione corrugantur, tantũſque eſt labor & angor, quibus-cum, antequam excutiat ſenſum, luctatur, ut immutato ex ſubalbo in coccinum corporis habitu ſupinus decumbat per aliquod tempus, & tandem ſejunctum à recenti corium, longa pedum jactatione, excutere incipiat, facta circa cranium ſeparatione, & deductis per latera nigris quibuſdam quaſi lineis, quæ Excoriationis progreſſum exhibent. Ut poſtremo ſeneſcentiam ex toto abjiciat, extrinſecum corporis cohibet, ſurſumque viſcera abigit, ita ut propulſa ſuperius corporis pars vi præmentium inferiorum, per excitatam paulo ante cicatricem erumpat, quæ dum tenſa permanet, ſuo
tumore

tumore in rugas contractum & complicatum antiquum corium in infernas necessandò repellit partes: quod successivè in singulo annulorum tractu peragitur, donec ad extremum corporis convolutum protrudatur, à quo postea, confricatione circa adjacentium angulos repetita tandem excutitur. In hoc supersunt ungues, pedum vestigia, appense in lateribus lineæ, quas ligamenta seu umbilicalia vasa incongruè crediderunt nonnulli.

Quis tamen tam laboriosam Metamorphosim, renovato capite, dentibus, corio, pilis, & fortè quibusdam musculis, Somnum appellet? Ego mallem soporem, vel veternum, vel vigilandi saltem impotentiam dicere, cum necessariò tot morborum clades & labores, qui Senii excussioni præire solent, accedant. Nec novum in natura existit, ex sola dentium eruptione febres & sopores excitari, ut passim in pueris experimur, in quibus, ultra convulsiones, ita turbatur corporis Oeconomia, ut diu absque cibo interdum semi-mortui jaceant infantes. Quare, ut probabiliter reor, *Bombyces* singulis suæ vitæ diebus somni & vigiliæ vicissitudine gaudent; etenim ut plurimum à cibo, diverberato diu ad latera capite, deinde ad superiora erecto, immobiliter hærent per horam & alteram, & interdum dejecto capite cubant, quod bis in die repetitum vidi; quin & percussi licet excitentur, iterum tamen in pristinum relabuntur somnum, reliquum verò dici jactatione & motu progressivo infumunt.

Exarato defessus jam labore *Bombyx*, donec novis dentibus utatur, quiescit, & transactis horis apposita olefacit folia, quorum extremos fines tenellis adhuc dentibus degustare tentat; sed excitato fortè dolore abstinet, iterumque decumbit per diem absque cibo, quo transacto demum renutritur.

Vermis magnitudo illa est, quæ hic describitur; ejus Color, margaritæ, absque luciditate tamen, ferè similis. Prope caput, in primo annulo fuliginosa quædam, sed brevis, linea in dorso erumpit: Pili, humiliorem annulorum partem ornantes, oblongi, diaphanique emergunt: Cranium, pilis hirtum, *Achatidis* colorem ferè refert; Cauda Ziziphina erecta manet: eundemque colorem possident pedes & an appendices: copiose per transversum plicæ in motu erumpunt, ut jam novum animal, excusâ *Erucae* formâ, videatur. Tota tamen novitatis ratio, quæ *Bombycem* à priori *Erucae* statu diversum efficit, in eo tantum consistit, ut fuliginosæ illæ priores maculæ dissipentur, pili, tubercula jam conspicua dorsumque ornantia, parùm delirescant. Scio tamen prope etiam ultimum Senium primæva tubercula, quæ *Erucae* naturam indicare credebantur, adhuc Microscopio detegi, pilorum copia conspersa; minora autem jam redduntur, ut censeo, ex animalis subsequenti indies augmento, cum laxatis externis tegumentis fuliginosæ particulae, quibus corium inficiebatur, laxius diductæ, non atrum amplius reddunt corium; eadem etiam de causa, quoniam alio rapitur cutis laxitas, tumores, & tubercula in primordiis luxuriantia penè delirescunt.

Quatuor vel quinque dierum termino, juxta aeris temperiem, abundè nutritus, emergentibus futuri & postremi Senii nunciis, per
C duos

duos cum dimidio dies torquetur, postquamque exierit senectam, o-
jusque moles hæc est. Firmatis interea mox emeritis partibus, totus
cibationi se tradit, unde brevi nova moles longe major redditur, &
quasi ad consistentem ætatem proventus, suarum partium perfectam
absolutamque copiam habere videtur; & quoniam opificum, meta-
morphoses, aliæque ab eodem mirè editæ, inferius rimanda veniunt,
ideo minimarum mirabiliūque *Bombycis* partium Historiam, rudi li-
cèt stylo exaratam, addere placuit, ut singula, prout permittitur, pa-
teant.

Tab. 1. Fig. 6.

Bombycis primò occurrens externa configuratio oblonga est, qualis
hic habetur. Vermium more, undecim compaginatur Annulis seu
Incisuris, quarum extremis, Caput & Anus, cum appendicibus, ap-
tatur. Primus annulus *A*, capiti contiguus, quia analogam cum cer-
vice servat extensionem, si cæteris comparatur, minor est. Ab hoc
bina in humiliori & prona sui parte *B* exigua crura erumpunt. Sub-
sequuntur bini annuli *C D* qui longè majores, quin & interdum ma-
ximi, si cum cæteris conferantur, censendi veniunt. Horum superior

Tab. 1. Fig. 7, 8.

portio *E*, quæ dorsi tuber æmulari videtur, conspicuis insignibusque
rugis asperatur; quarum *leouem* addidi; hæc, ante folliculi fabricam,
violaceo, cum modico xerampelini coloris, suffunduntur. Subse-
quens quartus annulus *F*, servata priorum proportione, parùm de-
crevit, & præcipue extremitate illa, qua quinto *G* necitur; qui &
ipse angustior redditus, corporis hanc regionem parùm cogit. Sub-
sequuntur quintus *H*, sextus *I*, septimus *K*, & octavus *L*, quorum tres
anteriores *H, I, K*, paulo auctiores redditi, ventris aliqualem formam
referunt; ultimus tamen *L*, sensim imminuitur; reliqui extremi bini
annuli *M, N*, proportionali ordine imminuti, alvi extremum gracile
reddunt; postremæ autem incisuræ tria appenduntur corpora *O*.

Annulorum *figura*, ubi crura non erumpunt, rotunda est; in humi-
liori autem ventris parte pedibus intercepta rectitudinem acquirit, ita
ut totus anulus arcum chordæ retractum æmuletur; dorsi enim &
laterum partes curvantur, reliquæ diriguntur; surgente tamen insig-
niet ventre, & ipse tument.

Quælibet Annulorum pars non eandem sortitur magnitudinem, ita
ut ex ipsorum contiguitate linea per dorsum ducta rectitudinem ser-
vet, sed ut plurimum e singulis Annulis media quælibet portio elatior
assurgit; cætera, hinc inde locata, humiliore parùm subsident, ita
ut ex harum serie fiat *Ellipsis*.

Annulorum Substantia membranea est, & valida, nondum tamen
Cartilaginea; hæc, cum non ubique similis sit, in singulo quoque an-
nulo duplicem videtur sortiri partem; ob generalem partem, quæ in
ipso observatur; altera enim annuli portio superior est, quæ ma-
jorem duritiem, & soliditatem nancisci videtur, & per paucis rugis aspe-
ratur, quamvis valida succedente contractione bini sulci existerent,
quibusdam punctis, à quibus erumpunt pili, descripti: subsequens
annuli pars eandem ferè latitudinem & extensionem sortita, tota in
plicæ ad animalis libitum adducitur. Hæ rugæ ut plurimum in gran-
dioribus annulis quatuordecim & quandoque plures sunt, & per lon-
gum

gum annuli ductæ non totum expleat circulum, sed ab occurrentibus consimilibus parum deviare delitescunt. Harum quidem fines in recurvas inferius positas rugas absumuntur. In grandiori Eruca, superius citata, quilibet annulus octo compaginatur minoribus annulis, qui invicem contigui latitudinem annularis digiti æquant; hi, abbreviato animalis corpore, in arcum singulum attolluntur, & ita tota annuli latitudo ætior redditur.

Tab. 1. Fig. 9.

Bombycis color ex enarratis jam patet; ea enim annulorum portio, quæ rugis exaratur, ob sui tenuitatem subsectorum refert colorum, & in seipsum revoluta *Achatis* colorem exhibet: reliquum corporis subalbum, & fere argenteum est, præter maculas quasdam *P.* in quinto & octavo annulo excitatas, quæ duplici describuntur linea, quarum interior cerulea est, exterior verò parum fuliginosa: in quibusdam verò Bombycibus fuscæ quædam copiosæ macule totum fere replent habitum, ut parum argentei emergat.

Extremis lateribus hinc inde nigra quædam stigmata *Q* per longum infixa observantur, quorum accuratior descriptio & usus inferius habebitur: hæc decem & octo sunt; singuli enim annuli bina habent, præter secundum & tertium. Sub his copiosæ rugæ *R* per longum ductæ, insignes & recurvæ erumpunt, pilisque oblongis & diaphanis ornantur; versus extremum corporis in ultimo annulo è medio dorsi cauda *S* erigitur instar styli, qui in implantatione latior, sensim gracilescit, ultra tamen medietatem ætior redditus in Conum desinit.

Tab. 1. Fig. 5, 6.

Tab. 1. Fig. 6.

Extremo Annulo tria appenduntur corpora, quæ ad libitum diducuntur, & simul cœcuntia corporis ultimum claudunt terminum. Nam à mediò dorsi deorsum inclinata pendet carnea quædam portio *T* quæ ani foramen tegit, & in egestionibus sursum attollitur: huic bina adstant corpora *V* consimili constata substantia, quæ oblonga & angulari ipsorum portione versus medium producta, reliquum extremi corporis muniunt, elque fulcimen & motum præbent: hæc in grandiori Eruca solidioris substantiæ sunt, & quasi cartilagineæ, miræque colorantur.

Tab. 1. Fig. 10.

Remanet exponenda capitis *Exterior* constitutio. Cranium primo annulo appenditur, seu magis ab ipso erutum emergit. Corpus est subrotundum, parum tamen depressum, in superiori præcipue parte; binis semisphæricis *A* ovalibus compaginatur, unde angularis quædam portio *B* intercipitur, quæ Lambdoidalem æmulatur figuram; ab hac rugosa quædam pendet quasi carnea zona *C*, rugis excavata, quæ pro animalis libitu in se ipsam retracta, sub Cranio non parum delitescit, & frequenter exeritur, secumque retrahit labium *D*, ni linguam dicere velitis, quæ supra *O*s pendet. Sub his Oris cavitas aperitur ampla, & ab ossibus hinc inde locatis mandibulis *E* clauditur. Inferiorem Oris partem pendula & parum acuminata occupat substantia *F*, *Menti* instar, cujus humiliorcm partem parum acuminatus tenet stylus. Hinc inde in humiliori loco maxillares bini processus *G* solidi locantur, qui unâ cum Mento, ad libitum animalis, sursum, & intro etiam parumper rapiuntur. In anteriori parte, ad latera tamen, globuli *H* qui-

Tab. 1. Fig. 11.

dam,

dam, numero sex, diaphani protuberant, qui *Oculi* censentur. Ab his parium distant bini Mammillares quasi processus *E*, descriptis majores, a quorum finibus bini exeunt pili. Singula autem hæc ex inferius dicendis magis patebunt. De hoc tamen interim Vos monitos volo, me scil. proportionalem magnitudinem non perpetuo servasse, in partium iconibus, sed interdum, facilioris intelligentiæ gratiâ, quasdam figuras auxisse.

Totus corporis habitus pilis conspergitur unâ cum capite: hi miro ordine implantantur, colore pollent Ziraphino; qui verò circa crura, & rugas insignes, mox delineatas, locantur, lucidi, & argentei sunt, moleque suâ cæteros, per dorsum & ventrem disseminatos, superant. In dorso, ubi pili implantantur, cærulea quædam stigmata non raro deprehenduntur, quibus pilorum radices ambiuntur.

Bombycis corpus multiplicibus fulcitur, cruribus, hisque diversis, versus enim corporis medium à sexto, septimo, octavo & nono anulo, quatuor crurum paria hinc inde in humiliori parte erumpunt: Eorum figura rotunda est, & latiori sui parte à ventre emanans, internodium seu flexuram patitur. In hac eadem parte cavitas interdum excutitur, ut retractum crus intus cum appenso pede obscuretur; reliquum cruris binis ulteriùs articulationibus flectitur, & tandem in pedem definit, qui recurvis unguibus mirè munitur.

Talis est appensæ *pedis* structura. Ab extremo cruris, ubi in parte exteriori semicirculus subniger, & quasi osseus describitur, & in citata superius Eruca, nigra quædam Zona, quasi ex villuto seu villosa, ferpit, pes *A* carneus erumpit, qui semisphæræ parum compressæ formam habet. Ambitur autem ejus protuberans pars à bino unguium ordine *B*, qui, singuli instar vel semicirculi, juxta longitudinem corporis deducti, parium versus interiora declinat; unde ex hoc segmento licebit *pedis* partes discriminare: pars porro, quæ ultra ungues exteriorius seu foris locatur, *C*, *Sylvestris* appellabitur, opposita scil. *Vola*; quæ verò ultra segmenta interiora versus exportigitur, *D*, *Vola* nominabitur, quæ tamen minoris latitudinis est ac sit opposita.

Vola & *Sylvestris* portio, ad animalis placitum, diversis suæ indigentiae temporibus gracilescunt, moxque protuberant; nam interdum pars *Sylvestris* turget, totaque eruitur à cruris profundo; interdum, ut in *polyporum* acetabulis seu cirrarentis, intro retracta delitescit, quod in *Vola* etiam proportionaliter observatur. Ex quibus motibus, qui frequenter & celerrimè contingunt, varius pedum & unguium situs, & robur, oriuntur. Tres tamen ipsorum præcipuas positiones pro faciliiori intelligentia collegi, iconibusque exponere tentavi.

Primò *Bombyx*, quod frequentissimè agit, deductam pedum *Vola* *A* versus interiora tegit, pars verò *Sylvestris B* extrâ tota erumpens, turget, recurvata versus interiora; unde ungues *C* apicibus versus ventrem diriguntur, & ita constitutus pes ineptus redditur ad apprehendendum. Mox deductis unguibus ad medium, & ad oppositam ferè partem, tota quasi *Sylvestris* portio *B* intra cruris cavum rapitur, & parium eminet *Vola A*, & ungues curvo apice versus aspicientium oculos eriguntur; unde hoc etiam situ inefficax est pes.

Deductis

Tab. 2. Fig. 1.

Tab. 2. Fig. 2.

Tab. 2. Fig. 3.

Deductis tandem ad extra Unguibus, parumque Sylvestri patente *B*, Tab. 1. Fig. 4.
 quæ crispa redditur & gracilis, Vola versus interiora crumpens supra
 apprehensi corporis superficiem turget, & unguium recurvi apices ob-
 jecto ita applicantur, ut fortiter deinceant, tantique fiat adhæfio, ut
 Animalis moles tuto suspendatur.

Unguium substantia ossea est, solida, & quasi fulva, eamque for- Tab. 2. Fig. 5.
 titur figuram, quæ hic describitur. Numero plures sunt ungues, ut-
 plurimum in singulo pede quadraginta. Disparem magnitudinem
 sortiuntur, & duplici sub ordine æquedistanti locantur. Grandiores
 à Volæ confinio, i. e. ab interiori parte orti, supra ipsam inclinati, ver-
 sus exteriora deducuntur, & tandem elevati in recurvos apices desi-
 nunt; minores verò ab eodem orti termino, inter priores eodem ritu
 serpentes, aequali perpetuò servata distantia, cum non eadem polleant
 longitudine, non eundem sortiuntur finem, sed paulò infra terminan-
 tur recurvato apice, ita ut per acuminatas unguium extremitates pro-
 tractæ lineæ parallelas referant, pedis ambitum secantes. Hinc inde
 ab ano extremæ jam exaratæ appendicis, crurum munus explent, bi-
 nisque pedes promunt, jam descriptis consimiles.

Prope caput in primo, secundo & tertio annulo, tria crurum vel Tab. 2. Fig. 6.
 brachiorum paria situantur, non inæqualis in totum magnitudinis.
 Eorum figura Conum æmulat. Implantantur in his annulis latiori
 principio, quod à copiosissimis rugis excipitur, una retracta etiam ob-
 scurantur: tribus gaudere videntur internodiis, quibus ad interiora
 præcipuè flectuntur: Horum extremitas unco, versus interiora, ar-
 matus, cui ex diametro ossei styli opponuntur, in cæteris autem arti-
 culationibus bini pariter styli recti implantantur.

Lustratis Bombycis exterioribus, supersunt interiora: Discisso ita-
 que corio, quod superius expositum est, *Ichor* quidam subflavus erumpit,
 qui manuum calore vel etiam ipso igne leviter concrevit, cru-
 stamque relinquit. Hunc probabile est ab officinis alimenti derivari,
 & per meatus, vel vascula per cutem dispergi; quamvis elixati Bom-
 bycis & Aureliæ ventrem hujusmodi concretus succus unâ cum viscè-
 ribus repleat, ut in *hydropicis* accidit.

Deducta cute, altera superest membrana subrosea & mucosa. Hæc
 probabiliter nova cutis est, quæ discisso Senio, vel Bombycis forma,
 emersura est; quin & reliquas, quæ jam excussæ sunt, simul extitisse
 dubito. In prægrandi citata *Erinea* evidenter rosea est, & ipsius varii
 emergentes colores in externo apparent corio. Interior hæc tunica,
 unâ cum corio, si lumini objiciatur, translucentes quasdam lineas,
 transversum Bombycis renentes, exhibet, quæ rugis & furculis corium
 excavantibus excitantur. Inter has rugas rotunda quædam spatia quasi
 diaphana elucent, quæ pilorum radicibus circumductantur.

Exaratæ Membranae, seu corio, arcetè hærent carneæ fibræ per lon-
 gum deductæ, quæ revulsis ad latera visceribus patent: hæc per lon-
 gum corporis exporriguntur, & incisuris, ea præcipuè in parte, ubi sin-
 guli annuli necuntur ad invicem, arcetè figuntur. Ipsarum color car-
 neus est, & subalbidus, seu cinereus; figura verò subrotunda; atten-
 tius tamen lustratæ, unaquæque ipsarum, filamentorum fasciculum,

vel faltem exiguarum quasi cordarum plexum exhibet: & in quodam Bombyce, jam extincto, parumque convulso, singula hæc filamenta non recta nec sibi parallela, sed quasi spiras efformantia conspiciuntur; quod & in tendinibus quorundam musculorum in prægrandi animali non raro observavi. Fibræ hæc multiplices sunt, variamque inclinationem fortiuntur, unde penè diceretis contextos musculos, quorum seriem, & situm recolligere impossibile videtur, ob eorundem exilitatem, fragilitatem, & perpetuam contractionem, quibus implantatio & exortus obscurantur. Hoc tamen videtur minus dubium, in unoquoque annulo determinatam adesse musculorum seu fibrarum collectionem, qua ipsius latitudo undequaque cooperiatur; præter angustum & oblongum quoddam spatium, longitudinem dorso excurrentis, in quo non observantur. Quare in interiori corii regione, quæ ventriculorum aliisque viscera ambiunt, rectæ hæc fibræ excurrunt, ab extremo corporis ad aliud extremum productæ: In singulis tamen intermediis annulorum confiniis, ubi inferior annulus in progressivo motu anterioris cavitatem parum subintrat: hæc musculorum fibræ arcuè hærent, ibique altè inferuntur, velut in musculorum vulgariarum finibus accidit; hocque successivè contingit, ita ut hæreatis, an eadem sint fibræ, quæ tot continuatos musculos promant, an verò sint diversæ, eodem ordine se invicem subsequentes. Certum tamen est, licet valida fibrarum applicatio & nexus in interstitiis annulorum, ut ita dicam, succedat, earum plures ulterius ad subsequentes etiam annulos elongari, servata continuitate; quod in elixato Bombyce præcipuè fit manifestum: & si Atramentum affundatur, nigrescunt spacia, hinc inde fibras ambientia, superata incisuræ parte, ubi altè figuntur, à superiori in inferiorem annulum recta, & eadem servata proportionè, deducuntur; quod idem accidit interceptis fibris, etiam in valido illo nexu, cum ipsarum continuas ut plurimum non tollatur, nec obfuretur, licet in aliquibus non ita pateat.

Exteriores fibræ, & quæ primò oculos incurrunt, non sibi invicem parallelae, nec perpendiculares sunt, sed aliquæ contiguis lateralibus occurrentes obscurantur, quod parum longe ab incisura contingit; aliæ verò, & quæ præcipuè circa medium dorso, ubi oblongum arcumque spatium locari diximus, proximæ excurrunt, versus ipsum parum declinant, ita ut in singulo quoque annulo quædam suum sortiantur finem, & ita quasi *pyramis* fiat. Etenim in superioribus annulis versus caput, ex fibrarum applicitis finibus basis efficitur; & quoniam deorsum deductas fibras hæc versus medium dorso inclinari diximus, hinc est, quod ex successivis ipsarum finibus ad medium dorso, sic pyramidis latus, & tandem angulus; quod in grandioribus præcipuè Erucis observatur.

Sub descriptis *rectis* hisce fibris, aliæ subsequuntur, *oblique* tamen quas in Bombyce difficilimum est attingere; interdum tamen aliquas in tabidis & elixatis translucere vidi. Ut autem ipsarum & subsequentium etiam fibrarum rudem aliquam notitiam habeatis, consuegendum nobis erit ad grandiorē jam citatam Erucam, quæ ob sui magnitudinem minùs obscuros habet musculos: non tamen tanta est ipso-

ipforum moles, cæteræque ita consentiunt, ut dilucidè singularum fibrarum verus & certus habeatur terminus: quæ verò ex plurium sectione minus dubia collegi, sub unius tantum Annuli Icone exarabo. Et pro faciliiori notitia recolligendum est, quod superius habuimus; in hac grandiori Eruca singulum quemque annulum quasi insignibus rugis constare, quæ, dum ipsarum latitudo arctior redditur, parùm assurgunt, & ita totus annulus his rugis compaginatus brevitur.

Primò itaque fibræ rectæ *A* occurrunt, quæ totum annulum co- Tab. 2. Fig. 7.
operiunt, & à supremo ejusdem deductæ, implantantur in subsequen-
tis incisuræ proximam partem. His ablatis, in conspectum veniunt
obliquæ *B*, quæ eisdem sortitæ terminos, non omnem tamen annu-
li capacitatem occupant, sed graciles videntur muscoli, longo in-
tervallo diffusi, ad extra inclinati. Subsequuntur obliquæ *C*, in opposi-
tum inclinata, quarum portio, amplior tamen, versus medium dorsi
D deducitur; reliqua verò, annuli inferiorem & superioriorem portio-
nem attingit. Triplices hi fibrarum ordines perpetuò in singulis inci-
suris patent: cæteri autem, utpote minores, quia in diversas ejusdem
partes destinantur, & profundius etiam locantur, nec perpetuò ipsis à
natura unus statuitur situs, ideo non parùm variant in insertione &
numero. Sub exaratis fibris ascendunt parùm obliquæ *E* quæ su-
periori extremitate in secundam rugam desinunt, & harum tanta est
copia, ut insignis fiat musculus. In aliquibus annulis succedunt de-
scendentes *F*, quæ ad sextæ rugæ confinium terminantur. Post has e-
mergunt obliquæ ascendentes *G*, ad medietatem annuli expositæ, &
in lapissimum expansæ musculum. Tandem occurrunt his subjectæ
obliquæ ascendentes *H*, quæ in quinta ruga absumuntur; & postre-
mò sub his latet exiguus quidam musculus *I* super extremam rugam
extensus.

An ad singulas plicas alii ulterius à superioribus exorti transmi-
tantur muscoli, adhuc ambigo; hoc tamen sæpissimè observavi, ex-
tremos enarratorum musculorum fines, sicut in perfectioribus etiam
accidit, inæquales esse, ita ut ab uno binæ attingantur rugæ. In Bom-
byce recti quandoque muscoli inæquali suarum fibrarum longitudine
pluribus unius annuli rugis appenduntur. An singuli hi breviores
musculi sint productiones rectorum, & quasi flexæ ipforum extremi-
tates, dubitari posset: cum in *Cancrorum* mirabili cauda, inter rectas
fibras contorti quidam, veluti cordæ, fibrarum fasciculi, à suprema
annuli parte orti, illico ac subsequenter inferiorem attingunt annu-
lum, obloquentur, & ad ipsius medium desinant. His accedit, inter-
dum (ut sæpius habui) circa annulorum interstitia rectas fibras obscu-
rari, & externas parùm obliquatas subire.

Musculorum ope Bombycis motus subsequitur, cujus exteriora *Phæ-
nomena* hæc sunt. Postremi Bombycis bini pedes, ab appendicibus ani
erumpentes, ante-gradiuntur, & tunc corrugati & tensi redduntur
extremi duo annuli: ex progressu deinde factò à binis paribus subse-
quentium crurum enarrati annuli elongantur, & ipforum rugæ exten-
duntur; proximi autem bini annuli crispantur & turgent, detumescunt
autem, & longiores sunt motis reliquis cruribus, quibus inferior al-

vus firmatur; tandem motis minoribus pedibus, vel brachiis non longè à capite locatis, quadrupedum more, contracta mox corporis portio ulterius rapitur, & denu caput antè exporrigitur, & ita Bombycis progressivus subsequitur motus.

Sub exaratis fibris ex rectitudine stigmatum, quæ hinc inde in singulis annulis, præter secundum & tertium, excitari exterius, jam habuimus, ortum trahunt mirabiles quædam *vasorum* propagines, quæ singulas corporis partes irrigant. Hæc conspicuo trunco carent, sed in singulo quoque orificio decem & quandoque plures grandiores rami, in communem hiatum definentes, cicatrici exaratae, aptantur, ita ut in Bombyce decem & octo sint huiusmodi ramorum plexus seu exortus. Ab hoc hiatu igitur, seu mavis brevi trunco *A* bini exorti circuli *B* in inferius & superius locatos deducuntur plexus, ita ut mutua fiat anastomosis à capite ad imum. Ab eodem pariter fonte tres elongantur circuli *C* qui corporis habitum & musculos ipsos mirabili efformato reti pervadunt; contigui verò *D* vicina ambiunt viscera: Reliqui *E* in ventriculum, cor, ventrem, aliæque proxima deducuntur, & in medio proni ventris occurrentes huiusmodi oppositi rami evidentem Anastomosin patiuntur. Propagantur hæc vasa, Arteriarum more; sensim enim à suo elongata trunco gracilescunt, & frequentes hinc inde geminant ramulos, qui ut plurimum reticulares plexus, ut in arborum foliis observatur, efformant; quod præcipuè inter musculos, & corium mirari licet, ubi tanta est fructificatio horum vasorum, tam miræ implicationes, ut nil pulchrius conspici possit. In singulas corporis partes exporriguntur, ut nulla ipsius sensibilibus conspiciatur portio, quæ vasculorum horum propagines non admittat. Vasa hæc caruleo seu plumbeo pollent colore, qui sensim argenteus efficitur, varius tamen in consimilibus insectis conspicitur, ut plurimum argenteus est, vel *perlatus*, interdum palaris, vel aurei suffunditur mixtura.

Horum substantia membranæ est, cum hoc tamen, quod annulosis hisque solidis firmetur, ita ut in quocunque situ secta, aperto patèat ore, unde ex his & inferius dicendis conjectatus sum, tracheas esse, quæ suis productionibus *Pulmones* efformant, & exaratas Bombycis incisuras binis pollere pulmonibus. Totum hoc consimilium Insectorum indagine firmatur.

In *Cicadis* talis est ramificatio: Conspicuum ramus *A* qui cum exteriori cicatrice communione habet, in minores subdividitur circulos, qui sensim in ovalem extenduntur velicam *B*, eadem continuata substantia; hæc, altera ex remote constricta *C*, iterum valis naturam subit; quam metamorphosim sæpius repetit, & tandem extremis finibus, sibi invicem occurrentibus, Rete efformatur, quo viscera, aliæque foventur.

Huic analogam, tracheæ seu pulmonum configurationem in *Lutano* seu *Volatili cervo* placuit addere, in quo velicæ *A* a trachea *B* pendent, eadem excitata substantia, ita ut *Pulmonis* Icon habeatur, qui & ipse, in perfectis animalibus, membranosis sinibus & veliculis confatur, quæ continuatæ tracheæ appenduntur, seu potius tracheæ membrana, ubi

Tab. 3. Fig. 1.

Tab. 3. Fig. 2.

Tab. 3. Fig. 3.

ubi annulorum angustia coercetur, tubos efficit, ubi autem liberior redditur, in vesiculas laxatur.

In locustis talis est tracheæ productio. Ab exteriori orificio, atinulis infixo, arcum pendet tracheæ caput *A*, quæ dorſi latitudinem in altero latere excurrit, in amplum & capacem extensa tubulum *B*, qui contiguis communicans minori quodam ramo, tandem acquisita vasis naturâ, arcuatiore tubulo minimas ulterius, ad Cor præcipuè, promittit ramificationes.

Tab. 4. Fig. 1.

Parum abſimiles tracheæ productiones mirari licet in *Vespis*, *Apibus*, aliisque conſimilibus infectis; ex quibus elici poteſt, exarata animalia noſtrumque Bombycem non tantum pulmonem habere, ſed ita abundare, ut ſerè ſingulis ipſorum annulus duobus polleat, quin & ſingula quæque pars etiam viſcerum, derivatis pulmonibus gaudeat.

Deſcripti *Pulmones* proprium habent orificium, quod in Bombycis lateribus extare diximus, ita ut ſinguli quique annuli, præter ſecundum & tertium, duobus polleant hiatus. Hi, nigra circumambiente zonâ ornatî, nudis oculis patent; eorum tamen ſtructura altiore requirit indaginem. Prout autem in cicata Eruca aliisque conſimilibus liquet intueri, talis eſt. Extimum corium ſtigmatibus ovalibus hinc inde pertunditur: hæc per longitudinem annuli inſiguntur, ita ut acumine verſus humiliorem ventrem dirigantur, altero autem verſus dorſum. Cutis extremitas *A*, cicatricem designans, nigra eſt, & parum reflexa, & contento tracheæ capiti unitur, quod ovale hoc ſpatium replet in cujus medio ſciſſura *B*, per longum ducta, obſervatur, quæ identidem à recta declinat; reliquum ſpatii fibrulis *C*, cinerei coloris, repletur; hæc ab exteriori cicatricis ambitu exortæ, rectè verſus ſciſſuram deducuntur, & quadam Analogia interſtitium ciliare æmulantur, ſaltem in munere; quare levi ipſarum contractione cultus ille hiatus ita dilatatur, ut Aer pro libitu egredi, & ſubingredi poſſit. Et licet vivente animali nunquam hiantem deprehenderim huiusmodi ſciſſuram, poſt mortem tamen levi ſuccedente exſiccatione oblonga patet via. Et ut veritati huic aliquid lucis adderem, non-nulla tentavi, quæ licet non omnia ſecundum præconcepta evenierint, ea tamen memoranda cenſeo. Immerſis Bombycibus præcipuè in ardenti aqua, multum aeris ſub bullarum ſpecie aſcendit, & quoniam interdum aeris portio circa rugas hæret, quamvis prius aquâ madefcant, idè non ea affulſit evidentia, quam exoptabat animus; hoc tamen certum eſt, exeuntis Aeris bullas è dorſo, è rectitudine præcipuè ſtigmatum erumpere, & immiſſis Bombycibus jam extinctis, nullum aſcendere aerem.

Tab. 4. Fig. 2.

Aliud inſuper tentavi: aſperſis leviter, etiam penicillo oleo intincto, tracheæ ſingulis hiatus, illico convulſum concidit animal intra *Dominicæ orationis* ſpatium. Et ut vulgatum illud de natura Olei, Infectis inſenſa, explorarem, varia molitus ſum. Aſperſis orificiis tracheæ ſuperioribus à corporis medio ad caput uſque, hinc inde, illico quaſi paralyticus jacuit Vermis, nec ſecundum ſuperiora loco movebatur, reliquum corporis motum ſervabat; per noctem ita jacuit, mane revixit, etiam quoad ſuperiora, & ſenſim nutritus, tandem folliculum conſecit, quod & in aliis comprobatum vidi. Aliorum in-

E

ſuper

super inferioribus tracheis, usque ad medium corporis, oleum affudit, & mox convulsionibus tentatæ sunt oblitz partes; quin & superiores particule, dum movebantur, reliquas veluti paralyticas secum trahabant; cordis pulsus versùs extremas partes rarissimus erat, & affectæ portiones mole suâ non parùm immutabantur; & in his, quibus successit mors, ventriculi inferior portio impensè coarctata erat. Horum aliqui binis transactis horis cibum gustavere, & statò tempore folliculum peregere. Inter hos unus vel alter, elapsis pluribus diebus, interijt: quidam autem post confucios dies, quibus copiosius cæteri cibum sumunt, stamen emittere coepit, sed brevi relicto opere jacuit, tandèmq; obiit. Cæterorum tracheæ orificia, modò sinistra in aliquibus, modò in aliis dextera oblinivi, & excitato quasi corpore vix movebantur; tandem expergefactis superioribus partibus (nam in reliquo torpidior erat motus) cibum assumpserunt, suumque opus perfecere, quod & ferè singulis accidit.

Ut autem intimius rem hanc perspectam haberem, Ventrem, Caput, Os & Dorsum, illæsis tamen tracheæ orificiis, sæpius oleo aspersi, nec unquam extinctos vidi, nec etiam inde feva suborta symptomata. Quare interitum ex Oleo eatenus contingere conjeci, quatenus oclclulis tracheæ orificiis, suffocatio; vel quid simile succedit; quod placitum subsequenter tentaminibus firmatum volui. Buryro illevis tracheæ singula orificia, & illico perire. Idem accidit usu Lardi, scvi, & similium: nec adiposis tantùm & oleosis inest hæc mortifera vis, sed asperfo melle liquido concidere; cum hoc tamen discrimine, quod aliqui expergefacti, interdum ipso, laterum frictione, deterfo, revivere; hi verò, quibus altè hærebat mel, perpetuò jacuerunt.

Placuit eadem tentare in consimilibus infectis, ut in Locustis, Grillis, & hujusmodi, in quibus mors pariter successit. Hoc unum Vos monitos volo, Bombyces, qui affuso Oleo, vel consimili, illico concidunt, Cordis motum per aliquod spatium conservare, nunquam tamen reviviscere, etiamsi aceto irrorentur, Solique exponantur; at eos qui sub aqua etiam per horas stetere, non tantùm cordis motum retinere, sed pristina vitæ munia reassumere: Unde conjectari licet, corpora, quæ detergi possunt à tracheæ orificiis, ut aqua, & similia, non ultimam inferre necem, sed illa tantum, quæ vel subingrediantur, vel arctè ocludant, ita ut dimoveri nequeant. His accedant ea, quæ in vestra *Antlia pneumatica* aliàs observastis, immixtis hujusmodi infectis, quæ orbatæ aere interiere. Congruum ergo videtur, aerem in hæc Bombycis vasa continuatim subingredi & egredi, ut in cæteris, quibus insunt Pulmones. An verò necessarius sit abdominis motus pro aeris accessu & recessu, esset perquirendum; & cum nefas sit, Vobis dubia meaque mentis nudos proponere conceptus, illud tantùm sensibus comprobarum Vobis offeram, ut inde philosophemini.

In Bombycis postremis tribus annulis circa dorsū latera non obscurus perpetuatur constrictionis & dilatationis Motus, ita ut statò tempore hujusmodi laterales portiones intro rapiantur vel pellantur, & successive extra turgant. An verò hoc in Cordis gratiam, quod præcipuè in intermedia ibi dorsū parte systolen & diastolen habet; an verò

verò in respirationis usum subsequatur, adhuc dubito. In *Locustis* autem, quas observare potui, evidens est totius ventris constrictio & dilatatio, ea in parte præcipue, quæ prona est, & dorso opposita; interius namque miram habent machinam, cujus iconem habetis. In singulis etenim annulis *A*, ossea vel cartilagineæ binæ laminæ *B* sub eodem plano locantur; altera à dexteris, altera verò à sinistris; ita ut latior laminæ portio cum exporrecta *C* ejus parte, ventrem inferiorem tangat; reliqua verò, superius dorsum. Hæ ab incisuratum substantia cæterisque aliquid aliter sejunctæ locantur ita, ut libere moveri possint: quare laxato ventre probabile est, velut tot arcus extendi, indeque capaciores reddi ejusdem cavitatem, vel saltem jam compressam in proprium resilire statum, hujusmodi arcuum ope. Sed portiora vestris mentibus occurrent, & jam tempus est, ut reliquorum Bombycis viscerum indaginem prosequar.

Per longum dorsum, inter-exaratas Musculorum fibras, & pulmones hinc inde appensos, Cor locatur, à summo capite ad extremum usque corporis exporrectum; quare, vivente animali, ejusdem pulsatio exteriùs per longum subobscurè emergit. Corpus hoc tenuibus constat membranis, quæ contenti Ichoris colore imbuuntur; diaphanæ enim sunt, progressu tamen temporis luteæ fiunt, nec ita facile translucent. An præter membranas carneæ adsint fibræ (ut reor) quibus constrictio subsequatur, sensus nequit attingere. Ejus figura mira est; nam isti cæteris animalibus, ex fibris carneis in gyrum deductis *Conica* quædam confurgit moles; at in *Bombyce*, & consimilibus, unicus tubus est, à cauda ad caput continuus, nec, ut observare potui, in istius finibus, vel altero tantum, amplior quædam capacitas locatur, à qua principium motus erumpat; nec etiam quælibet exarati tubi portio eandem fortitur latitudinem, & figuram, sed identidem extenditur, post-modum angustatur, ita ut ductus iste in tot distinguatur quasi Ouales tubulos *A B*, sibi invicem continuatos; quare ex inferiùs etiam dicendis dubitari potest, tot *Coracula* esse, sibi mutuam opem ferentia. Ipsorum numerus multiplex est, adhuc tamen non omnino mihi notus; nam ex vario cordis rhythmo in pulsu, ex valida insuper convulsione, qua secti Bombycæ tentantur, distinctio non ita patet. Tot autem esse, quot annulos, vel saltem pulmonum paria, ex his, quæ sæpiùs deprehendi, probabile est. *Coracula* hæc, dum placida succedit ipsorum *Systole*, taliter moventur.

Extrema latera producti cordis, dum *Systole* sua corripuntur, ad medium cordis procedunt, & crassiora seu prominula reddita, non intimè sibi approximantur, sed intercepta media cordis portione demissiori, binas lineas paleares videntur effingere; at ubi Cor validius movetur, concurrunt exaratae lineæ, & in ætiori cordis parte *D* se superequitare videntur; quo casu elatio quædam sive tumor in cordis medio suscitatur: ubi autem deficiente animalis vita, sola cordium latera parum versus medium lente deducuntur, tunc nulla ferè sensibilis confurgit elatio.

Cordium motus non eadem omnino temporis differentia succedunt, sed in Bombycibus, sicut & in aliis etiam, ab extremo coraculo, ad caudam

caudam locato, primus constrictionis motus emergit. Latiori enim *C* compresso, contentus illico tenuis humor exprimitur per *D* in subsequens corculum *B* à quo in *E* & ita successivus fit tumor, qui in celeri diastole adeò confusus est, ut distingui nequeat. Patet autem, dum prope extinctionem manifestæ succedunt compressiones, propulso vitali illo humore ex corculo in corculum, velut ex auricula in cor, vel ex corde in arterias.

An à corde *Arteriæ* oriantur vitalem succum deferentes, nondum certo assequutus sum; visus tamen interdum sum in *Aurelia* conspicuos ramos in annulorum interstitiis deprehendere, unde Arteriarum truncos esse conjeci.

Tab. 3. Fig. 3.

Circa elongatum cor, seu singula corcula, tracheæ rami *E* serpunt, unde minores ipsius productiones, extremis suis finibus, arcuè Cordis membranæ, quæ dorsum respiciunt, adherent, & quoniam Cor cum contento liquore diaphanum est, ideo ipsarum emergit species.

Aliud etiam corpus, Cordis ambitum stipat, & suis productionibus hinc inde lateribus ipsis hæret, quin & in singulis incisuris, ubi fibre carneæ desinunt seu intercipiuntur, sunt transversales novæ huius producti corporis diramationes, ut recti quatuor anguli ferè designentur; ex quo deduci etiam potest, à Corculis, eo in loco, binos hinc inde promi ramos. Cordis igitur ductum mucosæ quædam ambiunt productiones, quarum corporaturâ Musculorum progressus teguntur, spatiaque in visceribus relicta perbellè replentur; tanta enim est huius corporis luxuries, ut suâ mole cæteras Bombycis superet partes, cum univèrsa ventris cavitas sufficienter ipso repleatur. Tenellum est hoc corpus, ejusque substantia in oblongas stirias tam lancinatur & mire implicatur, ut, quacunque licet diligentia pertractetur, non tamen ipsius contexturam attingere liceat.

Ut autem aliquid lucis affulgeret, placuit ad Insectorum consimilium indaginem recurrere. In grandioribus itaque *Erucis* albæ hæ productiones totum interiorè ventrem obliniunt, & contenta viscera stipant, harum portio ab animali evulsa, & aquâ excepta, supra vitrum extendatur; ita enim rudis ipsius progressus & structura habebitur. Elongantur ergo vasorum instar, & proximis consimilibus occurrentibus inosculantur, ita ut tota hæc alborum corporum series laxum *A* constituat rete. Horum figura oblonga est, parùmque depressa, nec eandem omnino latitudinem servant, sed impensè interdum angustiora redduntur; mox extenduntur quasi in foliorum formam *B*, iterum coarctantur, & ramorum instar elongata sibi que inosculata & implicata laxum rete *C* efformant.

Tab. 4. Fig. 4.

Hanc eandem structuram in Bombycibus postremò collegi, dum ipsorum frustulum rimabar. Diu dubitavi, an cava essent, aliquoque referta succo, cum vasorum diramationem ruditer æmulentur; in *Lecusta* tamen ipsorum configurationem primo nactus sum; in hac etenim latiora hæc corpora *B* rotundis parùmque depressis corporibus *D* compaginantur: quod deinde in Bombycum frustulis, affuso attramento, collegi. Quare ex hac extrema configuratione *Glandulosum* parenchyma, & inde viscerosam carnem dicendam putabam; sed
facto

facto ulteriori tentamine, aliud mihi philosophandum occurrit. Igni etenim approximata hæc globosa substantia in oleum funditur, flammamque concipit; quare pinguedinosi globuli, reticularibus productionibus, velut membranæ sacculis, contenti, cum omento comparari possunt; rursumque dubitandi ansa occurrit, pinguedinis promptuaria esse, valdeque sollicitam reddi naturam in recolligendo continendoque oleoso hoc succo. Omenti hujus productiones minimi tracheæ rami irrigant, & ipsarum tractum etiam firmant.

Ventris cavam replet ventriculus *A*, mole insignis, & ab ore ad oppositum extremum oblongus, & rectus. Ejus substantia membranæ est; hæcque multiplex, ut in cæteris animalibus patet, interna scilicet & externa: *Illa* tracheæ *B* ramis, minimisque ejusdem propaginibus irrigatur; sub *hac* excurrunt conspicuæ carneæ quædam fibræ subalbæ, quarum series duplex extat; aliæ enim rectæ *C* ab Oesophago exortæ, versum anum deducuntur, graciles tamen & rotundæ; aliæ autem per transversum ductæ *D*, ventriculi latitudinem colligunt, unde ex perpetua fortique hujusmodi fibrarum contractione & amplexu interceptæ minimæ ventriculi portiones *E* exterius protuberant, veluti tot globuli; sectis autem hujusmodi fibris, vel aquâ maceratis, ita detumescunt exarata protuberantiæ, ut oblongus reddatur ventriculus, levisque exterior superficies, nullo vigente rugarum vestigio. Binæ insuper carneæ fibræ *F* quasi chordæ, per longum exprotractæ, anteriorem & posteriorem ventriculi partem cingentes, ligamentorum vicem supplent, ut in colo aliisque consimilibus accidit.

Avulso hoc extimo carnosoque sacculo, quo ventriculus totus continetur, & constringitur, tenuis & diaphana occurrit membrana, in oblongi sacculi pariter speciem efformata, quæ nullam ferè videtur cum exteriori carnosoque amiculo connexionem habere, quia secto primò involucto integra, contentoque alimento turgens eruitur. In hac nil conspicui deprehendere potui ob luciditatem summamque tenuitatem.

Ventriculi figura oblonga est, instar sacculi parum depressi, & ex fibrarum ligamentorumque nexu identidem angustatur, ut sex semicirculares protuberantias edat, quæ à totidem tracheæ ramis irrigantur. Externus color viridis est, sensim tamen, non assumpto alimento, & dum proximè ad folliculi fabricam disponitur carneus efficitur.

In superiori corporis parte non parum constringitur Ventriculus, ita ut membranæ ductus *G* efficiatur, qui in oris cavitatem definens, alimentum dentibus concisum excipit. Versum inferiora, ad sicuti septimi tracheæ orifici, Ventriculus in intestini formam *H*, mox in orbiculos *I*, velut in exiguos ventres extenditur, & tandem post brevem coarctationem *K* iterum ex contentis fecibus parum dilatur, in anum *L* hiat, ubi exitura excrementa continentur. Hæc postrema ventriculi cavitas *M*, *recti* vices gerens, hincinde per longum sex protuberantias, ex laxata propria substantia, promit, à quibus facies sexagonam recipiunt figuram.

In consimilibus Insectis copiosiores & distinctiores sunt Ventres, sibi invicem successivè communicantes. In *Cochlea* etenim absque testa, quatuor interdum numerantur, quorum primus, ingluvici instar (ut *Aristoteli* etiam placet) in orbem extenditur; secundus, majori pollet longitudine; extremus autem, in tenue intestinum definit. In *Grillo* etiam bini insignes occurrunt Ventres, quorum posterior rotundus, hinc inde appendices promit: reliquum ventris in quinque (minores tamen) utriculos distinguitur. Tantus ventrium apparatus, seu continuatus Bombycis stomachus, non minimo contentus est alimento (ut traditum ab *Aristotele* legimus;) nam si fiat comparatio cum ceteris insectis, quin & cum sanguineis ipsis perfectioribus, quæ mole longè excedunt, esu ipsa superat; cum alimenti unius dici, & proprii jejuni corporis, æqualia sint pondera.

Inter alimenti excrementique receptacula, hoc est, in angustata ventriculi parte *H*, tenuia quædam & varicosa emergunt vasa *N*, quæ ut plurimum palcaris vel crocei coloris sunt. Hæc per ventriculi dorsum exporrecta, deorsum relabuntur; ita ut sex reflexiones numerentur, quibus subiecta ventriculi portio ambitur. Horum exortum diu quasi, & tandem visus sum ipsum attigisse; in ea scilicet parte *H*, ubi intestini formam venter subit, à qua conspicuus quidam truncus *O*, brevis licet, emergit, qui mox dividitur in geminos ramos sursum serpentes, qui iterum relabentes subdividuntur in ulteriorem sobolem. Hujus in intestinum hiatus patet, quotiescunque secto per transversum, jam exinanito ventriculo, non longè ab insertione hujus trunci, compressisquæ varicosis ejusdem productionibus, in interiora ventris erumpit expressus è vasculis flavus, interdum albus, ichor, & per sectum ventriculum patenter emanat. His contigua observantur in inferiori ventris parte *M* tenuia quædam vascula *P*, lutei ut plurimum coloris, quæ suis propaginibus binos *I* utriculos ambiunt; copiosius tamen inferiorem percurrunt partem *M*. Horum structura & gracilitas, novum genus, & à descriptis diversum, indicare viderentur, nisi in quibusdam Bombycibus, hydrope seu cachexia laborantibus, albus quidam humor æquè descripta insignia vasa *N*, ac minora *P*, occuparet, nobisque aliqualem indicaret continuitatem. Hærent hæc minima vasa intestino præcipuè recto *M*, & quia diaphana sunt, & varicosè implicantur, ideo globulorum seu glandularum racemos æmulantur. Hoc vasorum genus in consimilibus insectis etiam luxuriat; nam in *Eruca*, pilis oblongis & aculeatis referta, ab eadem ventriculi parte consimile erumpit vasculum, quod sursum deductum iterumque ad inferiora reflexum, continuitatem servat: quæ evidentius in hac conspicitur, quam in Bombyce. In grandiori *Eruca*, horum vasculorum duplex conformatio extat; alia enim alba sunt, reliqua verò flava seu crocea; illa varicosa, intestini coli instar, sunt, eorumque semicirculares protuberantiæ, interitis cavæ, cum intimo communiquæ ductu communicant; unde eodem replentur succo; altera autem, vulgariarum vasorum ritu, parùm depressa laterum vasorum omnimodam levitatem servant, cum ferè rotunda sint. Eorum habent à fine primi ventriculi, & sursum excurrunt; mox reflexa, reliquis æ-

quis

guis utriculis, ex coarctato ventriculo subortis, arctè hærent, & circa rectum, in gyrum deducta, ludunt. Ob excedentem longitudinem, ipsorumque molliem, nunquam licuit evidentem assequi continuationem; probabile tamen est, in ipsis dari, & licet, dum impense nutritur animal, contentus succus duplici inficiatur colore, certum tamen est, quod in eadem vasis continuata portione, contigui binique succi, diversos ferentes colores, observantur, & tandem temporis progressu oblongus horum vasculorum tractus unico & undequaque sibi simili, vitellino scil. succo, refertur.

Longa & ferax Insectorum investigatio desideraretur, ut horum vasculorum progressus, indeque usus, elucesceret; probabile enim videtur, tenuiorem cibi, jam in ventriculo macerati & soluti, portionem in hæc propelli, longosque ipsorum anfractus subire, & fortè succis non parùm immutari, & tandem in cor, vel saltem in conum, & inde in reliquas corporis partes rapi.

An verò superfluum aliquod, ineptumque nutritioni, per alterum ex descriptis vasculis (bina enim sunt invicem sociata) revehatur, hæsitari potest, cum in Bombycibus, cessante cibatione, contentus succus in subalbam quasi faniem immutetur, & postremò in excrementorum vesicam derivetur. Hæc libens vestris exercitationibus dilucidanda, pro germana naturalium viscerum dignotione, remitto; unicum hic addens, in singula descriptorum vasorum particula, dum inedià maceratur animal, & intus lacteus succus luxuriat, productiones & diramationes circumducti cujusdam corporis, in interiori superficie horum vasorum observari, quæ intercepta inæqualia designat spatia: interdum enim arcolæ oblongæ, quandoque triangulares, modòque orbiculares excitantur, ità ut supra tunicam ex modicè assurgente corpore consimiles productiones habeantur, quales in cavo biliaræ vesicæ, vel colidochi ductu deprehenduntur. Hæc verò vestrà ope dilucidiora reddita dubiam adhuc meam firmabunt mentem, dum interim hæret, an hæc sint tenuia intestinula, an cæcæ appendices, pro fermentorum collectione in piscibus familiares, an verò vasa *Lacteis* analoga?

In Ventris lateribus hinc inde circa ventriculorum oblongus vasorum *A* progressus circumducitur, quæ pro Serico efformando itamine succum continent. Talis autem est ipsorum progressus: Unumquodque horum ab oris confinio exordium trahit, sensim autem superato capite deorsum elabens, à latere parùm deflectens in *B*, versus interiora corporis deorsum producit ultra corporis medietatem, & iterum extra reflexum in *C* sursum versus caput ascendit, & tandem circa ventriculorum serpens ad inferiora deducitur, & in gyros miròque meandros *D* implicitum, versus primi ventris terminum, ultimum sortitur finem. De extremo hujus finis diu sollicitus fui, cum enim hujus vasis mucosa fragillique sit contextura, quæ multiplicibus tracheæ ramis colligatur, ideo difficillima videtur extremi sui termini indagatio. Longa tamen usus patientià, sectis singulis tracheæ vasculis, ulumum attingi finem, qui cæcum representat intestinulum *E*, quod à proximo tracheæ ramo gracilem recipit supra se excurrentem diramationem.

Horum

Tab. 9. Fig. 2.

Horum ductuum substantia membranacea est, ut in cæteris intestinulis; solidior tamen in sui exortu prope caput; in reliquo fragilis est. Nec eandem omnino retinet figuram; etenim, licet vasa hæc ubique perforata existant, eorum tamen principium *F* gracile est, ipsorumque foramina angusta sunt; subsequens verò portio *G* laxior est, quæ tandem rotundi intestinuli *H* formam jam adepta, post plures circumvolutiones extremum sortitur finem *E*. Longitudo unius ductus *Bononiensem* æquat pedem. Inæqualis horum ductuum conformatio non eadem est in singulis Insectis; nam in prægrandi *Eruca* intestinulum gracile, sibi quæ omnino simile, deprehenditur, palearis ubique coloris.

Contentus succus vario inficitur colore, qui & in singulis Bombycibus etiam variat. Duplex tamen vulgariter solet efflorescere color, luteus scilicet seu auratus, & subalbus, cum modica quasi fulfuris tinctura. Et quoniam ex vario exaratorum succorum situ, staminis subortitur textura, ideo producti inde folliculi diversi sunt, vulgoque etiam diversis appellationibus insigniuntur. Solet autem in Bombycibus, à quibus folliculi, vulgariter *Soriani* appellati, efformantur, subalbus primo occurrere succus, qui ab *I* in *K*, ductus portionem occupat; subsequens verò crassioris intestinuli usque ad *L*, aureo repletur succo; reliquum usque ad extremum *E*, subalbo iterum occupatur humore: In aliis porro inversa viâ contingere solet, occupante flavo corpore primam ferici ductus regionem. Succus iste, aqua communi elixatus, non solvitur, sicut nec igne liquefit, flammamque nequaquam concipit, sed gummi instar glutinosam retinet naturam.

Trachæ ramulis per longum ductis, ad minimamque gracilescenibus, totus horum intestinulorum irrigatur tractus, cum proximi quique trachæ trunci surculos transmittant.

In prona corporis parte post avulsa viscera, in medio scilicet imi ventris, à capite ad extremum corporis, sub adiposis ductibus, Spinalis excurrent medulla emergit. Propria hæc gaudet compage & figura, cujus progressus talis est: Non uniformem habet substantiam, sensim ad imum usque decreascentem (ut ferè assolet,) sed, veluti chorda, interpositis ovalibus identidem quasi nodulis compaginatur. Intermedii globuli figuram ferè ovalem habent, quæ erumpentibus nervorum productionibus deturbatur, ejusque forma parum convexa est, & placentula instar valde deprimitur. Hujus substantia gemina videtur, altera enim exterior ambiens *A* subalba est, candemque sapit naturam cum reliquo spina; interior autem *B*, parum elata, in suprema sui parte *C* curvatur, in inferiori autem quandoque binas quasdam promit appendices *D*; breves tamen, ex nervorum *E* rectitudine, quos ibi geminat. Hæc ob sui exiguitatem, cum nec cultri acie separari possit, nec cæteris tentaminibus explorari, adhuc mihi ignota latet. Unum tamen observo, coloribus circum-affusis, non parum ab altera parte *A*, quæ vel ipsam ambit, vel globulos necit, distinguui: nam hæc subalbida & candida est; illa verò Leonini coloris: quin & in cætro fluviali, ubi eadem patet structura, non tantum diversus erumpit color, sed ex eodem stigmata suborta rudes quasdam velut

Tab. 6. Fig. 1.

velut arborum radices, describunt. Quare interdum dubitandum mihi occurrit, cum in capite deprehendere nequiverim cerebri molem, ab his disparatam, globulos seu nodulos hosce cerebri esse dispersas portiones conglomeratas, scil. corticis glandulas, à quibus nervorum fibræ enascantur; cum perfectorum etiam Spinæ interiora per longum occupet cortex, à quo quorundam nervorum fibras enasci probabile est. Corticalis hæc substantia, nodulos efformans, in ea eminent parte, quæ Bombycis annulos tangit; in altera autem huic opposita, scil. versus interiora superextensa, medullari A substantia tegitur & ambitur.

Singulus itaque globulus binis exaratis constans particulis, in sui suprema parte C, descendente recipit spinam, càmque ab inferiori & opposita parte promit: Hinc inde verò bina nervorum paria hæc insignia erumpunt, quorum alterum E, inferius scilicet, oblique deorsum ad latera producit in musculos & artus; alterum verò F, superius ad trachæa proximos truncos exporrigitur.

Globuli, prout videre licuit, sunt tredecim; supra enim primum trachæa orificium bini, parùmque distantes G, sub eadem rectitudine locati, versus caput ascendant; ab his post brevem spinæ productionem postremus promittitur nodulus H, à cuius supremis partibus bini erumpentes processus, duos geminant globulos I, qui in Cranii basi non longè à mandibulis nervulos mittunt, sicut & ad oculorum radices. Inferiores globuli ultra primum anulum, servato proportionali spatio, ex rectitudine trachæa orificiorum situantur; bini tamen postremi K L, sibi succedentes, à se invicem parùm distant, & inter septimum & octavum trachæa orificium pendentes, extremum gracilescens spinæ M inferius promunt; à quo, veluti dispersis fibris, corporis extremi appendices irrigantur & toventur. Residuum spinæ N, globulis interjectum, necuam præ se fert naturam; nam subalbus est, & in binos recolligitur fasciculos, communi involucreo contentos, & affuso atramento in cancri spina patet: In ipso etiam Bombyce, inter primum & secundum O trachæa orificium, non parùm distant binæ spinalis medullæ partes. Extremas nervorum productiones ad artus & musculos non licuit in totum attingere ob luciditatem, & albedinem. Noduli supra expositi à minimis trachæa ramis P irrigantur; à singulo enim trachæa orificio versus interceptam spinam bini occurrunt rami, qui in medio sibi occurrentes mutuam pariunt Anastomosis, & productis minimis ramulis arcuè expositos amplexantur globulos, & elongatam inde spinam.

An præter exaratas Bombycis partes alia supersint viscera, non audeo negare; aliorum enim sollicita indago & dexteritas fortè luculentiora deteget. Scio, in quibusdam Insectis, & præcipuè in *Scarabeo*, & in *Imperati Talpa*, circa ventriculum subalbos quosdam reperiri globulos, qui trachæa ramis propagines recipiunt, ipsorumque copia inferior ventriculi portio præcipuè circumdatur. In *Cicada* memini, glandularum racemum ad extremum alvi locatum me vidisse.

Lustratis interioribus visceribus, unum vel alterum de Cranii structura est expendendum. Solet natura in sanguineis animalibus Crani-

um pluribus unitis ossibus compaginare: unde in ipsorum mutua infertione & adaptatione plures contingunt futuræ, propriis discriminate nominibus, quæ minimas quasdam rimulas inter contigua & articulata ossa designant. In Bombyce autem Cranium ossis multiplicibus, vel saltem cartilagineis particulis coagmentatur, variazque ipsius futuræ, seu intermediæ particule, inter contiguum verumque os, nigra quadam Zonâ, cæteris solidiori, describuntur. Hæc eundem colorem & substantiæ modum exhibet, qualem in unguibus & ossis particulis observamus; crassior est reliqua cranii lamina; nam interiùs etiam protuberat. An hæc ossea portio ex addensata contentarum laminarum extremitate contingat, multum probabilitatis habet, cum alibi quid proportionale accidat. Ossea hæc zona primo Cranii basim *A* firmat, ubi collo seu primo annulo necitur; & quoniam caput ipsum (ut aliàs retulimus) in duplicem quasi semisphæram secatur, hinc est, quod osseus ille circulus *A*, cranii basim firmans, versus superiora serpens, futuram lambdoidalem exprimit, cujus mentio jam facta est. In anteriori autem parte, ubi os insculptum est, elongati hujusmodi ossis processus varias describunt futuras, quin & parum ad latera reflexi diaphanos quosdam globulos *B*, quos pro *Oculis* habendos esse reor, arcè firmant. Sparsa zonis, hæc contenta cartilagineis lamellis, parum extra protuberantibus, ut Cranio debita concilietur concavitas, replentur: illa verò, quibus os colligatur, diversis emergentibus partibus locum præbent: Ità *C* dentium apicibus foras erumpentibus additum largitur; *D* verò fiat, ut oris concavitas pro ingerendo cibo pateat. Supra ipsum eminens quædam portio *E* locatur, quæ, velut acuminatum *Mentum*, exeunti itamini aditum largitur: Hinc inde ab *F* mammiformes quidam processus, aliàs descripti, continentur & stabiliuntur.

Cranii concavitas pluribus repletur, Spinalis scilicet medullæ parte, extremis tracheæ ramis, & binis styliformibus processibus, qui à futuris, dentibus proximis, intrò producantur; major tamen Cranii portio à binis dentium Musculis occupatur; quælibet enim exarata semisphæra, qua Cranii moles excitatur, prægrandi & fibroso repletur musculo, quo appensus dens ad latera diducitur, & adducitur. Nam in Bombyce, dorsum vel sursum retractis mandibulis nequaquam os aperitur (ut in sanguineis ferè semper accidit,) sed cum ipsius dentes sub eodem plano locentur, mutuo ipsorum accessu & recessu cibum captat animal, ipsumque atterit.

Dentes bini sunt; singulus etenim utrinque proprio alligatur musculo. Eorum substantia ossea est & fuliginosa; figuram habent quasi incisoriæ; concavo curvæque apice *A* terminantur. Pars ipsorum exterior *B* gibba est, interior verò, eique opposita concava *A*, basis, absque erumpentibus radicibus omnino lævis est, & quasi quadrangulati constat figura. Cavi intus sunt; & ab ipsis erumpit tenuis quædam alba lamella *C*, quæ forte ex tendinibus, seu ex fibrarum solidescentibus extremitatibus excitatur: In hanc desinunt copiosæ carneæ fibræ, insignem musculum efformantes, quarum mole binæ cranii partes affibrè replentur. Et quoniam mamillares illæ protuberantiæ, quas

foras

Tab. 7. Fig. 1.

Tab. 7. Fig. 2.

foras hinc inde circa dentes eminere diximus, motum habent, probabile est peculiare etiam musculos in ipsarum concavitate, vel saltem intra cranium recondi; cum natura localem motum absque musculis promere non soleat.

Taliter igitur constructus Bombyx, post ultimum senium impense nutritur, & vorat, ut ad hanc perveniat molem. Varium tamen est cibationis spatium; nam quos alui *Obobris* mense, per quindecim dies ante folliculi fabricam continuè cibum sumpsere; reliqui verò, quibus tunc temporis parum cibi arte porrigebatur, per mensem edere; alii verò æstate & vere nutriti, decimum diem non excessere. Et quoniam foliorum fibræ, aliæque ex alimento superflunt, ita ut ingens excrementorum aggregetur provenus, ideo, ne foetido exhalante habitu Bombyces inticiantur, præcipuè post ultimum senium, tabulata, quibus insident, bis in die immutantur, abjectis alimenti reliquiis, hocque summo mane & post meridiem peragitur: Reliquis verò temporibus, alternis tantum diebus. Variæ sunt tabulatorum species; in *Sicilia* ex arundinum frustulis compaginantur; apud nostrates ex alga & arundinibus fiunt.

In sollicita Bombycum educatione solent nostrates tetros vitare odores, quasi ipsis intensissimos; quod tamen valde superstitiosum cenfeo. Plures enim alui Bombyces intra capsulam, copiosa *Assæ* foetide quantitate refertam, nec unquam à solito abstinere cibo, sed integrè vixerunt. Idem in *Opio* & consimilibus degentibus accidit; quod & in *Stirace* expertum vidi, cum singuli proprium perfecerint postremo folliculum. Scio tamen, flante *Austrâ* non parùm labefactari, & æstuante aere de facili in quandam Cachexiam (nisi Hydropsim dicere velimus) incidere; Extenuatur etenim ipsorum corpus, & ex albo in subcroceum immutatur; unde sccto corio turbata quædam sanies, veluti ovi vitellus jam corruptus, prodit, multusque ichor in ventriculo stagnat, cum alioquin in naturæ statu vulnerata cute erumpens humor diaphanus subcroceus & ferè palcaris sit, & levi calore in crustam facillimè concreseat. Nec minus *Frigore* etiam obleduntur, cum remissis ipsorum viribus folliculi opus in longum prorogetur, diuque duret cibatio, quæ aliàs vigente æstu brevissima redditur.

Bombyces interea satis nutriti contabescere incipiunt, ipsorumque corporis moles parùm minuitur; per diem saltem à cibo postremo abstinent, alvi excrementa cum sanioso quodam ichore mellei coloris ex roto excernuntur, ita ut in ventre nil supersit. Externus corporis color immutatur, quædam enim luciditas seu diaphaneitas cum aliquali flavitici tinctura observatur, & sub ventre carneus luxuriat color. Anterior corporis portio, secundo & tertio excitata annulo, turgida redditur, & purpureo colore perlucet: Eundem etiam colorem referunt maculæ quædam in quinto & octavo annulo insculptæ; portio pariter intermedia annulorum sublutea redditur, sicut & imi ventris appendices. Internus ventriculus parùm depressus vitellino quodam refertur ichore, qualem ex sccto corio erumpere videmus. Divagari tandem incipiunt Bombyces, & situm pro texendo folli-

Tab. I. Fig. 5.

folliculo aptum nanciscuntur. Tunc mulieres sub sarmentorum frustulis, in fascies reollectis, collocant, vel sub plantarum exsiccatis radicibus, & truncis, in fascículos vel scopas compaginatis. Laudantur etiam ad hunc usum diversarum arborum rami, ut *Castanea* & *Quercus*, item *Genistæ*, & consimilium. Opportunum jam locum nactus Bombyx, propriis è vasculis succum, succini instar, sub staminis forma effundere incipit, & ligneo frustulo vel occurrenti scabritici applicat, indeque celeriter recedens, filum nere perpetuat, & diverso sub firu locatis adaptat: quod cum glutinosum sit, aeri dum exponitur, facillimè concretescit arctèque hæret, & ità laxum quoddam rete, vel mavis, rudes quædam contexturæ inchoantur, in quarum eentro, ex debita distantia, ovalis folliculi structura & unita compages commodè subsequi potest. Ut autem Bombyx stamen promat, retrahit caput, deinde attollit, & ad posteriora recurvat, compressisque superioribus annulis, quasi cruciat, & ad latera diverberando caput stamen excrit.

Inter agendum per vices caput retrahit, parumque hæret, deinde elongato corpore, mutatoque gressu majori cum alacritate opus aggreditur. Nec diu venit hæsitandum, an ab ore vel ab extremo alvi stamen emittat, cum sensui manifestè pateat, sub ore brevem quandam proboscidem pendere veluti Mentum, à cuius extremo perforaro ex delato illuc glutinoso succo à sericis ductibus exprimitur.

Filum seu stamen, quod unum, hocque perpetuò continuum, excrit Bombyx, diverso ritu interfecit; nam animal dimidium corporis, hoc est, extremam alvum immobiliter figit, dum grandioribus pedibus tensa jam stamina apprehendit, & tunc reliquo corporis, capite præcipue, continuatis compressionibus, stamen ab interioribus rrahit: ubi verò ulteriorem optat progressum, mutatis sex anterioribus pedibus, quorum unguibus, staminibus applicitis, corporis moles suspenditur, caput antèrè protrudit, cuius vario motu circumducitur stamen, diversæque figuræ describuntur; ut plurimum tamen *spirales* sunt, vel saltem ad has proximè accedunt. Harum specimen hic habetis ex contextura quadam à Bombyce sub tersam vitri laminam efformata. His repetitis circumductionibus, quæ propria latitudine humanum non excedunt unguem, tota folliculi fabrica perficitur, quæ exterius hac terminatur figura. Peragitur folliculi textura quasi per triduum, vel saltem per biduum, juxta Bombycis robur, prægressam cibationem, aerisque ambientis temperiem. Hujus compaginata substantia non undequaque sibi similis est; nam exteriora primæque filamenta, quæ aliis fulcimento fuerant, nullam colligantiam stabilèmq; connexionem habent, & eam folliculi portionem constituunt, quæ vulgò *pilum* dicitur, & apud aliquos inutilis lanugo. Plures autem sunt partes, quibus intimè compaginatur folliculus; nam in sex laminulas dividi potest, hæque non uno pollent colore, juxta scil. portionem & naturam succi, quem diversum in sericis vasis contineri diximus; quare prima operis die exterior folliculi, mollis tamen, textura habetur; subsequente autem die novo expresso succo diversæ adduntur

Tab. 7. Fig. 3.

Tab. 7. Fig. 4.

duntur laminae, & reliquo tridui postrema valdeque friabilis additur textura, dum interim resiccato stamine solidior redditur folliculus.

Singulus Bombyx ut plurimum folliculum sibi parat; interdum tamen *bini* circa unius tantum folliculi fabricam satagunt, unde ex filamentorum implicatione impossibile est, servata staminum continuitate, ipsum retexere. Hujus crassities dupla est, & duodecim circiter laminulis constans; interius nullum adest septum, sed una tantum concavitas; exterius parum diversa à mox descripta folliculi forma gaudet, cum ferè semper depressior sit, & latior, geminis quasi juxta se positis folliculis coagmentata: Oblonga, papyri instar, loco folliculi observatur contextura, quæ quadrangularis est. Non rarò superveniente hyeme Bombyx, in se ipsum retractus, nullo edito stamine, in *Aureliam* immutatur.

Tab. 7. Fig. 4.

Inclusi intra folliculum Bombycis serica intestinula, proprio exhausto humore, non parum detumescunt, licet aliquid etiam succi supersit. Tracheæ vasa minùs turgida redduntur, & intestinula, à ventriculi fundo orta, Aurantiorum colore perfusa vigent. Cor cræbris pulsationibus ab imis ad superiora movetur; reliquus corporis habitus contractior redditur, & rugosus, ita ut singulorum annulorum latitudo in arcum flectatur, & parum etiam superioris cavum subintrèt; unde excitatæ rugæ, sicut & ani appendices, purpureæ redduntur.

Peracto triduo, absolutæque folliculi fabrica, Bombyx (contractus tamen) per longum decumbens quiescit: externus ejus color ex carneo vitellinus redditur; violacea quædam linea ad situm tracheæ orificiorum tranflucet; & triangularis illa macula, in supina dorsi parte, in primo, secundo & tertio annulo excitata, purpurea quidem, sed dilutior, redditur; ungues, quibus pedes armantur, intro retrahuntur; crura gracilescunt, ut externa tantum tegumenta remaneant; & patula olim tracheæ orificia angustiora redduntur. Interius tracheæ vasa plumbeum colorem serunt, in extremitatibus autem argenteum. Ventriculus exinanitus, parumque depressus subsidet, subflavo suffusus colore. Testes ampliores redduntur, eorundemque vasculum patentius redditur. Omenti ductus adhuc florent, & ubi tracheæ ramis irrigantur, roseum acquirunt colorem. Ventriculi pariter vascula partim vitellina redduntur; singula tamen varicosa. Cranii cavitas aquosa & subflavo refertur succo, crassumque & densum sub Bombycis corio lateat involutum. Intra quatrimum tandem, quo tempore Bombycis cor tardè movetur, corporisque moles angustior redditur, discusso exteriori corio, (senectæ instar) *Aurelia*, quasi novum animal, emergit. Expoliatio completur spatio minuti unius horæ cum decem secundis, hacque ratione (ut forte mihi videre contigit,) primò; celerimus est cordis motus, totius corporis habitus convellitur, ita ut singulæ circulares segmentorum plicæ emergant, & ex transversali laterum constrictione externum corium ab interiori separetur; unde impetu facto, propulsa insigni corporis crassitie versus caput, senium deorsum repellitur, & tracheæ portiones à propriis exterioribus orificiis, divisæ rapiuntur unà cum senio, quod tunc deponitur. Interim ex motu scissura excitatur in dorso prope caput, per quam reliquum cor-

H

poris

poris exit, retracta sensim deorsum senectâ versus anum, juvante non parùm flavo quodam ichore, è cranii cavitatibus erumpente, ità ut libera appareat *Aurelia* seu Nympha.

Dum exit Animal, antennæ crassiores & mucosiores à reliquo *Aureliae* corpore sejunctæ, præter implantationem, à binis cranii cavitatibus eruntur; ubi revoluta ipsarum productio eundem occupat situm, qualem mandibularum bini olim Musculi. Alæ pariter, & crura, suis terminis circumscripta, apparent; hæc à situ anteriorum in Bombyce pedum extrahuntur, illæ verò à lateralibus dorsi partibus, quæ olim purpureæ florebant. Hæc verò exaratae partes quoniam adhuc mucosæ sunt, hinc est, quòd invicem de facili hærent, & sensim siccassentes ità arcè uniuntur, ut unum videatur indumentum, quod *Aureliae* speciem exhibet. Quare cum hæ partes sint *Papilionum* propriæ, ipsorumque usibus destinatae, videtur *Papilionum* natura citius, ac vulgò creditur, emergere, aliisque radicari; cum in Bombyce, ante folliculî texturam, Alarum inchoamenta, sub secundo & tertio annulo latitent; antennarum etiam delineationes in Cranio fiant, & expleto folliculo, proprio gaudeant termino: Nec incongruum erit dubitare, novum *Aureliae* vitæ genus non-nisi jam geniti *Papilionis* larum & velamen esse, ut nequaquam excitatus vel percussus exteriorum injuriis fictè firmetur, & adolescat, quasi scetus in utero.

Excitatae mox *Aureliae* configuratio, præcipuè exterior, rimanda se se objicit. Corporis extima figura ferè Ovalis est, segmentis seu annulis, per transversum ambientibus, constans: Ventris medium parùm protuberat: versus caput & anum sensim decrescit, ut extremâ alvo in acutum definat; ut Icones demonstrant. In superiori dorsi parte suprà secundum & tertium annulum extenditur quoddam corpus *A* parùm eminens à reliquo corii, quinque obtusis angulis constans, unde *Umbonis* speciem habet. Hoc communem cum reliquo exteriori involucri substantiam sortitur, quæ tamen rectis fibris, copiose per transversum ductis, parùm exasperatur. Suprà Umbonem hunc (ut ità dicam) situs adest reconditi capitis *B* à lateribus descripti corporis exortum trahunt eminentiæ binæ *C*, quæ deorsum productæ, & circa anum ventrem extensæ, & revolutæ, postremum ibi sortiuntur finem. Hæ frequentibus per obliquum ductis fibrulis, alarum compagem denotant, reliquum dorsi octo compaginatur annulis, qui reflexa quadam plicabili substantia continuantur; ipsorum color aureus in principio, sensim tamen saturatior obscuriorque redditur, & perpetuò linea quadam, quasi Citria, dorsi longitudinem designat.

In prona ventris *Aureliae* parte plures observantur in superiori corporis regione parùm protuberantes: Etenim, quæ ultra medium ventris occurrunt, latioresque sunt, alarum *C* extremitates constituunt, quas à dorsi lateribus enasci diximus: quæ verò his proxime emergunt, à summo corporis exortæ, deorsumque lateraliter productæ, antennarum *D* sunt inchoamenta; prope harum exordium prægubrant bini monticuli *E*, quæ *Papilionis* larantia labia indicant, reliquæ verò inferiores excrecentiæ *G*, crurum divaricatorum progressus exhibent. Reliquus venter sex distinguitur annulis, nullumq; sexuum vestigium exterius

terius emergit. In lateribus stigmata, olim tracheæ patula orificio, adhuc supersunt, non tamen hiantia.

Dissecto corio, seu potius peculiaribus concavitatibus, quæ singularum partium inchoamenta continent, iis præcipuè in locis, ubi tumores mox descriptos adesse diximus, cinereus quidam turbidusque ichor erumpit: exarata enim quælibet particulae membranis quibusdam, veluti sacculis, qui partium configurationem possident, constant, ipsarumque cavitates humore quodam replentur, qui, propria concretionem, contentarum partium soliditatem, unâ cum ipsarum natura, manifestat. In interiori ventre adhuc superest vestigium Sericorum intestinulorum, si præcipuè flavo scateant succo. Ventriculus parum contractus & rugosus apparet; ejus color in medio roseus est, in lateribus autem diu elixatam carnem æmulatur; interius concreto quodam succo, mellis instar, abundat, qui nullo adhuc pollet sapore: circa ipsum tenuia intestinula, seu vascula olim crocea producuntur, propria & antiqua servata figura, & Vitellina redduntur. Cordis motus uplurimum à superioribus ad ima perpetuatur, rarus tamen. Testes hinc inde medium ventris occupant, propriumque manifestatur vasculum, quod Lymphatico persimile est. Adiposi ductus ultra propriam albedinem parum rubedinis referunt. In interiori corii parte, exporrecti adhuc perlongum Musculi observantur; contigui enim annuli, quibus Aureliæ corpus compaginatur, non ita uniuntur, ut rectam designent lineam, sed intermediis plicabilibus & revolutis intro incisuris connectuntur, ita ut inferior annulus superioris segmenti cavitatem subintret; quod Musculorum ope contingit. Nam ipsorum fibræ exordium sumunt à superiori annuli parte, & deorsum deductæ in subsequenti portionem inferuntur; unde, quotiescunque Musculi tensi manent (ut in Aurelia accidit) necesse est, ut annulorum binæ partes, quibus Musculi affiguntur, parum sibi invicem approximentur, & ita retracto sursum inferioris annuli principio, secum etiam intro revoluta rapiatur annuli extremitas.

Aurelia configuratio hucusque ruditer Vobis expressa, temporis progressu mutationes subit, donec *Papilio* manifestetur. Diurnum enim decem spatio, æstat; autumnio autem & hyeme, mensis unius curriculo successivæ perpetuantur dispositiones. Quare externus corporis color saturatior in dies redditur, cum circa caput, caudam, & per longum dorsum, exticatorum Aurantium cortici persimilis color emergat; quin & tractu temporis inferior & reflexa quælibet annulorum portio, zonæ instar, eundem referat colorem, reliquum verò corporis, venter scilicet & latera, vitellinum diu teneant colorem.

Externus habitus pilis subflavis condecoratur, à quorum radicibus, vigente aeris calore, sudoris guttulae erumpunt. Annuli, quibus Aureliæ corpus constat, solidiores sunt, & quasi cartilaginei. Alæ, antennis & crura propriis involucriis contenta, extra sentim protuberant, & manifestiora fiunt, & ex superius descripto mucoso succo, postremo conerescente, ipsorum soliditas, & species emergunt: Dum proximè etiam proditurus est *Papilio*, nigrae quædam maculae circa caput observantur, quæ latentis oculos indicant.

Inte-

Interiora pariter immutantur. Tracheæ rami, amisso annulorum vigore, molliores redduntur, ita ut in seipfos collabantur, & ex plumbeis argentei fiant. Ipsorum etiam tunicae vulgarium serpentum exuvias æmulantur, cum minimis quasi squamulis componi videantur. Tracheæ exterius orificium occluditur, ut aeri non amplius pateat ingressus. Omenti reticulares plexus subpalcares fiunt, ipsorumque membranæ non parùm lacerantur, ut amissa propria continuitate, reliquam pinguedinis, hocque exiguum, quod in tam longa inedia non est absumptum, agrè contineant; cum universa hæc moles in frustula contrita videatur. Ventriculi moles ætior & brevior redditur, ut quasi delitescat: Nam primò ipsius tumor parùm deprimitur, deinde retractis fibris rectis, ejusdem longitudinem firmantibus, abruptitur oesophagus, & ita superior ventriculi portio deorsum retrahitur, reliqua verò, inferior scilicet, versus ventris medium ascendit, nullumque subsequendum ventriculorum seu cavitatum remanet vestigium, cum sortè in ductum, & vesicam, mox exponendam, absumatur. Ventriculi figura varia succedit, ex diversa contenti succi natura, & fibrarum carnearum retractione; nam ipsius membranæ extra fibrarum colligantiam eminent, ita ut ventriculus crispus rugisque repletus appareat. Quæ tamen frequenior accidit, illa est, quam proposui, in qua *A* situm superioris oris designat; *B* verò inferioris ventriculi color varius contingit; nam hic a laticante intus succo emanat, unde ipsius tunicae, primis Aureliæ diebus, carnei coloris, diluti tamen sunt, mox rosei; deinde *pyropam* æmulantur, & tandem cyrenum, si in longum plus justo protrahatur Papilionis eruptio. Consimilis etiam succus in ipsius cavitate luxuriat, qui primò mellis colorem & firè consistentiam possidet, nulloque pollet sapore; mox rubicundus efficitur, & solidior, & interdum amaritiem acquirit; non raro etiam liquatur, & in humorem persimilem ei, qui in exponenda inferius vetrica colligitur, abit.

Ab extremo Ventriculi *B*, crocea pendent vasa *C*, seu intestinula; hæc contento succo diu turgent: mox vitellina, & tandem quasi lactea, ex stabulante intus sanioso quodam humore, qui tamen singulas ipsorum partes non inficit, cum quedam vitellina adhuc vel subcrocea perseverent, ex nondum immutato contento ichore. Ipsorum figura vascosa redditur, & hinc inde eminula tubercula emergunt. Hiant vascula hæc in longum quendam ductum *D*, ab imo ventriculi productum, in prægrandem quandam membranæ vesicam *E*, humiliorem alvi partem occupantem. Hic igitur ductus exporrectus, & latus, peristaltico quodam motu insigni pollet; unde lacteum humorem quasi sanguinis finem, quem a continuatis vasculis *C* perpetuò recipit, successiva suarum partium constrictione ita agitat, ut mirum reddatur spectaculum; interdum namque exaratus humor successivis pluribus constrictionibus deorsum in vesicam exprimitur; modo iterum sursum abigitur versus ventriculi fundum, ita ut perennis fiat fluctuatio; tractu tandem temporis, saniosum hoc excrementum in vesica *E* recolligitur. Hæc pin figuram habet, mole insigni pollet, & perpetuò excrementis scatet; ejus substantia membranæ est, & exterior

exterioris mirum in eminentiis, quasi papillis; exasperatur. Duplex videtur excrementum, hac vesica contentum; aliud etenim saniosum est, & quasi cinereum, quod perpetuo vesicæ fundum occupat & excretum tabis instar concrevit: alterum autem saturato & molle pollet colore, & semper supernat, etiamsi summa agitatione confundatur cum succo confocio. Hæc excrementosa materia, per alvum excreta, ita linteamina & tabulas inficit, ut perpetua subsit macula. Ab hac vesica alter erumpit ductus *F*, qui in anum hians hujusmodi excrementis viam parat: membraneâ pariter constat substantiâ, eaque molli, ut non parùm etiam extendatur.

In foeminis, primis diebus, quibus Aureliæ forma emergit, Ovarum inchoamenta erumpere & manifestari incipiunt; horum substantia, inter primordia, mucosa est instar concreti nervei succi, cinereum ferens colorem, mox sulphureum: Ipsorum magnitudo inæqualis est; etenim cum multiplices sint (ut infra explicabitur) Ovarii tubæ, hæque veluti oblonga intestina, in communem commeatum tendentia, ideo Ova, quod magis ab hoc communi ductu distant, eò minora redduntur, proportionali servato ordine; ut in *Precaria corona*, quæ vulgò *Cavaliere* dicitur, observamus.

Perficiuntur, & augentur ova, ita ut ante novam Papilionis manifestationem singula ritè conformata reperiantur; licet interdum quædam imperfecta adhuc in tubarum extremitatibus deprehenderim. Observantur etiam, in imo alvi, vesicularum & globulorum quorundam inchoamenta, de quibus uberius infra dicitur.

Transacto exaratorum novem dierum spatio, vel interdum mense ipso, quibus sub Aureliæ specie Papilionis viscera firmantur, nova ejusdem succedit manifestatio, quam summo opere juvat ichor, inter Aureliæ corium & Papilionis cutem stagnans. Etenim excitata scissurâ in Aureliæ dorso (ubi *Umbonis* speciem extare diximus) &, circa caput & alarum implantationem, crebrâ pedum & alarum agitatione, qua hujusmodi à propriis extrahuntur sacculis, humectatâ Papilionis cute, & ibidem implantatis plumis, de facili excutitur *Aureliæ* larva, & manifestus erumpit *Papilio*; unde duplex *Senium* in folliculo subest, Aureliæ scilicet & Bombycis.

Papilio, libertatem adeptus, novam exoptans auram, folliculi claustra urget; ab ore itaque copiosum eructat phlegma, quo proximum folliculi acumen madescit; tum sursum elongato capite, urget, ejusdem texturam sensim laxando, & stamen ad latera diducendo; hocque capite, velut ariete, peragit, quousque datâ viâ erumpat anteriori corporis parte, quæ super externum folliculi corpus revoluta, fixatis firmiter pedum unguibus, extremum corporis, adhuc folliculo inclusum, extrahit, & ita novâ gaudens luce expandit alas, in finistris utplurimum circumvolutas & contortas, quæ sensim ex motu & aeris temperie eriguntur & vigent. Excrementum æruginosum impetu, & in distans ejicitur: Alæ, non elatâ è solo corporis machinâ, frequenter & celeriter dimoventur, & sonitus, quem *bombum* appellant, crebro auditur.

Mole differunt Papiliones, cum inter ipsos addit sexuum distinctio, ut ex pudendorum addenda historia patebit; unde *Masculus* minor est, gracilior item, & vegetior; alvi extremitas sursum in motu recurvatur; superiores ejusdem partes capiti viciniores, inapense turgent, & licet alis gaudeat, non tamen volatu fruitur. *Femina* oblongo pollet corpore, ita turgido, ut multiplices zonas glabras, transversum corporis ambientes, exhibeat, quæ nil aliud sunt, quam annulorum portiones, quæ olim in Bombyce in rugas contractæ sub annulis latitabant, & in Aurelia etiam sursum revolutæ, corporis molem breviorum reddebant; nunc verò, ut ingenti Ovorum copię locus detur, laxatis muscutorum fibris necessario venter elongatur, & ita in annulorum confinis glabræ hæ intermediæ patent zonæ.

Ut ipsarum verò singulæ, ut licet, pateant partes, attentius lustrandæ veniunt, Iconibusque manifestandæ; quare ab exteriori earundem habitu exordiemur. Harum corpus quasi ovale est; & si deplumetur, eam circumscriptionem sortitur, quam hic habetis: Ejus enim annuli circulares sunt, & qui medium ventris occupant, latiores sunt; reliqui verò versus extrema exporrecti archiores sunt; ita ut ovalis ferè confurgat figura. Caput habet *A*, exiguum tamen, in quo bini locantur oculi *B* (ut in consimilibus observatur) qui semisphæram multis segmentis distinctam exhibent; unde innumeri quasi intercepti assurgunt oculi. In suprema capitis parte antennæ, seu ignava cornicula *C* extenduntur, quæ insigniter foras eminent; eorum substantia sui generis est, & ferè ossæa, color ad castaneum vergit, figura verò filicis ramum æmulatur; etenim per longum articulatæ ad invicem succedunt quam plurimæ partes sensim decrecentes *D*, quæ satis proceræ, parùm deorsum curvantur, & trunci instar hinc inde curvos geminant consimiles ramos *E*, à quorum lateribus fusi exiguique pili pendent: superiorem verò trunci partem, pilorum & plumarum, quales in reliquo abundant corpore, ingens copia tegit. Hanc consimilem articulationem in reliquorum Insectorum antennis passim observamus, unde in singula ipsarum parte flexionis motus excitari potest.

Tab. 9. Fig. 1.

Tab. 9. Fig. 2.

Inter oculos ad extremum oris finem bina pendent, palcaris coloris, lata corpora *F*, quæ dum patula foras ex toto eminent, bubulum unguem referunt, & *Laborum* appellationem fortiri possunt. Hæc latiori sui parte oculorum lateribus hærent, & libera deorsum pendent; solent autem intus retracta corrugari; quo casu, diminuta longitudine, ipsorum latitudo amplior redditur: sponte verò Papiliones, vel compressi ventris torturâ foras exerunt, & aquam etiam fundunt, seu mavis, exeunti ab ore humori locum præbent. Inter radicem antennarum, oculos, & labia triangulare spatium; quo os completur, resultat, solis pilis hirsutum, nullaque forma extuberans. Motum habet caput ad latera, sursum, & deorsum, cum aliqualem habeat cum subsequenti thorace articulationem.

Proxima Capiti occurrit corporis portio, *Carneus* scilicet sui generis circulus, arcus tamen, seu membrana, quæ, dum exsiccatur, cartilagineis naturam acquirit; hæc cranium cum reliquo ventre continuat,

Collumque

Collumque emulati videtur. A prona hujus parte, ventrem constitutente, bina erumpunt crura *G*, quorum substantia cartilaginea est, & solida, & interius excavata, ut musculus sit locus (ut passim in *Cru-staceis* videmus.) Exarata crura *G*, sicut & subsequentiâ, quatuor habent insignes portiones ad invicem articulas, quibus postremò pedes *H* appenduntur, qui multiplici articulationum serie componuntur; quibus tandem bini adduntur ungues versùs interiora recurvi. Prima igitur crura *G*, capiti proxima, implantantur in ima primi circuli portione sub ipsis oculis, & deorsum quasi perpendiculariter elongata; primam articulationem sortiuntur, quæ insignis est; subsequens verò articulus sursum, ad exteriora tamen, diducitur, & exportigitur versùs antennarum implantationem, ubi articulatio subsequens deorsum reliquum cruris & pedis dirigit, ità ut ex vario partium cruris situ bini designentur trianguli: Hoc tamen peculiare in his primis cruribus observatur, quòd prima articulatio undequaque libera est, & ad extra divaricatur, reliquis autem subsequentibus binis crurum paribus ità arctè unitur propriis annulis, quibus connascitur, ut immobilis hæreat.

Subsequitur corporis pars, Thoraci analoga, à qua bina hinc indè pendent crura *I*, pari ordine locata: hæc à lateribus proni ventris orta, & interiora versùs deducta, primâ articulatione sibi occurrunt, reliquo autem eundem progressum habent, quem nuper descripsimus, in hoc tantùm differunt, quòd prima articulatio arctè hæret ventri, ipsique unitur: singula hæc crura brevibus plumis & pilis commodè teguntur, hisque albis, & candidis. Crura hæc motum reliquo corpori communicant, & his validè animal objecta apprehendit; undè necessariò non tantùm in cavis ipsòrum articulis latitant muscoli, sed etiam in pectoris cavitate, ubi implantantur.

Superior Thoracis pars, humeros emulans, hisdem excitatur annulis, à quibus exordium sumunt exarata crura; hæc eminentes quasdam habet particulas in Aurelia ipsa assurgentes, parùmque figura discrepantes: Etenim prope antennarum *A* implantationem, elata quadam circuli portio *B*, *Cerviçis* instar, emergit, sub qua (ut reor) crurum vel antennarum muscoli locantur: subsequitur scuti-formis quidam tumor *C*, cui alter quadrangularis appenditur. Hi omnes eadem annulorum substantia semi-cartilaginea excitantur, pilisque & pennis conteguntur. Sub his validæ & copiosæ fibre carnae, lutei coloris, conduntur, quæ totam penè hanc pectoris cavitatem replent, & versùs superiora diriguntur, & tandem recollectæ musculos efformant, qui alarum radicibus inferuntur. A lateribus scuti-formis hujus prouberantiz, non longè ab alarum implantatione, bini quidam processus *D* cartilaginei, deorsum inclinati, foràs erumpunt. *Alæ E*, seu, cum *Aristotele*, pennæ, non longè à descripto dorso & in Umbone implantantur: binæ hinc indè sunt; superiores *F*, quæ ab humerorum apice erumpentes ad latera extenduntur, & ampliores sunt; reliquæ verò *L*, humiliorem situm versùs pronam pectoris partem occupant, & minori pollent latitudine, singulæ solidioribus quibusdam componuntur gracilibus & oblongis partibus *M*, quæ cæteris firmitadinem præbent; earumque

Tab. 3. Fig. 3.

Tab. 3. Fig. 2.

carumque substantia quasi ossea est: hæc, arborum vel plantarum more, à quodam communi quasi trunco pendent, qui alarum radicem firmat, & ulterius productæ dislociantur, & alias ulterius germinant fibras, quæ ad alarum extremitatem exportectæ obliterantur, spacia verò inter solidas hæc fibras suborta tenui quadam & quasi diaphana replentur substantia, quæ specularem lapidem æmulator; unde ex his omnibus alarum confurgit expansio, ipsarumque levitas. Tota alarum moles undique pennulis, seu plumis, tegitur; foramina etenim determinato ordine per transversum observantur, in quibus exiguae pennæ inferuntur, quæ ex levi tamen manuum contrectatione decidunt, unde hujusmodi alæ *farinaceæ* dictæ sunt.

Reliquum papilionis corpus, ab alarum implantatione usque ad alvum, octo compaginatur annulis seu segmentis, quæ molli adhuc substantia succini colorem referunt, pilisque & pennis conspersa constant. Horum portio (ut superius tactum est) denudata pilis, sursum reflexa in masculis latitat, in feminis autem Ovis turgens, unà cum annulorum reliquo foras emipet.

Tab. 3. Fig. 4.

Ventris extremitas ob pudendorum varietatem diversimodè terminatur; etenim in masculis ultimus annulus *A* in prona ventris parte cartilagineus, seu potius ossis est, & versùs alvum in Appendices quædam *B* lancinatur. A postremo hoc annulo membrana quædam gilva pendet, quæ sensim acuminata osseam pudendi & ani machinam ambit & continet, sicque ventris cavitas clauditur; hæc instabilis est, & ad libitum, dum præcipuè facibus datur aditus, quæ anus componitur, & penis custoditur, mirabilis est. Ut autem hujus singula pateant, papilionis venter digitis ità comprimatur, ut extremus tantum annulus cum erumpente sexu liberè pateat, & tota Papilionis corporis longitudo perpendiculariter pendeat, illico occurrent bina hinc inde corpora in gyrum horizontaliter ducta, quæ in prona *B* ventris parte orta, lateraliter sursum producta, sensim graciliora reddita incurvantur, utraq; prominent, velut insignes unguis, vel rostra; eorum color flavedinem refert, substantia verò, in basi præcipuè, solida & ferè ossea est: hoc tamen interdum observavi, quod dum vi Papilio ipsa adunca reddit, non tantum mutari radicis situm, sed mediam & quasi acutiorem ipsorum partem flecti, & curvari quasi articulationem haberent.

In medio spatii, ab his descripti, & circumdati, osseum quoddam, velut flos *C*, locatur corpus, quod in superiori regione, hoc est, in extrema parte foras erumpente, retortis sinibus *D*, patens os exhibet, anique *E* extremum custodit orificium. Pluribus ossiculis constatum dicereis gibbum & convexum hoc corpus, si compaginationes, rimulasque attenderetis. Interior hujus cavitas tenui & gilvâ membranâ investitur, quæ parum acuminata in modum intestinuli, extremum anum *E* constituit; unde ad animalis libitum exeritur, forasque propellitur. In primo rostrorum exortu *A*, ubi in *B* se contingunt primæ ipsorum productiones, convexa quædam substantia *F*, Umbonis instar, continetur, vel quasi pharetræ: Hæc propriâ subflavâ investitur membranâ, intusque altulam *G* custodit, quæ interdum

dum foras exierit, *penisq*; veram refert naturam. Situm igitur habet penis inter extremum ossium annulum, qui pronam ventris partem cingit, & anum qui osseo sepimento fulcitur: ejus cannula ossea est, sui tamen generis, ortumque habet inter apophyses, seu extrema pharetræ, mox descriptæ, intra tamen ventrem condita. Hujus radix *A* Tab. 10. Fig. 1, 2. modicè arcuata est, & ejaculatorio vase, à parastatibus *B* seu asservantibus tendente, arctè pectitur, ita ut *penis* videatur ejusdem continuari vasis extremitas. Torus Cannulæ seu fistulæ ductus perforatur, ut exenti femini pateat via. Circa ipsam plicabilis quædam tunica *C*, veluti præputium, ludit, inferiorem præcipuè partem investiens. Superior penis astula extremitas sensim gracilescit, & tandem sub specie solidi acuminatæque rostri *D* desinit, quod versus superiora recurvatur. Ab hac eadem parte, quæ versus humum dirigitur in Papilionis inaccessu, proportionalis *glans E*, qua penis extremitas ornatur, erumpit: Hæc interdum turgida, & tuberosa redditur; tribus autem carunculis *F G H* non raro inflatis componitur, quæ rugis & foveis asperæ redduntur; harum prima *F* cum reliquis rudem efformatura triangulum, apice suique acutiore portione ab astulæ mucrone *D* penderet, & sensim latior effecta, trianguli partem efformat: sub ipsa, hinc inde binæ assurgunt excrescentiæ carnes *G H*, quæ ab osseæ cannulæ cavo emergentes ad latera erumpunt, & acuminatis finibus *I K*, veluti rostris, versus penis tergum parum revolvuntur, ita ut hujusmodi *glans*, floris instar, apertis & revolutis tribus foliis compaginetur. In medio harum meatus conspicuus *L* hiat, per quem semen emittitur.

Papilionis penis frequenter exierit, & extra eminet more animalium, quæ averso corpore coeunt; etenim Glans penis, versus ultimum corporis directâ, dum ulteriùs horizontaliter movetur, ultra extremum alvi exporrigitur, ejusque motus *spiralem* quasi designat lineam; nam vibrata penis astula revolvitur, ex quo probabile est, binos mûsculos, quibus penis foras exierit, *spiralem* insertionem habere, uti in *pici* lingua, ut exeratur, observare est.

Parum abhincilem *Penis* structuram in id genus Insectis aliis observamus. In vulgari Papilione recurvus unguis *A* extremum ventris terminat, à cujus basi *B* bini acuminati processus erumpunt, inclusum autem spatium è membranoso sacculo *C*, in extremum anum desinente, occupatur. Non longè ab appendicibus *B*, penis præputium *D* inseritur, à quo emergit ejusdem astula *E* cum propria glande; hæc autem peculiari quadam vaginâ *F* custoditur, quæ exterius pilis & plumis tegitur, interius concava est; & cum duplici constet parte, hinc est, quod de facili, dum coitum est animal, hinc inde diductis & apertis partibus, penis est in propatulo. In *Cicadis* etiam seminis, eadem pudendi conformatio anum ventris occupat: In his penis *A* binis constat ossibus, quorum extremitas, pluribus eminentiis aspera, glandem *B* conligit; custoditur autem vaginâ *C*, quæ & ipsa in binas aperitur partes non longè ab ano *D*.

A masculino pudendo ad foemineum transitum faciam. Ventris extremitas, annulo *A*, qui in prægnâ sui parte osseus est, completur; Tab. 11. Fig. 3. ejus

ejus forma lata & per-ampla est, pilis & pennis tegitur. Ab hoc annulo complicabilis pendet membrana *B*, quæ sensim angustata osseo quodam circulo *C*, angustiori tamen, circumambitur. Hic tribus lamellis ossis constat, in gyrum ductis, quibus ultima alvi custodia paratur. Inter dictos annulos *Vulva D*, quæ saturatori pollet colore, & solidiori etiam substantiâ: Ejus forma semi-lunarem concham, vel apertum calicem æmuletur, & in profundiore sui parte scissuram *E*, qua penis admittitur, habet. Extremi tandem ossi circuli spatium a membrana quadam tunica occupatur: hæc statò tempore ad animalis libitum, vel fortiter compressa alvo, ita turgida redditur versus imam ventris partem, ut foris eminens protuberantias *F* quasdam efformet, Cotonei pomi speciem referentes. Ab harum medio bini crumpunt ovales tumores *G*, qui pilis conspersi, intermedie scissuræ *H*, anum efformanti, locum præbent; unde probabile est, interius communem quandam cavitatem adesse, (velut in *pennatis* accidit) qua ulimò facès, & ova, mox per anum exitura, parum detineantur. Observandum tamen, ani foramen superiora versus dirigi; quin & monticulos *G*, quibus custoditur hujusmodi scissura, non ita facile lustrantibus imam & pronam ventris partem patere.

Externum Papilionis habitum hucusque descriptum pennis & pilis tegi diximus. Pennarum configuratio illa est, quæ parum in grandioribus pennatis apparet; astulâ enim *A*, cuj calamo, firmantur, qui sensim gracilescens, hinc inde plumas *B* appensas habet: Hoc tamen peculiare in hujusmodi pennis observatur; ab ipsarum scil. extremo confinio aliquas prominere proceras plumas *C*. Non eandem fortuntur magnitudinem, ut in consimilibus passim observatur; sed aliquæ proceriores oblongâ firmantur astulâ, reliquæ verò brevi; illæ ab extremo alarum limbo pendent, & pilis promiscuè habitum corporis tegunt; reliquæ verò alarum expansas cartilagine coeperiunt.

Consideratis exterioribus, interiora pandenda veniunt; quæ cum multum mucositatis habeant, arctèque tracheæ vasculis implicentur, difficilem ipsorum indaginem reddunt.

Laceratâ itaque cute, & annulis, quæ totius corporis operimenta sunt, dubitandum occurrit, an altera subsit membrana, cum inter-dum ipsius vestigia deprehenderim: Et in naturæ peni tam ferax est membranarum proventus, ut nil copiosius in animalibus observetur. Certum tamen est, carneas illas fibras, quibus universum retrahitur corpus, adhuc extare: hæ corporis longitudinem excurrunt; nec obliquo vel transversalium vestigia deprehendere potui.

Hinc inde in lateribus ab interiori cute pendent tracheæ rami, qui ad singula viscera diramificantur, in seipos ita collapsi, ut circum-lorum loco minimis-quasi squamis compaginentur. Ventriculus, & intestina olim crocea adhuc observantur; qualia in Aurelia descripsi-mus. Medium dorsi, bini testes *M*, ampliores redditi, occupant: Hi fascolorum figuram æmulantur, & à quam-plurimis tracheæ ramis gibba ipsorum pars contegitur. In concava sui parte vascula *N* emittunt, quæ versus extremum alvi producta, sensim laxata, & in apo-physes

phytes *B* extensa parastatarum, vel saltem asservantium usum supplent. Hæc ulterius sub vasorum specie elongata, ejaculatoria vasa constituent, quæ in unum ductum desinentia, ad penis radicem postremo deducuntur, & ita femini in testibus producto via patet in asservantia, ab his, in penis meatum.

Testes adulto jam Bombyce emergunt, in Aureliæ statu permanent, & auctiores redduntur, & postremo impensè contento semine itaurgent, ut soli vigeant, propriaque mole cætera viscera, jam sensim cada-verata, superent: Horum color palearis est, dilutus tamen, substantia verò friabilis, & mucosa.

Fœminarum ventris cavitas *Ovario* contiguisque visceribus repletur, ita ut ipsarum moles impensè emineat. Ovarium productio quædam intestinalis est, exortum habens ab extremo ano; membraneâ constat substantiâ, quæ de facili extenditur, & corrugatur, multumque roboris possidet. Hujus truncus *A*, in anum desinens, minoris unguis latitudinem æquat: dum interius procedit, in binos dividitur ramos *B*, qui ulterius parum producti, singuli in quatuor æquè oblonga intestinula *C* subdividuntur, & tandem unitis extremitatibus, ad centrum ventris reflexi, ultimum habent terminum. Horum quilibet in tota sui expansione consimilis est, & longitudinem Indicis æquat. Consimilem structuram in *Carabo*, & aliis etiam, deprehendi; illud tantum discrimini intercedebat, quod ovarii fines seu rami, ubi ova gignuntur, & detinentur-usque ad debitum tempus, numero copiosiores erant, breviores tamen, ita ut quatuor tantum ova tubæ seu ovarii ramum occuparent; quod in *Cicadis* etiam accidit. In Locustis autem copiosæ sunt ovarii productiones, sed singulæ unicum tantum ovum continent; in nostris autem Papilionibus sexaginta, & ultra, ova *D* in singulo exarato ramulo *C* continentur. Tubarum interior cavitas ovorum generationem & comineatum promoveret; in octo enim elongatis uteri productionibus *C*, ova exortum & incrementum habent, & ad statum usque excretionis tempus detinentur; quo apparente, sensim per contiguos geminos ductus *B* in ultimum *A*, velut in communem truncum exonerantur, & ita ovorum foetura succedit. Ovarii tubæ, tunicis conflatae, vasculis copiosis, ad modum retis implicitis, irrigantur, à quibus probabile est ovorum materiam decidere; ut in uteris Gallinæ non improbabilius veremur. His adduntur evidentes tracheæ rami, quibus non tantum ipsarum extremitas firmatur, verum & totus progressus irrigatur. Motum habet ovarium peristalticum; patenter enim impetu quodam retrahuntur ipsius partes, & præcipue truncus prope anum, unde probabile est, fibris (velut in quadrupedum intestinis accidit) donari, cum ejus corpus maximè ibidem crassius existat.

Plura circa ovarium natura locavit, quæ, cum in ipsum hient, hic pariter exponenda veniunt. Ovarii truncus *A*, antequam binos promat ramos *B*, oblongo cuidam corpori *E* nectitur, cujus interior cavitas cum trunco *A* pariter communicat. Corpus hoc *E* colorem & substantiam quasi nerveam possidet, & aequaliter solidam; ejusdem figura variat, interdum enim bina ovalia corpora *F*, arctè invicem conti-

contigua, præcipuam huic corpori molem præbent; interdum tamen unus est ventris, piri vel oleæ fructus speciem referens. Huic *F* perpetuò additur alterum rotundum modicèque latum corpus *G*, ovalis pariter figuræ, quod altera extremitate cæcas quasi radices promit, in imo ventris conditas; alterâ autem extremitate colum seu ductum emittit, qui unicus portioni ovalium corporum *F*, communem pro exaratis sinibus canalem *H* efformat: hic autem in ovarium hians absumitur, unde lentus humor, hujus visceris ope recollectus, in ovarii truncum exprimitur.

Ab opposita Ovarii parte, versùs tamen anum, aliud pendet corpus *I*, majoris tamen magnitudinis; hoc globosum est, & colore figuræque Occidentalem margaritam æmuletur.

Duplicem ductum habet, alter enim brevis & latus *K*, qui tendit ad radicem extremæ ossæ coronæ *L*, ubi in excitata ossæ concha Vulvam hiare diximus: aliud autem colum *M*, quod longius est, Ovario appenditur, ibique aperto ore definit. Corpus hoc *I* interius habet configurationem: non enim sacculi instar ipsius concavitas laxatur, vel aperitur, sed lacerata exteriori tunica, quæ margaritæ superficiem imitatur, globulorum *N* quinque & septem ut plurimum racemus emergit, qui pedunculo communi *O*, huicque perforato, appensus, elongatus ulterius ad Ovarium *M*, & ad foemineum pudendum *L*, propriam sortitur structuram.

Tab. 12. Fig. 2.

Interior cavitas mucoso quodam, perisimili pitisanæ hordeaceæ, succo refertur; quare cum in hanc, ut inferius patebit, immisso penè, semen ejaculetur, ibidemque detineatur & foveatur, illam *Uterum* esse credidi, a quo semen cum commixto succo sensim (ita enim probabiliter reor) per proprium ductum *M* pertranscuntibus ovis aspergatur; unde subsequentiis observationibus firmare placuit non semel conceptam conjecturam. Papilionis foemina, quæ masculi concubitu fecundata, ovorum foeturam incoeperat, ventrem aperui, & ovarium unâ cum contentis ovis, reliquisque adjacentibus visceribus extraxi, ut præstò essent pro eliciendo *lcone*. Singula igitur ova, in tubis contenta, parùm compressa, sulphureisq; coloris, & consequenter infœcunda permansere; ovum autem, quod in ovarii trunco prope Uteri hiatus hærebat, turgidum & violaceum statò tempore rotdiquum permansit, utpote fecundum. Quid simile etiam miratus sum in sponte diu defuncta papilione, cujus ventrem, cum plus jussu turgidum intuerer, dissecui, & tota ovis copiose scatebat: Non longè ab ano, in extremo ovarii trunco, quædam aderant ova violaceo perfusa colore, qui transacto certo temporis spatio indui ab his solet tantum, quæ fecundata jam sunt: Interior conspuratus ovarii truncus in tumorem assurgebat. Dum igitur fecunda abstuli ova, ea successit intestinulum, farciminis instar, ex concreto quodam succo, in quo occludebantur quædam ova violacci pariter coloris, affusum vero corpus, ex substantiæ modo; colore, cæterisque accidentibus, semen ab utero eructatum, ibique præter naturæ legem concretum conjeci, cum in exteriori Vulvæ orificio eundem deprehenderim succum; & in Masculis etiam ab extremitate *utera*, in spiram circumvolutum perisimile semen pendere viderim. Quare ex his venis sum,

ovorum productionem absque masculi ope, ut in Gallinis accidit, peragi; ipforum verò fecunditatem ex asperfo masculino semine, jam in utero recepto, subsequi, dum singula ova à tubis decidua ovarii truncum subeunt, in quæ semen, jam utero conditum, aliæque ab adjacentibus visceribus eructantur. Et ut elicita jam conjectura sensatis, prout licet, firmaretur observationibus, alia molienda duxi. Ova igitur scemellæ, quæ masculum diu admiserat, ipforumque foeturam inchoaverat, è ventre extraxi, eaque ovarii tubis, quibus continebantur, libera reddidi, illa tantum custodiendo, quæ adhuc tubis contenta ovarii truncum non attigerant, hæc ad statum tempus servavi: In his itaque primævus & natus sulphureus color perpetuò duravit, quin & gracilia reddita sunt, emergente insigni quadam foveâ in ipforum medio, & exhausto ut plurimum humido, arida quasi omnia permanere, quod subventaneis ovis familiare est; postremò ova hæc blando virginis calore & æstatis temperie foras, nunquam Bombycem edidere. Ut rursus evidentius & propius rem attingerem, Papilionis ova subventanea, expresso ab utero semine, vel ab aservantibus masculinis aspersi, ipsaque statò tempore fovenda curavi; sed cum ipforum color sulphureus perpetuò durasset, infœcunda permanere: At maxima sanè fuisset experiendi felicitas, si juxta præconcepta successisset. Consimilia interim vestræ sagacitati committo, dum reliqua ovario adnexa viscera perlustro.

Prope igitur extremum ovarii *A* finem, oblongam & insignem locavit natura vesicam *P*; hæc imam alvum occupat, & per transversum locata ovarii truncum superequitat, longisque productionibus ad latera elongatis, moxque reflexis versus extremum ventrem, cæcis quibusdam radicibus suos fortitur terminos: Ejus substantia membranæ est, tenuisque texturæ, unde de facili frangitur, & diaphaneitatem aliqualem præ se fert. Ejus forma, bina Brutorum uteri cornua unita, absque Uteri intermedio corpore, amulatur; oblongum enim intestinulum, vel vesicam, qualis in piscium ventre observatur, præ se fert, & modò extuberat in globulos, modò in formam vasis coarctatur, & tandem extremis sinibus in cacos absimitur ramulos. A centro hujus vesicæ, ubi *scil.* eadem ovario incumbit, canalis quidam *R*, brevis & arcus, eadem vesicæ tunica excitatus emergit, qui in subiectum Ovarium hiat. Repletur oblonga hæc intestinalis vesica *P* aquoso quodam & diaphano humore, qui aliqualem possidet amaritatem, & per exaratum colum *R* in ovarium dirivatur. Laterales hujus vesicæ productiones, hinc inde ab ovario locatæ, sibi invicem communicant, cum pars supra ovarium cubans nullo polleat septo, unde compressione media contentus humor omnes pervadit productiones vesicæ, quin & fortiter compressis singulis vesicæ particulis nullus erumpit humor per cacos *fin.* *Q*, sed totus per ductum *R* in ovarium exinanitur. Parum ab-similem structuram in *Locustis*, *Carabo*, & aliis observamus. Contenti humoris naturam tentaminibus assequi mihi non licuit ob ipsius paucitatem; interdum tamen suspicatus sum, naturam hunc liquorem ad majorem affusi feminis penetrationem, vel ad leniendum ovorum exitum, vel saltem ad ipsa custodienda, parasse; cum constet, ova, dum in

L

lucem

lucem eduntur, parùm madida esse, mox exsiccata ita fortiter occurrere tabulae, linteis, & consimilibus, haerere, ut nisi affuso vino. diluantur, vel summà vi evellantur, nunquam à primævo dimoveantur loco. Nec multùm dissimilia refert Immortalis *Harveus*, quæ in parva *Scotiae* insula observantur; quædam enim ova, dum nascuntur, lenta quadam madent humiditate, quâ, veluti ferrumine, substrato faxo agglutinantur.

Avulso Ovario, cæterisque visceribus, ventris cavum occupantibus, occurrit Cor, longitudinem dorli excurrent, quod in Bombycibus jam vigere diximus. Eadem est omnimoda structura, quam superius proposui, si externum colorem motumque inversum excipias: Cordium enim tunicae, densiores factæ, amissa diaphanitate subroceum induunt colorem, undè in Papilione magis eminet cor, quàm in Bombyce: Motus etiam cordium, primis *Aureliæ* diebus acquisitus, adhuc perdurat, à superioribus *scil.* ad inferiora expressus, & successiva Systole succus propellitur. Nec ita constans est hæc naturæ femita, quin levi etiam ex causa varia reddatur, undè nil fortè inconstantius; tot namque anomalie in hoc cordium motu contingunt, ut fas sit, parumper Vos detinere eorum historiam, quæ sæpius observavi. Memini in Papilione motum Cordis (quod rarum est) ab inferioribus superiora versus me observasse; deinde tamen transacto brevi temporis spatio, mutatis carcibus, incepisse à superioribus inferiora versus, diùque durasse: In consimili Cor movebatur versus extremum corporis; cordium verò, superiorem corporis partem occupantium, diastole rara erat; inferiorum verò celer & frequens, & quæ corporis medium occupabant, rarò pulsabant; tandem circa caput pulsus perduravit, quiescentibus reliquis corculis, motusque undosus erat, versus superiora directus.

In Papilione pariter Cor pulsare cepit ab imis versus caput; secto interim per transversum cordis ductu inferior portio ab imis ad superiora movebatur, hac tamen ratione, ut humilior hujus pars celerimè moveretur, subsequens autem rarò, altera autem pars in oppositum pulsaret. In aliis etiam facta eadem cordis sectione, divise ambæ partes primò versus caput, postremò versus caudam constringebantur, & contentus Ichor in singulis pulsationibus exprimebatur. Alias in Bombyce, proximè evasuro in *Aureliam*, cordis motus ante ventris sectionem ab imis ad superiora dirigebatur, peractà tamen sectione, mutato termino, septuaginta edidit pulsationes, quæ universum cordium tractum liberè excurrerant; sensim autem iterum rediit motus à cauda ad caput, & postremò parùm diducto unguibus humiliori corculo, à superioribus inferiora versus revixit chorea. Frequentissimè è mortuo animali diversi promuntur motus in tot corculis sibi invicem communicantibus; nam in unico tres sunt pulsationes, in contiguo una tantum, vel binæ saltem: quin & in eodem corculo diversitas succedit; etenim si portio cordis ad latus inclinatur, celerimas & frequentissimas promit pulsationes, tremoris instar, reliqua verò, proprium fervans situm, de more pulsant. Motus etiam extinctioni proximus non unum perpetuò servat rhythmum; interdum nam-

namque frequentissimus est, aliquando tamen suâ extinguitur raritate, & affusa aqua vel saliva revivificat.

Ut tandem pulsum varietatem expediam, binas addam inspectiones, quas contigit cum doctissimo Dom. *Carolo Fracassato*, Collegâ meo, deprehendere; quarum prima in *Eruæ* corde, vulgariter *Pinnæ* dicta, successit. In hac igitur, corcula invicem hiantia ab inferioribus ad superiora, (ut in cæteris consimilibus, quæ ad meas devenere manus, perpetuò observavi) moveri cœperunt: Tunica eorum, diaphana & ipsæ subjectarum membranarum colore parùm inficiuntur; interea tamen exarata cordula modo sursum modo deorsum versus constringebantur, unde contentus ichor variis hæc motibus percussus fluctuabat; & quia pinguedinis bini globuli invicem hærentes in contento intra cordis cavitatem humore parùm immergi jactabantur, ideo mirum reddebatur spectaculum.

Hi itaque, ex Cordis Systole expresso humore, in quo innatabant, ab imis sursum pellebantur, & frequenter impetu regrediebantur; at ubi in latiori corculi parte commorabantur, superveniente Systole motum recipiebant versus superiora, summa cum velocitate, & quandoque ascendebant ultra tria corcula; quotiescunque verò in angustiori corculi parte stagnabant, subsequente compressione ut plurimum versus caudam exprimebantur. Non raro, perdurantibus Corculorum pulsationibus motum vertiginis habebant, & interdum, & frequenter etiam fluctuabant enarrati globuli absque considerabili progressu.

Alteram observationem ex *Aurelia* collegi nuperrimè excitata, in qua Cordium motus à capite ad imum dirigebantur; deinde ab hoc ad medium, à quo in oppositam caudam remittebatur propulsus ichor, velut lusoria pila, & ita non parùm duravit hic naturæ ludus, donec bini motus in oppositos terminos directi, à medio sursum & deorsum erumperent: & tandem unicus superstes perduravit motus, à superioribus scilicet ad inferiora.

Hæc sunt ea, quæ circa motum cordis in Papilionibus & Bombycibus frequenter observata, Vobis communicata volui, ut inde pensatis singulis ulteriora eruatis; dum interim superior ventris portio utriusque Papilionis lustranda occurrit: Ab hac autem turgens quædam *Vesica A* pendet, quæ aere referta piri formam sortitur, & in auctiori sui parte tubulum *B* habet, qui in os Papilionis desinit. Hujus substantia membranea est, & tenuissima, ita ut de facili laceretur, & perluceat; quare si exquisito Microscopio lustretur, fibrulas *C*, ipsam cingentes, exhibet. Hæ omnes Vesicæ circumferentiam ambiunt; aliae enim per transversum deducuntur, reliquæ verò per longum; ita ut singulæ ipsius partes subsequente compressione exinaniantur. Exaratae fibræ ita implicantur, ut rete confurgat. An sint vasorum productiones, an carneæ fibræ, interdum dubitavi; quoniam tamen non abfimilem structuram in quibusdam piscibus, quibus membranci insunt Pulmones, quin & in ipsis Testudinibus reperiî, ideo carneos musculos esse censeo, quales in urinaria vesica extant. Aere intus contento turget, eodemque expresso detumescit ad animalis libitum; unde

undè non parùm ovorum excretioni in fœminis, & fœminis in masculis eam conferre rationi consonum videtur. Nec probabile est, vestiam hanc eundem fortiri usum cum vesiculis, quas in Piscibus passim observamus; etenim Papilioes pedibus solo hærentes corporis molem urgent.

Inter enarrata hucusque viscera graciles *Omenti* productiones locantur; hæ vitellinum referunt colorem, & cùm omni serè orbentur pinguedine, de facili obscurantur.

Capitis interior compages, ob sui exiguitatem & friabilitatem, non undequaque mihi patuit. Hoc unum observavi, antennas interiorem cranii cavitatem subire binis rotundis truncis, seu radicibus, qui in styli-formibus processibus occurrentibus implantantur, & fortè carnis fibris pro ipsorum motu continuantur. Reliquum Cranii replet *Opticus nervus* per transversum ductus; cinerei coloris, & cylindri figuram tenens; in medio tamen parùm angustatus nectitur *Spinali medullæ*, deorsum productæ. Hic nervus ad basim oculorum, sui expansione exteriorem tunicam, hancque nigram constituit; interiorem pariter, quasi argentea, ulterius promit: Reliquos humores non licuit in totum assequi ob exiguitatem. Dilucidior tamen *Optici* structura in grandioribus *Canceris* observatur, qui faciliùs vobis præsto esse possunt, &, ut reor, jam à vestra sagacitatè examinari fuerunt.

Sed longa fortè Papilionis partium historia vos tædio affeci, undè reliquum ejusdem vitæ, quod, ni fallor, Bombycis ultimum est senium, compendio complectar. Papilioes illico ac lucem adepti sunt, coitum tentant; nam masculus incurvatà corporis extremitate celerimè progreditur & regreditur, donec in præhensam fœminam extremam alvum, ubi proprium locatur pudendum, vibret, & illicò raptam fœminæ Vulvam unguibus & aculeis ad se trahit, sibi que jungit; pronam enim membrana, anum ambientis, partem ita unguibus retrahit, ut utriusque averfi corporis extrema se contingant: Mox penem exerit, ejaculatur, intraque pudendum fœmineum condit, & tunc contracto corpore alas per vices quatit, & capite ipso letabundus annuete videtur. Placuit editos alarum successivos ictus dinumerare, & sæpiùs in ipso coitu continuatim summa cum celeritate centum & triginta & ultra promit, quibus peractis conqueiscit quasi mortuus, vel à conjugio separatus per horæ quadrantem jacet; iterum reassumpto coitu solitum alarum motum edit, longè tamen minus, cùm sæpe non excedant triginta sex ictus: à quibus feriatur, hilaritatem tamen adhuc servat, erectas tenendo alas; quo tempore fœmella elongato corpore, humique demisso ventre & dejectis alis jacet, mari tamen adhuc juncta. Hora interim excurrit quietis, quam alarum pauci subsequuntur motus. Durat hæc chorea quatuor dierum spatio; in fine tamen otia longiora sunt. Transacto primo biduo solent mulieres ipsas separate, & sponte etiam interdum Bombyces ipsi post primos concubitus non iterum coeunt; quare masculus curvato corpore, eodem serè servato situ, celeri vertigine tentatur, editque bombum. Abruptà copulà, brevi, reliquæque vitæ curriculo fœmina ova edit. Horum fœtura ut plurimum quatuor partitis vicibus, quas

quas repetiti coitus intercedere solent, completur; comprimendo enim & coarctando mediam & extremam corporis regionem; foras elongato ano, ova in subjectam humum vel linteolum propellis, quibus ita hærent, ut vix cultro & unguibus amoveri possint. Singulam ovorum excretionem subsequitur brevis quædam quies, qua vix *Angelica salusatio* rectaretur. Et licet Papilio novum semper mutet situm contiguitas tamen, & proportionalis intercapedo, quin & ordo in excretis & humi hærentibus ovis observatur, ut lineam flexuosam designent. Excreta ova ut plurimum sunt 516 vel 514, interdum minor est ipsorum numerus, cum aliquando 446. dinumeraverim, & interdum 393. Non omnia tamen ova tubis contenta in lucem erumpunt, sed interdum viscoso quodam concrecente succo in ovarii trunco quasi singula detinentur: interdum in ovario triginta adhuc remansisse observavi, & in foeminis, quæ masculi concubitus non fuisse, frequenter ovorum supprimitur foetura, ita ut parum vivant.

Perdurat Papilionum vita juxta diversam aeris temperiem; nam vigente æstu citius intereunt, unde quintum tantum diem attingere vidi; interdum tamen, ut *Augusti* mense, duodecim dierum spatio vixit Papilio; in principio autem hyemis ad mensem perductus est: superstiti masculo per aliquot dies obire primo frequenter solet foemina. Ante interitum a dorso decidunt pluma, & pili, ita ut subjecti corii citrinus color erumpat; alarum extrema corroduntur, totum impensè turget corpus versus superiora. In foemina cadavere aliqua interdum ova supersunt, viscera circa ovarium locata observantur, & in oblongis vesiculis, superius descriptis, exiguum diaphani humoris stagnat.

Stercoris vesica interdum etiam turgida sanioso excremento emergit, nec appensa intestinula ex toto delitescunt. Tracheæ vascula mollia & flaccida supersunt. Ventriculus ad superiora retractus obscuratur; Uterus inter cætera viscera, majorem nactus soliditatem & firmitudinem, evidenter patet, & viget. Aeris vesica ita turget, ut Papilionis corpus auctius reddatur, & tandem exsiccat cadavere, vacua quædam interior remaneat concavitas. In extremitate interioris alvi, quatuor vel quinque acuminati ossei processus, a masculino pudendo derivati, observantur. Et quoniam hæc singula cadaver constituunt; ideo abjiciuntur, solique mox foeta supersunt custodienda ova. Hæc illico ac edita sunt, citrium seu helvum dilutum referunt colorem, qui in tubis etiam efflorescebat, sensim tamen immutatur, ut *Xerampellinus* fiat, & tandem hyacinthinus vel purpureus evadat. Hanc successivam colorum mutationem multum juvat ambiens Aer; unde vigenti calore per biduum tantum citius perdurat color, & intra quadriduum Violacea redduntur: Interdum septem dierum spatio hoc totum peragitur negotium, & ingruente hyeme in longius protrahitur hæc colorum mutatio. Non idem tamen efflorescit color in singulis ovis; etenim, quæ subventanca sunt, quorum *scil.* foeturam non præcessit utriusque papilionis concubitus, primævum citrium servant colorem, sicut & ova, quæ a tubis ovarii papilionis eruantur, licet foemina jam vivens fecundata fuerit; interdum etiam a foemina, masculo conjuncta,

M

subven-

subventanea quædam, inter cætera fecunda, eduntur, in quibus Ciriis perpetuatur color.

Tab. 12. Fig. 4.

Ovorum figura *A* ovalis est, parùm tamen depresso, unde binas habet laterales concavitates *B*, quæ sensim, senescente ovo, patentiores redduntur; in subventaneis verò ovis frequentissimè tanta excitatur concavitas & depressio, ut contusa videantur ova. In altero etiam ovorum acumine exigua quædam observatur fovea penè similis illi, quæ in acino, avulso pedunculo, relinquitur.

Testâ, ut cæterorum animalium, ova teguntur; hæc nequaquam friabili constat materiâ, qualis in Gallinaceorum genere observatur, sed veluti cornuum lamina, diaphana & flexibilis est, unde in frustula, forcipibus ad placitum, scinditur. Exterior testæ superficies non absolute lævis est, sed rotundis minimisque tumoribus sibi contiguis aspera redditur, ut *Squatinae* corium æmuletur.

Ovi concavitatem luteus occupat humor, qui solitum refert colorem, & levi elixatione concrevit. An ultra luteum aliud addit, sensus non attingit. Membranâ quadam crassiori Vitellus continetur: hæc plura habet, quorum dilucida cognitio physicas meditationes valde promoveret, si illius exiguitas non obstarèt. In fecundis itaque ovis violacea quædam corpora supra ipsam excurrunt: hæc non, vasorum in modum, tubuloso & sensim decrecente canali componuntur, sed graminis vel hederæ instar, duobus constantur gracilibus *scil.* pedunculis, & lationibus quibusdam corporibus, veluti foliis annexis: hæc communem non habent truncum, sed invicem implicantur; quæ verò intercedunt spatia, ovalibus replentur corporibus, circa quæ ludunt superius expositæ productiones. Hæc diaphano succo replentur, & proinde pellucida sunt, & in crudis elixatisque ovis patent. Hoc evidentius sperabam me in Gallinæ ovis reperturum, sed excidit spes; nam hoc unum attingere potui in mox apertis ovis, & adhuc humectata exteriori membrana, cujus substantia furculis ferè diaphanis exaratur, qui ramorum arboris instar in minores geminantur productiones, & mutuâ implicatione solitum rete efficiunt: Non est autem unius truncus, à quo singuli pendeant rami; intercepta verò membrana ab exaratis furculis, albis quibusdam frustulis, & globulis etiam constat, quæ omnia videntur correspondere mox deprehensis in Papilionum ovis. His addiderim, testam gallinaceorum ovorum cicatricibus frequentibus refertam esse; unde ex his veritus sum, affusum humorem in ovarii trunco per hæc testæ stigmata in continuatos ductus, in membrana exaratos, propagari posse, cum avulso ovi cortice, quidam processus, qui à subiecta emanant membrana, lacerentur; & cum reticularis ille plexus in Papilionum ovis violaceo succo turgeat in iis tantum, quæ masculino semine aspersa sunt, (infœcunda enim nullum hujus vestigium habent, sed frequentissimè exsiccata in pulverem teruntur,) ideo dubitari potest, subintrantem feminis partem in membranarum alveolis contineri, ibique conservari, & turgere, sive hoc contingat in ovalibus illis corporibus, seu in reliquis violaceis productionibus. Pervia foramina in Gallinaceorum ovorum testis indicare videntur guttulæ concreti cujusdam

cujusdam fucci, qui in recentibus ovis, duæ igni admoventur, à supradictis stigmatibus erumpunt. Placuit interdum, ovum recenter editum in spiritu vini unà cum atramento, aliquando in olo sulphuris, atramento commixto, incoquere, ut subingredientibus liquoris maculæ, & progressus in inclusis membranis hærent; copiosa igitur stigmata insinuat atramenti emertere in subiectis membranis, & in albumine ipso.

Relata Papilionum ova linteolis hærent, & per totam æstatem in cella vinaria, vel alia frigidiore mansione conservantur, hyeme autem rigente gelu, sub lectulorum stratis, ne glaciem concipiant, locantur; apparente interim vere, vino & aqua commixtis, modicè calfactis, asperguntur, & ita à linteolis abraduntur, & tandem prope finem Aprilis blando mulierum calore incubantur, ut brevi Bombyces erumpant.

Quædam tamen Papilionum species apud nos est, quæ bis anno fecunda redditur. Nam ipsius ova sub finem Aprilis Bombycem edunt, à cuius mox natis feminibus novus ante principium Julii promitur vermis, hujusque genita ova sub Augusti fine animal producant. At quoniam Bombycem cura non in solam speciei propagationem dirigitur, sed artificum præcipuus scopus est, ut ipsorum spolia in mercimoniâ usurpentur, ideo servatur folliculorum debita copia, ut venturo vere Bombycem succedat soboles; reliqui, ne erumpente Papilione, staminis continuitatem solvente, inepti reddantur, ardenti soli exponuntur, & ita inclusa Aurelia suffocatur. In folliculis igitur, qui fortiori pollent structurâ, septem horarum spatium exigitur, quo solaribus radiis pervadantur: in languidis verò, quinque, & ita per menses conservantur folliculi.

Ut retexantur autem folliculi, parumper calenti aqua macerantur, & scoparum apicibus ita agitantur, donec staminum capita emergant; unde in fasciculum contorta, per foramen, in ferrea lamina excitatum, ne folliculi ascendant sursumque rapiantur, sed in aqua immersi detineantur, transducuntur, & super harpedone multiplicatis circuitibus evolvuntur.

Laudabile verò efficitur *Sericum*, dum diversa uniuntur stamina; ut plurimum tamen octo exiguntur, & cum singulus quique folliculus laminis componatur, quas diversum refert colore & robur dicimus, hinc fit, ut debita singulorum exigatur mixtura. Quare firmum & molle stamen partim ex debiliore subalba textura, partim ex firmiori aurea portione componitur; atque ita ex folliculis, qui exterius aureo sunt colore, interius verò albidis, retexitur stamen cum eo commisceatur, quod ab exteriori involucre eorum depromitur, qui *Soriani* appellantur. Non tota semper staminis longitudo retexitur, nec proferico componendo filo apta censetur; nam laxior folliculi portio & tenuior, quæ Bombycem immediatè circumdat, cum fragilis valde sit, nec ita facile separari possit, ut inepta rejicitur, & à nostratibus *Sirighella* appellatur, quod verò retexitur (ut interdum expertus sum) nongentos & triginta Bononienses æquat pedes, adhuc supersitæ exteriori lanugine, & postremâ folliculi illaque ineptâ parte, quæ quar-

tam,

tam, ut suspicor, totius referre poterat. Eductum stamen, & in filum contortum, in plures usus faciescit; & nemo est, qui vestium & ornamentorum varia inde producta genera ignoret.

Sed jam nimis in longum protacta est Bombycis historia, in qua quidem texenda, plura, quæ passim apud alios habentur, omisi; fortè etiam graviora ob instrumentorum, quibus utor, ruditatem, vel faltem ingenii hebetudinem & imperitiam, neglexi, quæ sagaciorum labores expectant; reliqua, quæ ruditer exarata transmittio, vestram exoptant culturam, si tamen a magno opere, quo detinemini, interdum vacare contigerit; dum interim ego immensam Conditoris industriam & largitatem, Vermes istos ac Insecta quædam contemplatus, admiror, quæ prægrandium animalium viscera, à quibus effluit vita, nec gemina, nec plura voluit, sed ipsorum energiam longo veluti ambitu fractam, deductis in singulas corporis partes rivulis, emanare tantum jussit; in nostris vero Bombycibus, & consimilibus animalculis, ut artificium materiæ defectum suppleret, vitæ principia ingenti liberalitate ita multiplicavit, ut quælibet pars suo peculiari gaudeat Corculo, Cerebro, & pulmonibus, & avulsa à cæterorum consortio adhuc vivere deprehendatur, ita ut cum Plinio fatear: *Mibi intuenti sæpe persuasit rerum natura, nihil incredibile existimare de ea. Valete.*

F I N I S.



Fig. XI.




Fig. VII.



Fig. IX.



Fig. X.

Fig. VIII.





Tabula II.

Fig. I.



Fig. II.



Fig. III.




Fig. IV.




Fig. V.





Fig. VI.



Fig. VII.









Tabula IV.

De Bomb

Fig. I.




Fig. II.






Fig. III.





De Bomb.

Tabula V.






Fig. I.





Fig. II.





de Bomb:
Tabula.VII.

Fig. I.




Fig. II.



Fig. III.




Fig. IV.



Fig. V.





Fig. I.




Fig. II.



Fig. III.








Fig. I.




Fig. IV.




Fig. III.



Fig. V.





de Bomb
Tabula . X . .






Fig. I .




Fig. II .



Fig. III .




Fig. V .



Fig. IIII .





de Bomb:
Tabula. XII

Fig. I.




Fig. II.




Fig. III.



Fig. IV.





Marcelli Malpighii

PHILOSOPHI & MEDICI *BONONIENSIS*

DISSERTATIO EPISTOLICA

DE

Formatione Pulli in Ovo.

SOCIETATI REGIÆ,

L O N D I N I

Ad Scientiam Naturalem promovendam institutæ, Dicata.

A



EPISTOLA

Gratum REGIÆ SOCIETATIS Animum

D. MARCELLO MALPIGHIO

Pro munere prægresso contestata.

QUAM Epistolam Societati Regiæ inscripseras, Vir Celeberrime, rectè nuper accepi, & prout iusseras, in publico ejusdem confessu lubentissimè exhibui. Facile Ipsa agnoscit tum propensam Tuam in institutum suum voluntatem, tum solertem, qua vales, Naturæ scrutandi opera sagacitatem. In mandatis itaque mihi dedit, ut debitas quantocumque gratias pro eximio isthoc munere Bombycini, Ipsam nomine Tibi renitterem, deque singulari Ejus in Te & Studia tua affectu certior Te facerem. Reputat equidem illa Philosophorum Corona, genuinum Te insistere tramitem, qui ad veram Aduertorum Naturæ cognitionem ducit, dum missis Scholarum, Generalia ferè hætenus consectantium, argutiis, ad res ipsas accurate contemplandas & minutim eviscerandas mentem & manus addicis. Utque hæc animi sui de incubrationibus, & laboribus tuis sensa eo testarentur uberius, simul & sue de Doctrina tua Existimationis monumentum statuerent publicum, mox utique in Sodalium suorum Album, conspirantibus omnium suffragiis, Te cooptarunt, simul & promptissime decreverunt, quamprimum se curaturos, ut scriptum illud tuum, cujus dedicatione ornare Ipsam voluisti, suorum met Typothetarum operis nitidioribus in lucem emittatur: qua quidem ratione curata hæc tua de Bombyce Historia eo commodius doctorem quorumvis sententiis explorabit, ab iisque forsan, ubi Tu necdum clare cernis, ampliorem aliquam lucem scænerabitur.

Ceterum, Vir Clarissime, cum insuper abundè adeo lubentiam tuam nobis significes, aliis porro meditationibus & studiis tuis
supel.

PRÆFATIO.

*supellectilem nostram Philosophicam augendi, ambabus equidem
ulnis id-ipsam amplexamur, Tibique vicissim quæcunque profi-
cisci à nobis officia possunt sincerà mente pollicemur. Illud sanè
præ cæteris (quod jam ante-bac innui) in votis habemus, ut
quorumvis locorum cordati Philosophi Historiam suæ quique Re-
gionis Naturalem, geminam illam quidem & probè elaboratam;
condere satagent. Ad tale quid audendum complures variarum
Terrarum viros sagaces stimulare jam cœpimus, spēsque band
levis nos succollat, Te Tuiq; similes in Italia Naturæ mystas,
quæ per locupletissimam Patriam vestram Siciliamq; notatu dig-
na occurrerint, sedulo collecta congestaq; literarum deinceps mo-
numentis summa fide tradituros, inque Garophylacium Philoso-
phicum, concinnande aliquando Historiæ Naturæ Universalis de-
stinatam, liberalissimè collaturos. Quo præstito, fore omnino
confidimus, posteritatem nostram, quantumlibet seram, excusatâ
isthac rerum quarumvis Naturalium segete, solertiq; instituta
omnium inter se comparatione subacti iudicii adminiculo, soli-
dum inde & humanis usibus accommodatum Philosophiæ Systema
condituram. Vale, Vir Clarissime, & plurimum saluæ à*

Tui Studiofissimo

HENRICO OLDENBURG,

Leidani, 25 Martii,
Anno 1669.

Soc. Reg. Secr.

DE

1

D E

FORMATIONE

P Û L L I in O V O.

M A G N Æ

S O C I E T A T I R E G I Æ

A N G L I C A N Æ

MARCELLUS MALPIGHIVS S.P.

Solent in excitandis machinis prævio operis apparatu singulas efformare partes, ita ut separata prius pateant ea, quæ postmodum redigi debent in compagem. Hoc in Naturæ operibus plures ejusdem Mystræ, circa Animalium indaginem solliciti, accidere sperabant: Corporis etenim implicatam structuram cum difficillimum sit resolvere, disparatas in primordiis singulorum productiones intueri juvabat. Sed vereor, mortalium vitam incertis nimium finibus claudi, & æquè obscurum esse carcerem, ac metum. Quare, sicut Mors, monente *Tullio*, nec ad vivos, nec ad mortuos pertinet; ita quid tale in primævo Animalium initio accidere censeo: dum enim ab Ovo animalium sollicitè perquirimus productionem, in Ovo ipso jam ferè animal miramur excitatum, ita ut irritus noster labor reddatur: Nam primum ortum non assequuti, emergentem successive partium manifestationem expectare cogimur.

In hac quidem perquisitione infudarunt quamplures; inter quos immortalis vester eminet *Harveus*, cujus absolutissimæ observationes adhuc ita orbem erudiunt, ut meos præsertim labores veluti supervacaneos refellant. Quoniam tamen, eodem asserente, latent plerumque soluti in alia nocte prima naturæ flamina, & subtilitate sua non minus ingenii, quam oculorum aciem eludant, tamque varia Naturæ vis, incertâ quasi maturitate, modò accelerat, modò differt emergentiam fœtus; adeo rudia quædam Observationum inchoamenta ex incubatorum Ovarum

lustratione, quam adhuc sæpiùs repetendam propono, me Vobis, Sodales doctissimi, communicare patiemini, ut si Naturæ & magnis vestris Mentibus consona deprehenderitis, subsequen-
 tum curriculo ea iterum confirmem, consimilium meditatione adaugeam, novisque, prout tenuitati meæ sperare competit, auctiora red-
 dam.

Inter partes, quibus Ovum integratur, *Cicatricula*, seu circularis macula, primum locum obtinet; in hujus enim gratiam reliqua com-
 producta videntur. Hujus igitur mirabilis structura indaganda sese offert, cujus præcipuas mutationes, & phænomena brevibus indi-
 cabo.

Hæc itaque in *fecundo* Ovo perpetuò observatur acutè Vitelli mem-
 branæ adhaerens inter chalazas; & albumine coopertur: multiplicatisque vitellis (ut videre potui) eadem Cicatricula multiplicatur, undè frequenter in unico ovo tres deprehendi Cicatriculas.

In ovis pridie editis, & nondum *incubatis* (ut elapso *Augusti* mense, magno vigente calore, observabam) Cicatricula magnitudinem habebat *A*, hic à me ruditer delineatam; in cujus centro facculus cinereus coloris, interdum ovalis *B*, quandoque alterius figuræ deprehendebatur. Innatabat hujusmodi facculus seu folliculus in colloquamenti *C* liquore, vitro fuso persimili, qui irregulari quasi foveâ continebatur: Candidus enim solidæ substantiæ circulus *D*, aggeris instar, idem colloquamentum ambebat, cujus exterior portio fuso & liquido allu-
 ebatur humore *E*. Subsequebatur parum lata substantia *F*, frequenter variè lacinata, & humore *G* pariter mergebatur. Alii insuper ampliores circuli *H*, ab eadem solidiori excitati substantiâ circumducebantur, interpositis liquoris alveolis *I*. Exteriores præcipue circulos *H* non uno ritu efficit Natura; nec hi perpetuò continuâ protrahuntur substantiâ. In sacculo postea, velut in amnio, dum solis radiis illum objiciebam, inclusum fortum *L* animadvertēbam, cujus caput cum appendice carinæ staminibus patenter emergebat: Amnii etenim rara & diaphana contextura frequenter translucebat, ita ut contentum appareret animal. Sæpiùs acutè acie folliculum aperiebam, ut contentum animal in lucem prodiret; incassum tamen: ita enim mucosa erant adeoque minima, ut levi ictu singula lacerarentur. Quare *pulli stamina* in ovo *præexistere*, altiorēque originem nata esse fateri convenit, haud dispari ritu, ac in Plantarum ovis.

Placebat etiam *subventanea* ova lustrando cicatriculam intueri, quæ ut plurimum minima erat; & licet variam fortiretur circumscriptionem, & texturam, frequentius tamen delineatam *A* præ se ferebat effigiem. Non longè à centro globosum candidumque corpus, seu cinereum *B*, quasi *mola*, locabatur, quod laceratum nullum peculiare exhibebat corpus à se diversum. Appendices reticulares *C* habebat, quarum spatia diversas referebant figuras, non raro ovales, diaphanōque replebantur colloquamento; denique tota hæc moles, Iridis instar, plurimis circumdabatur circulis.

In *incubatis* autem Gallinæ ovis sub Indica vel nostratæ gallina, summo vigente æstu, tales attingebam mutationes; & primo immediatè post

Fig. 1.
Fig. 2.

Fig. 3.

post sex incubatus horas, Cicatricula hujus erat magnitudinis *A*; in cuius centro aderat Amnion, scilicet *B*, candido solidoque circumvallatum aggere *C*, quod colliquamenti liquore fusco replebatur. In medio, pulli carina *D* usq̃ cum capite innatabat. Hujus inferior portio frequenter disrupto folliculo *E* contegebatur. Amplius subsequebatur circulus *F*, fasciæ instar ambiens, qui tandem umbilicalibus pervadebatur vas. Non ubique solidum corpus erat, sed sensim irruente ab exterioribus rivulis colliquamento solvebatur, collis instar, qui e-rumpentibus interluitur & mergitur fontibus. Hoc solidiori circulo subcandido, parùmque lato *G* ambiebatur, qui rivulis & ipse intercipiebatur. Interdum alii subsequebantur circuli qui incubationis progressu frangebantur, vel tandem obliterabantur.

Post horas duodecim incubatus, exaratæ partes distinctius patebant in adaucta cicatricula, magnitudinis *A*, quæ sursum emergens ferè horizontalis erat. Disrupto itaque folliculo *B*, factus *C* crumpebat insigni capite, & duplici vertebrarum ordine, carinæ inchoamenta excitante: Hujusmodi namque candidi orbiculares sacculi, seu vesiculæ, invicem contiguæ, deorsum excurrabant, spinatissque medullæ stamina stipabant; & cerebri pariter primordia subobscurè emergebant. Candidus de more circulus *D*, Amnion efformaturus, in exteriori colliquamento *E* innatabat. Pars *F*, quæ tandem colliquatur, & umbilicalibus vasculis substernitur, amplior reddita ex subjecto vitello subluteum referebat colorem, & in ichorem fusa ab adveniente colliquamento, quasi rivulis, interrompebatur: In his tamen motum aliquem non videbam. Candidus circulus *G*, omnia de more continens, subsequebatur. Non semel ulteriorem videbam latam veluti fasciam *H*, in qua reticularem plexum *I*, spadicei coloris, deprehendebam, vasorum implicationem æmulantem, cujus spatia exterioris ambitus arctiora erant & sensim obliterabantur, interiora autem laxiora. An verò hujusmodi sint *Umbilicalia vasa*, quæ jam in colliquamenti materia latentia, progressu temporis æruginoso ichore, & tandem rubescente sanguine turgeant; an sinus & alveoli ex fermentato colliquamento viam sibi faciente; determinare non audeo, cum ex humoris diaphaneitate, & sinuum angustia, *localis motus* imperceptibilis existat.

Parùm absimilis structura in incubata cicatricula per horas decem & octo, ovi apicem horizontaliter tenente, emergebat: Namque pullus *A* amplo capite, & oblongâ spinâ, quæ disrupto folliculo *B* obtegebatur, in adaucto colliquamento de more mergebatur, superstitie adhuc circulo *C*. Ambiens pariter substantia *D*, colliquamenti rivulis *E*, versùs Amnion irruentibus, irrigabatur; nondum tamen sanguinea vasa prodibant. Occurrebat amplior circulus *F*, rivulo interposito *G*, cujus continuitas in aliquibus tolli cõperat, & quandoque plures ulteriùs circuli addiebantur.

Post diem integrum horarum 24, sæpe cicatriculam in summo emergentem, latiorémque redditam, qualem hic delineavi, videbam. Pullus enim *A* cum capitis & spinæ candido inchoamento, versùs inferiora recurvo, in colliquamento *B* sub-obscurè innatabat, & lateri interdum

Fig. 8. dum sinistro folliculi, vel circuli fragmento *G* hærebat; ambiens vero substantia *D*, rivulis excavata, extendebatur, & exterior circulus *E*; liquore circumdatus, cicatriculæ compagem claudebat, ita tamen, ut derivato ab alveolis exterioribus *F* colliquamento versus *D* pateret aditus. In Vegetiori ovo interdum singula evidentiora occurrerant; pullus enim in colliquamento *A* residens oblongiori pollebat carinâ, eaq; rectâ, quæ multis vertebrarum globosis inchoamentis *B*, hinc inde à spina locatis, compaginabatur. Alæ *C* crucis in modum pariter erumpebant, & reliquum capitis, colli, & thoracis, crassius redditum elongabatur. Tres ampliores vesiculæ *D*, cum producta spinali medulla *E*, usque ad extremum carinæ emergebant, & binæ pariter orbiculares globuli *F*, hinc inde in capite reponerantur, fortè oculorum inchoamenta. Circulus *G*, olim colliquamentum ambiens, superiori foetui parti substernebatur. Umbilicalium vasorum *H* furculi primò prodibant, qui contorti & varicosi in colliquamento mergebantur, nec ipsorum continuata productio adhuc patebat, unde variae objiciebantur species; contentus verò humor, interdum subvitellinus, quandoque rubiginosus erat; hujus motum nequaquam deprehendere valebam. Cordis motum licèt visus fuerim attingisse, non tamen certò affirmare audebam.

Fig. 9. Absumptis triginta horis, cicatrix taliter configurabatur: In adaucto amnio *A*, jacebat pullus *B*, in quo novæ nondum emerferant partes, præter capitis appendices, in aliquibus parùm elongatas. Circa amnion perpetuò varicosa umbilicalia vasa *C* observabantur, quæ in exteriori limbo *D* ampliora, & magis continua, coloris æruginosi, extendebantur; versus interiora tamen obscurabatur ipsorum progressus turgente colliquamento: unde tunc temporis eatenus hæc in oculos incurrere dubitabam, quatenus conglobata reddebantur. Ambientes circuli *E*, fusique humoris rivuli *F*, multiplicabantur, qui recollectum umbilicalibus, & amnio subministrabant: Non tamen hæc alveolorum ad amussim species objiciebatur, sed varia quandoque à Natura promebatur.

Fig. 10. Elapso die cum dimidio, parùm absimilis occurrebat configuratio. Caput *A* solitis vesiculis turgidum, cum alarum inchoamentis *B*, & spinali medullâ *C*, patebat; extremitas carinæ *D* curvabatur; Umbilicalium vasorum exterior limbus *E*, quasi continuato vasculo, adhuc subruginosum continente humorem, terminabatur, & continuati furculi *F*, reticulariter impliciti, versus interiora erant producti.

Fig. 11. Evidentiùs patuere singula post incubatum horarum triginta octo. Auëtor pullus insigni capite *A* pollebat, in quo tres vesiculæ situabantur, quarum amplior figuram *B* præ se ferebat; circum tamen obducebantur involucria *C*, totum spinæ tractum ambientia, quam vertebrarum rotundi sacculi *D* de more componebant. Supra Alarum exortum, Cordis *E* structura primò patebat; quam antea interdum, dubiè tamen, mihi detexisse visus fueram: Vivente enim animali pulsus observabatur; quò cessante fusca tandem quasi linea designabatur. In colliquamento *F* fragmenta circuli *G* adhuc supererant. Umbilicalia vasa *H* conspicuis furculis varicosis & reticulariter unitis

unitis circum adstabant, nec adhuc ipsorum productio usque ad Cor emergebat; supernatante enim colliquamento vel crassiori albumine obscurabantur: lchor pariter circum-affundebatur cum innatantibus circulorum solidis fragmentis.

Quadragesima elapsis horis, pullus in colliquamento *A* degens pulchrum exhibebat spectaculum; nam crassifacta carina, Caput *B* curvabatur; Cerebri vesiculae *C* non ita patentes erant; oculorum *D* inchoamenta emergebant; Cor *E* pulsabat recepto à venis humore, rubiginosi & interdum xerampelini coloris: Exterior namque umbilicalium limbus venoso quasi circulo crassiori *F* circumducebatur, qui sinibus præcipue *G* in cor hiabat: Talis autem ex contento sanguine via, & continentium structura indicabatur, qualem hic delineatam intuemini. Primo itaque *motus Constrictio*nis ex appulso humore per venas *A* observabatur evidenter in auriculam *B*; à qua expressus succus propellebatur per *C* in amplum ventriculum dextrum *D*, qui constrictione media in continuatam appendicem *E* protrudebatur, à qua in arteriam Aortam *F* patebat aditus; hæc autem fursum in caput insignes emittebat ramos, & deorsum in truncum *G* se elongabat, qui divisus usque ad extremum carinae producebatur; versus tamen mediam regionem umbilicales ramos *H* promebat, qui germinatis furculis *I* in peripheria absolvebantur, excitato reticulari plexu, quem in reliquorum vasorum sanguineorum extremitate perpetuo miramur. Consimilis etiam implicatio observabatur circa venosum vas *F*; quin adhuc vercor, ne sit latum vas, an verò conglomeratus reticularis plexus venosus, cum frequenter hujus vestigia deprehenderim. Pulsantes itaque successive hæc vesiculas *Verum* Cor esse censeo, circa quas (ut non semel subobscurè videbam) musculosæ carnea portiones circumducebantur, nondum opacitatem aut rubedinem sortitæ. Quare motum illum, qui in micante gutta, seu *saliente puncto*, aliàs observatus est, nequaquam palpitationem inclusi sanguinis esse reor, sed veti cordis motum, pulsuum scilicet *constrictionis & dilatationis*, qui successive peragitur in debitis ventriculis, solo loco disparatis, qui tandem uniti, inducta carne, consuetam adulti cordis excitant fabricam.

Difficillimum quidem est sensu ipso confirmare, An Sanguis prior sit exarato Corde? Licet enim frequentissime fuscus & rubiginosus humor in exterioribus umbilicalium vasorum appareat nondum videnter emergente Corde; & speciosum videri possit, Cor fieri excurvato, & expanso vase, cui carnea portiones, veluti manus, exterius aptentur; quoniam tamen tunc temporis ita mucosa, candida, & lucida sunt omnia, ut sensus quocunque instrumento munitus nequeat distinctam partium compagem attingere, & sicut in Insectis videre est, ultimi senii partes in primordiis rudimenta habere, ita de Corde adhuc mihi dubitandum superest: Hoc autem certò sensui patet, Sanguinem seu sanguineam materiam à primordiis non omnia illa habere, quæ in ipso ex post deprehenduntur. Primo namque colliquamenti species, à rivulis versus soctum deducti, in vasis patet, mox vi fermentationis sub-vitellinus & rubiginosus emergit humor,

Fig. 18.

Fig. 19.

Fig. 20.

qui tandem rubicundus evadit; sub postremis hisce naturis, cordis ministerio in gyrum pellitur. Quare vereri possumus, quòd, sicuti in Sanguinea materia successivæ mutationes, inducto colore, manifestantur; ità pariter cordis structura solo motu evidenter pateat, & quod quiescens adhuc præexistat, licet iners, nondum scilicet firmatis carnis fibris. Hoc verò certum videtur, Ichorem, seu exaratam materiam, quæ postremò rubicunda efficitur, Cordis motum antecedere; Cor verò suo etiam motu Sanguinis rubificationem.

An autem Ichor primò emergens sit simplex colliquamentum, an vitalis liquor, an sanguis inchoatus, cum sensuum ministerio determinari nequeat, vestris mentibus dijudicandum relinquo; illud unum inquam, ante Ichoris collectionem, ejusdem motum, & in sanguinis naturam conversionem, Carinam, cum capitis, cerebri, spinalis medullæ, & alarum inchoamentis, evidenter patere, & sicut in Plantarum Ovis primò colligitur colliquamentum, ex quo ab initio Plantæ carina sive truncus cum foliis excitatur; quæ singula diversis vasis, succisque fermentativis concretis compaginantur: ità in Animalium primæva & simultanea productione dubitare fas est; cum suspicari possumus, in Ovo subesse pullum, cum partium ferè omnium conterminis sacculis innatantem in colliquamento, hujusque naturam nutritivis & fermentativis succis commixtis integrari, ex quorum fuscitate mutua actione sanguis successivè progignitur, partisque olim delineatæ erumpunt, & turgent. Sed tam involuta & latentia sunt hæc Naturæ opificia, ut licet sensuum ministerio inquirantur, quoniam tamen circa minima versantur, facile (me saltem) decipere possint; idè irritum prorsus censo meis conjecturis ea prosequi. Quare redeo ad indagandas successivas pulli manifestationes.

Non in singulis incubatis quacunque tempestate ovis, Cor & appenda Umbilicalia vasa tam citò manifestabantur: Frequenter enim elapso altero die emergere solebant; autumno præcipuè, & vere, ut sæpius mihi accidebat. Inter observandum, in obscuro, etiam conclavi, nunquam micantem in Corde lucem, etiam minimam, attingere potui.

Fig. 14.

Finis superatis diebus, ut plurimum consimilis occurrebat species, qualem delineare meâ manu tentavi; prout nudis etiam oculis objicitur. Colliquamenti sacculus, seu amnion *A*, copioso fuscòque repletus ichore, Pullum continebat, cujus vesiculæ recurvum caput integrabant; verbrarum sacculi per longum producti adhuc parebant; cor *B* extra thoracem pendulum, triplici, hocque successivo, pulsu movebatur. Nam receptus humor, quandoque adhuc rubiginosus, à vena per auriculam in cordis ventriculos, ab his in arterias, & postremò in umbilicalia vasa *C* demandabatur. Sæpe servabam pullum, & exsiccatò subiecto vitello, Cor per diem pulsus non intermittebat. Umbilicalium vasorum limbus *D*, lato quasi vase terminabatur, cujus quidem crassitiem ex implicatione reticulari venarum & artieriarum excitari censo; quod tamen ulteriori eget inquisitione: Exonerabantur autem venæ mediis extremis finibus *E* in auriculam cordis.

Fig. 15.

Valde sollicitus eram circa primævam Cordis apparentem formam, & quam attingere potui à contento sanguine delineatam, hic habebitis.

bitis. Ex quibus patet, sanguinem perpetuò à venis *A*, à limbo deductis, deferri in auriculam *B*, à qua, brevi interdum intermedio canali, in dextrum cordis ventriculū *C* exprimitur, & inde in sinistrum *D*, & tandem in arterias *E*, à quibus in caput *F*, & umbilicalia vasa *G*.

Circa exaratos Sanguinis ductus fibrosa diaphanaque musculosae carnis portio extendebatur, ut subobscurè videbam; cujus necessitatem pulsus arguit. Non semel sanguineos ramos *A* à cordis auricula & dextro ventriculo elongatos licet deprehenderim; adhuc tamen hæreo, cum mihi ambigendum occurrerit, productiones esse subjectorum Umbilicalium vasorum.

Post binos dies, hodieque quatuordecim, pullus pariter auctior redditus, in colloquamento *A*, curvo capite, pronus jacebat; cerebri vesiculæ *B*, sanguineis vasis irrigatæ, cum oculorum inchoamentis *C*; spinalis item medulla per longum exporrecta, vertebriis *D* contenta, observabantur: Externum corporis habitum colloquamenti *E* portio, crassior & obscurior reddita, veluti involucrium, ambebat; à corde emanabant sanguinea vasa, quæ producta versus medium abdominis, umbilicales arterias *F*, & venas *G* etiam, promebant: Patebant autem venæ *G*, unà cum arteriis excurrentes, ex inverso sanguinis motu, & eandem ferè magnitudinem cum arteriis acquisiverant. Extremus Umbilicalium vasorum limbus *H* sanguineis vasculis excitabatur crassefactis, vel saltem reticulariter implicitis. Placebat, repetitis observationibus, Cordis motum & figuram rimari, quæ talis apparebat; Sanguis partim ab extremo limbo *H*, & à vena ascendente & descendente *I*, in auriculam *K* eruebatur; hæc postea pulsu edito ipsum propellebat in cordis ventriculū *L*, qui constrictione mediâ pallidus efficiebatur, & in proximum ventriculū *M*, & tandem in aortam protrudebat, à qua capiti, corporis habitui, & umbilico communicabatur.

Transactò triduo, curvo & prono corpore cubantem reperiebam pullum; in cujus capite *A*, ultra binos oculos *B*, quinque vesiculæ *C*, humore turgidæ, quibus coagmentatur cerebrum: Ciarum quoque *D* & alarum *E* inchoamenta patebant. Vesicularum, cerebrum integrantium, situs & forma talis erat: In capitis vertice amplior locabatur vesicula, vasculis irrigata, hemisphæræ instar; hæc subsequenti-
bus diebus in binas dividebatur quasi vesiculas: Unde adhuc hæreo, an à principio una an geminæ sint vesiculæ. In occipite triangularis quasi vesicula *G* addebatur; incipitis verò profundam partem tenebat ovalis vesicula *H*, cui proximè locabantur binæ vesiculæ *I*. Corporis habitum inducta caro contegebat, ita ut sanguinis via non ita facile in oculos incurreret. Oculi *B* eminebant, & ipsorum pupilla nigra, circularique zonâ in ima parte discontinuatâ excitabatur; centrum verò crystallinus vitreo contentus tenebat. Prope eruptionem umbilicalium vesicula *K* extra pendeat, sanguineis vasculis irrigata, quem carnosum ventriculū cenfeo. Cordis compages talis erat, qualem hic exhibeo: Naturæ enim mysterium, quod superius innuebam, hac die evidenter patebat; Auricula namque *L* sanguinem à venis

Fig. 16

Fig. 17

à venis *M* recipiens, quasi gemino pulsabar motu, veluti binis distincta ventriculis, & ità in cor sanguis quadam propellebatur vià, quæ ulteriori eget inclagine. Dexter cordis ventriculus *N*, à primordiis notus, de more pulsabat, sinister verò & ipse distincto motu agitabatur, & latior indies reddebatur, donec confocio unitus ventriculo pro sinistro manifestaretur; quod subsequens dierum inspectionibus magis patebat.

Quartà elapsà die manifestior evaserat pullus. Perampli cerebri quinque vesiculæ *A* adhuc patentes, magis ad invicem approximabantur; & laceratæ ichorem etiam reddebant; oculi *B* magis rumidi expositam servabant figuram; vertebrarum rotundi tumores *C* adhuc protuberabant; alæ *D*; & crura *E* magis elongata, solidiora reddebantur. Extremitas pariter carinæ *F* uropygium constituta recurva prominbat; totum corpus adauctà mutosâ carne regebatur, & vasorum irrigabatur propaginibus; Interior cavæ & aortæ progressus condebatur, & funiculus umbilicalium vasorum *G* ab abdomine erumpebat sanguis per arterias propulsus rubicundo saturatâque inficiebatur colore; qui verò per venas regrediebatur, subluteus erat. Interius Ichoris inchoamentum, & candida intestina cum carnoso præcipue ventriculo, mucosâ tamen, manifestabantur. In aliquibus extra thoracem Cor *H* pendulum situabatur, cujus auriculæ *I*, eidem magis approximate, sanguinem à venis *K* recipiebant, & cordis ventriculis subministrabant: dexter etenim ventriculus *L* consuetam sortitus figuram, sinistro *M* necessebatur, qui latior redditus, retracto aortæ principio *N*, sensim debitam induibat formam: In aliis vegetioribus ovis, clausâ levi tunicâ thoracis cavitate, cor intus celabatur, & sinister ventriculus deorsum pendulus confocio incumberebatur ventriculo.

Post *quintam* diem in incubato ovo nil ferè novi deprehendebatur præter majorem enarratorum manifestationem. Vasorum umbilicalium extremus limbus, vitellum ambiens, non excurrente trunco excitabatur, sed ipsorum extremi fines lateraliter curvati & reticulariter inosculati extremum fortiebantur terminum. Circa hujusmodi ramos, globuli seu placentulæ, ex vitelli substantia excitate, hinc inde hærebant. In Vitelli semisphæra, quæ umbilicalibus vasis non tegitur, diversi alveoli, non dissimiles à cicatricis rivulis, excitabantur.

Sextâ superatâ die, taliter cubabat pullus in amnio *A*, insigni polens capite, cujus amplior vesicula *B*, quasi gemina, oblongâ excitatâ scissurâ, messorizæ falci fortasse locum præbebat, & lacerata nullum reddebat ichorem. Antiores binæ cerebri vesiculæ *C*, humiliores rediditæ, subcrefcente carne, parum obscurabantur, quibus appendebatur rostri inchoamentum: intercepta verò vesicula penè latitabat; quod & quintæ, in occipite locatæ, accidebat. Spinalis medulla, in binas divisa partes, solida per longum carinæ exporrigebatur. Alæ, & crura, exporrectis pedibus *D*, elongabantur. Abdomen *E* clausum, quasi hernia laborans, extrâ protuberabat. Erumpentia umbilicalia vasa *F* partim in tenue albumen *G*, vitellum & amnion ambiens, partim in vitellum *H* producebantur; & arteriz, graciliores redditæ, venis ipsis valde minores

minores erant. In abdomine, Jecoris evidentior structura emergere incipiebat; reticularis namque compages *I* observabatur ex vasis & involucris structuram firmantibus, quibus miliares glandulae haerebant; & ita sensim spatia replebantur. Dubitavi interdum, quod, sicuti in testibus & conglobatis glandulis, exterius, & interius, musculosae carnaeque fibrae areas constituendo firmant & comprimunt glandularum molem, ita in jecore eadem reperiri possint. Jecoris color nondum rubicundus, sed ex candido subfuscus redditus erat. Cor inerior conditum, licet mucosum, binis pulsabat ventriculis, à quibus lacertosa pendebant auriculae, duplici excitatae motu, mole adhuc insignes, una cum vasis candidis. Corporis exterior habitus cute obductus, vasorum reticularibus propagininibus irrigabatur, & evidentiores reddebantur tumores quidam, seu futurarum pennarum folliculi.

Septima terminata die ita configuratus jacebat pullus: Capite amplo & insigni pollebat, & cerebrum *A* etiam extra eminebat solitis contentum indumentis; quibus laceratis ichor jam fluidus in solida concreverat filamenta, ventriculorum concamerationes excitantia. Inter amplos oculos sensim erumpere rostrum. Alae & crura cum appendis pedibus omnimodam sortita erant configurationem, & venter *B* tumidus turgentibus visceribus reddebatur. Umbilicalia vasa foras erumpentia, per vitellum & albumen producta elongabantur. Conclufum intra thoracem Cor hanc servabat figuram; geminis sc. ventriculis, quasi sacculis *C* contiguis, & in superiori parte unitis, cum superposito auricularum corpore *D* compaginabatur, & bini motus in ventriculis, totidemque in auriculis succedebant; deorsum enim retractum fistulosum corpus, quod in continuatas arterias sanguinem à dextro ventriculo receptum pulsu propellebat, sinistrum ventriculorum mole majorem jam excitaverat: circa utroque musculosae spinales fibrae successivè obducebantur, quibus cordis caro compaginabatur, & ambo ventriculi necessebantur, & ambebantur. Auriculae & ipsae inaequales & rugosae ex lacertorum suborta implicatione redditae, quasi novum corculum binis distinctum cavitatibus constituebant; quod in adultis evidentiùs patet. Lacerata cute, carnibus, & mucoso peritoneo, renes oblongi cinerei coloris apparebant. Jecur ipsum, subluteo interdum suffusum colore, quandoque cinereo, auctius & solidius reddebatur, & ipsius glandulae non omnino rotundam & sphericam referebant figuram, sed oblongiores & quasi caecales utriculos, ductui hepatico appendos, representabant; quod in aliquibus glandulosis hepatis racemis & miliaribus glandulis frequenter observatur. Ventriculus carnosus, licet adhuc exiguus, candidus erat, solitaque figurà constans; appenda habebat intestina gracilia & alba.

Post *octavae* diei incubationem grandior reddidit pullus capitis amplitudinem adhuc servabat, quo aperto, cerebri moles jam solidior erat; nam vesiculae olim disparatae, nunc unitae, geminas constituebant eminentias, in quibus ventriculi excitabantur, thalamus pariter seu exortus nervorum opticorum, & cerebellum cum principio spinalis medullae. Exterior corporis habitus tuberculis *A* exasperabatur,

D

à qui-

Fig. 10.

Fig. 11.

à quibus pennæ erumpebant, quæ insigniores erant circa dorsum, & uropygium. Umbilicus *B* latus & amplius, ex amnii ambiente tunica, ultra sanguinea vasa, intestinula (velut in hernia accidit) admittebat. In aperto abdomine Jecur æruginosum, in lobos divisum, soliditatem acquisierat; nondum tamen recollecta observabatur bilis. Cor de more pulsabat, & lateraliter pulmones candidi emergebant.

Fig. 20.

Decimâ clapsâ die, pullus ita cubabat, & ambientibus humoribus necēbatur: Laceratis membranis, totum ovum circum-vestientibus, & præcipuè crassiori *A*, quæ albuminis fusiorem continebat, corii instar, substantiam, talis occurrebat species: Pullus *B* ita flexo corpore jacebat, innatans in humore *C*, propriâ tunica contento. Subsequēbatur continuatum vitelli involucrum *D*, cui appendebatur seu arcu hærebat crassior albuminis portio *E*. Singula hæc venas *F*, & arterias *G*, umbilicales recipiebant; lata enim vena *H* in tenuioris albuminis tunicam *A* deducebatur: Vitelli quoque tunica *D* venas & arterias recipiebat, quæ non omnino totam ipsius peripheriam contegebant, sed relicto rotundo spatio, quasi pupillâ, quæ crassiori albumini necēbatur, exiguis furculorum fines *I* in hujusmodi crassum albumem promebant. Elegantem circa vitellum productionem mirari licebat, dum evacuata hujusmodi tunica, &, diductis parùm ipsius partibus, supra vitrum extendebatur. Arteriæ mole minores erant ipsis venis, illæ verò æquaquam perpetuò vitelli tunicæ hærebant, sed elongatis extremitatibus invicem anastomizatis; cæcæ quasi appendice *K* premebant, quæ à tunica *L* interiùs pendentes in vitelli ichore fusco innatabant, & mergebantur. Arteriis præcipuè copiosi hærebant sacculi *M*, qui ambientibus sanguineorum vasorum rivulis firmabantur, & conglobatâ vitelli substantiâ turgebant: singulus utriculus plures globulos parùm depressos continebat. Venarum & artieriarum umbilicalium rami nequaquam perpetuò unitim excurrēbant; sed parùm distantes elongabantur; & cæcæ arteriarum appendices à venis transversales furculos recipiebant. Vitelli ichor jam fluidior redditus subflavus, lentusque erat, & parùm mole imminutus videbatur, multumque defecisse tenior albuminis portio deprehendebatur. Pulli exterior habitus, alæ præcipuè & uropygium, costulis & musculis firmabantur, & pennis erumpentibus condecorabantur. Rostrum jam osseum reddebatur; scutum enim pendebat, cujus angularis portio, centrum occupans, primò candidam & osseam acquisierat naturam, hincque hexagonum quoddam fusci coloris corpus continebat, quod & ipsum quasi carneâ consimili substantiâ ambebatur. Oculi velamentis, & membranâ, quâ nectant, contegebantur. Intercili rubiginoso Jecori appensus pendebat Bilis folliculus, quæ carulea erat. Ventriculus carnosus unâ cum elongatis intestinis, ritè configuratis, interdum abdominis cavitatem occupabat, quandoque extra pendebat; & in ventriculo nil deprehendebatur, in proximo vero intestino parùm bilis stagnabat.

Fig. 21.

Post *duodecimam* diem Pennarum eruptiones *A*, dorsi longitudinem contegebant, & ab extremis pariter alis *B* & coxis *C* erumpebant; subiectæ verò partes quasi implumes erant. In ventre hiatus adhuc aderat,

quo

quo umbilicalibus *D* patebat aditus, & quandoque etiam intestinis, & carnosio ventriculo. Fellea cistis, ab amplo jecore pendens, viridi turgebat humore, cujus portio in proximum intestinum eructabatur. Intestinulum à carnosio ventriculo erumpens glandularum inchoamenta continebat. Pulmonum pariter compages emergebat, solidifacētis costulis, & exterius extensis musculis.

Decimā quartā die transactā, jam ferè perfectus erat pullus; pennae *A* auctiores & copiosiores eminebant; musculosa caro sub cute turgebat; ossa ferè soliditatem adepta erant; viscera clauso quasi abdomine debitam circumscriptionem fortiebantur; felleus folliculus subviridis interdum, quandoque caruleus, à jecore pendebat, quod pertranscunt umbilicali venæ parum continuabatur: In carnosio ventriculo lac stagnabat, & proxima intestini portio mucosam quodam candore replebatur, glandulaeque copiosae intra ejusdem substantiam, interferebantur. Cor *B* unitis ventriculis compaginabatur, & plures arteriae *C* tubuli, veluti manus digiti, olim à corde distantes, jam immediate hærebant; Auriculæ *D* pariter amplæ & impensè rubicundæ lacertis componebantur reticulariter implicitis, ita ut areae & spatia diversæ coloris cernerentur.

Singula hæc manifestiora magisque firma reddebantur absumptis humoribus, præcipuè utroque albumine, & quasi dimidiâ vitelli portione, tribus decurrentibus hebdomadis, quo tempore in lucem proditurus erat pullus, qui adhuc inclusus pipiens audiebatur. Hujus carnosus ventriculus concreto turgebat succo quasi lacte vel oxygalâ: superior intestinorum portio subviridi succo, inferior autem cinereo replebatur humore, & ab hiançe vitelli brevi ductu liquorem recipiebat; extrema verò intestina cum binis appensis cæcis stercoreo humore inficiebantur. In abdomine exterius carnosâ quadam labia patentem umbilici hiatum constituiebant, quo admittebatur umbilici portio extrâ pendens; funiculus enim quasi nerveus erumpebat, qui sanguineis vasis spiraliter ductis circumambiebat. In corii cavitate reticularis alborum ductuum plexus quasi gracile omentum observabatur, mucosâ & candidâ aspersum substantia: Adhuc ambigo, an ejus ope albuminis portio versus fœtum deducatur, an verò sit chalazarum vestigium? Vitelli folliculus ichore semiplenus intra abdominis claustra custodiebatur.

Postremò, disponebatur pullus ad exitum; Exterioris namque corticis interdum ingens portio avulsa videbatur, & parum laceratis subiectis tunicis pulli rostrum & capitis extremitas erumpebat, non ita tamen ut ambientem corticem urgere posset; quare à gallina quandoque corticem aperiri credibile est.

In dissecto pullo die quarta ab ortu, vitelli folliculus hanc servabat figuram *A*, cum ferè ex toto exinanitus brevi ductu *B* in mediam intestini partem hiaret; undè sæpius dubitavi, ab extremis arteriarum finibus oleosam liquefieri materiam, reliquam verò, lentum scilicet humorem, recollectum in folliculi cavitate, velut excrementum in proximum propelli intestinum, cum longè à ventriculo & tenuibus intestinis eructetur.

Hucusque

Fig. 24.

Fig. 25.

Hucusque latentis olim in Cicatrice pulli manifestationem, & ortas ibidem mutationes, quas in tam obscuro & profundo Naturæ penu inquirebam, & subobscurè deprehendebam, in compendium redactas tumultuariè Vobis exaravi. Abstiniui verò ab exponendis reliquis Ovi partibus, cum passim ab aliis recenscantur; hoc unum innuens, sex esse tunicas, quarum binæ sub cortice immediatè locatæ sanguineis vasis non pervaduntur, reliquæ vasa recipiunt, & humores varios, albumen scilicet tenuius & crassius, materiam amnii, in qua natat pullus, & vitellum continent. Successivam etiam humorum mutationem omisi, cum fusè apud alios habeatur. Hoc unum addam, tenuius albumen, Corio contentum, igni appositum interdum evanescere, præcipuè à die decima usque ad pulli exitum. Idem frequenter accidit contento succo in amnio, qui in tenello tamen pullo secundum aliquam sui partem concrevit, in adulto verò, & mox nascituro præcipuè, falsus redditus igne evaporat: Humor pariter in folliculo vitelli coadunatus igne & aere calido concrevit. Ex his itaque interdum dubitavi, humorem, fortum immediatè ambientem, nutritivus quidem commixtas fervare partes, quæ ventriculum patenti oris viâ subingrediantur, & fortasse extremi habitus laxos subintrent meatus; sed luculenter insuper fermentativis succis ditari, qui analogi sint *lymphæ*, cæterisque humoribus à glandulis præcipuè extremi habitus separatis; unde colloquamentum in cicatrice observatum, & à primordiis pulli stamina ambiens, hanc eandem sapere naturam sæpius dubitando cogitavi.

Pro exaratorum faciliiori intelligentiâ, ut mos est, addenda esset Spermaticorum vasorum in *Gallo* delineatio, & præcipuè binarum mammillarum, quæ extra erumpentes, semen fundunt; Gallinæ pariter Ovarii cum ani appendicibus, in quibus glandularum copia exstat. Hos autem differo labores, & alias, Vobis ita consulentibus, ulteriori institutâ indagine exponam.

Quadrupedum, & Viviparorum foetuum perquisitionem, cum potiora otia & regias penè impensas exigat, jam penè despero. Pauca interim hæc observationum adumbrationes in tam grandi opere inconcinnè collectas, solitâ, quâ favetis, humanitate excipite, Sodales doctissimi, & singulorum institutâ discussione, vel novos indicate labores, vel perpetuò feriari jubete. Diu valeatis.

Dabam Bononiæ, Calendis Februarii 1672.

EPISTOLÆ QUÆDAM

Circa hanc de

O V O

DISSERTATIONEM,

Aliâque ex occasione subnata ARGUMENTA,
ultrô citrôque scriptæ.

I.

Clarissimo Viro

D. HENRICO OLDENBURG,

Regiæ Societatis Secretario,

Marcellus Malpighius S. P.

Observationum rude inchoamentum, quod elapsis annis placuit in Incubatis Ovis tentare, hic inclusum recipies; Vir Clarissime. Scio, amplissimam hanc & per difficilem esse provinciam, & jam ferè ex toto occupatam. Quæ mihi tamen in re tam obscura visæ sunt occurrisse, brevibus exarata percurrere ne graveis, & si non omnino indigna reperiis, Regiæ Societati exhibere, cujus censure singula subiecta velim.

Transmissam elapsis mensibus de Plantarum Anatomæ * Epistolam sub censura Virorum Clarissimorum versari, libenter audio, ipsorumque sensum avidè exopto. Eximias interim Tibi gratias ago ob propensam officiorum tuorum erga me affluentiam. Librum † quem in Italiam Te transmissurum indicas, libentissime excipiam. Absit tamen, ut cioni Viro Doctissimo certatim, (quemadmodum innuis) materiam hanc excolere intentem, cum optimè agnoscam, supervacaneos undique conatus meos succedere, ubi vel minime aliorum labor effulsit. Nil quicquam novi apud nos, in lucem jam promittit. Tuis me solari epistolis, Tuique additissimum fovere ne desine. Dabam Bononiæ, Cal. Februarii, 1672.

* Hæc Epistola, non ita dudum ejusdem quæque Societatis judicio permissa, prælo rursus subijciatur, quam priorem ab Illustrissimæ Auctoritatis debita lectionis fuerit illustrata.

† Hæc inveni libris, Anglicè impressis, Tivolis; Nichemæ Givro M. D. l. Sæ. Regiæ Anatomie Vice-regium capta Lond. A. 1671.

E

Cele-

II.

Celeberrimo Viro

D. MARCELLO MALPIGHIO,

Philosopho & Med. Bononiensi.

Henricus Oldenburg Felicitatem.

PRæclaram gratiamque adèò testaris Ingenii juxtà ac Industriae tuæ ubertatem, Vir Celeberrime, ut vix verba suppetant, quibus studiosum Animorum nostrorum in Te affectum, prout par est, explicemus. Vix egregiam tuam de Plantarum Anatomie Diatribam expendamus, quin, ecce! novam & elaboratam de Ovo primisque Pulvis staminibus Dissertationem, ei succenturiatam, acciperemus. Et hanc quoque citra moram Societati Regiæ exhibui; quæ non modò ambabus (ut aiunt) ulnis, sed intimis medullis, eam excepit. Patebat illud ex sociatis Collegarum planis luculentissimi; quos equidem ut quantocius Tibi significarem, confestim jubebar. Adèò doctè, adèò ingeniosè, adèò curatè (nec modèstè minùs) scriptum hoc, ut soles omnia tua, adornasti, ut prælum, quo toti innotescat Onbi philosophico, protinus efflagitare videatur. Nil ibi quicquam, pro eximio candore tuo, meritis aliorum detrahis; quin imo Majorum inventa & labores debitis laudum præconiis accumulās. Tu interim ea prosequeris, quæ indagine ulteriori vestiganda illi reliquere; quo ipso certè genuinum Te Societatis Regiæ alumnū, cordatūque Naturæ mystam præstas; dum scilicet Physicæ locupletissima & longè latèque patentis ponsaria extendere modis omnibus allaboras. Hinc est, Vir Doctissime, quod planè nolimus ut aliorum in iis ipsis, quæ Te occupant, argumentis operæ sociatæ conatus tuos sufflamini. Absit ut vel subeat mentem tuam, supervacancos esse tuos (ut novissimæ tuæ loquebantur) in Plantarum Anatomie perficienda labores, eo scilicet nomine, quod Socius quidam nostras idem excolere argumentum satagat. Ille suâ Methodo & observationibus suis; Tu aliâ tuâ, rursusque Observationis propriis, rem eandem enucleatam atque elucidatam itis; dūmque in præcipuis-consona eruitis, hujus partis Naturæ Cognitionem eò firmiori consistere talo jubetis. Hinc est, quod unanimi suffragio nostra Te poscit Societas, ut quæ Tibi suppetunt alia, quibus jam communicata penitus à Te exponantur, ne ullâ ratione premas aut luci publicæ neges. Scripto illò tuo innumeras, Iconis compluribus, in ipsam rem ducentibus, tua illa de Plantis Observata delineare Te decrevisse. Quamprimum visum Tibi fuerit, Icones illas nobis concedere, operam utique, favente Deo, dabimus, ut omnia illa Typis, quàm fieri poterit, nitidissimis, & summa quamvis impote cura, imprimantur.

Ceterum non rarò id usu venit, dum Viri sagaces rectè philosophandi methodo & rationi insistant, easdem ipsos veritates depromere. Proclive esset, plura hujus rei Exempla inter doctissimos quosdam à Societate nostra

Philo-

*Philosophos, nec non alios, recensere, ni id Epistolæ limites excederet, ni-
que persuasum mihi esse, multa Te similia explorata habere.*

*Agedum igitur, Vir Præstantissime, semitam, quam capisti, gnauiter
& generosè calcare pergas, Spartamque quam nactus es, pro virili exorna-
re. Præter egregia illa de Plantis in penu tuo etiamnum reliqua, patet ex
novissima tua de Ovo Exercitatione, plura adhuc in promptu Te habere de
Animalibus Oviparis Observata, quæ ibidem sub-indicas. Non consuli-
mus tantum, quæ tua vox est, sed planè cohortamur, ut quæ de istis etiam
pro solertia tua indagasti, exponere ne graveris. Inditam adhuc velimus
vocem illam tuam, tantum non desparabundam, quam de Quadrupedum
aliorumque Fœtuum Viviparorum naturæ perquirenda difficultate injicis.
Non distemur quidem, operam ejusmodi ampliora exigere oia impensæque
graviores; at reputabis Tecum, si placet, Viros observandi artem callentes
(quorum Te numero jure accensemus) insigniter posse cum labores tum
sumptus compendificare: Saltem itaque non renues, quibusdam de Argu-
mento illo Observationum speciminibus luculentam aliis facem ad feliciter
capta exequenda, in immortale nominis tui decus, præferre.*

*En Tibi, Vir eximie, nostra de studiis & institutis tuis sensa. Dilem-
ma tuum, quo tuam de Ovo Diatribam claudis, solutum, ni fallor, habes.
Optionem dederas, vel novos ut indicemus labores, vel perpetuè Te feriari
jubiamus. Primum horum, ut ex ante-dictis vides, Nobis sumpsimus; poste-
rius Tibi planè negamus. Vale, Vir Optime, & à Societate Regia, Tui
studiosissimâ, plurimum salve. Dab. Londini, d. 22 Febr. 1672.*

III

Clarissimo Viro

D. HENRICO OLDENBURG,

Societatis Regiæ Secretario,

Marcellus Malpighius S. P.

REGIÆ SOCIETATIS humanitati tuisque officiis ita me ob-
strictum profiteor, ut quibus exponam non occurrat: Desiderium e-
nim meum Naturæ mysteria indagandi, transmissis Dissertationumculis exar-
atum, animo tam hilari recipistis, & ulteriora studiis meis præsidia adeo
parata voluistis, ut ad novos labores alacriter capeffendos exciter. Nec
miror, diversas etiam calcantibus semitas eadem omnino occurrere. Non
leve fuerit solamen, si meditationes meæ & observata, aliorumque labores
& inventa in idem concurrant. Quamobrem Plantarum indaginem inve-
nientis veris beneficio, prout infirma corporis mei feret constitutio, iterum af-
sumam, ut Inventa confirmem, & dubia (si licebit) dilucidiora reddam.
Icones pariter, prout mea fert ruditas, ad faciliorem intelligentiam paratas
servabo;

servabo; ut additis, quæ ad breviorum singulorum historiam faciunt, non admodum dissimilem & transmissa Epistola Anatomicam Plantarum exarationem compaginem, quæ ad Te transmissa, Regiæ Societatis arbitrio luce fruetur.

Ovorum pariter incubatorum Observationes æstivo tempore iterum repetam, ut in re tam obscura minus dubie incedam, & Allantoidis perquisitionem, cujus indicia in pullis Columbinis & Gallinaceis mihi visus sum deprehendisse, ulteriori disquisitione persequi valeam. Reliqua pariter, quæ Galli Spermaticas partes & Gallinarum Uterum respiciunt, si opportuna censebuntur, adauctâ Dissertatione in Historiolam congesta, vestras iterum subibunt manus, ut vel suppressa jaceant, vel sub tanto præsidio vivant.

In detegendis Naturæ Arcanis compendiarium viam non omnibus, & mihi præsertim, opportunam esse censeo; difficilimum namque est, immenso Observationum penu, genuina Naturæ mysteria retexere; facillimum vero, paucis observatis, æquivoca & falsa concludere. Non deero tamen, ea quæ temporum opportunitas meique patietur tenuitas, labore persequi; ut Vobis saltem, quibus propitiâ sorte mei arident conatus, debita servitutis officia perpetuo exhibeam. Valeas, Vir Clarissime, & Sociorum Tuique amorem mihi perpetuare ne desinas. Dab. Bononiæ die quinta Aprilis 1672.

IV.

Celeberrimo Viro

D. MARCELLO MALPIGHIO,

Philosopho & Med. Bononiensi,

Henricus Oldenburg Salutem.

Perplacet Regiæ Societati, Vir Celeberrime, statutum Tibi esse, utramque tuam de Placitis & Ovo Indaginem, ipsi antehac per Epitomen transmissam, hoc tempore verno revolvere, ac si qua inibi obscura supersunt elucidare. Hoc dum præstas, veri Philosophi impleas mensuram, quidque ad genuinam requiratur Naturæ Historiam, solida Physicæ olim subternendam, probe te cognoscere testaris. Recte præterea Te sentire autumem (quod & antehac innui) sæpius contingere, ut Viri rite philosophantes idem planè in rebus Physicis detegant observentque. Quamobrem cordatè agis, quid Nostratum Observationibus, tuismet consonis, non obstantibus, investigationes & labores tuos circa Plantarum juxta ac Ovorum Anatomem urgere jugiter & proferre decrevisi. Tanto firmiora erant, quæ juvenilis hunc in modum ingeniis & operis depromentur; eaque alios, rerum Naturalium studiosos, ad similia certatim audenda, omni dubio procul, fuscitabant.

Nescio,

Nescio, an in oras vestras pervenerit ante hac promissus, nunc verò editus, Regneri de Graaf Tractatus, ut vocatur, Novus, de Mulierum Organis Generationi inservientibus, in quo ostendere conatur Author, Homines ceteraque Animalia omnia; quæ Vivipara passim dicuntur, haud minus quàm Ovipara, ab Ovo originem ducere. Audacter asserit, Ova Quadrupedum è Testibus propulsa, perque Fallopianas Tubas in Uterum dejecta, crebrò semet conspexisse, atque indies idipsum demonstrare se posse affirmat.

Quid hac in re Tu, aliquæ in Italia vestra Anatomici observaveritis, scire per quam avehimus. Vale, & me doctrinæ ac virtutis tuæ Cultorem studiosissimum crede. Dab. Londini, d. 24 April. 1672.

V.

Clarissimo Viro

D. HENRICO OLDENBURG,

Regis Societatis Secretario,

Marcellus Malpighius S. P.

SERò ad nostras appellet oras Clarissimi de Graaf novissimum, quod innu-
is, de Ovis & Utero opus, ob bellicos tumultus, quibus premitur Occasus. Admodum interim probabilem puto tanti Viri positionem: Etenim certum est, in Famineis testibus Ova reperiri; etiam in nuper natis Brutorum Infantibus, & Uteri Tubas eandem omnino conformationem habere, quam superior Ovarii portio possidet: unde eadem via, & ovorum introitus succedit. Memini, me in nobili Muliere ovum in Tuba exiguum observasse; & nuper præ manibus habui muliebris Molæ inchoamentum, quod ovum erat, & exterius mirabili contexturâ pollebat.

Transacto vere post solitas febriculas me rus receperam, ut Observationum tentamina subirem, sed incautum; fingulo namque die bis in Urbem remeare cogor, Viri nobilis ægotantis invovendi causâ. Vale, & Sociorum erga me benevolentiam perpetuam reddere ne desine. Dab. Bononiæ, d. septimâ Junii. 1672.

VI.

Clarissimo Viro

D. HENRICO OLDENBURG,

Societatis Regiæ Secretario,

Marcellus Malpighius S. P.

Sero Mantuanus tabellarius gratissimas tuas literas, Sexto Idus Junii * exaratas, mihi reddidit, Vir Clarissime. Librum, quem Regio vestro Mandatario, apud Venetos agenti, transmissum innuís, necdum ad manus meas devenit. Exercitatuicula de Pullo Editionem, quam profusa Societatis Regiæ humanitas jam parat, remorari non audeo. Licet enim rudem admodum hanc Observationum delineationem primò prompserim, quoniam tamen incomparabili vestræ humanitatis affectu eam ità fovistis & adoptastis, & vestri juris jam facta sit, idèo paternâ quoque in eandem auctoritate gaudere vos æquum est.

Ob graviores curas protraham hucusque Incubatorum Ovorum perquisitionem, jam præ manibus habeo; & quæ antehac innui, prout Instrumentorum meæque mentis rudis acies attingit, confirmata video: Singula tamen Iconibus, minùs forte rudibus, pro virium modulo iterum delineare contendo. Interim sapientissimos socios monitos velim, solliculum illum, in nris, præcipuè primis, figuris delineatum, quo Carinam contineri putabam, vesiculam esse repletam acre, vel saltem per-levi diaphaniquè humore; unde, licet supra pulli carinam cubet, ipsam tamen non omninò velat: Hæc inclinatâ etiam Cicatrice perpetuò summitatem tenere tentat, & quartâ die abdomini hærens valde manifestatur, exinde verò obliteratur. Plexum, omenti instar (de quo dubitabam) Allantoidem esse insuper deprehendi. Completa observatione, si quæ occurrerint scitu digna, communicabo.

Plantarum Iconismi tam citò in promptu esse nequeunt; tali etenim peritia non polleo, ut singula ritè & opportuè meamet manu delineem; nec artifex vel minister præsto est, quem laboris socium efficiam, cum similis artis peritos Micrologiæ tædeat. Huic accedit, ità late dispersam esse Plantarum Anatomen, tamque in abditis jacere, ut laborem improbum longamque exigit patientiam. Reliquum igitur vitæ in hac pertrahenda infusam, & quò citiùs potero, expediam. Regiæ interea Societati æternas debeo gratias ob egregia officia quibus me meque studia fovèrè non desinuit. Diu vivas. Dabam Bononiæ, die secunda Augusti, 1672.

VII. Cele-

VII.

Celeberrimo Viro

D. MARCELLO MALPIGHIO,

Philosopho & Med. Bononiensi,

Henricus Oldenburg Salutem.

MALE profectò me habet, Vir Clarissime, quòd Doctoris Grewi de Vegetabilium Anatome libellus necdum ad manus tuas, quando novissimam ad me Epistolam secundà Augusti datam, scriberes, pervenerat. Vix tamen ullum mihi dubium, quin ex eo tempore Bononiam appulerit, cum summà qua potui curà amicis meis, tum Lutetiæ, tum Lugduni Galliarum, eum ad Te quantocius transmittendum commendaverim.

Ceterum, etiamsi Cetus suos publicos hoc tempore non celebret Regia Societas (mensibus quippe Julii, Augusti, & Septembris, feriari quotannis consuevit) neuiquam tamen Officio meo deesse volui, Epistolæ tuæ summa capita primariis quibusdam Illius Sociiis communicandi, eorumque de argumentis illis, ibidem à Te delibatis, sensa exquirendi.

Vehementer sanè collaudant perennem tuum in Nostras affectum, indefessamque in augenda cognitione physica industriam; imprimis quòd tantà mentis pertinacià (maximo genii verè philosophici decore) Ovi scrutinium exequi, nec non abditam juxtà ac latè patentem Plantarum Anatomem pertrahere statuisti. Facis certè, quod in sempiternum nominis tui, quin imò totius Patriæ tuæ, nec non Societatis Regiæ, cujus partem tam insignem facis, decus, cedere omnino oportet.

Infero hic Iconismorum, quæ ad perdoctam tuam de Formatione Pulli in Ovo Dissertationem pertinent, Tabulam primam; ut videas, non tractari apud nos persuntoriè, quæ Tu de Naturæ Arcanis in Lucem proferis, nobisque communicas. Secundam eorum Tabulam, æri quoque jam incisam, nunc jungerem, nì literarum molem, tabellario committendam vererer. Brevis rem totam, dante Deo, prælum conficiet; nec tum deerit (sic spes est) occasio, aliquot Tibi libelli totius Exemplaria navigio transmittendi. Jungam iis Illustrissimi Boylii de Gemmarum Origine & Viribus Exercitationem, sermone Latino propediem edendum. Statuit idem Nova quædam Experimenta emittere, Accis & Flammæ Cognationem indicantia; quibus brevi, nì fallor, Tractatum submittet, quo Effluviis naturam, amplissimamque eorum in rebus Physicis provinciam explicatam dabit.

Discepiatur jam apud nos, quid veri subsit Novæ juxtà ac Ingeniosæ Clarissimi Newtoni nostri de Luce & Coloribus doctrine, Transactionibus Philosophicis nuper insertæ. Agitavit eam inter alios Objectionibus suis Ignatius Gaston Pardies, Mathematicum in Collegio Claremontano Parisiensi Professor doctissimus; ac eas ab Authore habuit responsiones, quibus

quibus haellenus (is est Viri Ingenui candor!) lubenter acquiescere est visus.

Vellem sanè occasiones dari frequentiores tutiorisque, quàm haellenus, ista & similia, quæ apud nos depromuntur, Physices argumenta ad Te perscribendi. Facerem id certè summa cum lubentia, atque hac ratione tuam erga Nos liberalitatem quadantenus redhostire conarer. Vale, Vir Celeberrime, & affectum tuum Tui studiosissimo conserva. Dabam Londini pridie Calend. Septemb. 1672.

F I N I S.

MS. A. 9. 2. 14. 56132

Tabula I.

De Ovo.

Fig. I.



Fig. II.

Fig. II.



Fig. III.



Fig. IV.



Fig. IV.



Fig. V.




Fig. VII.



Fig. VI.



Fig. VIII.



Fig. VIII.




Fig. IX.




Fig. X.





Fig. XI.



Tabula II.

De Ouo.

Fig. XI.



Fig. XII.



Fig. XIII.




Fig. XIV.



Fig. XV.



Fig. XVI.



Fig. XVII.



Fig. XVIII.




Fig. XIX.





Fig. XX.





Tab. III.

Fig. XVI.

De Ovo.




Fig. XVI.



Fig. XVII.



Fig. XVII.



Fig. XVII.




Fig. XVIII.




Fig. XVIII.




Fig. XIX.



Fig. XIX.




Fig. XIX.




Fig. XX.



Fig. XX.





Tabula IV.

De Ovo.

Fig. XXII.

Fig. XXI.




Fig. XXIII.



Fig. XXIV.

Fig. XXIV.



Fig. XXIV.



Fig. XXV.



